



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9(47.925)

6-40

2 Kupferstein Gießerei

Juni 11. 1884.

Handwritten notes, possibly bleed-through from the reverse side, including the word "Kupferstein" and "Gießerei".

ՀՆՏԻՐ

ՄԱՏԵՆԱԳԻՐՔ

ԵՂԻՇԷ

Ի ՏՊԵՐՆԵՐ
ԳՐԱԳՆԱՆՈՒ ԾՈՂՈՅԵՓՈՅ ԳՐԱԳՆՆԵՐ

Պ. Պօղոս. - Գիւրգիւ. Իսն շարի շարի
Թիւ. 26.



Ի ՀԱՅԲՈՒԹԵՏՈՒԹՅԱՆ

ՏԵԱՌՆ ՏԵԱՌՆ ԳԷՈՐԳԱՅ Գ.

ՎԵՀԱՓԱՌ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

Ի ՊԱՏԲԱՐԳՈՒԹԵԱՆ ԵՐԿՍԱԳԻՄԱՅ

ՏԵԱՌՆ ԵՍԱՅԵԱՅ
ՍՐԲԱԶԱՆ ԱՐՔԵՊԻՍԿՈՊՈՍԻ

ԷՆ.

Ի ՊԱՏԲԱՐԳՈՒԹԵԱՆ Կ. ՊՕԼՍՈՑ

ՏԵԱՌՆ ՄԿՐՏՉԻ
ԽՐԻՄԵԱՆ ԱՐՔԵՊԻՍԿՈՊՈՍԻ

9(97. 825)

Ե-40

ԵՂԻՇԵԻ

ՊԱՏՄՈՒԹԻՒՆ

ՎԱՐԳԱՆԱՆՑ

ԸՍՑ

ԱՆՁԵՒԱՅԵԱՅՆ ՕՐԻՆԱԿԻ

Բ. ՏԳԱԳՐՈՒՄԻՆ



Կ. ՊՕԼԻՍ

ՏՊԱԳՐՈՒԹԻՒՆ Ե. ԳԱՎԱՅԵԱՆ

- 1873 -

Յ Ա Ռ Ա Ջ Ա Բ Ա Ն

998-42

UK

41952-սե



25523-61

2001

Արդեա թուի մեղ . ոչինչ սխալեմք
յասել մեր թէ՛ մին ՚ի նշանակաց մի
անդամոյն և յարդեանց անտի լուսա-
ւորութեան և յառաջագիմութեան
ազգիս է՛ դիւրնկալս և դիւրամա-
տոցս գործել առ ամենեօին զմտոս-
նագրութիւնս մերոց նախնեաց : Եւ
զայս ոչ այլով իւրք մարթ իցէ առ-
նել : Բայց յաճօսիելով զարդարու-
թիւնս նոցա . և զգինան դիւրացու-
ցանելով :

Կարեւորութիւն նախնեացն մտոս-
նագրութեան՝ կրկին է . լեզուական
և պատմական : Ս, յնչպիսի առաւել լե-
ցի տեղեկութիւն մեր . հայերէն լեզ-
ուի և տահմային պատմութեան : սր-
շափ փասն երկոցունց սոցին հմտու-
թեան զբուն աղբիւրան ունիցիմք ՚ի
ձեռին :

Այս խոյ է կէտ նպատակի մերց
'ի նորոգ տպագրութեան աստ Յղէչէաց .
և ակն ունիմք սոյլաւ նպատակ մե-
ջովսանն 'ի կէտ անդր տարածման մա-
տենագրութեան նախնեաց , էթէ ոչ
այլովք հանգամանօք՝ գոնեայ թէթէ-
ւու թեամբ գնոյն :

Օրինակ մեր զորոյ զհետ երթալ
ընտրեցաք 'ի տպագրութեանս՝ մին
է յընտրելագունից որ ցարդ աման
'ի լոս :



ՅՄԻՆԱՅԻՆ

Վ. Ա. Ս. Ն.

Վ. Ա. Ր. Դ. Ա. Ն. Ա. Յ.

և

ՀԱՅՈՑ ՊԱՏԵՐԱԶՄԻՆ

ԴԱԻԹ ԵՐԵՅՈՒ ՄԱՄԻԿՈՆԵԻ ՀԱՅՅԵԱԼ

ԲԱՆՆ զոր պատուիրեցեր՝ ա-
րարի, ովք թաջ. վասն Հայոց պա-
տերազմին հրամայեցեր, յորում
բազումք առաքինացան թան ըզ
սակաւս: Անա նշանադրեցի
յայսմ եւթն յեզանակիս.

Առաջին՝ դժամանակսն.

Երկրորդ՝ զԻրացն դատարնսն
քիշտանէն արեւելից:

Երրորդ՝ զՄիտրանու. թիւն ու. ի-
սին եկեցեցոց:

Չորրորդ՝ զԵրիզաւակու. թիւն ու-
մանց բաժանեցոց ի նմին ու. թիւս:

Հինգերորդ՝ զՅարձակու մն արե-
ւեշեաց :

Վեցերորդ՝ զԸնդգիմանաշն Հա-
յոց դասերացմաւ :

Եւթներորդ՝ զՅերկարու մն լու-
րացն խոռճու թեան :

Յայսմ յեւթն գլուխս կար-
գադրեալ եւ եդեալ ծայրալիբ
պարապմամբ զսկիզբն եւ զմի-
ջոցն եւ զկատարածն, զի հա-
նապազորդ ընթեոնուցուս, լսե-
լով զառաքինեացն զքաջութիւն
եւ դշեստ կայելոցն զլատթա-
րութիւն. ոչ յանձին կարօտու-
թիւն երկրաւոր առատ գիտու-
թեանդ լրման, այլ յայցելու-
թիւն երկնաւոր անտեսութեանն՝
որ մատակարարէ յառաջգիտու-
թեամբ զհատուցմունս երկու-
ցունց կողմանցն, որ երեւելեօքս
զաներեւոյթան գուշակէ :

Այլ դու, ով մեծ ի գիտու-
թեանն Աստուծոյ, առ ինչ ար-
դեւք հրամայեացես, քան եթէ

հրամայիցիս լաւագունացն : Որ-
պէս երեւի ինձ եւ այնոցիկ որ
չեզերեցին յիմաստասիրութիւն՝
երկնաւոր սիրոյ է ի քեզ այս
նշանակ, եւ ոչ երկրաւոր փա-
ռասիրութեան. քանզի եւ ա-
սացին իսկ ոմանք ի քաջ պատ-
մապրացն. « Զուգութիւն է
մայր բարեաց, անզուգութիւն
ճնող չարեաց » :

Որպէս եւ մեր իսկ հայեցեալ
ի սուրբ սէր քոյոյ հրամանիդ՝
ոչ ինչ զանգաղեալ վեհերեցաք
հայելով ի մեր տգլատութիւնս :
Քանզի բազում ինչ է սրբու-
թիւն՝ սատար լինել անօտու-
թեան, որպէս աղօթք՝ գիտու-
թեան, եւ սէր սուրբ՝ միաբան
օգտից :

Զոր եւ մեր ընդ հրամանին
քում ընկալեալ՝ յօժարութեամբ
ձեռնարկեցաք զայս ինչ, որ է
մխիթարութիւն սիրելեաց եւ
յոյս յուսացելոց, քաջալերու-

թիւն քաջաց, կամակարու թեամբ
 յարձակեալ ի վերայ մահուան ,
 առաջոյ տեսանելով զգորազլու-
 խըն յաղթութեան , որ ոչ ու-
 մեք որոնար լինի թշնամու-
 թեամբ , այլ ամենեցուն ուսու-
 ցանէ զիւր անպարտելի զօրու-
 թիւնն : Եւ ահա ս որ կամեսցի՝
 ընդունի իբրեւ զնահատակ ա-
 ռաքինի : Եւ քանզի բազմազի-
 մի է նահատակութեանդ անուն ,
 եւ նա բազմազիմի շնորհս բաշ-
 խեաց ամենեցուն . զոր եւ մեծ
 իսկ քան զամենայն՝ զսէր սուրբ
 յաննենդ մտաց զիտեմք :

Այս պարզութիւն զվերնոյն
 բերէ զնամանութիւն . զոր եւ մեր
 ի քեզ տեսեալ , մտացաք զմեր
 բնութիւնս : Եւ ահա վերաբե-
 ըմբ ընդ քեզ ճախրելով , եւ
 իբրեւ բարձրաթոխս եղեալ՝ զա-
 մենայն փաստակար մրրկածին
 օգուք անցանիցեմք , ծծելով
 փոքր ի շատէ յանապական վե-

րին օդոցն՝ առնուցումք զգի-
 տութիւն ի փրկութիւն անձանց
 եւ ի փառս ամենայաղթ եկե-
 ղեցեոյ : Աւստի եւ բազում սուրբ
 պաշտօնեացքն զուարթութեամբ
 կատարեսցեն զսպաս վիճակին
 իւրեանց , ի փառս հօրն բոլորե-
 ցուն . ուր ընդ նմին սուրբ Նր-
 բորդութիւն ցնծացեալ բերկրի-
 ցի յանորամական յիւրում էութեանն :




Ժամանակքն

Ա. որովհետեւ ընկալաք ըզ
 հրամանս պատուիրանի յաննա-
 խանձ քոյոց բարուց բնու-
 թեանդ, սկսցուք ուստի արժան
 է սկսանել. թէպէտ եւ ոչ յօ-
 ժարիցեմք զթշուստութիւն մե-
 րոյ ազգիս ողբալ: Անա ոչ ըստ
 կամաց արտօսրալիր ողբովք ճա-
 ուագրեմք զբազում հարուածան՝
 յորում պատահեցաք եւ մեք իսկ
 սկանառեսք լինելով:

ՔԱՆՁԻ ի բառնալ ազգին Ար-
 չակունեաց, տիրեցին աշխարհիս
 Հայոց ազգն Սասանայ պարսկի,
 որ վարէր զիւր իշխանութիւնն
 օրինօք մագուցն. եւ բազում
 անդամ մարանչէր ընդ այնոսիկ՝

25523-61

որ ոչ ընդ նովին օրինօքն մտա-
 նէին, սկիզբն արարեալ յամաց
 Արչակայ արքայի որդւոյն Տիրա-
 նայ, եւ կուէր մինչեւ ցամն
 վեցերորդ Արտաշրի արքայի Հա-
 յոց, որդւոյն Վառաշապոյ: Եւ
 իբրեւ զնա եւս մերժեաց ի թա-
 գաւորութենէն, ի նախարարան
 Հայոց անկանէր թագաւորու-
 թիւնն. զի թէպէտ եւ գանձն
 յարքունիս Պարսկաց երթայր,
 սակայն այրուծին Հայոց բովան-
 դակ ի ձեռն նախարարացն առաջ-
 նորդէր ի պատերազմի: Վասն
 որոյ եւ աստուածպաշտութիւ-
 նն բարձրագլուխ կամակարու-
 թեամք երեւելի լինէր յաշխար-
 հին Հայոց, ի սկզբանց տէրու-
 թեանն Շապոյ արքայից արքա-
 յի մինչեւ ցամն երկրորդ Յազ-
 կերտի արքայից արքայի՝ որդ-
 ւոյ Վառմայ, զոր եղիտ սասա-
 նայ իւր գործակից, եւ զամն-
 նայն մթերեալ թայնն թափեաց



ի բայց, եւ ելլից զնա իբրեւ բոլոր
պատկանդարան զեղեալ նե-
տիւք: Եւ սկսաւ եղջիւր ամել
անօրէնութեամբ, զստորանայր,
եւ գոտարով հող հանէր ընդ չորս
կողմանս երկրի, եւ թշնամի եւ
հակասակորդ երեւեցուցանէր
իւր զհաւատացեալքս ի Քրիս-
տոս, եւ նեղեալ տագնապեր
անխաղաղասէր կենօք:

Քանզի յոյժ սիրելի էր նմա
խոտովութիւնս, արիւնհեղութիւնս,
փանս այնորիկ յանձն իւր սա-
բաբերէր, եթէ չմ թափեցից բոլոր
գտնութիւնս թիւնից, կամ մեր
քաջասրեցից զբազմութիւնս նե-
տիցն: Եւ առ յոյժ յիմարութեան
իբրեւ զգազան մի կատաղի յար-
ձակեցաւ ի վերայ աշխարհին
Յունաց. եհար մինչ ի քաղաքն
Մծրին, եւ բազում գաւառս Հո-
ռամաց աւերեաց ստաբատակաւ,
եւ զամենայն եկեղեցիս հրձիգ
արար. կուտեաց զաւար եւ ըզ

գերի, եւ ահաբեկ արար զամե-
նայն զօրս աշխարհին:

Իսկ երանելին Թէոդոս կայսր'
քանզի իսպաղասէր էր ի Քրիս-
տոս, ոչ կամեցաւ երանել ընդ
առաջ պատերազմաւ. այլ այր
մի Անատոլ անունս, որ էր նորա
սպարապետ արեւելից, առաք-
եաց առ նա բազում զանձիւք:
Եւ արք Պարսիկք, որք վախու-
ցեալ էին փանս քրիստոնէու-
թեանս եւ էին ի քաղաքի կայ-
սեր, կալաւ եւ ետ ի ձեռս նո-
րա: Եւ զամենայն զօր ինչ ա-
սայց ի ժամանակին՝ կատարեաց
ըստ կամաց նորա, եւ արգել
զնա ի բազում բարկութենէն,
եւ զարձոյց անդրէն յիւր քա-
ղաքն Տիղրոն: Եւ իբրեւ ետես
անօրէն իշխանն եթէ յաջողե-
ցաւ չարութիւնս նորա, սկսաւ
այլ եւս խորհուրդ յաւելուլ,
իբր որ զի ի հուր բորբոքեալ
յաւելլով բազում նիւթս փայ-

տից : Քանզի ուստի սակաւ մի կասկածոտն էր՝ անտի աներկիւղ հաստատեցաւ . վասն այնորիկ գրգուեցոյց զբազումս ի սուրբ ուխտէն քրիստոնէից . էր՝ զոր բանիւք սպառնալիօք . էր՝ զոր կապանօք եւ տանջանօք . եւ էր զոր շարաշար մահուամբ վախճանէր : Յափշտակութիւն առնէր ընչից եւ արարոց , եւ մեծաւ առնարգանօք տանջէր զամենեւեան : Եւ իբրեւ կտես՝ եթէ վայրատեալ ցրուեցան ի բազում կողմանս , ի խորհուրդ կոչէր ըզպաշտօնեայս ձախակողմանն՝ որք կապեալ էին ի կռապաշտութեանն անլուծանելի հանդուցիւք , վառեալք եւ ջեռեալք իբրեւ զհնոց առ այրել զուխտ սուրբ եկեղեցոյ :

Քանզի էին իսկ այնպիսիքն բնակեալ ի կեանս իւրեանց իբրեւ ի թանձրամած խաւարի , եւ ոգիքն արգելեալք ի մարմնի իր-

րեւ զկենդանի ի գերեզմանի , յորս ամենեւին չծագէ նշոյլ սուրբ լուսոյն Քրիստոսի : Նա եւ արջք օրհասականք ընդ վախճանել շնչոյն հզօրագոյնս կռուին . յորոց խնաստունքն տեղի տուեալ փախչին ի նոցանէ : Այսպիսի ինն եկեալ հասեալ է վախճան տէրութեանն . եթէ հարկանին՝ չզգան , եւ եթէ հարկանեն՝ չխմանան . եւ իբրեւ ոչ դտանի արտաքին թշնամի , ընդ անձինս իւրեանց մարտ եղեալ կռուին : Ի դէպ իսկ ելանէ բան մարգարէին ի վերայ նոցա . « Այր , առաջ , առ քաղցի իւրում չբըջեացի եւ կերիցէ զկէս անձին իւրոյ » : Նման ամին եւ Տէրն ինքնին առ . « Ամենայն տուն եւ թագաւորութիւն՝ որ յանձն իւր բաժանի , ոչ կարէ կալ հաստատուն » :

Արդ զի կոծիս , զի մրցիս , զի այրիս , զի բորբոքիս , զի ոչ չի-

ջանիս . զի կոչես ի խորհուրդ
 դայնտսիկ՝ որոց զողխն՝ ձեր ի
 ձէնջ քաղեալ՝ հանուալ է դանա-
 պականդ յապականութիւն , եւ
 գապականելի մարմնդ գէշա-
 գարչ արարեալ իբրեւ գազիր
 մեռելոտի ի բաց ընկեցեալ : Աս
 պաքէն՝ զայդ կամիս՝ զի ծած-
 կեացի խորհուրդն ամբարշտու-
 թեան . տեսչիր յորժամ յայտ-
 նեացի , ապա գիտացես զելս
 կատարածի դորս :

Ասեն մոգքն . « Արքայ քաջ ,
 աստուածքն հառն քեզ զտե-
 բութիւնդ եւ զյաղթութիւն . եւ
 ոչ ինչ կարօտննորք մարմնա-
 ւոր մեծութեան . բայց ելթէ ի մի
 օրէնս դարձուցանես զամենայն
 ազգս եւ ազխնս՝ որ են ի տէ-
 բութեան քում , յայնժամ եւ
 աշխարհն Յունաց հնազանդեալ
 մտցէ ընդ օրինօք քովք : Արդ
 զքանս զայսոսիկ վաղվադակի
 կատարեա գու , արքայ . զօր

գումարեա եւ գունդ կադմեա ,
 խազս գնա գու յաշխարհն Քու-
 շանաց . եւ զամենայն ազգս ժու-
 դովեա եւ անցո ըստ Պաշլ գունն
 ի ներքս . եւ գու անդէն արա-
 քեզ բնակութիւն : Յորժամ ար-
 գելուս եւ փակես զամենեւեան
 ի հեռաւոր օտարութեան , կա-
 տարին խորհուրդք կամաց քոց .
 եւ որպէս երեւիս մեզ ի գննիս
 մերում՝ տիրես գու եւ երկրին
 Քուշանաց , եւ Յոնք իսկ ոչ ե-
 բանեն ընդ քո իշխանութիւնդ :
 Բայց միայն զազանդ քրիստո-
 նէկց բարձ ի միջոց » :

Հաճոց թուեցաւ խորհուրդն
 թողաւորին եւ մեծամեծացն ,
 որ էին ի նմին բանի . հրովար-
 տակս գրէր , պնդազեապանս
 արձակէր յամենայն տեղիս տէ-
 բութեան իւրոյ : Եւ այս է պատ-
 ձէն հրովարտակին .

« Առ ամենայն ազգս տերու-
 թեան խնց Արեաց եւ անարեաց ,

բազմապի ի ձեզ ողջոյն մար-
դասիրութեան մերոյ . դուք ողջ
լերուք , եւ մեք մեզէն ողջ եմք
դիցն օգնականութեամբ :

« Առանց զձեզ ինչ աշխատ
առնելոյ խաղաղաք զնացաք յեր-
կիրն Յունաց , եւ առանց գործոյ
պատերազմի սիրով մարդասի-
րութեամբ նուաճեցաք զամե-
նայն երկիրն մեզ ի ծառայու-
թիւն : Գուք զբարի զմտաւ ա-
ծէք , եւ անսպառ լերուք յուրա-
խութեան . բայց բան զայս կա-
տարեցէք վաղվազակի , զոր ա-
սեմքս :

« Մեք ի մօտ եզաք անվրէպ
խորհրդով խաղալ զնալ յաշ-
խարհն արեւելից , աստուածոյն
օգնականութեամբ զարձուցա-
նել ի մեզ զտէրութիւնն Քուչա-
նաց . դուք իբրեւ զհրովարտակս
զայս տեսանէք , անխափան վաղ-
վաղակի այրեւծի զումարեցէք
առաջի քան զիս , յանդիման լե-

րուք ինձ յԱպար աշխարհին :

Ըստ այսմ պատճենի հրովար-
տակ եհաս յաշխարհն Հայոց , ի
Վրաց եւ յԱղուանից եւ ի Լրփ-
նաց , ի Ծաւղէից եւ ի Աոր-
դուաց , յԱղձնեաց եւ բազում
այլ տեղեաց հեռաւորաց , որոց
ոչ էին օրէնք երթալ զայն ճա-
նապարհ յառաջ ժամանակաւ :
Գունդ կազմէր ի Հայոց մեծաց
զազատ եւ զազատորդի , եւ յար-
քունի տանէ զոստանիկ մար-
դիկ . ըստ նմին օրինակի ի Վր-
րաց եւ յԱղուանից եւ յաշխար-
հէն Լվինաց , եւ որ այլ եւս ի
կողմանց կողմանց հարաւոյ մերձ
ի սահմանս Տաճկաստանի եւ ի Հո-
սոմոց աշխարհն եւ ի Աորդուաց
եւ ի Գրգացն եւ ի Ծաւղէիցն եւ
յԱրզնարդիւն , որք էին ամենու-
քեան հաւատացեալք ի մի կա-
թողիկէ առաքելական եկեղեցի :

Եւ անմեղութեամբ ոչ գիտա-
ցեալ զերկրիմի միտս թագաւո-

րին՝ խաղացին գնացին յիւրա-
քանչիւր աշխարհաց լրջմտու-
թեամբ եւ անարտուժ ինդու-
թեամբ եւ տիրաաէր խորհր-
գովք, կատարեալ զսպաս զին-
ւորութեան աներկբաց վաստա-
կովք: Բարձին եւս ընդ իւր-
եանս սուրբ կտակարանս բա-
գում պաշտօնէիւք եւ բազմա-
գոյն քահանայիւք: Բայց հրա-
ման առեալ աշխարհի՝ ոչ իր-
բե յակնկալութիւն կենաց, այլ
իրբե ի վճարումն վախճանի.
յանձն առնելով միմեանց զո-
գիս եւ զմարմինս: Զի թէպէտ
եւ խորհուրդ թագաւորին չէր
յայտնեալ նոցա, սակայն կար-
ծիք ի մտի էին ամենեցուն. մա-
նաւանդ իրբեւ բեկեալ տեսին
զգօրութիւնն Յունաց առաջի
նորա՝ յոյժ հարեալ խոցեցան ի
խորհուրդս իւրեանց:

Բայց քանզի պատուիրանա-
պահք էին սուրբ պատուիրա-

նացն Աստուծոյ, հանապազ չի-
չէին զպատուիրեալսն ի Պաւղո-
սէ, եթէ «Մտայք հնազանդ
լերութեանց ձերոց մարմնա-
ւորաց. մի սուտակասպաս եւ
առ աչս աշտուելով, այլ սրտի
մտօք ծառայել իրբեւ Աստու-
ծոյ, եւ մի իրբեւ մարդկան.
քանզի ի Տեառնէ է հատուցումն
վաստակոց ձերոց»: Եւ ամենայ-
նիւ այսու բարեմտութեամբ յու-
ղարկեալք յաշխարհէ եւ յանձն
եղեալք սուրբ Հոգւոյն, յանդի-
ման լինէին փութով կատար-
եալ զհրամանն, եւ զամենայն
պրարեալ ըստ կամաց նորա:
Յոյժ ուրախ լինէր թագաւորն,
իրբ այն եթէ կատարեցան կամք
կարծեաց նորա. եւ ա՛նս առ-
նէր ընդ նոսա զայն ինչ զոր
պաշտօնեայքն ամբարշտութեան
նորա խրատեցին:

Արդ իրբեւ ետես թագաւորն
զամենայն կազմութիւն եւ ըզ-

բարմութիւն զնորի բարբարոսաց, որք սրտի մտօք եկեալ էին ի վաստակ արքունի, ստաւելապէս ուրախ եղև առաջի մեծամեծացն եւ ամենայն բազմութեան զօրաց իւրոց: Ի վերին երեսս թագուցանէր զկամս մտացն իւրոց, եւ ախամայ առաւելապէս պարզեւէր զնոսս: Թաղաց զնաց միանդամայն ի վերայ տէրութեանն Հոնաց աշխարհին, զոր Քուչանս անուանեն, եւ զերկեամ մի կոռեալ ոչ ինչ կարաց աղղել նոցա: Ապա արձակեաց զմարզիկսն յիւրաքանչիւր տեղիս, եւ զայլսն ի նոցա տեղիս փոխանակ առ իւր կոչեաց նովին պատրաստութեամբ: Եւ այսպէս ամ յամէ սովորութիւն կարգեաց, եւ իւր անդէն քաղաք բնակութեան շինեաց. սկսեալ ի Նորորդ ամէ տէրութեանն իւրոյ մինչեւ յամս մետասաներորդ թագաւորութեանն:

Եւ իբրև ետես եթէ հաստատուն կացին Հոռոմք յուխտին իւրեանց զոր եղին ընդ նմա, եւ դադարեցին Խայլուրք եւ լանել ընդ պահակն ձորայ, եւ յամենայն կողմանց խաղաղութեամբ բնակեաց աշխարհ նորա, եւ ի նեղ եւս էարկ զթագաւորն Հոնաց, քանզի աւերեաց զբազում գաւառս նորա, աւետաւորս առաքեաց ընդ ամենայն ասորւչանս աշխարհին իւրոյ. զլուք սպիտակօք եւ գիսաւոր նոխագօք առատացոյց զգոհս կրակի, եւ խիտ առ խիտ թանձրացոյց անդադարութեամբ զպաշտօն պղծութեանն իւրոյ. պսակօք եւ պատուովք մեծարեաց զբազումս ի մոզաց եւ ըզբազմադոցնս ի մոզպետաց: Ետ եւս հրամանս յափշտակել զքրիստոնէից զինչս եւ զստացուածս, որք էին ի մէջ Պարսկաց աշխարհին:

Եւ այսպէս հարտուայսաւ բարձ-
րացաւ ի միտս իւր, ի վեր քան
զմարդկային բնութիւն ընդ վր-
զեալ ապարասանէր, ոչ միայն
Տիրս մարմնական պատերազմա-
ցին, այլ մեծ ոմն զինքն կար-
ծէր քան զբնութիւն հայրենի
կարգին . վասն այնորիկ կեղծա-
ւորութեամբ թագադանէր զին-
քն ըստ կարծեացն, եւ որպէս
երեւէր իմաստունոցն՝ յամեանից
իմ կարգի դնէր զինքն: Եւ յոյժ
էր ցատուցեալ ընդ անունն Քր-
բիստոսի, յորժամ լսէր թէ տան-
ջեցաւ, խաչեցաւ, մեռաւ եւ
թաղեցաւ:

Եւ իբրեւ այսպէս օր ըստ օրէ
ի տոյն միտս ցնորեալ զանդա-
շէր, մի ոմն մանկազոյն ի նա-
խարարացն Հայոց ընդդէմ բանս
եւս եւ ասէ. «Արքայ քաջ, զու-
ռեառի գիտես զայդպիսի բանս
խօսել զՏեռանէ»: Եւ պատաս-
խանի թագաւորն եւ ասէ. «Իմ

իսկ առաջի ընթերցան զգիրս
մորորութեանն ձերոյ:» Եւ պա-
տասխանի անդրէն պատանին
եւ ասէ. «Ընդէր, արքայ, ցառդ
վայր միայն ետուր ընթեռնուլ .
այլ յառաջ եւս մատտ զկարդա-
ցումն, եւ լսեա անդ զյարու-
թիւնն, զյայտնութիւնն առ բա-
ղամն, զվերացումն յերկինս,
զնսախին ընդ աջմէ Հօր, զխոս-
տանն երկրորդ գալստեան՝ ըզ-
հրաչակերտ յարութիւնն անե-
լով բոլորեցունց. զհամառօտ հա-
տուցմունս արդար գատաստա-
նին»: Իբրեւ լուաւ զայս թա-
գաւորն, ի խոր խոցեալ վեր ի
վերոյ ծիծաղեցաւ եւ ասէ. «Ա-
մենայն այդ խաբէութիւն է»: Եւ
պատասխանի զինուորն Քր-
բիստոսի եւ ասէ. «Եթէ հաւա-
տարիմ են քեզ մարմնաւոր չար-
չարանք նորա՝ հաւատարմազոյն
եւս լիցի քեզ երկրորդ ահաւոր
գալուստն նորա»: »

Եւ զայս լսելով թագաւորին՝
բորբոքեցաւ իբրեւ զհուր հնո-
ցին ի Բաբելոնի, մինչ եւ իւրքն
իսկ անդէն զեռ եւս իբրեւ ըզ-
Քաղզէացիան այրեցեալ լինէին:

Յայնժամ զբոլոր բարկութիւն
սրանեղութեանն եհեղ յայրն ե-
րանելի՝ սրում անուռն էր Քարե-
զին: Ասպեալ ոտիւք եւ կա-
պեալ ձեռօք զերկեամ միտուաւ
ի շարշարանս, եւ հանեալ ի բաց
զտէրութիւնն ի նմանէ՝ ընդու-
նէր զվճիռ մահու:



Իրացն պատահողն յիշ-
խաւեկն արեւելից:

ՈՐՈՅ ողիքն թուլացեալ են
յերկնաւոր առաքինութենէն՝
յոյժ ընդ անիւ անկեալ է բնու-
թիւն մարմնոց. յամենայն հոգմոց
շարժի եւ յամենայն բանէ խոռ-
վի, եւ յամենայն իրաց գողաց.
Երազագէտ է այնպիսին ի կեանս
իւրում, եւ յանդիւտ կորուստն
յուզարկի ի մահուան իւրում:
Որպէս եւ ասաց ոմն ի հնոցն՝
մահ ոչ խնացեալ՝ մահ է, մահ ի-
մացեալ՝ անմահութիւն է: Որ
զմահ ոչ գիտէ՝ երկնչի ի մահ-
ուանէ. իսկ որ գիտէ՝ զմահ՝ ոչ
երկնչի ի նմանէ:

Եւ այս ամենայն շարիք մտա-

նեն ի միտս մարդոյ յանուսում
նութենէ : Կոյր զրկի ի ճառագայ-
թից արեղական՝ եւ տգիտու-
թիւն զրկի ի կատարեալ կենաց :
Լաւ է կոյր աչօք քան կոյր մը-
տօք : Որպէս մեծ է հողի քան
զմարմին՝ այսպէս մեծ է տեսա-
ւորութիւն մտաց քան զմարմնոց :

Եթէ ոք կարի առաւելեալ իւր
աշխարհական մեծութեամբ, եւ
մտօքն ազքատագոյն, այնպիսին
ողոր Ռէլի է քան զբաղումս . որ-
պէս եւ տեսանեմք իսկ՝ ոչ միայն
ի չափաւոր մարդիկ՝ այլ եւ յոր
մեծն է քան զամենայն : Թագաւ-
ւոր եթէ ոչ ունի զիմաստու-
թիւն ամոռակից իւր, ոչ կարէ
ի վրձակին իւրում վայելուչ գոյ :
Նսկ եթէ առ մարմնաւորս այս-
պէս, որչափ եւս առաւել առ
հոգեւորսն :

Բոլոր մարմնոյս հողի է կեն-
դանութիւն, իսկ մարմնոյ եւ հոգ-
ւոյ միտք են կառավար . եւ որ-

պէս առ մի մարդ՝ այսպէս առ
բոլոր աշխարհս : Թագաւոր ոչ
զիւր միայն տացէ պարտիս՝ այլ
եւ որոց եղև պատճառք ի կո-
րուստ :

Բայց մեք թէպէտ եւ ոչ ու-
նիմք հրաման բամբասել զիշխա-
նքն, բայց եւ ոչ գովողք կա-
րեմք լինել այնմիկ՝ որ աստուա-
ծամարան լինիցի : Այլ զանցս ի-
րացն պատմեմք որ ի նմանէ ընդ
սուրբ եկեղեցիսն էանց, եւ ոչ
զանդազիմ . ոչ բամբասատէր
մտօք, այլ ճշմարտութեամբ զելս
իրացն ասելով ոչ լռեցից : Ոչ ի
կարծ ընդոստուցեալ եւ ոչ ի
լուր զարթուցեալ . այլ ես ինք-
նին անձամբ անդէն ի տեղոջն
պատահեցի եւ տեսի . եւ լուայ
զձայն բարբառոյ յանդգնաբար
խօսելով . իրբեւ զհողմ աասիկ՝
զի բախիցէ զձով մեծ, այնպէս
չարժէր եւ տատանէր զամենայն
բաղմութիւն զօրացն իւրոց : Եւ

հանդէս առնէր ամենայն ուսմանց, եւ անդաճէր զմոզութիւն եւ գրաւդէութիւն եւ զամենայն ուսմունս աշխարհին իւրոյ: Արկանէր ի ներքս եւ զքրիստոնէութիւն կեղծաւորութեամբ, եւ ասէր զպրացեալ մտօք. « Հարցէք, քննեցէք, տեսէք. թող որ լաւն է ընտրեալ կալցուք »: Եւ փութայր որ ինչ ի մտին էր՝ զի վազվազակի կատարեալի:

Իսկ ի կողմանց կողմանց քրիստոնեայքն որ ի զօրուն էին՝ իմացան զխորհուրդն որ ծածուկ վառեալ բորբոքէր, եւ կամէր հրդեհել զլերինս եւ զգաշտս առ հասարակ: Զեռան եւ նորա անծախական հրովն, եւ սաստկապէս սլատրաստեցան առ փորձութիւն գաղտնի մեքենայիցն:

Սկսան այնուհետեւ բարձր բարբառով, սաղմոսիւք եւ երգովք հոգեւորօք եւ մեծապոյծառ վարդապետութեամբ յայտ

յանդիման մեծի բանակին զպաշտօնն ցուցանել. եւ աներկիւղ առանց զանգիտելոյ՝ ո՛րք եւ երթայր սո՛նտսա ուսուցանէին կամակար: Եւ Տէր յաջողէր նոցանշանօք եւ արուեստիւք. քանզի բազում հիւանդք ընդունէին ըզբժշկութիւն ի հեթանոսական զօրուն:

Իսկ անօրէն իշխանն իբրեւ գլխաց եթէ յայանեցաւ խորամանկութիւն խորհրդոյն, եւ պատրաստեալ հուրն՝ մինչչեւ ուրուք ի նա փչեալ՝ վառումն նորա յայանի իմացաւ երկիւղածացն Աստուծոյ, սկսաւ ծածուկ նեախիւք խոցոտել զմիտս իւրոյ չարութեանն. եւ անբժշկական վէրս յողիս եւ ի մարմինս տեսանէր:

Մերթ շանթէր գալարէր իբրեւ զօձ թունաւոր, մերթ պարզէր գոչէր իբրեւ զառիւծ զայրացեալ. գելոյր եւ տապալէր

երկզբի մտօք . զխորհուրդս կա-
մացն կամէր կատարել : Քանզի
ձեռն արկանել եւ ունել ոչ կա-
րէր , — վասն զի ոչ էին համա-
գունդ ի միում վայրի առ նմա — ,
սկսաւ այնուհետեւ յառաջ կոչել
զկրտսերս յաւաղաց եւ զանարգս
ի պատուականաց եւ զտգէտս ի
զխանոց եւ զանարխս ի քաջ ա-
րանց . եւ զի մի մի թուիցեմ ,
այլ զամենայն արժանաւորսն յե-
տրս տանէր . մինչ եւ զհայր եւ
զորդի քակէր ի միմեանց :

Եւ թէպէտ ընդ ամենայն ազ-
գըս առնէր զանկարգութիւնս
զայս , առաւել ընդ Հայոց աշ-
խարհին մարտնչէր . քանզի տե-
սանէր զնոսա Ջերմադոցնս յաստ-
ուած պաշտութեան . մանաւանդ
որք էին յազգէ նախարարացն
Հայոց , եւ անմեղութեամբ ու-
նէին զտուրք քարոզութիւն ա-
ռաքելոցն եւ զմարդ արէից : Պատ-
րէր զոմանս ի նոցանէ ոսկւով եւ

արծաթով , եւ զբազումս այլով
եւս առատ պարգեւօք . իսկ գո-
մանս ազարակօք եւ մեծամեծ
զեղօք , զոմանս պատուովք եւ
իշխանութեամբք մեծամեծօք :
Եւ այլ եւս մնտաի յոյս ողւոյց
առաջի զնէր . եւ այսպէս հրա-
պուրէր եւ յորդորէր հանապազ .
« Եթէ միայն , առէ , զօրէնս մե-
ղութեան յանձին կալջիք , եւ
զձեր մոլորութիւնդ սրտի մտօք
դարձուցանիցէք ի ճշմարտու-
թիւն երեւելի մերոց զիւցազ-
նական օրինացս , ի մեծութիւ-
նքս եւ յաւազութիւնս հասու-
ցից հաւասար իմոյ սիրելի նա-
խարարացս , նա առաւել եւս
զանցուցից » :

Եւ այսպէս կեղծաւորութեամբք
խոնարհեցուցանէր զինքն առ
ամենեւեան , իսուելով ընդ նոսա
ի պատճառս սիրոյ , զի խորա-
մանկութեամբ որսալ մարթատցէ
զնոսա ըստ առաջին խորհրդա-

կանայն խրատուց : Եւ զայս առ-
նէր սկսեալ ի չորրորդ ամէն մին-
չեւ ի մետառաներորդ ամն իւրոյ
տէրութեան :

Եւ իբրև ետես եթէ ոչինչ
յարդեցաւ ծածուկ հնարագիտու-
թիւնն, այլ ընդդէմքն յաղա-
գոյն գործէին — քանզի տեսա-
նէր զքրիստոնէութիւն՝ որ օր
քան զօր յարդեալ տարածանէր
ընդ ամենայն կողմանս հեռաւոր
ճանապարհին ընդ որ ինքն ան-
ցանէր —, սկսաւ հաշել եւ մա-
շել եւ հառաչելով յողոց հանել :
Յայտնեաց սկսմայ զծածուկ
խորհուրդան . ետ հրաման բարձր
բարբառով եւ ասէ . « Կենայն
աղբ եւ լեղուք՝ որ են ընդ ի-
մով իշխանութեամբ՝ զազարեա-
ցեն յիւրաքանչիւր մուր օրի-
նաց, եւ միայնոյ եկեացեն յեր-
կրպագութիւն արեգական, զոհո
մատուցանելոթի եւ աստուած ան-
ուանելով, եւ սպաս ունելով կը-

րակի . եւ ի վերայ այսր ամենայ-
նի եւ զմոգութեան օրէնս կա-
տարելով, մի ինչ ամենեւին պա-
կաս առնիցեն » :

Չայս ասելով քարոզ կարգայր
ի մեծի կարաւանին, եւ պատ-
ուէր սաստիւ ի վերայ դնէր ա-
մենեցուն . եւ դեսպանս ստիպաւ
արձակէր յամենայն ազգս հեռա-
ւորս, զգոյն պատուէր հրամանի
առ ամենեսեան արկանէր :

Արդ ի սկզբան երկոսասանե-
րորդ ամի թագաւորութեան իւ-
րոյ՝ գունդ գումարէր անհամար
բազմութեամբ, յարձակեալ հա-
սանէր յերկիրն թիտագական :

Չայս տեսեալ թագաւորին Քու-
շանաց՝ ոչ հանդուրժէր ընդ ա-
ռաջ ելանել նորա պատերազմաւ .
այլ խոյս տուեալ ի կողմանս ա-
մուր անապատին, թագստեամբ
ապրէր հանդերձ ամենայն զօրօ-
քըն իւրովք : Իսկ սա ասպատակ
արձակէր դաւառաց, տեղեաց,

վայրաց . առնոյր զբազում բերդս
 եւ զքաղաքս , եւ կուտէր զգե-
 բին , զառ եւ զապուռ եւ զա-
 ւար , ածէր հասուցանէր յերկիր
 իւրոց տէրութեանն : Եւ անդ
 այնուհետեւ յընդունայն եղ-
 եալ ի նոյն խորհուրդս՝ հաստա-
 տէր ի կարծիս մոլորութեանն ,
 ասելով զպաշտօնեայս ամբարը-
 տութեանն : « Զինչ հասուցուք
 մեք աստուածոցն փոխարէնս այս
 մեծի յազթութեանս՝ որ ոչ ոք
 կարաց եղանել ընդդէմ մեր պա-
 տերագմաւ » :

Յայնմ ժամանակի առ հասա-
 րակ մողք եւ քաղեայք բար-
 ձին զձայնս իւրեանց միաբան եւ
 ասեն . « Աստուածքն որ ետուն
 քեզ զտէրութիւն եւ զյազթու-
 թիւն ի վերայ թշնամեաց քոց ,
 ոչինչ կարօտ են խնդրել ի քէն
 յերեւելի պատուականացս , այլ
 զի բարձցես զամենայն ուսմունս
 մոլորութեան մարդկան , եւ ի մի

զարձուացես օրէնս զբաղաշա-
 կան պատուիրանին » :

Հաճոյ թուէր բանն առաջի
 թագաւորին եւ ամենայն մեծա-
 մեծացն , մանաւանդ որ էին ա-
 ռաջակայք օրինացն : Խորհուրդ
 ի մէջ առեալ յազթէր խրատն :

Անդէն ի ներքոյ Պահլ զբանն
 արդելոյր զբազմութիւն այրու-
 ձիոցն Հայոց եւ զՎրաց եւ զԱղ-
 աւանից , եւ զամենեցուն՝ որ էին
 հաւատացեալ ի սուրբ աւետա-
 բանն Քրիստոսի : Եւ հրաման ասա-
 յիւ դո՛ւսապանայն առնէին՝ եթէ
 որ յարեւելս առ մեզ գայցէ՝ թող-
 ցեն . իսկ յարեւելից յարեւմուտս
 անանց լիցի ճանապարհ :

Եւ իբրեւ արգել եւ փակեաց
 գնտա յամուր եւ յանել գառա-
 զիղն , — եւ յիրաւի ստացի ամուր
 եւ անել , քանզի չիք անդ տեղի
 փախստի եւ թագստի , փասն զի
 շուրջանակի թշնամիք են քնա-
 կեալ — յայնմ ժամանակի ձեռն

արկանէր ի նոսա, մեծաւ չար-
չարանօք եւ պէսպէս տանջանօք
վատթարէր զբազումս ի նոցանէ,
եւ ստիպէր ուրանալ զճշմարիտն
Աստուած եւ խոստովանել զերեւ-
ւելի տարերս: Իսկ զօրականքն
առ հասարակ գեղեցիկ խորհր-
դով, քաջապէս զօրութեամբ
միաբան աղաղակէին եւ ասէին.
«Վկայ են մեզ երկինք եւ երկիր,
ոչ երբէք հեղգացեալ եմք յար-
քունի վաստակս, եւ ոչ խառնեալ
վատութիւն ընդ արութիւն քա-
ջութեան. ի զուր եւ անսորմ են
հարուածքս ի վերայ մեր»:

Եւ բազմանայր գոչումն աղա-
ղակի նոցա, մինչեւ ինքն թա-
գաւորն ականատես լինէր իրացն
յանդիմանութեան, եւ անպէ՛ն
վազվազակի երդմամբ հաստատէր
եւ ասէր. «Ոչ թողացուցից ձեզ,
մինչեւ կատարես՞իք զամենայն
կամս հրամանաց իմոց»:

Եւ անա իշխանութիւն առեալ

չարաչար սպառաւորացն, զչորս
զինուորան ի բուն աւագայն մա-
տուցին ի փորձութիւնս տանջա-
նաց: Եւ զառաջեաւ գետեալ
բազում հարուածովք, նովին կա-
պանօք անյուզցին ի տեղիս ար-
գելանին: Իսկ այլոցն խաբէու-
թեամբ առ ժամանակ մի թողու-
թիւն արարեալ, եւ զամենայն
վնասուն սպառճառս արկանէր ըզ-
կապելովքն. եւ զայս առնէր սա-
տանայական խրատուն:

Իսկ յետ երկուտասան աւուր
հրաման տայր ընթրիս զործել ա-
սատութեամբ եւ աւելի քան զա-
ւուրց սովորութիւն. եւ կոչէր
զբազումս ի զինուորական քրիս-
տոնէիցն: Եւ ի ժամ գահու պտու-
րաստութեան զլուրաքանչիւր տե-
ղի չնորճէր նոցա զբազմականին.
Եւ սիրով խոնարհութեամբ խօ-
սէր ընդ նոսա ըստ առաջնում
կարգին, զի թերեւս հաւանեա-
ցին ուտել զմիս զոճեալ՝ զոր ոչ

էր երբէք օրէն ուսել քրիստո-
նէի: Երբեւ ոչ կալան յանձին
ամենեքին, ոչինչ կարի ստիպ-
եաց, այլ հրամայեալ մատու-
ցանել նոցա դատօրական կե-
րակունն, եւ առաւել զինեօքն
յաւելոյր ի աստճարին զխրատու-
թիւն:

Եւ անտի իրբեւ ի դուրս եւ-
լին ի սրահն արքունի, արգելին
զումանս ի նոցանէ ձեռս յետս
կապելով, եւ զխոնջանունան
կնքելով: Եւ զգուշութեամբ պա-
հէին՝ էր որ զերկուս աւուրս,
եւ էր որ զերբս: Բազում եւ
այլ եւս յանարժան հարուածս
չարչարէին, զոր ոչ ընդ գրով
իսկ արժանի համարեցաք ար-
կանել: Եւ զումանս ի նոցանէ ընդ
քարչ վարէին յօտարութիւն յազ-
նուական պատուոցն անարգեալ:

Եւ գունդս գունդս դարձեալ
գումարէին ի նոցանէ յերկիր հե-
ռաստան՝ յամուրս անապատին՝

ի մարտ պատերազմի թշնամեա-
ցըն արքայի. եւ քաղմաց իսկ
անդէն հասանէր վախճան մա-
հու սրով: Եւ զամենեցուն ըզ-
կարգեալ թոշակսն նուազեցու-
ցանէին, եւ քաղցիւ եւ ծարա-
ւով տառապեցօցանէին զնոսա,
եւ ձմերոցի տեղիս զգժնեայ
վայրսն հրամայէին նոցա. եւ ա-
նարգս եւ վատթարս յաջս ամե-
նեցուն զնոսա ցուցանէին:

Եսկ նոքա առ սէրն Քրիստոսի
յոյժ ինդութեամբ ընդունէին
զամենայն չարչարանան՝ վասն
մեծի յուսոյն որ առաջոյ պատ-
րաստեալն կայ պատուիրանա-
պահ համբերողացն: Որչափ չա-
րութիւն զանարգութիւնն բազ-
մայուցանէր, նոքա եւս քան
զեւս զօրանային ի սէրն Քրիս-
տոսի, մանաւանդ զի բազումք
ի նոցանէ զգիրս սուրբս ուսեալ
էին ի մանկութենէ, այնու զան-
ձինս մխիթարէին եւ զընկերան

քաջալերէին, եւ աշխարայ ըզպաշտօնն ունէին եւ բազմացուցանէին :

Վասնորոյ եւ բազումք ի հեթանոսաց' որոց հեշտ եւ ցանկալի ձայնքն թուէին, քաջալերէին զնոսա, եւ ասէին բանս միսիթարութեան, իբրեւ եթէ լաւ իցէ մարդոց մահու չափ ճրգնել' քան յայդպիսի օրինաց ուրանալ :

Բայց սակայն թէպէտ եւ նոքա առ սէրն Քրիստոսի յոյժ գուարթութեամբ խնդային ըստ ներքին մարդոցն, արտաքին տեսիլն կարի ողորմ էր յօտարութեանն : Այնպիսի պատուական զինուորութիւն հասեալ էր ի չարաշուք անարգութիւն, եւ հայրենի ազատութիւնն չարաչար կայր ի ծառայութեան մարդախոշոշ ըննաւորին, որ եւ ըստ հեթանոսաց օրէնս անցանէր արիւնհեղութեամբ եւ ամենեւին

չկարծէր' թէ գուցէ այսր ամենայնի վրէժխնդիր յերկնից :

Նաեւ ոչ դերկրաւոր վատտակաութութիւնք յիշէր. եւ որ մեծն քան զամենայն է ըստ մարմնաւոր կարգի, քանզի գոյնն ոմանք ի նախարարացն Հայոց' սրոյ գեղբարս նորա անուցեալ էր մայրենի կաթամբն իւրեանց, առաւել քան զամենեսեան' զնոսս գատէր :

Եւ յայսր ամենայնի վերայ այլ եւս չարութիւն խորամանկեաց : Զմի ոմն ի հաւատարիմ ծառայոցն իւրոց ի գործ առաքէր յերկիրն Հայոց, որում անունն էր Գենշապուն. որ եկեալ հասեալ հրամանաւ արքունի, գողջոյն բերեալ զմեծ թագաւորին, եւ խաղաղասէր կեղծաւորութեամբ աշխարհադիր ասնելով ամենայն երկիրն Հայոց ի թողութիւն հարկաց եւ ի թեթեւութիւն ծանրութեան այրեւծիոյն : Թէպէտ

եւ ի վերին երեսս կեղծաւորէր, այլ ի ներքոյ խորհուրդք չարագոյն ցուցանէին :

Առաջին, դազատութիւն եկեղեցւոյ արկանէր ի ծառայութիւն:

Երկրորդ, միայնակեաց քրիտոնեայք՝ որ բնակեալ էին ի վանորայս, ընդ նովին աշխարհադրով էարկ :

Երրորդ, զհարկ աշխարհին առաւել ծանրացոյց :

Չորրորդ, զնախարարեանն ըննսարկութեամբ արկ ընդ միմեանս, եւ յամենայն տան արար խռովութիւն :

Եւ զայս ամենայն առնէր՝ զի թերեւս զմիաբանութիւնն քակեացէ, եւ զուխան եկեղեցւոյն ցրուեսցէ, եւ զմիայնակեացսն փախուսցէ, եւ զչինականն վառնեսցէ, եւ առ յոյժ աղքատութեանն՝ ակամայ գիմեսցեն յօրէնս մոզոց :

Եւ եւս չարագոյն հինգերորդն .

Քանզի որ հաղարապետն էր աշխարհին՝ իբրեւ զհայր վերակացու համարեալ էր աշխարհականացն քրիտոնէից . զբզոեաց յարոյց զամբատանութիւն ի վերայ նորա, եւ հանեալ զնա ի գործոյն՝ փոխանակ նորա պարսիկ ամ յաշխարհն, եւ մեւս եւս մոզպեա դատաւոր աշխարհին, զի զեկեղեցւոյ փառս աղաւաղեացին :

Բայց սակայն թէպէտ եւ ամենայն գործքս այս գծնեայ էին, չէ՛ւ էր ուրուք ձեռնարկեալ յայտնի յեկեղեցին . վասն այնորիկ եւ ոչ ոք ընդ գիմացաւ նմա, թէպէտ եւ էր ծանրութիւն հարկացն : Քանզի ուստի արժան էր առնուլ հարիւր զանեկան, նոյնչափ կրկնէին եւ առնուին . սոյնպէս եւ եպիսկոպոսաց եւ երիցանց զնէին, ոչ միայն շինաց՝ այլ եւ աւերակաց : Նա բնաւ մի իսկ կարէ պատմել վասն ծան-

րութեան մտից եւ սակից, բա-
ժից եւ հասից, լերանց եւ դաշ-
տաց եւ մայրեաց: Ոչ ըստ ար-
քունի արժանաւորութեանն առ-
նուին, այլ հինարար յաիշտա-
կելով. մինչեւ ինքեանք իսկ մե-
ծապէս զարմանային՝ թէ ուստի
այս ամենայն պանծ ելանէ՛ զի-
ւորդ շէն կայցէ աշխարհն Հա-
յաստանեաց:

Եւ իբրեւ տեսին՝ թէ այսու ա-
մենայնիւ չկարացաք ձանձրա-
ցուցանել, յայնժամ յայտնապէս
հրաման ետուն մողաց եւ մող-
պեաց նամակ մի գրել ըստ ձա-
խողակի գենին իւրեանց: Եւ է
պատճէն նամակին այս.

* ՄԻՆԻՆԵՐՍԵՆՉ ՎՊՈՐԿ, հրամանա-
տար երան և Աներան, Հայոց մեծաց
ողջն շառ »:

« Գուք գիտասցիք, ամենայն
մարդ՝ որ բնակեալ է ի ներքոյ
երկնի, եւ ոչ ունի զօրէնս գենի
մաղղեղն, նա խուլ է եւ կոյր,

եւ զիւաց Հարամանոյ իարեալ:
« Քանզի մինչչեւ էին երկինք
եւ երկիր, Զրուան մեծն Աստ-
ուած յաշտ առնէր զհազար ամ,
եւ ասէր. « Թերեւս լիցի իմ որ-
դի Որմիզդ անուն, արտոցէ զեր-
կին եւ զերկիր »: Եւ յղացաւ
երկուս յորովայնի. մի վասն յաշտ
առնելոյ՝ եւ զմուսն եւս ի թե-
րեան տուելոյ: Իբրեւ գիտաց,
եթէ երկու են յորովայնի, « Որ
վաղ եկեացէ, ասէ, նմա տաց
զթագաւորութիւնս »:

« Իսկ որ էր ի թերեհաւատու-
թենէն յղացեալ՝ պատասեաց զո-
րովայնն եւ ել ի դուրս Ասէ ցնա
Զրուան. « Ո՞վ ես դու »: Ասէ.
« Որդին քո եմ Որմիզդ »: Ասէ
ցնա Զրուան. « Իմ որդին լու-
սաւոր է եւ անուշահոտ, դու
խաւարային ես եւ Հարասէր »:
Եւ իբրեւ կարի գառնապէս ե-
լաց, ետ ցնա զթագաւորութիւ-
նըն հազար ամ:

«Իբրև ծնաւ զմեւս եւս որդի,
անուանեաց զնա Արմիզդ. եհան
զթագաւորութիւնն յԱրհմէ, եւ
եա զԱրմիզդն, եւ ասէ ցնա .
«Յայժմ ես քեզ յաշտ արարի,
արդ զու ինձ արա» : Եւ Ար-
միզդ արար զերկինս եւ զերկիր .
իսկ Արհմն ընդ գէմ չար գործեաց :

« Եւ այսպէս բաժանին արա-
րածքս . հրեշտակք՝ Արմիզդի են,
իսկ զեւքն Արհմնոյն . եւ ամե-
նայն բարիք որ յերկնից եւ այսր
լինին՝ Արմիզդի են, եւ ամենայն
վնասք որ անտի եւ այսր գոր-
ծին՝ զայն Արհմն արար : Սոյն-
պէս յերկիրս որ ինչ բարի է՝
զայն Արմիզդն արար . եւ որ ոչն
է բարի՝ զայն Արհմն արար . որ-
պէս զմարդ՝ Արմիզդ արար, եւ
զախտս եւ զհիւանդութիւնս եւ
զմահ՝ Արհմն արար : Եւ ամե-
նայն թշուառութիւնք եւ պա-
տահարք որք լինին, եւ պատե-
րազմունք դատնութեան, չարին

մասին արարածք են : Իսկ յաշո-
ղութիւնք եւ անէրութիւնք եւ
փառք եւ պատիւք եւ առողջու-
թիւնք մարմնոց, գեղեցկու-
թիւնք զիմաց եւ ճարտարու-
թիւնք բանից եւ երկայնակե-
ցութիւնք ամաց, այդ ի բար-
ւոյնս ատնուն զպոյսացութիւն .
եւ ամենայն որ ոչ այդպէս է՝ ի
նա չարի մասն խառնեալ է :

« Եւ ամենայն մարդիկ մուրեակ
են որ ասեն՝ եթէ «Զմահ՝ Աստ-
ուած արար, եւ չար եւ բարի
ի նմանէ լինին» : Մանաւանդ
որպէս քրիստոնեայք ասեն՝ թէ
« Աստուած նախանձոտ է . վասն
թզի միոյ ուտելոյ ի ծառոյն՝
Աստուած զմահ արար, եւ զմար-
դըն արկ ընդ այնու պատուհա-
սիւ » : Զայդ պիտի նախանձ եւ
ոչ մարդ առ մարդ ունի, թո՛ղ
թէ Աստուած առ մարդիկ . զի
որ զայս ասէ՝ նա խուլ է եւ կոյր,
եւ ի գիւաց չարամանոյ խաբեար

« Գարձեալ մեւս եւս այլ մնալորութիւն . « Աստուած որ զերկինս եւ զերկիր արար՝ եկն , աւսն , եւ ի կնոջէ ումնննէ ծնաւ՝ որում անուն էր Մարիամ, եւ անն նորա Յովսէփ » . այլ ճշմարտութեամբ՝ Բանթորակայ ուրումն եղեալ նա որդի յանկարգ խառնակութենէ : Եւ զհետ այսպիսի մարդոյ մոլորեալ են բազումք :

« Եթէ աշխարհն Հոռոմոց առ յոյժ յիմարութեան տգիտարար մոլորեալ են եւ զրկեալ ի կատարեալ զենէս մերմէ , յանձանց պայմանն զՎասն իւրեանց . դուք եւս ընդէր զհետ նոյա մոլորութեան ցնորիք : Այլ զոր օրէնս տէրս ձեր ունի՝ զնոյն եւ դուք կալարուք . մանաւանդ զի եւ առաջի Աստուծոյ վասն ձեր համարս ունիմք տալ :

« Մի հաւատայք առաջնորդացն ձերոց՝ զոր նաժրացիազ անուա-

նէք . քանզի յոյժ են խարեբայք , զոր բանիւք ուսուցանեն՝ զորժողք ոչ առնուն յանձն : « Միսուակ , աւսն , ոչ են մեղք » , եւ ինքեանք ուակ ոչ կամին . « Կին աննել արժան է » , բայց ինքեանք եւ հայել ի նա ոչ կամին . « Կարասի որ ժողովէ , աւսն , մեղք են յոյժ » , բայց զադքատութիւն առաւել քան զ յոյժ գովեն : Յարգեն զթշուաութիւն , եւ պարսաւեն զյաջողութեամս . ծաղր առնեն զանուն բախտի , եւ զհառաւորութիւն յոյժ այսպանն . սիրեն զանչրութիւն հանդերձից , եւ յարգեն զանարգս քան զպատուականս . գովեն զմահ՝ եւ պարսաւեն ըզկեանս . անարդեն զծնունդս մարդոց , եւ գովեն զանորդութիւն : Եւ եթէ լտէք զոցա եւ ի կանայս ոչ մերձեանայք , աշխարհիդ վախճան վաղվաղակի հասանի :

«Այլ ես ոչ կամեցայ դամե-
նայն ըստ մասանց ընդ զբոլոր
կանեղ առ ձեզ . զի բազում այլ
ինչ է զոր խօսին դռքա :

«Որ չարագոյնն եւս է քան զոր
զրեցաքդ , զԱստուած ի խաչ ե-
լեալ ի մարդկանէ քարոզեն , եւ
զնոյն մեռեալ եւ թաղեալ , եւ ա-
պա յարուցեալ եւ վերացեալ յեր-
կինս : Ո՛չ ահա ձեզէն իսկ արժան
էր անդէն դատաստան առնել
վասն այդպիսի անարժան ուս-
մանց : Դեւք որ չարք են՝ ոչ
ըմբռնին եւ ասնջին ի մարդկա-
նէ , թո՛ղ թէ Աստուած արարիչ
ամենայն արարածոց . զոր ձեզ
ամօթ է ասել , եւ մեզ կարի
անհաւատալի բանք :

«Արդ երկու իրք կան առաջի
ձեր . կամ արարէք բան առ բան
նամակիս պտտասխանի , եւ կամ
արիք ի Գուռն եկայք , եւ յանդի-
ման լերուք մեծի հրապարա-
կին » :

ԱՆՈՒԱՆՔ ԵՊԻՍԿՈՊՈՍՍՅՆ

Որդ պարասխանեցնն նահապետն .

ՅՈՎՍԵՓ ԿԱԿԻՍԿ . Այրարատայ .
ՍԱՀԱԿ ԿԱԿԻՍԿՈՎՈՍ Տարօնոյ .
ՄԵԼԻՏԵՂ ԿԱԿԻՍԿ . Մանազկերտոյ .
ԵԶՆԻԿ ԿԱԿԻՍԿ . Բագրեւանդայ .
ՍՈՒՐՄԱԿ ԿԱԿԻՍԿ . Բզնունեաց .
ՏԱՀԱՏ ԿԱԿԻՍԿՈՎՈՍ Տայոց .
ԹԱԹԻԿ ԿԱԿԻՍԿՈՎՈՍ Բասենոյ .
ՔԱՍՈՒՆ ԿԱԿԻՍ . Տուրուբերանոյ .
ԵՐԵՄԻԱ ԿԱԿԻՍ . Մարդաստանի .
ԵԻԼԱԼԻ ԿԱԿԻՍ . Մարդոյ աղւոյ .
ԱՆԱՆԻԱ ԿԱԿԻՍԿՈՎՈՍ Սիւնեաց .
ՄՈՒՇԷՂ ԿԱԿԻՍԿ . Արծրունեաց .
ՍԱՀԱԿ ԿԱԿԻՍԿ . Ռջտունեաց .
ԲԱՍԻԼ ԿԱԿԻՍԿՈՎՈՍ Մոկաց .
ԳԱԳԻ ԿԱԿԻՍԿՈՎՈՍ Վանանդայ .
ԵՂԻՇԷՂ ԿԱԿԻՍԿ . Ամատունեաց .
ԵՂԲՍՅՐ ԿԱԿԻՍԿ . Անձեւացեաց .
ԵՐԵՄԻԱ ԿԱԿԻՍԿ . Ապահունեաց :

Այս ամենայն կալիսկոպոսք եւ
բազում քորեպիսկոպոսք եւ պա-
տուական երիցունք ի տեղեաց

տեղեաց հանդերձ սուրբ ուխտիւ եկեղեցւոյ՝ միաբանք եւ միահաւանք, միահամուռ ժողովեալք ի թագաւորանխատ քաղաքն յԱրտաշատ, հաւանութեամբ մեծամեծ նախարարացն եւ ամենայն բազմութեամբ աշխարհին արարին նամակին պատասխանի :

ՅՈՎՍԷՓ ԵՊԻՍԿՈՊՈՍ

« Հանդերձ ամենայն միաբանելովք ի մեծամեծաց մինչեւ ցփորունս, Միհրնեբեհի մեծի հաղարապետից Արեաց եւ Անարեաց՝ բազում խաղաղաւոր մտօք բազմացի սոջոյն առքեզ եւ ամենայն մեծի սպահեց Արեաց :

« Ի նախնեաց ունիմք սովորութիւնս աստուածատուր պատուիրանսու աղօթս առնել ի վերայ կենաց թագաւորի, եւ անձանձրոյթ խնդրել յաստուծոյ վասն երկայն ժամանակաց դուրս, զի խաղաղութեամբ փարեացէ զտիեզերական իշխանութիւնս :

նքզ զոր աւանդեալ է դմա յԱստուծոյ. զի ի դորա յերկար խաղաղութեանն եւ մեք առողջութեամբ եւ աստուածապաշտութեամբ կատարեացուք զկենանս մեր :

« Վասն նամակին որքո ի մեր աշխարհս սուեալ էր, յառաջ ժամանակաւ մի ոմն ի մոզպետաց, որ կատարելագոյն էր ի գենիդ ձերում, եւ դուք առաւել քան զբնութիւն մարդկան ի վեր համարէիք գնա, հաւատաց նա յԱստուած կենդանի յարարիչն երկնի եւ երկրի, եւ բանս առ բան ելոյժ եւ խնայոց ձեզ զօրէնս ձեր : Եւ իբրեւ ոչ կարացին բանիւ զգէժ ունել նորա, քարկոծեալ մեռա յՅրմզգէ արքայէ : Եւ եթէ հաւատարիմ համարիցիս զմեր բանս լսել, ի բազում տեղիս այդր աշխարհից ձերոյ դատնին զիրք նորա, ընթերցիր, այտի տեղեկանաս :

« Այլ վասն օրինացս մերոց , ոչ ինչ աներեւոյթ են , եւ ոչ յանկեանս ուրեք աշխարհի քարոզի , այլ համատարած ընդ ամենայն երկիր , ընդ ծով եւ ընդ ցամաք եւ ընդ կղզիս . ոչ միայն ընդ արեւմուտս , այլ եւ ընդ արեւելս , այլ եւ ընդ հիւսիս եւ ընդ հարաւ եւ ի միջոցս լի է հոծութեամբ : Աչ ի մարդ ապաստան՝ եթէ վերակացուաւ տարածեսցի ընդ աշխարհս . այլ ինքն յինքենէ ունի զհաստատութիւն : Աչ առ այլովք վատթարօքն վեհերեւի , այլ ի վերուստ յերկնուստ ունի դանսուտ օրէնսդրութիւնն ոչ միջնորդաւ , զի մի է Աստուած , եւ չիք այլ ոք բաց ի նմանէ , ոչ երիցադոյն եւ ոչ կրտսերադոյն :

« Աչ սկիզբն առեալ յումեքէ լինել Աստուած , այլ ինքն ինքեամբ մշտնջենաւոր , ոչ ի տեղւոջ ուրեք , այլ ինքն ինքեանս տեղի . ոչ ի ժամանակի իմիք ,

այլ ժամանակք ի նմանէ գոյացան . ոչ միայն քան զերկինս երիցադոյն , այլ եւ քան զկարծիս մտաց մարդկան եւ հրեշտակաց : Աչ ձեւանայ ի տեսիլ տարերեղէն , եւ ոչ անկանի ընդ տեսեամբ ական . եւ ոչ միայն ձեռին չզննի , այլ եւ ոչ ընդ միտս ուրուք հարկանի , ոչ միայն ընդ մարմնականացս՝ այլ եւ ընդ անմարմին հրեշտակացն . բայց եթէ ինքն կամի , իւրոց արժանաւորացն մտաց իմանի , այլ ոչ աչաց տեսանի , եւ մտաց՝ ոչ երկրաւորացս , այլ որ յԱստուած են հաւատացեալ ճշմարտիւ :

« Եւ անուանորա Արարիչ երկնի եւ երկրի . իսկ յառաջ քան զերկինս եւ զերկիր , որպէս ինքնագոյ՝ ինքնանուուն է՝ ինքն անժամանակ է , իսկ արարածոցս յորժամ կամեցաւ՝ սկիզբն արար լինելոյ , ոչ յընչէ՝ այլ յոչընչէ՝ զի ինչ՝ նա միայն է , եւ այլս

ամենայն ի նմանէ ընչացաւ : Ոչ եթէ իբրեւ յետոյ իմացաւ եւ արար, այլ մինչչեւ արարեալ էր նորա՝ ի կանուխ գիտութեանն իւրում տեսանէր զարարածս . որպէս եւ այժմ մինչչեւ է գործեալ մարդոյ բարի ինչ կամ չար, Աստուծոյ յայտնի է անդորձք մարդկան : Սոյնպէս եւ յայնժամ մինչչեւ էր, ոչ խառն ի խուռն ինչ ճանաչէր զանեղոն, այլ կարգեալ եւ յարեաբեալ կային առաջի նորա իւրաքանչիւր մասնցն տեսակք . իսկ մարդկան եւ հրեշտակաց՝ եւ տեսակքն եւ որ ի տեսակին լինելոց էին :

« Եւ քանզի արարող զօրութիւն է, ոչ կարէր խափանել զնորա բարեբարութիւնն՝ մեր չարութիւնս . որպէս եւ եղև իսկ, եւ ունիմք դատաւոր զաջն արարչին : Առք, որ զերկինս եւ զերկիր հաստատեցին՝ նոյն եւ տախտակս քարեղէնս փորագրեա

ցին եւ կառուց մեղ զպրութիւն՝ որ ունի զօրէնս խաղաղականս եւ փրկականս . զի գիտացուք զմի Աստուած արարիչ երեւելեաց եւ աներեւութից . ոչ այլ եւ այլ, իբր թէ ոմն բարի եւ ոմն չար, այլ մի եւ նոյն հասմակ բարի :

« Եացյ եթէ թուրցի քեղ չար ինչ գոյ յարարածս Աստուծոյ, ասա համարձակ, զի թերեւս ուսցիս զճշմարտան բարի : Զդեւս չար ասացեր . դոն եւ դեք բարի՝ զոր եւ դեք եւ մեք շքեշտակս անուանեաք . եթէ կամին՝ եւ դեք բարի լինին, եւ եթէ կամին՝ եւ հրեշտակք չար լինին : Այդ եւ ի մարդիկ երեւի, եւ անաւել ի միոց հօր որդիս . է որ հնազանդ եւ հպատակ է հօրն, եւ է որ չարադոյն քան դատասայ : Եւ եւ ինքն իսկ մարդն առանձին յերկուս բաժանեալ տեսանի, երբեմն չար՝ եւ երբեմն

բարի . եւ որ բարին էր՝ նոյն եւ
չարացաւ , դէպ եղև զի դար-
ձեալ անդրէն ի բարին չըջեցաւ ,
եւ բնութիւն մի է :

« Բայց այն որ ասեսն , եթէ
վասն թողոյ միոյ մահ արար Աստ-
ուած , վատթարագոյն է պատառ
մի մաղաղաթ քան զթուղ . ապա
եթէ բան թաղաւորին նկարի ի
նմա՝ ո պատառէ զնա՝ մահու ըն-
դունի զպատուհան : Իսկ արդ
չար արժան է ասել թաղաւո-
րին . քան , ես ոչ ասեմ , այլ
խրատ ի գործ արկեալ եւ զայլս
ուսուցանեմ : Յայնժամ էր Աստ-
ուած նախանձոտ՝ թէ չէր պատ-
ուիրեալ չուտել ի ծառոյ անտի .
ապա եթէ յառաջագոյն զգուշա-
ցաւ , զգութ բնական սիրոյն իւ-
րոյ յայտնեաց ի նմա : Իսկ ար-
համարնելով մարդ՝ ընկալաւ ըզ-
պատիժս մահուն :

« Բայց այն զոր ստացեր՝ եթէ
Աստուած ի կնոջէ ծնաւ , յայդմ

չէր արժան քեզ խորշել եւ փախ-
չել . զի ահաւասիկ Արնմն եւ Որ-
միրզ ի հօրէ ծնան եւ ոչ ի մօրէ .
որում եթէ քաջ միտ դնես , եւ
ոչ դու յանձն առնուս : Եւ մեզ
եւս այլ ծանրագոյն քան զայդ ,
Միհր սասուած ի կնոջէ ծնաւ ,
եթէ ոք ընդ իւրում ծնողին
անկցի :

« Այլ սակաւիկ մի եթէ ի բաց
թողացուցանէիր զփքումն տէ-
րութեանդ , եւ ընկերաբար դա-
շեր ի պաշքար , գիտեմ զի իրբեւ
այլովք ամենայնիւ յոյժ իմաս-
տուն ես , եւ վասն ծննդեան
Տեառն մերոյ ի սուրբ Կուսէն՝
ոչ առելարանութիւն համարէիր ,
այլ առաւել քան զարարչութիւ-
նըն յոչնչէ զաշխարհս՝ մեծագոյն
զվերջին վրկու թիւնն իմանայիր ,
ազատութեան մարդոյն զյան-
ցաւորութիւնն դնէիր , եւ բա-
րերարութեանն Աստուծոյ՝ զա-
զատութիւնն ի ծառայութենէ :

«Քանզի յորժամ լսես եթէ յոչնչէ արար Աստուած զամենայն աշխարհս, բանիւ ծնունդ խնամջիր զարարածս : Իսկ քանզի Աստուած որ զայս մեծ մարմինս առանց չարչարանաց ծնաւ, ապաքէն իբրև գնայր դուք ունի ընդ սմա : Զի որ ինքն անապական է՝ եւ զարարածս առանց ապականութեան ծնաւ . իսկ սա կամօք զլորեալ ապականեցաւ, եւ անձամբ եւս ոչ կարեր կանգնել կալ ի վերայ ուտից : Ասան զի էր ի հողոյ, անձամբ անձին արարեալ՝ անդրէն ի նոյն բնութիւն զարձաւ . եւ իբրև ոչ եթէ յօտար զօրութեանէ չարի ինչ ընկալաւ ուրուք զգատիժս պատուհասին, այլ ի յիւրմէ հեղդութեանէն չլսել բարերար պատուիրանին, խրատեցաւ ծառայական մասնն մահուամբ զոր կրեաց յանձն իւր :

«Արդ եթէ զմահ չար աստ-

ուամն արար, զինչ գոյացութիւն երևի մահու ի միջի . եւ ոչ ինչ : — Բայց զբարի Աստուծոյ զարարածն խանգարեաց : Եթէ այդ այդպէս է՝ նմա եւ բարի իսկ ասել ոչ մարթի, այլ կիսագործ ապականացու : Եւ որոյ աստուծոյ արարածքն ապականելիք են եւ եղծանելիք՝ նմա անեղծ Աստուած չմարթի ասել : Տի օն անդր թողէք զխմարութեան բարբանջմունսդ :

«Միոյ աշխարհի երկու գեհապետք ոչ լինին, եւ ոչ միոյ աբարածոյ երկու աստուածք : Եթէ ժպրհեցին եւ լինիցին երկու թագաւորք միոյ աշխարհի, աշխարհն եղծանի եւ թագաւորութիւնքն խանգարին :

«Աշխարհս նիւթեղէն է, եւ նիւթքս որիչ որիչ են եւ ընդ միմեանս հակառակ . մի է արարիչ հակառակորդացս՝ որ ամէ զսոսա ի սիրելութիւն հաւանու-

Թեամբ . որպէս մալեալ կակզէ
զՋերմութիւն հրոյն՝ օդոյս հո-
վութեամբ , եւ գապարունն բըր-
տութիւն օդոյն՝ հրոյն եռանդ-
մամբ . սոյնպէս եւ զմանրամաղ
փոշխացեալ հողս՝ ջրոյն խոնա-
ւութեամբ զանգանէ , իսկ զ'ի
վայր ծորելի բնութիւն ջրոյն՝
սալաշատակ տրամացուցեալ հո-
ղոյն կախմամբ :

« Զի եթէ միաբանէին տարեր-
քըս , գուցէ ոք ի կարճամտաց
եւ Աստուած անապակիան զտ-
տա կարծէր , եւ թողեալ զարա-
բիչն՝ արարածոյս զերկրպագու-
թիւն մատուցանէր . վասն այ-
նորիկ որ արար զսա՝ զգուշա-
ցաւ յառաջադոյն , զի հայեցեալ
մարդիկ ի յանդիմանութիւն ա-
պակիանացու տարերացս՝ անա-
պակիան միայն զկառավար սորա
խմացին , զմի եւ ոչ զերկուս .
զնոյն արարիչ չորեքիկննրութոյս՝
յորմէ ամենայնքս ծննդագործին

հրամանաւ արարողին իւրեանց :
« Եւ չբջաղ այութեամբք չսրեք
յեղանակք կատարեալ գործեն
զտարեւոր սպասաւորութիւնն .
եւ չորեքեան հային կամաց ակն-
արկելոյ արարչին իւրեանց , եւ
անպայտութեամբ լծեալ են ի
գործ հարկաւորութեանն , չյա-
փշտակելով զկարգ պատուոյն ի
միմեանց :

« Եւ ահա պարզարան լուսա-
ւորութիւն զԵրատար՝ ի յական-
ջըս ամենեցուն :

« Զի այն որ հուրն է՝ գոյա-
ցութեամբ եւ զօրութեամբ
խառնեալ է յերկան եւս մասու-
նըս . իբրեւ զի գտանի ջերմու-
թիւնն յուրազոյն ի քարինս եւ
յերկաթս , եւ սակաւագոյն ի
յօդ եւ ի ջուր , եւ ինքն առան-
ձին ուրեք ոչ երեւի : Իսկ ջրոյ
բնութիւն գոյ առանձինն , գոյ
եւ ի խառնուածն երկոց եւս մա-
սանց , յուրազոյն ի հողարոյսս

Եւ սակաւագոյն ի յօդ եւ ի հուր :
Իսկ օդն թափանցանց է ընդ
հուրն եւ ընդ ջուր , եւ ի ձեռն
ջրոյն ընդ կերակուրս անեցա-
կանս :

« Եւ այսպէս խառնեալ են
տարերքս այս , եւ գոյացեալ իւր-
րեւ զմի մարմին , եւ ոչ կորուս-
եալ զիւրաքանչիւր բնութիւնս ,
եւ ոչ երբէք զկայան առեալ
հակառակութեամբ , հայելով ի
մի իշխանն յանխառնն՝ որ ըզ-
խառնուածն յարմարեալ կազմէ
առ ի բնակութիւն կենդանեաց
ամենեցուն , եւ սեւեռութիւն
յարակայութեան բոլոր աշխար-
հիս :

« Իսկ եթէ առ անգան աշխար-
հրս այսպէս հոգ տանի Աստուած ,
սրչափ եւս առաւել առ բանա-
ւոր աշխարհս՝ մարդն :

« Զոր եւ ձեր ոմն քաջ յիւ-
մասանոցն սասայ , եթէ Միհրն
աստուած մայրամին էր ի մարդ-

կանէ , եւ թագաւոր աստուա-
ծագաւակ է , եւ համհարզ քաջ
եւ թներորդաց աստուածոց : Եւ
եթէ հաւատալ արժան է առա-
պելարանութեանդ — զոր դուք
եւ գործովք իսկ կատարեալ ցու-
ցանէք ի զենիդ ձերում — մեք
ոչ եւս առապելացն հաւա-
տամք , այլ աշակերտք եմք մե-
ծին Մովսիսի մարգարէին՝ ընդ
որում Աստուած խօսեցաւ ի մո-
րենուցն եւ ի Սինէ , եւ զէմ
յանդիման օրէնս զրեաց եւ ետ
ցնա . եւ ծանոց զնութեղէն աշ-
խարհն իբրեւ զարարածս , եւ
զիւր աննութ էութիւնն՝ արա-
բիչ նութոցս յոչնչէ . եւ զեր-
կիրս երկրաւորօքս եւ զերկինս
երկնաւորօք եցոյց նմա զի գործք
ձեռաց նորս են : Բնակիչք երկ-
նի՝ հրեշտակք , եւ բնակիչք երկ-
րի՝ մարդիկ . բանաւոր՝ մարդ եւ
հրեշտակ միայն , եւ Աստուած
ի վեր քան զերկինս եւ զերկիր :

« Եւ ամենայն արարածք անբանութեամբ կատարեն զհրամանս պատուիրանի նորա, եւ ոչ երբէք անցանեն ըստ եղեալ սահմանն իւրեանց. բայց մարդ եւ հրեշտակ ազատ թողեալ ի կամս անձին, քանզի մտաորք են, եթէ կայցեն ի հրամանի նորա, անմահք են եւ որդիք Աստուծոյ: Զբոլոր արարածս տուեալ է ի ծառայութիւն, զերկիրս՝ մարդկան, եւ զերկիրնս՝ հրեշտակաց. ապա եթէ ստունգանիցեն եւ անցանիցեն զպատուիրանաւ, զընդդէմն գործեսցեն Աստուծոյ, յիւրաքանչիւր պատուոցն զանարգանս ընկալցին. զի երեւեսցի տէրութիւնն անբամբաս, եւ յանցաւորք յանցանացն ամօթալից: »

« Եւսկ եթէ դու ի տգիտութեան զրիպեալ իցես, ես որ հաստատունս գիտեմ՝ ոչ կարեմ գալ զկնի քո մոլորութեանդ: Եթէ

աշակերտիմ անուսումնութեանդ՝ երկոքինս յանգիւտ կորուստն մասնիմք, թերեւս ես չարագոյն քան գրեզ, քանզի վրկայ ունիմ ինձ զինքնասաց ձայն Աստուծոյ « Տառայ, ասէ, որ ոչ գիտէ զկամս տեսն իւրոյ, եւ արժանի գանի ինչ գործ գործէ՝ ըմպել ըմպէ դան, այլ սակաւագոյն. իսկ որ տեղեկագոյն է կամաց թագաւորին, եւ յանցանէ ինչ առաջի նորա, առանց բարեխօսի բազմապատիկ տանջի: »

« Արդ աղաչեմ զքեզ եւ զամենեւեան որ ընդ քոյով իշխանութեամբ են, մի գու ընդ իս բազմապատիկ տանջիր, եւ ոչ ես ընդ քեզ սակաւագոյն, այլ ես եւ դու եւ ամենայն բազմութիւնդ հանդերձ արի թագաւորաւդ այնպէս աշակերտեսցուք աստուածային դրոց՝ զի ի տանջանացն ապրեսցուք, եւ զգծու

խրա առ ոսն կոխեացուք, եւ յանշէջ հրոյն զերծանիցիւք, եւ զարքայութիւնն ժառանգիցեալք, եւ անցաւոր կենօք զանանց մեծութիւնն անլախճան ունիցիւք:

«Քացց յորմէ զուղ զարհուրեալ ես՝ զիւրահաւան լիւր, եւ վաղվաղակի աշակերտիս ճշմարտութեանն:

«Ոնն ի հրեշտակաց յանմահիցքն զնդէն ստամբակեալ ի բաց զնաց յերկնից, եւ ի մեր աշխարհըս եկեալ՝ պատիր բանիւք եւ սուտ խոստմամբ զանկենելի յոյսն առաջի զնէր՝ իբրեւ աղայ մանկան՝ անխորձ եւ անկիրթ նորաթեք մարդոյն, ի վեր հայեցուցանելով զմիտս նորա, ուտել ի պաղոյ ծառոյն — յոր հուպն չը հրամայեաց երթալ — զի լիցի Աստուած: Իսկ նորա մոռացեալ զպատուիրանն Աստուծոյ, խաբեցաւ զկնի մոլար խաբէութեանըն, կորոյս զոր ունէր զիստս

անմահութեանն, եւ չենաս երազայոյս կարծեացն: Վասն որոյ եւ մերժեալ ի կենաց տեղւոյն, ընկեցաւ յապականելի աշխարհս՝ յորում եւ զուք էք բնակեալ այժմ, եւ ցնորեալ մուրիւք զկնի նորին խրատուի. ոչ եւս ուտելով ի պատուիրեալ ծառոյն, այլ զարարածս աստուած ասելով, եւ անխօս տաբերցս երկիր պաղանելով, եւ անորովայն զիւաց կերակուր մատուցանելով, եւ յարարէն բոլորեցունց ի բաց մերժելով:

«Ոչ յազի չար խրատուուն, այլ կամի զի քան զինքն չարագոյնս արասցէ: Քանզի զեւքն ոչ եթէ բռնաբար վարեն զոք ի կորուստ, այլ զմեզս քաղցրացուցանեն ի կամս մարդոյն, եւ սղոքանօք սրսան զանուամունս ի խաբէութիւն, որպէս բաղում մարդիկ զընկերս իւրեանց ի գողութիւն եւ յաւաղակութիւն:

Իբր ոչ եթէ բռնի ինչ վարելով, այլ պատիր խարէութեամբ տան գործել բազում չարիս, զոմանս ի կախարդութիւն, եւ զոմանս ի պոռնկութիւն, եւ զոմանս յանթիւ ի բազում յայլ իրս աղտեղութեան: Եւ արդար դատաւորօք վրէժ առնուն մահու չափ, իբր ոչ եթէ բարի Աստուծոյ դատաւորք իցեն բարեգործ, եւ չարին չարագործ. զի բազում անգամ է զի ի բարի մարդկանէ չարք լինին, եւ յետոյ ի չարագունից անտի կատարելագոյն բարիք:

« Եւ դատաւորք ստոյգ՝ որք դատին գչարագործս, ոչ եթէ չարք անուանին եւ չարչարիչք, այլ յոյժ բարիք եւ բարեգործք. եւ բնութիւն մի է, եւ ոչ երկու. իսկ ի միոջէ անտի գործք երկուութեան երեւին. ոմանց սատակիչք, եւ ոմանց պարգեւատուք: Եւ եթէ առ մարդիկ

այս պաշտի, ի ձեռն թագաւորական վիճակին խրատուն խնամ տանել իւրում իշխանութեանն, որչափ եւս առաւել Աստուծոյ բուրք աշխարհս. որ ընդ ամենեցուն կեանս կամի եւ ոչ զմահ: Եւ ահա ուր բազմացաւ յանցաւորութիւն՝ տանջեաց դամնեհեան մահուամբ. իսկ ուր եղև ունկնդրութիւն հնազանդութեան՝ շնորհեաց պարգեւս անմահութեան:

« Այն է ճշմարիտ Աստուած՝ բոլորեցունց մեր արարիչ, զոր դու աներեսանակ արձակ բերանով՝ անահ աներկիւղ համարձակ հայհոյես: Թողեալ ըզՅիսուս Քրիստոս զփրկական անունն՝ Բանթորակայ որդի անուանես, եւ մարդ մոլորեցուցիչ կարծես. եւ զերկնաւոր փրկութիւնն աղաւաղես եւ անարգես ի կորուստ անձին եւ բոլոր աշխարհիդ: Զոր տալոց եւ հատու-

ցանկերոց եւ զանանցական վրէժ-
տանջանացն յանշէջ հուրն ըս-
պառնացեալ զեհնինն, հանդերձ
ամենայն գործակցօք քոյովք ,
առաջնովք եւ միջնովք եւ վերջ-
նովք :

« Այլ մեք այսպէս գիտեմք
զԱստուած , եւ ի սոյն հաւա-
տամք յաներկբայս :

« Եւ որ արար զաշխարհս' նոյն
եկն եւ ծնաւ ի սուրբ Կուսէն
Մարիամայ , յառաջագոյն նկա-
տելով մարգարէիցն , առանց ի-
րիք պատճառանաց մարմնաւոր
կարգի : Արպէս յոչնչէ արար զայս
մեծամարմին աշխարհս, աոյսպէս
առանց իրիք մարմնական միջ-
նորդի առ զմարմինն յանխորձ
կուսէն ճշմարտիւ , եւ ոչ ստուե-
րող իր երեւմամբ : Եր Աստուած
ճշմարտիւ , եւ եղև մարդ ճըշ-
մարտի . ոչ ի լինելն մարդ' կո-
րոյս զաստուածութիւնն , եւ ոչ
ի կալ մնալն Աստուած աղա-

ւաղեաց զմարդկութիւնն , այլ
նոյն եւ մի :

« Այլ քանզի ոչ կարէաք տե-
սանել զանտեսանելին եւ մեր-
ձենալ յանմերձեհալին , եկն ե-
մուտ ընդ մերով մարդկութեամ-
բքս , զի եւ մեք մտցուք ընդ
նորա աստուածութեամբն : Ոչ
անարդս ինչ համարեցաւ զգե-
նուլ զիւր ստեղծուած մարմինս ,
այլ մեծարեաց իբրեւ աստուա-
ծաստեղծ զիւր գործ : Ոչ առ
սակաւ սակաւ Հնորճեաց ինչ
սմա զանմահութեան պատիւն'
իբրեւ զանմարմին հրեշտակաց ,
այլ միանգամայն զբոլոր բնու-
թիւնն մարմնով' շնչով եւ հոգ-
ւով զգեցաւ , եւ միաբանեաց
ընդ աստուածութեանն : միու-
թիւն , եւ ոչ երկուութիւն . եւ
այսուհետեւ մի գիտեմք զաստ-
ուածութիւնն , որ յառաջ էր
քան զաշխարհս , նոյն եւ այսօր
եւ յաւիտեան :

« Այս Յիսուս Քրիստոս » որ յիւր մարմինն փրկեաց զբոլոր աշխարհս , սա եկն կամօք ի մահ . եւ որպէս ինքն աստուածութիւնն զիտէ՝ թանճացաւ յանարատ Կուսէն , եւ ծնաւ եւ պատեցաւ ի խանձարուքս եւ եղաւ ի մտւր , եւ շարժեաց անգմողան յարեւելից կողմանցս յերկրագաղութիւն . մնաւ իբրեւ զտղայ կաթամբ , աճեաց եւ մեծացաւ ամս երեսուն , մկրտեցաւ ի Յովհաննէ ի յամբողջոյն ի Յորդանան գետ : Արար նշանս մեծամեծս եւ արուեստս ի մէջ Հրէիցն . մասնեցաւ ի քահանայից , դասապարտեցաւ ի Պիղատոսէ պոնտացւոյ : Խաչեցաւ , մեռաւ , թաղեցաւ , յարեաւ յաւուր երրորդի . երեւեցաւ երկոտասան աշակերտացն եւ այլոց բազմաց աւելի քան զհինգ հարիւրոցն : Եւ շրջելով ընդ նոսա դաւուրս քառասուն՝ վերա-

ցաւ յերկինս ի լեռնէն Չիթենու կաց յանդիման իւրոց աշակերտացն , ել եւ նստաւ ի հայրենի աթոռն : Խոստացաւ երկրորդ անգամ դալ ահաւոր զօրութեամբ յարուցանել զմեռեալս , նորոգել զբոլոր աշխարհս , առնել դատաստան արդար ի մէջ արդարոց եւ մեղաւորաց , սուլ պարգեւս արժանաւորաց , եւ հատուցանել պատիժս չարագործաց՝ որ այսմ ամենայնի բարերարութեանց ոչ հաւատան :

« Յայսմ հաւատոց զմեզ ոչ ոք կարէ խախտել , ոչ հրեշտակք եւ ոչ մարդիկ . ոչ սուր եւ ոչ հուր . ոչ ջուր , ոչ ամենայն զինչ եւ են դառն հարուածք :

« Ամենայն ինչք եւ ստացուածք մեր ի ձեռս քո , եւ մարմինք մեր առաջի քո կան . ըստ կամաց քոց արա զինչ եւ կափո : Եթէ սովին հաւատովք թողուս , ոչ յերկրի նյլ տէր փոխանա-

կենք ընդ քեզ, եւ ոչ յերկինս
այլ Աստուած փոխանակեմք ընդ
Յիսուսի Քրիստոսի, որ չիք այլ
Աստուած բաց ի նմանէ :

« Ապա եթէ յետ այսր մեծի
վկայութեան այլ ինչ հարցանես,
աւատիկ կամք, դռուր մարմին
տուեալ ի ձեռսքո՛ւ վաղվադակի
արա դինչ եւ կամիս : Ի քէն
տանջանք եւ ի մէնջ յանձնա-
ռութիւնք . սուր քո՛ եւ պարա-
նոցք մեր : Չեմք ինչ լաւ մեք
քան զառաջինսն որ յայսր վկա-
յութեան վերայ եղին դինչս եւ
զստացուածս եւ զմարմինս իւր-
եանց :

« Չի եթէ անմահք իսկ էաք,
եւ մարթ էր մեզ մեռանել վասն
սիրոյն Քրիստոսի՛ արժան էր .
քանզի եւ նա անմահ էր, եւ
անչափ սիրեաց զմեզ՛ մինչեւ
մահ ի յանձն էառ, զի եւ մեք
նորա մահուամբն յաւիտենական
մահուանէն ապրեացուք : Եւ ե-

թէ նա յիւր անմահութիւնն ոչ
ինայեաց, մեք զի կամօք ե-
ղաք մահկանացուք, կամօք մեռ-
ցուք վասն սիրոյ նորա, զի կա-
մօք յանձն առցէ զմեզ յիւր յան-
մահութիւնն . մեռցուք իբրեւ
զմահկանացուս, զի ընկալցի ըզ-
մեր մահն իբրեւ զանմահից :

« Այլ դու յայսր ամենայնի
այլ զմեզ մի հարցաներ . զի ոչ
եթէ ընդ մարդոյ է ուխտ հա-
ւատոց մերոց, եթէ պատրի-
ցիմք իբրեւ զազայս . այլ ան-
լուծութեամբ ընդ Աստուծոյ՛ ու-
րում չիք հնար քակտել եւ ի
բաց ելանել, ոչ այժմ՛ եւ ոչ յա-
պա, եւ ոչ յաւիտեանս, եւ ոչ
յաւիտենից յաւիտեանս » :

Ի սմին ամեծի հաւանութեան
ամենայն բազմութիւնն միա-
բանեաց ի մեծամեծաց մինչեւ
ցփոքունս . անուտ երգմամբ
եղին վկայութիւն՛ կենօք եւ
մահու ի նմին կալ հաստատուն :

Եւ իբրեւ եհաս նամակն յար-
քունիս՝ եւ ընթերցան ի մեծի
խոնաստանի յանդիման ամենայն
բազմութեան կարաւանին , բա-
զումք այնոքիկ էին որ իբրեւ
լսէին՝ գովէին զպատասխանիսն :
Թէպէտ եւ երկնչէին յահէ տէ-
րութեանն՝ սակայն ի ծածուկ առ
միմեանս զնոյն վիպութիւնս
գովութեանց տային . առաւել
քան ընդ ճարտարաբանութիւնն՝
ընդ համարձակութիւն աներկիւ-
ղութեանն զարմանային : Եւ բա-
զումք յահաբեկելոց սկսան զբա-
հել պնդապէս , եւ զնոյն շշնջիւն
լսէին յամենայն շրթանց :

Իսկ չարասէր մոզպետն հան-
դերձ մեծ հազարապետաւն շըն-
չեաց չարախօսութիւն , եւ բոր-
բոքեաց զթագաւորն իբրեւ ըզ-
հուր անչիջանէ լի : Եւ սկսաւ
կրճտել զատամբունսն իբրեւ զոր-
հաստական վիրաւոր . եւ յայտ
յանդիման ձսյն արկեալ ի մեծ

հրապարակին , եւ ասէ . « Գի-
տեմ ես զչարութիւն բազմու-
թեան մարդկանս՝ որ թերահա-
ւատեն ի մերոց օրինացս , եւ
զկնի կախարդութեան մոլորեալ
են անդարձութեամբ : Եւ իմ
եղեալ է ի մոի՝ թէ ոչ ումեք
թողացուցից ի մեծամեծ հար-
ուածոցն՝ մինչեւ ակամայ ի բաց
կայցեն յայնպիսի վրիպական օ-
րինաց . եթէ ոք կարի ի մեր-
ձաւորաց իցէ , զնոյն անցս եւ
ընդ նոսա անցուցից » :

Յայնժամ ծերն դառնացեալ
բանս ի ներքս ընկէց , եւ ասէ
ցթագաւորն . « Առ ինչ է քո այդ
մեծ արտութիւնդ . զի եթէ
կայսր չելանէ ըստ քո հրաման ,
եւ Հոնք կան քեզ ի ծառայու-
թեան , որ մարդ է յերկրի՝ եթէ
կարող է ընդդէմ դառնալ քում
հրամանիդ : Տիրաբար հրամանս
տուր ի ներքս , եւ ամենայն որ ինչ
եւ ասես՝ վաղվաղակի կատարի :

Եւ անդէն թագաւորն ի ներքըս կոչեալ զգլխապետն , հրամայէր գրել հրովարտակ . եւ ոչ եւս ըստ սովորութեանն , այլ բանս զայրազինս իբր առ ատելիս եւ անպիտանս , չյիշելով ամենեւին զմեծամեծ վաստակս տիրաւէր մարդկանն . այլ միայն կոչոյ հրամանս տուեալ յականէ յանուանէ զարս զոր ինքն ճանաչէր : Եւ այս անուանք են նախարարացն :

Ի տոհմէն Սիւնեաց ՎԱՍԱԿ անուն :

Ի տոհմէն Արծրունեաց ՆԵՐՇԱՊՈՒՆ անուն :

Ի տոհմէն Ոլջտունեաց ԱՐՏԱԿ անուն :

Ի տոհմէն Խորխոռունեաց ԳԱԳԻՇՈՅ անուն :

Ի տոհմէն Մամիկոնէից ՎԱՐԴԱՆ անուն :

Ի տոհմէն Մովսէս ԱՐՏԱԿ անուն :

Ի տոհմէն Ապահունեաց ՄԱՆԷՃ անուն :

Ի տոհմէն Ամատունեաց ՎԱՀԱՆ անուն :

Ի տոհմէն Վահեւունեաց ԳԻԻՏ անուն :

Ի տոհմէն Անձեւացեաց ՇՄԱԻՈՆ անուն :

Չայս նախարարքս յականէ յանուանէ կոչեցին ի դուռն արքունի . եւ կէսքն առ նմա իսկ էին ի կարաւանին , եւ այլքն ի կողմանց հիւսիսոյ ի Հոնաց պահակին . թողեալ էր զմանս ի նախարարացն անդէն յաշխարհին Հոնաց :

Արդ թէպէտ եւ ոչ համագունդ ի միոջ վայրի զիպեցան ամենեքեան , սակայն յառաջագոյն գիտացեալ զխորհուրդս չարաբարոյ բռնաւորին , եւ ըզհեռաւորսն եւս իբրև զմերձաւորսն ի միոջ վայրի առ միմեանս համարէին :

Եւ ի ձեռն Յովսեփու մեծի եւ պիակոպոսի նովին ուխտիւ հաստատեալ՝ խաղաղին գնացին յիւրաքանչիւր տեղեաց ի դռն արքունի : Եւ յոյժ փութային վասն եղբարց եւ որդեաց եւ սիրելի դայեկամունդ բարեկամացն՝ որ չարաչար կային ի մեծի նեղութեանն : Վասն որոց եւ նորա զանձինս ի մահ մատնեցին՝ ոչ ինչ զանդիտելով իբրեւ զանարի վատասիրտս . այլ յոյժ քաջութեամբ պնդէին զանձինս , զի թերեւս կարացեան փրկել ըզնոսս ի մեծամեծ հարուածոցն :

Եւ իբրեւ հասին ի դռն արքունի , ի մեծի շարաթու Չատկին յանդիման լինէին թագաւորին : Քայց թէպէտ եւ տեսանէին զեղբարս իւրեանց ի մեծամեծ վիշտս տառապանաց՝ որ վասն անուանն Քրիստոսի ճրղնեալք էին պնդապէս , ոչ ինչ արտում եւ տխուր զերեսս ցու-

ցանէին հրապարակին : Եւ որչափ նորա զուարթալին երեւէին աւմենեցուն՝ առաւել զարմանային չարասէրքն :

Եւ զի օրէնք էին յառաջ ժամանակաւ , յորժամ ի Հայոց այրուծի ի դռն երթայր ի ձեռն պատուաւորի զօրպղլսի ուրուք , այր ընդ յառաջ յղէր , եւ հարցանէր զողջոցն եւ զիսազաղութիւն Հայոց աշխարհին , եւ երկիցս եւ երկցս անգամ զնոցն առնէր : Եւ զհանդէս զնոցին ինքնին տեսանէր թագաւորն , եւ յառաջ քան զփորձ պատերազմին հասանել զզանն իսկ առ նա՝ մեծի շնորհակալութեան համարէր , եւ առաջի ակնուակցացն իւրոց եւ ամենայն մեծամեծացն՝ զովութիւն մատուցանէր ամենեցուն , եւ յիշէր զնախնեացն զվաստակս , եւ զառն առն քաջութիւն պատմէր նոցա :

Իսկ այն օր եւ ոչ մի ինչ յայս-

ցանկ ամենուրիս ինչ ոչ յիշեաց , այլ իբրև գշարադեւ մի՛ ոչ դա-
դարէր յուզել եւ շարժել զբուք
ձմերայնուոյ : Որպէս եւ նմանեալ
խկ էր ծովածուփ ակելոծ խը-
նովութեան , ոչ զուգնաբեայ
վեր ի վերոյ , այլ անդատին յան-
դընդոց բարձրանայր փրփրեալ
կուտակեալ , եւ վիշապաձայն
որոտալով , գազանաբար գոչե-
լով առ հասարակ գողացուցաւ
նէր գտիեգերական իշխանու-
թիւնն , որպէս թէ փլեալ տա-
րածանիցի համատարած ամենայն
ի վերայ լերանց , խորոց եւ ձո-
րոց՝ ապականեալ միանգամայն
զլայնութիւն դաշտացն վայել-
չութեան :

Մոնչելով բարբառ արձակեալ
եւ ասէ . « Երգուեալ եմ յարե-
գակն , ի մեծն աստուած — որ
ճառագայթիւքն իւրովք լուսա-
ւորէ գամենայն տիեզերս , եւ
ջերմութեամբն կենդանածնէ գա-

մենայն գոյացեալն — եթէ ոչ
վազիւ ընդ առաւօտն , ընդ ե-
րեւուսն սքանչելւոյն , ընդ իս
ղիւրաքանչիւր ծունր նմա ոչ
կրկնեսլիք՝ խոստովանելով դնա
ատուած , ոչ ինչ թողացուցից
ձեզ՝ գամենայն նեղութիւնս չար-
չարանայն ի վերայ անելով , մին-
չեւ ակամայ կատարիցէք զկամս
հրամանաց իմոց » :

« Եսկ հաւատացեալքն հաս-
տատեալք ի Քրիստոս՝ ոչ ի սառ-
նամանեաց ձմերայնուոյն հովա-
նային , եւ ոչ ի տապոյ խորշա-
կին ջեռնութիւն , եւ ոչ յահազին
ճայնէն սարսէին , եւ ոչ ի սպառ-
նալեաց տանջանայն զանդի-
տէին : այլ ի վեր հայեցեալք
զգորութիւնն Քրիստոսի յօգնու-
թիւն եկեալ տեսանէին . եւ
զուարթալին գիծօք եւ համեա
բանիւք յառաջ մատուցեալ՝ տա-
լին պատասխանի թաղաւորին .
« Խնդրեմք ի քէն , արքայ

քաջ, ունին դիր սակաւ բանից մերոց, եւ քաղցրութեամբ լուիցես զոր ասելոցս եմք :

« Քանզի յիշեցուցանեմք քեզ զժամանակն Շապհոյ արքայից արքայի, որ էր հայր հաւուն քո Յազկերտի. եւ ետ նմա Աստուած զերկիրն Հայոց ի ժառանգութիւն սովին օրինօք որով եւ մեք իսկ վարիմք այժմ, եւ հարքն մեր եւ հաւք հարցն մերոց կացին նմա ի ծառայութեան վաստակս, եւ սիրով կատարէին զամենայն հրաման բանի նորա, եւ բազում անգամ ի նմանէ մեծապարգեւք ելանէին : Եւ յայնց ժամանակաց մինչեւ ի քո հայրենի աթոռդ՝ եւ մեք զնոյն ծառայութիւն ծառայեցաք . բայց թերեւս քեզ լաւագոյն քան զառաջնոցն » :

« Զայս ասելով ցուցանէին ըզքաջութիւն արութեանցն լաւագոյն քան զառաջնոցն ըստ զին-

ւորութեան կարգի : Իսկ զմտից եւ զսակից, եւ որ այլ եւս էին հարկ աշխարհին, բազմագոյն քան առ հարքն նորա երթայր յարքունիս :

Նա եւ ի սուրբ եկեղեցւոյն, որ էր ազատ ի Քրիստոս ըսա կարգի նախնեացն մերոց ի ըսկըզբանէ, եւ դու ընդ հարկաւեղիր . եւ մեք առ սէր քոյոյ տէրութեանդ ոչ ինչ ընդդիմացաք քեզ : Արդ վասն էր յուզեալ իցէ ցատումս այս ի վերայ մեր . ասա դու մեզ զպատճառս վաստուն . եթէ օրէնքն մեր պատճառք իցեն անլատակ լինելոյ առաջի քո » :

Իսկ չարագեւն լի ամենայն նենգութեամբ՝ զերեսս ի մի կոյս դարձուցեալ եւ ասէ . « Վնաս համարիմ ընդունել ի գանձ արքունի զհարկս աշխարհին ձերոյ, եւ անօգուտ զքաջութիւն արութեան ձերոյ, քանզի տղի-

տարաբ մտորեալ էք ի ճշմարիտ օրինացս մերոց, եւ դաստուածս անարդէք եւ զկրակ սպանանէք եւ զժուրս պղծէք, եւ դմեռեալս ի հող թաղելով զերկիր ապականէք, եւ քրտար չառնելով ոյժ տայք Հարամանոյ. եւ որ մեծ քան զամենայն՝ զի հանապազ ի կանայս ոչ մերձենայք. եւ մեծապէս լինի զիւաց խընդութիւն, չխրատելով ձեր եւ չպահելով զամենայն կարգս մոզաց: Տեսանեմ զձեզ իբրև ըզխաչինս զրուեալս եւ վայրատեալս յանապատի, եւ յոյժ զեզջէ մտաց իմոց՝ թէ դուցէ ատուածքն բարկացեալ վասն ձեր, ի մէնջ վրէժս անուցուն: Այլ դուք եթէ կամիք կեալ եւ կեցուցանել զանձինս ձեր, եւ մեծարանօք անդրէն յուղարկիլ, զոր ասացի՝ վաղիւ վաղվաղակի կատարեցէք »:

Յայնժամ երանելի նախարար-

քնն առ հասարակ զձայնս իւրեանց բարձին եւ ասեն յանդիւման ամենեցուն. « Մի դու, արքայ, եւ մի զայդ այլ եւս առ մեզ ասէր. քանզի ոչ է եկեղեցի շինուած մարդոց, եւ ոչ ասուք արեգական, որպէս դուդ այլ ընդ այլոյ կարծես՝ թէ աստուած իցէ. ոչ միայն զի աստուած չէ, այլ եւ կենդանի չէ: Այլ եկեղեցիք ոչ են պարզեք թագաւորաց, եւ ոչ արուեստ ճարտարութեանց, եւ ոչ զիւարք իմաստնոց, եւ ոչ աւար քաջութեան զինուորաց, եւ ոչ պատիր խաբէութիւնք զիւաց. նա եւ բնաւ իակ ամենեւին զինչ եւ ասացես յերկրաւորացն, կամ ի վեհից կամ ի վատթարաց, բնաւ ուրեք եկեղեցի ի նոցանէ ոչ գտցի: Այլ շնորհք են մեծին Աստուծոյ, ոչ միւում ումեք ի մարդկանէ տուեալ, այլ ամենայն բանաւոր աղկաց որք վի-

ճակեալք են ի բնակութիւն ի ներքոյ արեգակնա : Հիմունք նորա եղեալ են ի վերայ հաստատուն վիմի . ոչ ներքինք շարժել կարեն , եւ ոչ վերինք դբրդուեցուցանել : Եւ զոր երկինք եւ երկիր ոչ գողացուցանէ՝ մի ոք ի մարդկանէ խրոխտացի յաղթել նմա : Հնապա , որով օրինակաւ զինչ կամիս առնել՝ կատարեա . պատրաստ եմք ամենեքեան առ ամենայն մեքենայս հարուածոցն տանջանաց զոր սպառնացար . ոչ միայն ի չարչարել՝ այլ եւ ի մեռանել : Եւ եթէ դարձեալ եւս զնոյն բանս հարցանես՝ ի միոջէ միոջէ լուիցես առաւել քան զդոյն պատասխանի » :

Յայնժամ դառնացեալ քան ըզլեդի թագաւորն՝ փլուզանէր անդէն ի փորին զծով կամաւոր մաղձոյն իւրոյ . եւ ընդ քիթն եւ ընդ բերանն առ հասարակ գոլոր-

չի ջերմախառն ելանէր , իբրեւ ի սաստիկ հնոցէ ծուխ թանձրացեալ : Եւ առ չհանդուրժել սրտին իւրոյ՝ կոտորէր զգորութիւնս մարմնոյն , եւ ծակոտէր զբազմամթեր աման խորհրդոցն , ցրուէր եւ վառնէր զամենայն խորհումն նենդութեան : Եւ զոր ոչ երբէք կամէր իւրոց սիրելեացն յայտնել՝ ակամայ առաջի ծառայիցն Քրիստոսի մերկանայր եւ դէնէր զամենայն կարգաւ :

Երեքինէր եւ չորեքինէր զանսուտ երզումն յարեգակն , եւ ասէր այսպէս . Ոչ կարէք աւերել զանխար ամուրս իմ՝ եւ ոչ որում ցանկացեալդ էք՝ վաղվաղակի տամ գտանել ձեզ . այլ զամենեւեան զձեզ եւ որ ի գրնդիս են՝ չարաչար կապանօք ի Սագաստան տամ անցուցանել ընդ անձանապարհ տեղիս , որ եւ բազումք ի ձէնջ ի խորշակէ յերթալն սատակիցին , եւ մնացեալ-

քրն անկցին ի բերդս ամուրս եւ ի բանդս անելս: Եւ ի ձեր աշխարհն առաքեցից զօրս անթիւս հանդերձ վղօք, եւ զկին եւ զորդիս ի Խուժաստան տամ խաղացուցանել. եւ զեկեղեցիս, եւ զոր անուանէք վկայարանս՝ քակեցից, քանդեցից եւ յապականութիւն գարձուցից. եւ եթէ ոք ընդդէմ գարձեալ դացի՝ կոխան եզեալ գաղանաց անողորմ մեռանիցի: Եւ զամենայն ասացեալս արարից եւ կատարեցից առ մնացորդս աշխարհին »:

Եւ վազվազակի հրամայէր ըզպատուական նախարարսն հանել մեծաւ անարգսնօք յերեսաց իւրոց. եւ զվուչութեամբ հրամանս տուեալ դահճապետին՝ առանց կատանաց յիւրաքանչիւր վանս պահել, եւ ինքն դառածեալ անգրէն գառնայր անմխիթար արքամութեամբ յօթեւանսն անկանէր: Իսկ հաւատացեալքն ճշմար-

տութեամբ ի Քրիստոս՝ ոչ ինչ երկմտութեամբ թերահաւատէին յառաջին խրատուէ սուրբ վարդապետացն իւրեանց. այլ տակաւին խնդրէին հնարս իրացն, թէ որպէս զանձինս եւ զսիրելիս հանցեն ի մեծ նեղութենէն: Եւ բազում անգամ ջանալով, ի մեծամեծացն որ օղնականք էին նոցա ի Գրանն արքունի՝ խոստմունս մեծամեծս առաջի գնէին առ ի յոյս կարատուոյ, եւ ոչ տակաւ զանձս առ ժամայն ծախէին նոցա:

Եւ իբրեւ յամենայն կողմանց եկն փակեցաւ անել արգելան նոցա, յայնժամ զխորհուրդն Աբրահամու ի մէջ առեալ՝ աղաղակէին եւ ասէին ի սիրտս իւրեանց. «Ամենեցուն մեր նուիրեալ եւ եղեալ զեղբարս եւ զորդիս եւ զամենայն սիրելիս ընդ կապանօք իբրեւ զՍահակ ի վերայ սուրբ սեղանոյն, ընկալ, Տէր:

զկամաւոր պատարագս մեր, եւ մի տար զեկեղեցի քո յայսին կատականաց անօրէն իշխանիս ասորիկ» :

Մի ոմն ներքինի ի խորհրդակցացն արքայի ի ծածուկ ունէր զանքակ սէրն ի Քրիստոս — քանզի մկրտեալ իսկ էր յաւազանն կենդանի — եւ մեծապէս հոգ տանէր հնարից կենաց վշտացելոցն : Եւ իբրեւ ստուգեաց ճըշմարտիւ, եթէ զոր բազում ըսպառնացաւ թագաւորն չարիս՝ զամենայն կամի անցուցանել ընդ աշխարհն Հայոց, թէպէտ եւ ոչ ամենեցուն՝ այլ սակաւուց ի նոցանէ խրատ ետ եւ ուսոյց ելս հնարից, զի առ անգամ մի ի նեղութենէ անտիզանձինս ապրեցուսցին :

Եւ մինչդեռ գունդ կազմէին՝ որ զնոսա շկոթակ արասցեն յանգարձ օտարութիւն — որպէս քզբազում նախարարսն ի Վրաց

աշխարհէն արարին — ի նմին ժամանակի դուժկան հասանէր ի կողմանցն Քուշանաց՝ եթէ գունդ հատաւ ի թշնամեացն, որ ելին աւերեցին զբազում գաւառս արքունի : Եւ այս լինէր մեծ օգնականութիւն նոցա յերկնից : Եւ անօրէնն ձեպեալ տագնապէր զայրուձին յառաջ արձակեալ, եւ ինքն փութայր ըստիպաւ զհետ երթալ. եւ խորխոցեալ ի խորհուրդսն՝ ցրուէր զառաջին հաստատուն երդումն :

Իսկ երկիւզածացն Տեառն զայս տեսեալ՝ մեծաւ յուսով աղօթելով ասէին՝ միաբան. «Գու տէր ամենայնի, որ գիտես զծածկեալս սրտից մարդկան, եւ յայսնի են առաջի քո ամենայն աներեւոյթք խորհրդոց, եւ ոչ ինչ խընդրես վկայութիւն յերեւելեաց. որպէս զի եւ զանգործս մեր տեսին աչք քո. արդ առաջի քո հեղումք զխնդրուածս մեր : Ըն-

կալ, Տէր, զճաճկութիւնս աղօթից մերոց, եւ կատարեալ զմեզ ի հաճոյս պատուիրանաց քոց, զի ամաչեացէ չարն որ խորտաացեալ մարտնչի ընդ մեզ ի խանութեամբ անօրինին: Շարժեալ, Տէր, զկամակոր խորհուրդքս նենդաւորին, եւ խափանեցո զկամս ամբարշտութեանս նորա, եւ դարձո զմեզ խաղաղութեամբ խորհրդոցն անդրէն ի սուրբ եկեղեցին. զի մի յանկարծակի յափշտակեալ աւերեսցի չարաչար ի թշնամեաց »:

Եւ անձամբք իւրեանց զայս ուխտ եղեալ անքակութեամբ ընդ Աստուծոյ, զի հաստատուն կայցեն ըստ առաջին խորհրդոցն, պատգամ ի ներքս յէին զնոյն խրատտուն իւրեանց, իբր թէ կատարեսցին կամք անօրէնութեանս նորա:

Ձայն իբրեւ լուաւ թագաւորն՝ յոյժ ցնձացեալ բերկրեցաւ, կար-

ձեցեալ զդիւն հասանելն մա յօղնակամութիւն, չրջեալ եւ աւերեալ զհաստատուն խորհուրդս ծառայիցն Աստուծոյ, զի ահա մատուցանեն երկրպագութիւնս արեգական, պատուեալ զնա զո՛հւք եւ ամենայն օրինօք մոգութեանն:

Եւ զայն ոչ կարաց իմանալ ցնորեալն՝ եթէ անատուեր լոյսն արեգականն արդարութեան ըսպառէր եւ մաչէր զխաւարային խորհուրդս նորա, եւ եղծեալ ապականէին ամենայն խեղաթեւր կամք նորա: Եւ կուրացեալ ի ճշմարտին յայտնութենէ՛ ոչ ինչ խնացաւ զպատրանս խաբէութեանն որով վրիպեացն: Հեզոյր արկանէր առաջի նոցա զպարզեւս երկրաւորս, եւ վերջասին ամենեցուն զպատիւս եւ զգահան նորոգէր, յառաջ մատուցանելով եւ երեւելի առնեւ լով ընդ ամենայն տիեզերականս

իշխանութիւնն : Եւ անբաւ առատութեամբ ազարակս եւ աւանս միում միում նոցա յարքունուստ շնորհէր . սիրելիս եւ բարեկամս կարդայր զնոսս , եւ առ հպարտ յանդգնութեան մտացնկամակորութեան՝ կարծէր եթէ փոխանակիցի ճշմարտութիւնն ընդ ստութեան :

Եւ զայս արարեալ , բազում այրուծի գումարէր ընդ նոսս , եւ ի մոգուցն ոչ սակաւս , աւելի քան զեւթն հարիւր վարդապետս յղէր ընդ նոսս , եւ ըզմեծ ոմն իշխան մոգպետ կացուցանէր ի վերայ նոցա : Խոնարհէր եւ ազաչէր պատուիրելով , թէ մինչ ես ի պատերազմէս դարձեալ գայցեմ խաղաղութեամբ , ձեր արարեալ եւ կատարեալ իցէ զամենայն ըստ կամաց իմոց : Եւ այսպէս շքով եւ պատուով առաջնորդէր նոցա զերկայնութիւն ճանսպարհին

անդրէն յերկիրն Հայոց : Եւ ինքն աւետիս խնդալիս առաքէր յատրուշանս բազումս , գրէր եւ ցուցանէր մոգաց եւ մոգպետաց եւ ամենայն մեծամեծաց կողմանց կողմանց աշխարհաց՝ որպէս զիցն օգնականութեամբ զգործ քաջութեան իմոյ յառաջ մատուցեալ :

Իսկ խոհերականքն այնուհետեւ յարուցեալ յիւրաքանչիւր խաւարային դարանաց՝ իղձք լինէին վաղվաղակի զհրամանն կատարել . ձայն արարեալ յաշխարհս հեռաւորս՝ միանգամայն խաղալ զնալ յերկիրն արեւմտից : Եւ մինչ չեւ հասեալ էին ի մեծ յաշխարհն Հայոց , փայտ ընկեանունն եւ վիճակս արկանէին , թէ որ լեզու որում դասու հասցէ յաշակերտութիւն : Զի առ հասարակ հրաման առեալ էր յարքունուստ , որպէս Հայոց աշխարհին՝ նոյնպէս եւ Վրաց եւ

Ազուանից եւ Լիւնաց, Աղձնեաց
եւ Կորդուաց եւ Յաւթէից եւ
Գարսան եւ որ այլ եւս ուրեք
ուրեք ի ծածուկ յիշխանութեա-
նքն Պարսից ունէին զքրիստո-
նէութիւն :

Եւ անզոցայ յարձակմամբ յա-
ւարի առնուլ փութային զգանձս
սուրբ եկեղեցեացն . եւ իբրեւ
զդեւս այնուհետեւ առ միմեանս
հասանէին : Եւ լինէր զունդ զօ-
րաց բազմաց, եւ չարասէրն սա-
տանայ իբրեւ զօրավար ի մէջ
նոցա երեւէր, եւ անդադար յոր-
դորելով զամենեւեան ձեպեալ
փութացուցանէր : Ահա եղեալ
զժամանակն՝ զամիսն վեցերորդ,
տաղնապէին եւ ստիպէին ար-
քունի հրամանաւ :

«Մինչեւ ի նաւասարդէ նա-
ւասարդ, ասէ, յամենայն տեղիս՝
որ իցեն ընդ իշխանութեամբ
թագաւորին մեծի, բարձցին
կարգք եկեղեցոյ, փակեցին

եւ կնքեցին զրունք սուրբ տա-
ճարացն, զրով համարով առցին
նուիրեալ սպասքն յարքունիս,
լուեցեն ձայնք սաղմոսացն եւ
դադարեցեն ընթերցուածք ան-
սուտ մարգարէիցն : Քահանայք
մի իշխեացեն ի տունս իւրեանց
ուսուցանել զժողովուրդս, եւ
հաւատացեալքն ի Քրիստոս՝ արք
եւ կանայք, որ բնակեալ են
յիւրաքանչիւր մեանոցս, փո-
խեցեն զհանդերձս իւրեանց
ըստ աշխարհական կարգաց :

«Գարձեալ եւ կանայք նախա-
բարացն կալցին զուսումն վար-
դապետութեան մոզացն : Ուս-
տերք եւ դստերք ազատաց եւ
շինականաց՝ կրթեցին ի հրա-
պարակս նոցուն մոզաց : Ար-
ձեացին եւ արգելցին օրէնք
սուրբ ամուսնութեան զոր ու-
նէին ի նախնեաց ըստ կարգի
քրիստոնէութեանն . այլ փոխա-
նակ ընդ կնոջ միոյ՝ բազում կա-

նայս արասցեն . զի աճեցեալ
բազմասցին ազգք Հայոց : Կրս-
տերք հարանց լինիցին , եւ քորք'
եղբարց . մարք մի ելցեն յոր-
դուոց , այլ եւ թորունք ելցեն
յանկողինս հաւուց :

«Պատրուճակք մի մեռցին ան-
յաղ , եթէ յօղեաց իցէ եւ եթէ
յայծեաց եւ եթէ յարջառաց եւ
եթէ ի հաւուց եւ եթէ ի խո-
զաց : Հայսք առանց փանամի
մի զանոցցին . ծիրտք եւ քակորք
ի կրակ մի եկեացեն . ձեռք ա-
ռանց կովմիզոյ մի լուսացին .
չնջրիք եւ աղուէսք եւ նապաս-
տակք մի մեռցին : Օձք եւ մո-
ղէսք , գորտք եւ մրջմունք , եւ
որ այլ եւս խառնալինդոր բազ-
մաճճիք են' մի կացցեն . այլ
վաղ թուով համարով ի մէջ բեր-
ցին ըստ արքունի չափոյն : Եւ
որ այլ եւս ինչ սպասք իցեն ,
կամ դոճից կամ սպանդից , ըստ
տօնական կարգին' տարեւոր թը-

ւականին , եւ ըստ կապճաթիւ
մոխրաչափ կարգին :

«Չայս ամենայն որ ասացաք'
առ ժամանակ մի մինչեւ ի գլուխ
տարւոյ կատարեացեն ամենե-
քեան . եւ զայլն ամենայն առ
յապա պատրաստեացեն » :

Իսկ զայս ամենայն հրաման
պատուիրանաց առեալ մոզացն
եւ մոզպետաց , զտիւ եւ զգի-
չեր փութային հասանել յաշ-
խարհն Հայոց . եւ առ յոյժ խորն-
դութեանն ոչ երբէք յազէին
երկայնութեամբ ճանապարհին :



Վասն միաբանութեան
սուրբ ոչխտին Եկեղեցոյ

ԹԻՅՊԷՏ ԵՒ ՈՅ ԻԳԵՄՔ ԲԱՆԱ-
կան ասել զամենայն չարիան որ
անցին անդէն ի կարաւանին ընդ
գունդն Հայոց, սակայն եւ ոչ
լուել կամօմք ծածկելով զվիշտս
նեղութեանն. այլ ասացուք
փոքր ի շատէ, զի ձայնակիցք
լիցուք այնոյիկ որք դառնապէս
զմեզն ողբային. զի եւ դու իբ-
րեւ լուիցես՝ ոչ սակաւ արտա-
սուս հեզուցուս ի վերայ ազգին
թշուառութեան :

Զի ահա անդէն ի մեծ բանա-
կին Պարսից՝ յազգաց ազգաց
որք են հաւատացեալ ի սուրբ

Աւետարանն Քրիստոսի, իբրեւ
տեսին զչար յանձնառութիւնն
Հայոց, յոյժ հարան ի միտս իւր-
եանց, եւ կործանեցան անկան
ի վերայ դիմաց իւրեանց : Բա-
զումք ի նոցանէ թաղծեալ ի սուգ
ծանրութեան, հարեալ յոգիս եւ
դառնացեալ յարտասուս, եկին
եւ յանդիմանեցին զնախարար-
եանն, եւ յոյժ դարովեցին զուխա-
քահանայութեանն :

Զգուէին զամենեսեան եւ ա-
ռէին. «Զքի առնիցէք զսուրբ կր-
տակարանադ, եւ կամ յո՞ տանի-
ցէք զսպաս տէրունեան սեղա-
նոյն. մոռանայցէք արդեւք ըզ-
հոգեւոր օրհնութիւնադ, եւ կամ
լուեալ զազարիցքք ի մարգարէ-
ական ձայնիցդ : Կափուցէք զա-
չքս յնթերցուածոց, եւ խցէք
զականջս ի լսելոյ. միթէ զմտացդ
անմոռացութիւնն ոչ յիշիցէք :
Զքինչ առնիցէք զպատուիրեալն
ի Տեառնէ. «Որ ուրացի զիս

առաջի մարդկան՝ յուրաստ եղէց
եւ ես առաջի Հօր իմոց որ յեր-
կինս է եւ հրեշտակաց սրբոց :

« Այարդապետք էիք առաքե-
լական քարոզութեանցն . արդ
աշակերտք լինիցիք մուլար խա-
բէութեանն : Աւսուցիչք էիք
ճշմարտութեանն , արդ ուսու-
ցանիցէք զպատիր խաբէութիւն
մոզաց : Քարոզք էիք արարչա-
կան զօրութեանն ՚արդ զտարերս
աստուածս խոստովանիք : Յան-
դիմանիչք էիք ստութեան , արդ
եւ քան զսուտն ստազոյնք լի-
նիցիք : Ի հուր եւ ի հողի էիք
մկրտեալք , արդ ի մոխիր եւ
յաճիւն թաթախիցիք : Անդանի
մարմնով եւ անմահ արեամբ էիք
անեալ , արդ ի ճենճեր զոհից եւ
ի շարաւս ազտեղն մրճոտիցիք :
Տաճար էիք Հոգւոյն սրբոց , արդ
զոհարան դիւանց լինիցիք . Քր-
բխատսագրեացք էիք ի մանկու-
թենէ , արդ մերկացեալք ի փա-

ռացն՝ դիւարար արեզական կա-
քաւիցէք :

« Ժառանգ էիք արքայութեա-
նն , արդ անձամբ զանձինս ա-
րարէք ժառանգ զեհննին : Նոցան
է սպառնացեալ հուրն անչէջ ,
ընդէր դուք ընդ նոսա այրեցեալ
տաշտրիցիք . նոցան պարարի որդն
անմահ , իսկ արդ դուք պարա-
բիցէք զմարմինս ճեր նմա ի կե-
րակուր . խաւարն արտաքին նո-
ցան թանճրացեալ պահի , դուք
ուսազդետք ընդէր յուղարկե-
ցայք ընդ նոսա ի նոյն խաւար :
Նոցան էր փորեալ զխորխորանն ,
դուք ընդէր լցէք յառաջագոյն .
նոքա ի վազնջուց հետէ էին իսկ
կուրացեալք , դուք զիմրդ զկնի
կուրացն կուրացարուք : Երբ
ուսանիցիք զբազմաթիւ անուա-
նքս աստուածոցն նոցա , այն որ
չիք ուրեք ի միջի եւ ոչ մի :
Թեթեւացեալք ի ծանր բեռանց՝
անձամբ անձին ատէք զբեռն

ծանրութեան : ազատեալք ի մանկութենէ՝ չարաչար մտէք յանազատելի ծառայութեան :

« Եթէ գիտէիք եւ երեւէր ձեզ յայանի , սուգ առին երկիրք ի վերայ ձեր , եւ թաղծեցաւ երկիրս ի ներքոյ տօից ձերոց : Հրբեշտակք ի վերուստեն ձեզ բարկացեալք , եւ ի յերկրէս մարտիրոսքն են ձեզ ցատուցեալք : Ողորմիմ ողորմիմ սիրելեաց ձերոց , եւ բազում անգամ ողորմիմ անձանց ձերոց : Զի թէ մարդոյ փրկեալ էր զձեզ ի ծառայութենէ , եւ դուք անձամբ զանձինս ալլում ի ծառայութիւն արկանէիք , ի մեծ բարկութիւն բրդէիք զառաջին տէրն ձեր : Իսկ արդ զի՛նչ անսիցէք գաստուածաստոհրամանն . « Ես եմ Աստուած , եւ չիք այլ ոք բաց յինէն , եւ ոչ զկնի իմ այլ ոք լիցի Աստուած . Աստուած նախանձոտ եմ ես , հատուցանեմ զմեզս հարց

յորդիս , մինչեւ յեւթն դար » : Իսկ եթէ որդիքն արդարք վասն հարցն մեզաց ընդունին գաստուկումն , իսկ յորժամ ինքեանք որդիքն իսկ մեղիցեն , ոչ ահա միանգամայն զանձանց եւ զհարց տայցեն ի միասին :

« Դուք էիք մեր ամուր պարիսպ ապաստանի . յորժամ աստի վտանգ հասանէր՝ առ ձեզ յանդորր ելանէաք . արդ մեծ ամուրբդ այդ հիմն ի վեր տապալեցաւ : Դուք էիք մեր պարձանս առ թշնամիան ճշմարտութեան , արդ դուք էք մեր նախատինք առ նոյն թշնամիս : Յայժմ վասն ձերոց ճշմարիտ հաւատոցն եւ ի մեզ փոքր ի շատէ ինայէին : եւ արդ ի պատճառս ձեր եւ զմեզ անողորմ դասին : Աչ միայն զանձանց դատաստան տալոց էք առաջի անեղ ատենին Աստուծոց , այլ եւ բազմաց ամենեցուն՝ որ ի ձեր պատճառս եւ զնոսա եւս

չարչարեացեն 》 :

Չայս եւ առաւել քան զսոյն խօսեցան ընդ մեծամեծս աւազանոյն , եւ յաւելին ցաւս ի վերայ ցաւոց : Յայսնել եւ ցուցանել նոցա զխորհուրդն ոչ կամէին , լռել եւ չառնել պատասխանի անհնար էր . հեղձամղձուկ եղեալ մեծապէս յարտասուս հարկանէին : Ընդ նոսին դառնացեալ լսողք եւ տեսողք յանմխիթար սուգ լինէին ամենեքեան :

Յայնմ ժամանակի քահանայքն որ անդէն ի գօրուն էին , առ չբժուժեալ սրտիցն բարկութեան՝ քակեալ որոշեցան ի նախարարացն եւ յամենայն բազմութեանէն . եւ զմի ոմն դեսպան ձիով առաքեցին փութապէս յաշխարհքն Հայոց : Գոյժ ի բերան ստեալ եւ զօժիս պատասուեալ , հասեալ ի ժողովս եպիսկոպոսացն , մեծապէս յարտասուս հարեալ ,

կայր եւ պատմէր զամենայն անցըս չարչարանացն . այլ ոչ յայտնէր նոցա զժամկութիւն խորհրդոցն :

Յայնմ ժամանակի սփռեցան եպիսկոպոսքն յիւրաքանչիւր իշխանութիւնս , եւ առաքեցին զքորեպիսկոպոսս ի գեօղս եւ յազարակս եւ ի քաղւամամուրս լեռնային դաւառացն : Գրդեցին ժողովեցին զբազմութիւն արանոց եւ կանանց , շինականաց եւ ազատաց , գքահանայից եւ զմենակեցաց . խրատ եղին , պնդեցին եւ արարին զամենեսեան զինուորս Քրիստոսի :

Եւ յառաջին բան խորհրդին այս հաստատեցաւ . « Ձեռն եղքօր հարազատի ի մերձաւոր իւր վիցի՛ որ անցեալ իցէ ըստ ուխտ պատուիրանին Աստուծոյ . եւ մի խնայեացէ հայր յորդի , եւ մի ակն առնուցու որդի հօր պատուոյն : Աին կռուեսցի ընդ պոն

ամուսնոյ, եւ ծառայ դարձցի ընդդէմ տեառն իւրոյ : Օրէնք աստուածային կացցեն թագաւոր ի վերայ ամենայնի, եւ ի նմին օրինաց ընկալցին յանցաւորք զպատիժս դատապարտութեան » :

Եւ իբրեւ այս այսպէս հաստատեցաւ կազմեցաւ, երեւեցան ամենեքեան զինեալք եւ սաղաւարտեալք, սուր ընդ մէջ եւ վահան ի ձեռին՝ ոչ միայն արանց քաջաց, այլ եւ կանաց առնականաց :

Իսկ դունդն Հայոց ամենայն օգնականօքն հանդերձ եւ մոգացն բազմութեամբ՝ յամսեանն չորրորդի եկին հասին յաշխարհն Հայոց, ի գիւղաքաղաք մի մեծ՝ որում անուն էր Անգղ : Բանակեցան, բոլորեցան, զետեղեցան, եւ յամենայն կողմանց անդր ժողովեցան, եւ էին անթիւ բազմութիւն :

Եւ եղև յետ աւուրց քսան եւ հնգից, մոգպետն ինքնին մոգօքն հանդերձ հասանէր մեծաւ զօրութեամբ՝ քակել զդրունս եկեղեցւոյն յաւուր միաշաբաթուն . զփորձ առնուլ կամէր գառաջարկութեան գործոյն : Իսկ սուրբն Ղեւոնդ երէց միաբանութեամբ առաջին խորհրդակցօքն եւ բազում ուխտիւ ի տեղւոյ անդ պատրաստական զիպեցաւ, ոչ ետ թոյլ : Թէպէտ եւ ոչ էր տեղեկագոյն մտաց ամենեցուն նախարարացն, եւ ոչ զօրութեան ուժոյ մոգպետին, ոչ ինչ եկաց մնաց ամենայն եպիսկոպոսացն, եւ ոչ առ սակաւ մի համբեր անօրէն իշխանին թողացուցանել . այլ բազում ազմուկ ալաղակի զօրացն եւ մոգաց հասուցանէր : Քանզի վիրբս ի ձեռն առեալ՝ զկառապիւնս մոգացն եւ մոգպետին ջարդեցին . իախստական յիւրաքանչիւր վա-

նրս արկանէին , եւ ինքեանք ըզ պաշտօնն բարձրացուցեալ յեկեղեցւոջն՝ զտէրունական կանոնն կատարէին , մինչեւ յերեկոյն միաշաբաթին անդադար լինելով :

Եւ յետ այսր տաղնապի խրոսովութեան՝ յամենայն կողմանց յաշխարհէն Հայոց բազմութիւն արանց եւ կանանց ի տեղին հասանէին : Եւ անդ էր տեսանել զմեծ ազէտ տարակուսին . ոմանք զգերարտօսար արձակելով իբր յազբերականց հոսէին յաչաց իւրեանց . այլք բարձրաճիչ ազադակաւ՝ իբր այն թէ գերկինս զողացուցանէին , իսկ կէսքն խիզախելով եւ ի զէնս ընթանալով զմահ քան զկեանս ընտրէին : Իսկ ոմանք ի սուրբ ուխտէ եկեղեցւոյն՝ զաւետարանն ի ձեռն առեալ , աղօթիւք առ Աստուած կարդային . եւ այլք ըզձանային զպատաստմն երկրին՝ զի անձանց լիցի գերեզման : Եւ այս-

պէս շտապ տաղնապի ի վերայ մոզպետին հասուցանէին : Բազում անգամ աղաչէր զօգնականն իւր , զի ի մահուանէ կարացեն զնա ապրեցուցանել , եւ ողջանդամ անդէն յարքունիս հասուցանել :

Այլ վասն գործոյն յոր եկեալին էր՝ ստիպէր զնոսա եւ աւեր . «Թող գրեմ եւ ցուցանեմ մեծ թագաւորին , զի ի բաց թողացուցանէ զայսպիսի իրաց առաջարկութիւն . զի եթէ եւ ինքեանք աստուածքն եկեացեն յօգնութիւն , չէ հնար օրինացս մոզութեան ի Հայս առնուլ ըզ հաստատութիւն . որպէս զփորձ առի զմիաբանութեան ուխտին եկեղեցւոյ : Զի թէ էին զօրք աշխարհիս մոզք , ոչ ինչ խնայէին սոքա ի նոսա սատակմամբ՝ ոչ միայն յարտաքինսն , այլ եւ յեղբարս եւ յորդիս եւ յամենայն մերձաւորս իւրեանց , նա եւ ոչ

յանձինս իւրեանց : Մարդք որ ոչ ի կապանաց զանգիտեն , եւ ոչ ի տանջանաց երկնչին , եւ ոչ ի ստացուածոց պատկառին , եւ որ յետին չար է քան զամենայն չարիս՝ զմահ քան զկեանս բնորեն , ով է որ կարէ նոցա դիմակաց լինել :

Առեալ իսկ իմ էր ի նախնեաց մերոց , եթէ յաւուրս Շապոյ արքայից արքայի , իբրեւ սկսու ուսումնոց այդ աճել եւ բազմանալ եւ ընդ զամենայն երկիրն Պարսից , եւ եւս անգր յարեւելս հասանել , որ վարդապետքն էին օրինացն մերոց՝ յորդորեցին զթագաւորն , զի մի բնաւ ամենեւին բարձցին օրէնք մոգութեան յաշխարհէն . ես հրաման սաստիկ զի լուալ դադարեացէ քրիստոնէութիւն : Եւ որչափ նա կամեցաւ արգիլուլ , եւս քան զեւս աճեցին եւ բազմացան , եւ հասին մինչեւ յաշ-

խարհն Քուչանաց , եւ անտի ի հարաւակողմն մինչեւ ի Հնդիկս տարածեցաւ :

«Եւ այնպէս աներկիւղ եւ համարձակք էին յաշխարհին Պարսից , մինչեւ յամենայն քաղաքս աշխարհին եկեղեցի շինեցին՝ որ զանցուցանէր պայծառութեամբ զթագաւորաբնակ արքունեօքն : Շինէին եւ վկայարանս իմն անուանեալս , եւ զնոյն զարդ եկեղեցեաց զարդարէին , եւ յամենայն տեղիս՝ յապատս եւ յանապատս միայնանոցս շինէին : Եւ իբրեւ ոչ ինչ երեւէր յայանի օգնութիւն ուստէք , աճելով աճէին եւ բազմանալով բազմանային , եւ մարմնաւոր մեծութեամբք մեծանային : Զպատճառս հարստութեան մեք ինչ ոչ գիտէաք . բայց այսչափ ինչ ճշգրտիւ իմանայաք՝ զի տիեզերք ամենայն զկնի ուսմանց նոցա գնային :

«Թէպէտ եւ արկ ի նոսա թա-
գաւորն զձեռն իւր խստու-
թեամբ, եւ զբազումս կալաւ
եւ Հարչարեաց ի նոցանէ, եւ
զեւս բազումս մահուամբ սա-
տակեաց, դառնացաւ եւ ձանձ-
բացաւ յանձն իւր, եւ գնոսա
ոչ կարաց նուագեցուցանել ի
բազմութենէն: Դարձեալ թէ-
պէտ փակեաց եւ կնքեաց զգը-
րունս եկեղեցեացն ընդ ամենայն
աշխարհն Պարսից, նոքա դամե-
նայն տուն եկեղեցի արարին, եւ
յամենայն տեղով զիւրեանց օ-
րէնսն կատարէին: Եւ զանձինս
իւրաքանչիւր վկայարանս համա-
րէին, եւ լաւագոյն զշինուածս
մարդկեղէնս քան զՆողեղէնսն
հաշուէին: Սուրբ սպանողացն
բթեցան, եւ նոցա պարանոցքն
ոչ ձանձրացան. աւարառուք
ստացուածոց նոցա աշխատե-
ցան եւ աւարն օր քան զօր ա-
ճեցեալ բազմացաւ: Սրտմտեալ

էր թագաւորն, եւ յոյժ դառնա-
ցեալ դահիճքն բարկութեան.
Իսկ նոքա արթունք եւ զուար-
թունք, եւ խնդալից ընդունէին
զամենայն հարուածս տանջա-
նացն, եւ սիրով տանէին զա-
մենայն յափշտակութիւն ընչից
իւրեանց:

«Երբեւ ետես թագաւորն եթէ
գոռն տուեալ զիմեցին ի մահ
իբրեւ խաշինք սուրբք յազն երկ-
նաւոր, արգել եւ կարճեաց ի
նոցանէ զհարուածս տանջանա-
ցն. եւ հրաման ետ մոզաց եւ
մոզպետացն, զի մի ամենեւին
ոք խուեսցէ զնոսա, այլ հաս-
տատեալ կայցեն աներկիւղու-
թեամբ իւրաքանչիւրումունս,
մոզն եւ զանդիկն եւ հրեայն
եւ քրիստոնեայն, եւ որ այլ
բազում կեչտք են ի կողմանս
աշխարհին Պարսից: Եւ ա-
պա առ երկիրն զխաղաղու-
թիւն հաստատութեամբ, եւ

լռեալ դադարեցին ամենայն խր-
 ուովութիւնք յուզմանց : Քանզի
 ընդ մերոյ աշխարհին շարժման'
 եւ արեւմուտք եւս մեծապէս
 շարժեցան , եւ ամենայն տաճ-
 կաստան ընդ նոսին խոռվեցան :

«Չայն ահա ի լսելոյ գիտեմք .
 բայց այս որ ես ինձէն աչօք տե-
 սի , թուի ինձ՝ թէ մեծագոյն եւս
 լինի քան դառաջինն : Արդ դու
 որ մարդպանդ ես աշխարհիս ,
 պարտ է քեզ փոյթ յանձին ու-
 նել , դրել եւ ցուցանել յարքու-
 նիս զմիաբանութիւն բռնու-
 թեանս , սրպէս աներկիւղու-
 թեամբ առ ոչինչ համարեցան
 զհրամանս արքունի : Եւ եթէ
 չէր մեր աճապարեալ եւ ի փա-
 խուստ դարձեալ , միում ի մէնջ
 ոչ տային ասլրել : Եւ եթէ ան-
 դէն մարդիկ այդպէս բռնացան ,
 եթէ յանկարծ զինուորս եւս ընդ
 ինքեանս միաբանեցուցանեն , ո՞
 կարիցէ կալ առաջի դոցա յան-

դուզն յարձակմանդ :

«Ես ահա անտեղեակ էի ան-
 քակ ուխտի եկեղեցւոյդ ի մի-
 մեանց . զի այլ է զոր լսէ մարդ ,
 եւ այլ է զոր տեսանէ հաստա-
 տուն իւրովք աչօք : Գու որ ի
 մանկութենէ յայդմ օրէնս սնեալ
 էիր , եւ ճշմարտեալ գիտէիր ըզ
 պնդութիւն մարդկանդ , եթէ
 առանց բազում արիւն հեղլոյ
 դոքա մեզ ոչ տան ձեռն արկա-
 նել յեկեղեցիսդ , ընդէր ոչ զայդ
 ամենայն հաւաստեալ յանդիման
 չասացնր թագաւորին : Քանզի
 ամենայն նախարարացն աւագ
 դու էիր , եւ զբոլոր աշխարհս
 քեզ յանձն արարեալ էր մարդ-
 պանութեամբ . ընդէր ոչ մեծա-
 պէս հող տարար յանձն քո : Զի
 յայլ ժամս իմաստուն էիր՝ եւ ես
 գիտէի . զայս ոչ իմաստութեամբ
 գործեցեր : Ապա թէ ոչ , յայտ
 է եթէ եւ դու ի նոցա բանի ես ,
 եւ քոյով խորհրդով անցուցին

զայս անցս ընդ իս եւ ընդ զօրս :

«Արդ եթէ այդ այդպէս է , եւ քեզ կամք չէ ունել զմոզութիւն , մի ինչ պատկաներ դուերկիւղիւ յարքայէ . ես գրեմ եւ ցուցանեմ ի դուռն մովպետան մովպետի եւ գերանդարձապետի եւ մեծ հազարապետին , զի ամցեն զարքայ ի հաւանութիւն , որպէս զի ի բայ թողացուցէ րստ առաջին հրամանին , եւ ի կամս մարդկան սպաստան աւրասցեն , զի առ սակաւ սակաւ ընդեցին ընդ օրէնս մոզութեան . զի որք կալցին՝ սիրով երեւեսցին կատարեալ զհրամանն արքունի : Քանզի մարդ է աշխարհս , դուցէ յորժամ վնաս ինչ նոցա առնիցեն , եւ ինքեանք ցրուեալ վատնեսցին յօտարութիւն : Իսկ յորժամ աշխարհս թափուր լինիցի ի մարդկանէս , յայնժամ եւ քեզ զըլխովին մեծապէս վնաս հասանէ

յարքունուսա » :

Ես պատասխանի մարդպանն մոզպետին , եւ ասէ . «Ամենայն բանք իրատուդ զոր ասացեր՝ ճշմարիտ են . բայց զառաջինս զոր չիմացար՝ տեսեր , եւ մեծապէս զղջացար այժմ : Բայց դուարդ զոր ասեմս արա , եւ բարիք թուեսցի քեզ . սակաւիկ մի երկայնամիտ լեր եւ զխորհուրդս քո արգել ի բազմաց . բայց արանց՝ որոց ես ասեմ՝ նոցա յայտնեա , մինչեւ ես ինձ յոյժ ժողովեցից զօր ի թիկունս ամելոյ , եւ զուխտ եկեղեցւոյդ գերեւս կարացից երկիւղեցել : Եւ եթէ զայդ այդպէս արարից , զիտեմ ապա թէ եւ զհրամանն արքունի կարող եմ կատարել » :

Եւ անդէն հրոս հանեալ ի Սիւնեաց աշխարհէն , զիւր գունդըն ստուարացոյց ի թիկունս օդնականութեան մոզաց եւ մոզպետին : Եւ ապա սկսաւ ասել .

« Աղէ դու անգամ մի հրովարտակ ի դուռն տուր վասն այրու ձիոյն որ յԱպղուանն է տասն հազար , զի ի ձմերոց ի Հայաս եկեացեն . եւ յորժամ զնոսա ի ձեռին ունիցիմք՝ չէք ոք որ եղծանել կարէ զհրամանն արքունի » :

Պատասխանի ետ մոգպետն եւ ասէ ցմարդպանն . « Այդ խորհուրդ դարձեալ իմոց բանիցս ընդդէմ է . քանզի մեք յորժամ բռնութեամբ կուեսցուք ընդ աշխարհիս , աշխարհս ի բաց քանդի , եւ մեք ի պատուհասէ չապրիմք , անձանց միաս , եւ արքունի մեծապէս զեան » :

Եւ ոչ ինչ կամեցաւ ամենեւին ունին զնել նմա մարդպանն , զի սրտի մտօք կալեալ էր զպարսկական օրէնան : Սկսաւ այնուհետեւ պատրել զոմանս կարասեաւ եւ զոմանս ողոքական բանիւք . զոսամիկն ամենայն՝ ա-

հեղ բանիւք սպառնացեալ սրտաթափ առնէր : Հանապազորդ առատացոյց զոռձիկն տաճարին , եւ յերկարէր զնուազան ուրախութեան , մաշելով զերկայնութիւն զիշերացն յերգս արբեցութեան եւ ի կաքաւս լրկտութեան . քաղցրացուցանէր ոմանց զկարգս երաժշտական եւ զերգս հեթանոսականս . մեծապէս դովութիւն մատուցանէր օրինաց թագաւորին : Բերեալ էր եւ յարքունուտ քաղմութիւն կարասուոյ , եւ միում միում կաշառ զազա խթէր ի պատճառս պարզելի եւ պատուոյ . եւ բազում նենգութեամբ զամենդ մարդիկ հրապուրէր եւ յինքն արկանէր :

Իսկ զայս ամենայն իբրեւ տեսին սուրբ եպիսկոպոսունքն , եւս քաջ դրդեալ յորդորեցան ի նոյն միաբանութիւն . եւ հրնարապէտ իմաստութեամբ ընդ

երկուս բաժանեցին զքանակն :
 Մանաւանդ իբրեւ հաստատեալ
 գիտացին ի միտս իւրեանց՝ եթէ
 անօրէն իշխանն Սիւնեաց զօր-
 հասական վէրսն ի հողիսն ըն-
 կալեալ էր , խորշեցան մերժե-
 ցան եւ ի բաց փախեան ի նմա-
 նէ :

Երբհուրդ արարեալ ի գիշերի
 միում ամենայն ուխտին բազ-
 մութեամբ , կոշեցին եւ զսպա-
 րապեան զօրաց ի խորհուրդն .
 հարցին եւ քննեցին եւ ի վերայ
 հասին մտացն անշարժութեան ,
 որոյ ոչ եւ առ սակաւ մի թե-
 րացեալ էր ի սիրոյն Քրիստոսի :
 Եւ միաբան աղօթս արարեալ
 ի վերայ նորա , վերստին ընկա-
 լան զնա յառաքինութիւն : Եւ
 նովաւ որսացեալ զբազումս ի
 նոյն միաբանութիւն՝ որք ոչ էին
 քակեալ յառաջին միաբանու-
 թենէն , եկին եւ ժողովեցան
 գունդ զօրաց բազմաց : Եւ եւս

առաւել հեռագոյն զատան ի մո-
 գացն եւ ի մոզպետէն եւ յանօ-
 րինէն Վասակայ :

Իսկ նա այնչափ յիմարեցոյց
 եւ ապշեցոյց զմիտս մոզպետին ,
 մինչեւ չեա նմա իմանալ զելս
 իրացն : Սկսաւ բաշխել մոզս ի
 տունս նախարարացն եւ մեծա-
 մեծ որճիկս կարգել , զոճել պատ-
 րուճակս , եւ բռնաբար կնքա-
 ւոր մարդկանն տալ ուտել միս
 յազածոյ , եւ երկիր պագանել
 արեղականն : Երբեւ սկսաւ բազ-
 մանալ ընդ ամենայն աշխարհն
 այնպիսի պղծագործ խառնա-
 կութիւն , յանդգնեցան եւ եւս
 կանայք փշտիպանացն յաւուր
 կիրարկէի անցուցանել զճրագու-
 նըս եկեղեցոյն եւ պատառել ըզ
 հանդերձս հաւատաւոր կանանց :

Չայս գուժկան աղմկի իբրեւ
 տեսին միաբան սուրբ եպիսկո-
 պոսունքն , զաւետարանն ի ձեռն
 առեալ հասին եւ անկան առանց

հարցանելոյ ի վանս սպարապետին , ուր ժողովեալ էին զօրքն Հայոց :

Համբարձին զձայնս իւրեանց եւ ասեն . « Ազաչեմք զձեզ զամենեւեան սուրբ աւետարանաւրս . եթէ ձերով խորհրդիւ գործէ զայն անօրէնութեան չարիս մարզպանն եւ մոզպեան , նախ զմեր պարանոցս հատէք , եւ ապա յեկեղեցին ձեռնարկեցէք : Ապա թէ առանց ձեր կամաց նոքա զայն չարն գործեն , այսօր խնդրեսցի վրէժդ այդ ի նոցանէ :

Իսկ որք էին ի ներքս ի վանս սպարապետին՝ յօտն կացին , միաբան համբարձին զձայնս իւրեանց առ Աստուած եւ ասեն . « Դու Տէր սրտագէտ ամենեցուն , ոչ ինչ պիտի քեզ վկայութիւն ի մարդկանէ . եթէ խտորեալ իցեմք իքէն սրտի մտօք , զայն դու ինքնին քաջ գիտես . այսօր

իսկ դատեա զմեզ ըստ մեղաց մերոց : Ապա եթէ հաստատուն կամք յուխտի սուրբ աւետարանիս , դու Տէր լեր մեր օգնական այսօր , եւ սուր զթշնամիսն ճշմարտութեան ի ձեռս մեր , զի արասցուք ընդ նոսա ըստ կամաց քոց սրբոց » :

Զայս իբրեւ ասացին , ամենեքեան զգլուխ զգեանի հարկանէին . եւ ողջունեցան յաւետարանէն եւ յեպիսկոպոսացն :

Իսկ մի ոմն ի նախարարացն որ անդր դիպեցաւ , էր ի նոցա խորհրդի , եւ ոչ միաբանեաց ընդ նոսա ի մեծ վկայութիւնն . եւ անդէն առ ժամայն ի նոցունց ի տեղուջ քարկոծեցաւ , եւ ահ մեծ անկաւ ի վերայ ամենեցուն :

Յայնժամ ամենեքեան ի նախանձ բարկութեան բրդեցան , մինչեւ ամենայն տեսողացն երիկամունքն դողային , որք առ ոչինչ համարեցան զպարգեւս

արքունի , եւ առ ոսն հարին
 գհրամանա ահագինս : Ընթացան
 վաղվաղակի ի զէնս իւրեանց ,
 վառեցան կազմեցան զգլխերն
 ամենայն , եւ ընդ ծագել արե-
 դականն զգունգն յերիս մասու-
 նրս բաժանեալ ի բանակն ար-
 կանէին : Գունգն առաջին յա-
 րեւելից կուսէ , գունգն երկ-
 րորդ՝ յարեւմտից կողմանէ , եւ
 գունգն երրորդ՝ ի հիւսիսոյ կող-
 մանէ , շուրջանակի իմէջ առեալ
 փակեցին զբազմութիւն բանա-
 կին . եւ զբազումս կոտորեցին ,
 եւ զեւս բազմազոյնս կապեցին
 զերեւելի մարդիկ , եւ արկին ի
 բերդս ամուրս ընդ իւրեանց իշ-
 խանութեամբ : Եւ զառ եւ զա-
 պուռ զաւար բանակին ի մի վայր
 ժողովեալ պահէին իբր հրամա-
 նաւ արքունի :

Իսկ զմարդպանն ձերբակալ
 արարեալ , եւ միաբանէր ընդ
 նոսա երգմամբ՝ հաստատուն կալ

յուխտին , զղջանայր զառաջին
 քակումն ի նոցանէ : Անկանէր
 ապաշխարութեամբ յոտս սուրբ
 եպիսկոպոսացն , եւ աղաչէր
 խաղապատելով՝ զի մի մերժեալ
 ընկեցցի առ ի նոցանէ : Կրկնէր
 եւ երեքկնէր զանսուա երգումն
 առաջի բազմութեանն ի սուրբ
 աւետարանն , զբէր եւ կնքէր
 զերգումն եւ կապէր զաւետա-
 րանէն . եւ աղաչէր՝ զի յԱստու-
 ծոյ խնդրեցցի վրէժխնդրու-
 թիւնն , եւ մի նոքա մարդկա-
 բար սասակեացնն զնա :

Իսկ նոքա թէպէտ եւ հաս-
 տատեալ գխտէին գնենդութիւն
 կեղծաւորութեանն նորա , եւ
 եթէ խարէութեամբ զառնայ
 անդրէն ի հին մոլորութիւնն ,
 ոչ ինչ փոյթ աանէին ձեռն ար-
 կանել ի նա վասն առաջին յան-
 ցանացն , այլ սուրբ աւետա-
 րանին թողին ի զատապարտու-
 թիւն :

Իսկ որք եկեալ էին յաւարի
 առնուլ զսուրբ դանձն եկեղեց-
 ւոյն, ահամայ եղին զանձինս
 եւ զաւար իւրեանց առաջի
 սուրբ եպիսկոպոսացն եւ ամե-
 նայն զօրացն . եւ եղծեալ ա-
 պականեցաւ հրաման թագաւո-
 րին : Եւ յաջողեալք զօրու-
 թեամբն Աստուծոյ՝ ազաղակե-
 ին եւ ասէին գոհանալով արք
 եւ կանայք եւ ամենայն ռամիկ
 բազմութիւնն . « Պատրաստ եմք
 ի հալածանս եւ ի մահ եւ յա-
 մենայն նեղութիւնս եւ ի չար-
 չարանս վասն սուրբ եկեղեցեաց
 զոր աւանդեցին հարքն մեր ա-
 ռաջինք՝ զօրութեամբ զալքսու-
 եան Տեառն մերոյ Յիսուսի Քրիս-
 տոսի , որով վերատին ծնաք ի
 մի յոյս հաւատոյն մկրտութեամբ
 ի Քրիստոս Յիսուս , ըստ նախն
 նմանութեան կամբօք չարչա-
 րանօք եւ արեամբ նորոգել
 զանձինս : Քանզի հայր մեր ըզ

սուրբ աւետարանն գիտեմք ,
 եւ մայր՝ զառաքելական եկե-
 ղեցի կաթողիկէ . մի ոք չար
 անջրպետ ի մէջ անկեալ՝ զմեզ
 քակեացէ ի սմանէ » :

Ոչ երեւէր այնուհետեւ առա-
 ւել տէրն քան զժառայ , եւ ոչ
 ազատ փափկացեալ քան զգեղ-
 ջուկ վշտացեալ . եւ ոչ ոք քան
 զքր նուագեալ յարութենէ : Մի
 սիրտ յօժարութեան ամենեցուն
 արանց եւ կանանց , ծերոց եւ
 սղայոց եւ ամենայն միաբանե-
 լոց ի Քրիստոս : Քանզի առ հա-
 սարակ զմի զինուորութիւն զի-
 նուորեցան , եւ զմի ազան գրա-
 հըս հաւատոց պատուիրանին
 Քրիստոսի . միով գօտեաւ ճըշ-
 մարտութեան պնդեցին զմէջս
 արք եւ կանայք :

Ընկեցեալ կայր այնուհետեւ
 ոսկի , եւ ոչ ոք անոյր իւր ա-
 ռանձինն արծաթ , եւ արհա-
 մարհեալ առանց ազահութեան ,

անարդեալ պատուական հանդերձք սա ի դարդս մեծարանաց : Նա՛ իւրաքանչիւր ստացուածք ոչ ինչ համարելին յաչս իւրեանց ստացողին : Տեսանէին զանձինս իւրեանց իբրև զմեկալ դիակունս , եւ զիւրաքանչիւր գերեզմանս ինքեանք փորէին , եւ կեանք իւրեանց ի մահ համարեալ էին , եւ մահք իւրեանց անշուշտ կեանք :

Յայց այս բարբառ ստէպ ստէպ ընթանայր . « Քաջութեամբ միւսայն մեռցուք , զանուն եւ զուզիս եւ եթ ժառանգեացուք , զի կենդանի իցէ ի մեզ Քրիստոս , որում զիւրին է ի միւսանդամ նորոգել զմեզ ի հողոյ եւ զամենայն զյառաջագոյն գննջեցեալսն , եւ հատուցանել իւրաքանչիւր ըստ գործս իւրեանց » :

Զայս եւ առաւել քան զսոյնս խօսելով , եւ մխիթարելով զան-

ձինս եւ զմիմեանս , դարձեալ միւսանդամ զինուորքն պատրաստեցին զզէնս իւրեանց , եւ աղօթականքն անդադար լինէին յաղօթան իւրեանց , եւ պահօղքն ճգնէին ի պահս իւրեանց : Զայնք պաշտօնէիցն ի սուէ եւ ի գիշերի անհատէին ի սուրբ սաղմոսն . ընթերցուածք աստուածային կտակաբանացն ոչ երբէք առնուին դադարումն յամենայն ժամ . սոյնպէս եւ մեկնիչքն ի մխիթարութիւն երկնաւոր վարդապետութեանն :

Յայնմ ժամանակի դարձեալ յարձակեցան ի վերայ բերդիցն եւ աւանաց , զոր ունէին Պարսիկքն ի տեղիս տեղիս , յամրոցն աշխարհին . տապալէին քանդէին զքնակութիւնս նոցա : Առաջին զմեծն Սրտաշատ հանդերձ աւանօք իւրովք , եւ առնուին զանմասոյց ամուրսն ,

զԳառնի քաղաքն , զԱնին , զԱրտագերս , եւ զաւանս իւրեանց . զԵրկայնորդան եւ զԱրհնին , եւ զաւանս իւրեանց . զԲարձրաբուղն , զԽորանխտն , զԾխանխտն , զանկասկածելի Ողականն , եւ ընդ նոսա եւ զաւանս իւրեանց . զԱրփանեալն , զՎանն աւան , ընդ նրմին եւ զաւանսն իւր . զԳոռեալն եւ զԿապոյան , զՈրտան եւ ըզՎատակաշատն :

Զամենեայն զայս իւրաքանչիւր գեղիւք եւ ագարակօք , զօրօք եւ զօրագլխօք ի նմին ամի առեալ տապալեցին , եւ ի գերութիւն վարեցին զարս եւ զկանայս ընչիւք եւ սոացուածովք , հանդերձ պատուական գանձիւք եւ նոցին սպասուք : Տապալէին քանդէին ըզչինուածս նոցա , եւ այրէին կիզուին զտունս պաշտօնարկի եւ պաշտաման կրակի : Սրբէին

զպղծութիւն կռապաշտութեանցն , եւ առնուին զկահ եւ ըզկազմածս ատրուշանայն , բերէին եւ դնէին ի սուրբ եկեղեցւոջն , եւ ի ձեռն սուրբ քահանայիցն նուիրէին ի սպաս տէրունական սեղանոյն : Եւ փոխանակ մնտոի պաշտամանցն զոր տապալեցին յամենայն տեղիս հեթանոսացն , զփրկական Խաչն Քրիստոսի կանգնէին . զամենասուրբ սեղանն ուղղէին , եւ ըզկենդանարար Խորհուրդն կատարէին սրբութեամբ . պաշտօնեայս եւ քահանայս ի տեղւոջն կացուցանէին : Յուսով հաստատեալ խնդայր ամենայն երկիրն առ հասարակ :

Եւ մինչդեռ յայսմ մեծի առաքինութեան կատարեալ գործէին զգործ նահատակութեանն , երեւէր իմն ի վերայ ամենեցուն աստուածային շնորհք . քանզի առանց հրամանի ի զօրացն Հա-

յոց , յարեւելից կողմանէ աշխարհին , յարձակեցան ոմանք Ստրպատական աշխարհն , եւ ի տեղիա տեղիա բազում վնաս արարին՝ առնլով եւ աւերելով եւ քանդելով զբազում ատրուշանս :

Իսկ որ ի մեծ ամուրան անկանէին՝ խաչանշան արարեալ՝ ի վերայ զօրուն յարձակէին . որ եւ երկու մեծամեծ բերդացն պարիսպքն առանց ուրուք մերձենալոյ անկեալ կործանեցան . մինչեւ ամենայն ընակչաց երկրին զահի հարեալ ի մեծ նշանէն , ինքեանք ինքեանց ձեռօք ըզկրակատունս այրէին . ուրանալով զօրէնս մոզութեանն՝ խոստովանէին ի սուրբ աւետարանն :

Եւ այլ մեծամեծ աջողութիւնք կատարէին ի ձեռն զօրականին . քանզի ուր ոչ էր ակնկալութիւն եթէ զանուն Աստուծոյ ոք յիշեացէ՝ արհաւիրք մեծ անկանէ-

ին ի վերայ նոցա , եւ ամենայն մարդ պատմէր ընկերի իւրում տեսիլս նորս եւ զարմանալիս : Սոյնպէս եւ աստեղք ի յերկինս երեւէին յոյժ չուսալիր պայծառացեալ , զոր ոչ ունէին յառաջին բնութեանն : Եւ ամենայն սպայք աշխարհին իբրեւ զարս պատերազմոցս խիզախէին :

Եւ անս յետ աւուրց բազմաց եկն եհաս հազարապետն Աղուանից սուրբ եպիսկոպոսաւ աշխարհին , մեծաւ տաղնապաւ փութացուցանէր զզօրսն ասելով . «Գունդն Պարսից որ էր ի կողմանս աշխարհին Հոնաց՝ զարձաւ այսրէն , եկն եմուտ յաշխարհս մեր . եւ բազում եւս եւ այլ այրուծի որ ի զբանէ եկն : Եւ թող զայս ամենայն , այլ երեք հարիւր մոգ վարդապետ ածեալ ընդ իւրեանս , պառակտեցին զաշխարհն , եւ զոմանս ոմանս յինքեանս արկին , եւ կամէին

յեկեղեցին ձեռն արկանել . եւ հրամանաւ թագաւորին ստիպէին զամենեսեան եւ ասէին , « Եթէ կամօք յանձն առնուք զօրէնսն , պարզեւս եւ պատիւս դտանէք ի նմանէ , եւ թողուն թիւն հարկացն յարքունուստ լիցի ձեզ . ապա թէ կամօք չատանէք , հրաման ունիմք ի գեօղս եւ ի քաղաքս շինել ատրուշանս , եւ զվաւազան կրակն ի ներքս դնել , եւ կացուցանել մոգս եւ մոգպետս օրէնսդիր ամենայն աշխարհիդ : Եւ եթէ ստամբակեալ ոք ընդդէմ դարձցի , ինքն մահու պատուհաս ընդունի , եւ կին եւ որդիք այնպիսոյն անաշխարհիկ եղեալ՝ յարքունիս երթիցեն » :

Իսկ գունդն Հայոց իբրեւ լըւաւ զայս գոյժ դառնութեան , ոչ ինչ թուլացեալ լքան ի քաջութենէն . այլ դարձեալ համագունդ ժողով լինէր ամենայն

աշխարհին վասն զուժաբեր հրբեշտակացն որ հասին առ նոսա : Եւ միաբան քաջալերս տուեալ՝ արձակեցին զնոսա , զի առ ժամանակ մի պատիր խաբէութեամբ զնոսա կալցեն , զի խափանեացին ի չար կամացն՝ չձեռնարկել ի սուրբ ուխտ եկեղեցոյն իւրեանց . եւ զօրութեամբ ընն Աստուծոյ խորհուրդ ի մէջ առեալ՝ իրացն հնարիւք ելս ինդրէին :

Յայնմ ժամանակի զմի ոմն ի մեծ նախարարացն ի տոմէն Գրնունեաց՝ Ատոմ , ձեպով առաքեցին յերկիրն արեւմտից ցուցանել զայս ամենայն խորհուրդ զչարիմաց թագաւորին արեւելից , միանգամայն եւ պատմել զիւրեանց քաջութիւն արութեանցն — զոր գործովք կատարեցին՝ առ ոտն հարկանելովրդ հրամանն անդ , եւ մեծապէս աստակումն ի վերայ մոգացն հա-

սուցանելով — խնդրել ի նմանէ
օգնականութիւն սատարութեան,
եւ եթէ նա կամեցի՛ նմա իսկ
մտանել ի ծառայութիւն :

Եւ այս է պատճէն հրովար-
տակին՝ զոր գրեցին առ Թէոդոս
կայսր .

« ՅՈՎՍԷՓ եպիսկոպոս բա-
զում եպիսկոպոսակցօք իմովք եւ
ամենայն զօրօք Հայոց , Վասակ
մարդպան եւ Ներշապուհ Ռբմ-
բոսեան հանդերձ Սպարապե-
տաւս Վարդանաւ եւ ամենայն
մեծամեծ նախարարօքս , առ մե-
ծանունդ Թէոդոս կայսր , բազ-
մացի ողջոյն մեր առ քեզ եւ
ամենայն զօրաց քոց , որ խա-
ղաղասէր մարդասիրութեամբ
ձերով տիրէք ծովու եւ ցամա-
քի , եւ չիք ոք յերկրաւորացս՝
որ ձերում անարգել տէրու-
թեանդ ընդդէմ դառնայցէ :

« Որպէս մեք իսկ ունինք զան-

սուտ յիշատակարանսն զառաքի-
նի նախնեացն ձերոց , ունելով
ղեւրովպէ՛ անցին եւ տիրեցին
եւ Ասիացւոց կողմանցն ի սահ-
մանացն Սերայ մինչեւ ի կողմա-
նքս Գաղեքովնի , եւ ոչ ոք զը-
տաւ ստամբակեալ եւ ելանել
ըստ ձեռն նոցա :

« Եւ յայնչափ մեծ իշխանու-
թեան՝ Գաստակերտ մեծ եւ սի-
րելի զՀայոց աշխարհս անուա-
նէին : Վասն որոց եւ նախնին
մեր Տրդատիոս յիշելով զառաջին
սէրն ձեր , որ ի տղայութեան
վախտուցեալ ի հայրասպան մար-
դախողխող հօրեղբարցն իւրոց՝
ապրեալ սնաւ յերկրիդ Յունաց ,
եւ ի ձէնջ թագաւորեալ տիրէր
հայրենի աշխարհիս , սոյնպէս
եւ զհաւատոսն որ ի Քրիստոս՝
ընկալեալ ի սուրբ եպիսկոպո-
սէն Հովմայ , լուսաւորեաց ըզ
խաւարային կողմանս հիւսիսոյ .
զոր եւ այժմ կամին ի մէնջ

կորդել հանել խաւարասէր որ-
դիքն արեւելից :

« Եւ մեք ի ձեր քաջութիւն
արութեանդ խիզախեալ , էր
ինչ որ ընդդէմ դարձաք նոցա
հրամանացն , եւ բազում այն է
որ արդ առաջի պատրաստեալ
եմք : Ընտրեցաք զմահ աստուած-
պաշտութեամբ քան զկեանս ու-
րացութեամբ . եթէ գուք եւս
ի ձեռն առջիք զմեզ , ահա կրկին
կենաց դիպեցաք , եւ ոչ մի ան-
գամ մահու : Եւ եթէ սակաւիկ
մի հեզգայք , գուցէ բազում եւ
այլ աշխարհաց հասանիցէ տապ
բոցոյ սորա » :

Եւ իբրեւ յանդիման եղեն
մեծի թագաւորին , եւ ընթեր-
ցան զգիր պաղատանաց Հայոց
աշխարհին եւ զշիշատակարանս
նախնեացն , բազում մատենաք
ի մէջ եկեալ ընթերցան՝ որ զնոյն
ուխտ հաստատութեան ի ներքս
գտանէին :

Եւ մինչդեռ երանելին Թէոդոս
հարցանէր զամենայն սինկլի-
տոսն , եւ հնարս իրացն կամէր
գտանել խաղաղութեամբ , եւ
հոգ տանէր մեծաւ յօժարու-
թեամբ՝ զի մի եկեղեցիքն արեւ-
ելից յավիշտակեղին յանօրէն
հեթանոսացն , ի նմին ժամա-
նակի անդէն վազվազակի հա-
սանէր վախճան կատարածի կե-
նաց նորա , եւ կարի չար խա-
փանուան լինէր գործոյն օգնա-
կանութեան :

Եւ թագաւորէ փոխանակ նո-
րա Մարկիանոս կայսր , եւ ի
ձեռն վատթար արանց խրատ-
տուացն իւրոց ծառայից , Անա-
տոլեայ՝ որ սպարապետն էր ,
եւ Փղորենտիոս ասորի , երկոք-
եան անարգ եւ վատթար ա-
րանց , միանգամայն եւ անաս-
տուածք . ի նոցա բանս ելեալ
թագաւորն , ոչ կամէր անսալ
միաբան ուխտին Հայոց , որ ա-

մենայն ուժովն իւրեանց ընդ-
դէմ կացեալ էին չարութեանն
հեթանոսաց : Իսկ անարիս այս
լաւ համարէր պահել զուխան
հեթանոսաց վասն մարմնական
խաղաղութեան՝ քան պատե-
րազմակից լինել ուխտին քրիս-
տոնէութեան : Վասն այսորիկ
փութացաւ արձակեաց դեսպա-
նքս առ թագաւորն Պարսից ըզ-
նոյն Փղորենտիոսն , եւ ետուտ
ընդ նմա յուխտ հաստատու-
թեան՝ ձեռնթափ լինել ի զօրացն
Հայոց զօրու եւ դինու եւ ամե-
նայն օգնականութեամբ :

Եւ իբրեւ այսպէս հաստատե-
ցաւ , եւ հատաւ օգնականու-
թիւն յուսոյ նոցա ի մարդկանէ ,
դարձեալ սուրբ եպիսկոպոսքն
քաջալերել սկսան զանձինս եւ
զօրսն Հայոց : Թէպէտ եւ հա-
յէին յիւրեանց սակաւութիւնն
եւ յերկոցունց թագաւորացն
միաբանութիւն , ոչ ինչ վատա-

սրրտեալ դողային , այլ ըստ ա-
ռաջին ուխտին խիզախէին եւ
ասէին . « Պատրաստ եմք ի սպա-
նանել եւ ի մեռանել . դիւրին
է Աստուծոյ սակաւուք զբազ-
մաց գործ գործել , եւ անար-
գանօք զմեծամեծ իրս կատա-
րել :

Թէպէտ եւ ոչ ունէին թագա-
ւոր առաջնորդ , եւ ոչ արտա-
քուստ օգնական զորք յօտարաց ,
սակայն անձանց առաքինու-
թեամբ եւ սուրբ վարդապետա-
ցըն մխիթարութեամբ՝ համա-
գունդ ամենայն նախարարքն
զօրօքն իւրեանց յիւրաքանչիւր
տանէ ի մի վայր գային հասա-
նէին վարդապակի . բազում եւ
այլ այրուծի՝ որ յարքունի տա-
նէ անտի էր :

Եւ զամենայն զօրսն յերիս
գունդս բաժանեցին .

Զգունդն առաջին տային
ցՆերշապուհ Ռըմբոսեան , եւ

գումարէին զնա պահապան աշխարհին, մերձ ի սահմանս Ատրբպատական աշխարհին:

Եւ զգունդն երկրորդ տային ի ձեռն Վարդանայ զօրավարին Հայոց՝ անցանել ընդ սահմանս Վրաց ի վերայ մարդպանին ձորայ, որ եկեալ էր աւերել զեկեղեցիսն Աղուանից:

Իսկ զգունդն երրորդ տային ի ձեռս Վասակայ իշխանին Սիւնեաց, որ ոչ ի բաց կացեալ էր յուխտէն հեթանոսաց՝ ըստ ներքին խորհրդոցն իւրոց:

Ընտրեաց եւ առ նա ընդ իւր՝ զորոց գիտէր զթուլութիւն հաւատոց նոցա:

Զիշխանն Բագրատունեաց զօրք իւրովք:

Զիշխանն Խորխոռունեաց զօրք իւրովք:

Զիշխանն Ապահունեաց զօրք իւրովք:

Զիշխանն Վահեւունեաց զօ-

րօքն իւրովք:

Զիշխանն Պալուենեաց զօրօքն իւրովք:

Զիշխանն Գաբղենից զօրօքն իւրովք:

Զիշխանն Ուրծայ զօրօքն իւրովք:

Եւ զայլ բազում զօրս յարքունի տանէն արկ յինքն, եւ զսեպուհս ոմանս յայլմէ տոհմէ: Եւ խորամանկ խաբէութեամբ դարանամուտ լինէր յամուրս իւրոյ աշխարհին, ի պատճառս կեղծաւորութեան՝ եթէ ընդ ճապուկ անդր անցանէ ի վերայ գնդին Պարսից՝ հալածականս առնել յաշխարհէն Աղուանից:

Իսկ նա յամրածածուկ հաւալոցէն ձեպով դեսպանս արձակէր առ գունդն Պարսից. «Սհա աւադիկ քակեցի զմիաբանութիւն ուխտին Հայոց, եւ ընդ երիս կօղմանս գունդս գունդս քակեալ բաժանեցի: Զգունդն

առաջին հեռացուցի ի կողմանս
Հերայ եւ Զարեանդայ . եւ
գունդս երկրորդ ընդ իմով ձե-
ռամբ է , որոց ոչ ինչ տամ վնաս
առնել զօրաց արքունի : Եւ զայլ
ամենայն որ այր կռուոյ յաշ-
խարհի աստ գտանէր՝ ցանեցի
ցրուեցի ընդ ամենայն միջոցս
աշխարհիս : Բայց զգունդն եր-
րորդ արարի ընդ Վարդանայ
յԱղուանս՝ սակաւածեռն եւ ոչ
բազմաթիւ : Ե՛լ համարձակ ընդ
առաջ նորա , եւ մի՛ զանգիտեր
ամենեւին տալ պատերազմ .
գիտեմ զի ի պարտութիւն մատ-
նին առաջի քոյոյ մեծի զօրու-
թեանդ» :

Զայս գրեաց եւ եցոյց մարգ-
պանին՝ որում անունն էր Սե-
բուխտ : Իսկ նա իբրեւ լուաւ
զայս ամենայն զքաջաբերս ի
Վասակայ , եւ ստուգեալ հաս-
տատեաց ի միտս իւր՝ եթէ սա-
կաւածեռն գնդաւ գայ սպարա-

պեան Հայոց ի վերայ նորա , ոչ
եկաց մնաց ի կողմանս ճորայ .
այլ կուտեաց զամենայն բազմու-
թիւն զօրու իւրոյ , եւ փութա-
նակի անցանէր ընդ մեծ գետն
կուր անուռն . եւ պատանէր նմա
մերձ ի սահմանս Վրաց հանդէպ
Խաղիսաղ քաղաքի , որ ձմերոց
էր թագաւորացն Աղուանից :
Անցանէր բաւանդակէր ամենայն
զօրօք իւրովք . ուզմ արարեալ
զբոլոր մեծութիւն գաշտին ի
ներքս փակէր . զինեալք եւ
վառեալք ամենայն պատրաս-
տութեամբ ի մարտ պատերազմի
ընդդէմ գնդին Հայոց :

Իսկ քաջն Վարդան եւ ամե-
նայն զօրքն որ ընդ նմա էին՝
իբրեւ տեսին զբազմութիւն
պատրաստութեան գնդին հե-
թանոսաց , հայեցան եւ յիւրօ
եանց սակաւութիւնն . թէպէտ
եւ կարի յոյժ նուազունք էին
քան զնոսա , ոչ ինչ զանգիտե-

ցին առ ի յոյժ բազմութենէն ,
այլ հասարակ միաբան համբար-
ձին յերկինս զձեռս իւրեանց ,
աղաղակէին եւ ասէին .

«Դատեա , Տէր , զայնոսիկ
ոյք դատին զմեզ . մարտիր ընդ
այնոսիկ որ մարտնչինս ընդ մեզ .
զինու եւ ասպարաւ քով օգնեա
մեզ : Շարժեա եւ դողացո՞ ըզ
գունդագունդ բազմութիւն ա-
նօրինացս . զուեա եւ վասնեա
զչար միաբանութիւն թշնամեաց
քոց առաջի քոյոյ փրկական
մեծի նշանիս , եւ տուր ի ձեռն
ասկաւուցս զքաջութիւն յաղ-
թութեան ի վերայ անհնարին
բազմութեանս : Ոչ ի պարծանս
անտի փառասիրութեան անօ-
գուտ վաստակոց ինչ ազաչեմք ,
կամ յագահութիւն ընչասիրու-
թեան զանցաւոր մեծութիւն
կապտելոյ , այլ զի ծանխցեն եւ
գիտացեն ամենեքեան այնքիկ
որ ոչն հնազանդին սուրբ աւե-

տարանին քարոզութեան , եթէ
դու ես Տէր կենաց եւ մահու ,
եւ ի ձեռն քոյ է յաղթութիւն
եւ պարտութիւն : Եւ մեք
պատրաստ եմք ի մեռանել վասն
քո սիրոյդ . եւ եթէ սպանա-
նել եւս հասանէ գնոսս , ոչ ե-
թէ մեզ ինչ , այլ ճշմարտու-
թեանն եղիցուք վրէժխնդիրք» :

Եւ զայս ասելով խումբ ա-
րարեալ յարձակէին , եւ զաջ
թեւն բեկեալ՝ զձախոյ կողմամբն
արկեալ , սրոյ ճարակ զամե-
նեսեան տային ընդ երեսս դաշ-
տին , եւ փախտական անէին
մինչեւ յամուր տեղիս մայրեացն
առ խորագոյն դարիւքն Լոփ-
նաս գետոյ : Ուր ընդդէմ դարձ-
եալ թագաւորականց ոմանց
Բաղասական արքայի , ընկեցին
զոմն ի ձիոյ ի նախարարացն
Հայոց . ի գնդէն Գիմաքսենից
զՄուշ սպանին , եւ զԳազրիկ
վիրաւորեցին :

Յայնմ տեղեոջ դէտ ակն ի վեր
ամբառնայր Սրշաւիր Սրշարու-
նի, գոչէր առիւծաբար եւ յար-
ձակէր վարագաբար, հարկանէր
եւ բատակէր զՎուրին քաջ
զեղբայր թագաւորին Լվնաց,
եւ զբազում համարդս նորին
ընդ նմին սատակէր: Եւ այնպէս
ամենեքեան առ հասարակ այր
զախոյեան իւր յերկիր կործա-
նէր: Եւ առ յոյժ յանդուզն
յարձակմանն՝ յոլովագոյն այն
էր գոր գետամոյնս առնէին քան
զանկեալսն սրոյ ի ցամաքի: Եւ
ի բազմութենէ դիականոյն ան-
կելոց՝ յստակ ջուրք գետոյն
յարիւն դառնային, եւ ոչ գտա-
նէր ոք ամենեւին ի նոցանէ
ապրեալ եւ թագուցեալ յան-
տառախիտ մայրիս դաշտացն:
Բայց մի ոմն ի զօրականէ թըշ-
նամեացն՝ զինու հանդերձ ելեալ
ի նիւս երիւարին անցանէր ընդ
մեծ գետն, մազապուր պրծեալ

ի պատերազմէն՝ գոյժ տանէր ի
մնացեալ բուն բանակն, որք
փախստական անկանէին ի մեծ
շահաստանն:

Յայնմ ժամանակի զօրքն Հա-
յոց կատարելով զմեծ գործ պա-
տերազմին՝ ի դիակապուտո դատ-
նային, ժողովէին զբազում աւար
բանակին, եւ կողոպտէին զանկ-
եալ դիակուսան. եւ կուտէին
բազում արծաթ եւ ոսկի, զգէնս
եւ զզարգս զարի արանց եւ ըզ
քաջ երիւարաց:

Գարձեալ յարձակէին ոչ սա-
կաւ քաջութեամբ ի վերայ բեր-
դիցն եւ քաղաքաց զոր ունէին
Պարսիկքն յաշխարհին Ազուա-
նից, հզօրապէս մարտնչելով եւ
այրելով զամուրս արգելանաց
նոցա, եւ զերամս երամս մո-
գացն — զոր պատրաստական
ածեալ աշխարհին գայթակղու-
թիւն — ուր եւ դտանէին յա-
մուրս ամուրս վայրացն, սրոյ

ճարակ տուեալ՝ դնէին գէշ
թռչնոց երկնից եւ գազանաց
երկրի : Սրբէին գտեղիսն յամե-
նայն պղծագործ զոնիցն , եւ
փրկեալ ազատէին զեկեղեցիսն
յանճարինն նեղութենէնս :

Եւ բազումք ի նախարարացն
Աղուանից եւ յամենայն շինա-
կանացն , որք վասն անուանն
Աստուծոյ ցրուեալ եւ վատնեալ
էին յամուրս լերանց Կապկոհի ,
իբրեւ տեսին զաջողութիւն գոր-
ծոյն զոր կատարէր Աստուած
ի ձեռն գնդին Հայոց , գային
ժողովէին եւ նորա , եւ խառ-
նէին ի զօրս նոցա . եւ միաբանք
եւ հաւասարք կցորդք լինէին
գործոյն նահատակութեանս : Խա-
ղային գնային այնուհետեւ ի
վերայ պահակին Հոնաց , զոր ու-
նէին բռնութեամբ Պարսիկքն .
առնուին քանդէին զպահակն ,
եւ կոտորէին զզօրսն որ ի ներքս
բնակեալ էին , եւ զղուռնն տա-

յին ի ձեռն Վահանայ՝ որ էր
յազգէ թագաւորացն Աղուանից :
Եւ յայսր ամենայն քաջութեան
վերայ ոչ ոք անկեալ վիրաւո-
րեցաւ ամենեւին ի նոցանէ ,
բայց ի միոյ երանելոյ որ կա-
տարեցաւն նահատակութեամբ
ի մեծ պատերազմին :

Եւ անդէն ի նմին տեղոջ
զայրն որում զղուռնն յանճն ա-
բարին՝ գնոյն դեպքան արձա-
կեցին յաշխարհն Հոնաց , եւ ի
բազում յայլ ազգս բարբարոսաց
որ համագործք էին Հոնաց աշ-
խարհին , բանս դնել ընդ նոսա
եւ ուխտ հաստատել՝ անքակու-
թեամբ ունել զմիաբանութիւնն :
Եւկ նորա իբրեւ զայն ամենայն
յուան , փութապէս վազվաղակի
հասանէին ի տեղին , եւ ակա-
նատեաք լինէին գործոյն յազ-
թութեան : Եւ ոչ ինչ յապա-
ղեցին երդմամբ յուխտ մտանել
ըստ կարգի իւրեանց օրինաց :

յանձն առին եւ զերդումն քրիստոնէից՝ պահել ընդ նոսա հաստատութեամբ զմիաբանութիւնս :

Իսկ իբրեւ զայս կատարեցին եւ արարին իւրեանց մեծապէս հաստատութիւն , եւ դեռ անդէն ի տեղւոջն զետեղեալ էին խաղաղութեամբ , դուժկան հասանէր յաշխարհէն Հայոց , զճակատ հարեալ եւ զօձիս պատուեալ վասն ապստամբին Վասակայ . « յետս կացեալ յուխտէն քրիստոնէութեան եւ աւերեալ զբազում տեղիս Հայոց աշխարհին , մանաւանդ զձմերոցս արքունի , որ կայանք զօրացն էին , զԳառնին եւ զԵրամայիս եւ զՆրասխանակերտն՝ զմեծ Դատակերտն , զՎարդանաշատն եւ զամուրն Օշական , զՓառախտան , զՍարգեանան , զՅուակերտն աւան եւ զբերդն Արմաւրի , զԿուաչն աւան , զԱրուճն , զԱշնակն եւ զամենայն օտն

արագածոս , եւ զնահանգն Արտաշատու եւ զԱրտաշատն ինքնին զլիսովին , եւ զամենայն զեւդս եւ զաւանս որ շուրջ ըզնովաւ էին , առեալ աւերեալ եւ հրձիգ արարեալ , եւ զամենեցուն ձեր զընտանիս փախուցեալ մերժեալ յիւրաքանչիւր բնակութենէ : Ձեռն արկեալ եւ ի սուրբ եկեղեցիան , տարեալ եւ զսուրբ սպաս եկեղեցոյն սեղանոյ . դերի վարեալ զընտանիս քահանայից , եւ զնոսին կապեալ եւ եղեալ ի բանդի . եւ ինքն սիւռեալ տարածեալ ասպատակաւ աւերէ զերկիրն ամենայն : Եւ գոճնգն որ էր ի կողմանս Ատրպատականի՝ ոչ ժամանեաց ձեռն տալ ի միջոց աշխարհին : Եւ զօրքն որ անդ մնացեալ էին՝ խոյս տուեալ յանօրինէն մերժեցան յեզր աշխարհին , եւ դեռ պահեն ընդ ձեզ զուխտ միաբանութեան սիրոյն Քրիստոսի :

Բայց այն որ ընդ նմայն էին՝
են ոմանք որ փախեան յիւրա-
քանչիւր տեղիս , եւ բազումք
այն են որ զհետ մոլորեցան նո-
րա ամբարշտութեան » :

Չու արարեալ ի տեղոջէ ան-
տի՛ դառնալ անդրէն յաշխարհն
Հայոց մեծաւ ստիպով եւ բա-
զում աւարաւ եւ անչափ մե-
ծութեամբ , եւ անտրտում ու-
րախութեամբ երգս ի բերան
առեալ եւ ասէին ձայնիւ . « Խոս-
տովան եղերուք Տեառն , զի
բարի է , զի յաւիտեան է ողոր-
մութիւնն նորա . Ո եհար զազգս
մեծամեծս եւ սպան զիշխանս
հզօրս , զի բարի է , զի յաւիտ-
եան է ողորմութիւնն նորա » :
Եւ զայս սաղմոս երգելով մինչեւ
ի վախճան կատարեալ աղօթիւք
փառատրութիւն սուրբ Երրոր-
դութեանն մատուցանէին : Անդ
յանձանձէր ամէր զօրավարն
զկաց եւ զմնաց զօրականին ա-

ռաջապահօք եւ վերջապահօք ,
կողմապահօք ողջ եւ առողջ հա-
սուցեալ յաւուրս երեսուն մերձ
ի սահմանս հայրենի աշխարհին :

Ազգ եղեւ ուրացեալն վա-
սակայ եւ իշխանացն որ ընդ
նմա էին՝ քաջութիւնն նահատա-
կութեան գնդին վարդանայ
յաշխարհին Աղուանից , եւ միա-
բանութիւնն եւս Հոնաց : Մինչ-
չեւ յանդիման եղեալ էին միմ-
եանց , զգիշեր մի օգնական
գտեալ նորա՛ փախստեայ անկա-
նէր յամուրս իւրոյ աշխարհին ,
եւ այնպէս տաղնապաւ մերժե-
ցաւ . զգերի եւ զաւարն զոր
ստեալ էր յԱյրարատ գաւառէ ,
ակամայ զիւրն եւս ի վերայ եթող
եւ փախեաւ :

Եւ քանզի ժամանակ ձմերայ-
նոյ հասեալ էր , եւ զոտճիկս՝
թշնամեաց գնդին հարեալ էր ,
ոչ կարէր զմիով տեղեաւ հա-
մադուսդ զօրսն դարմանել . այլ

սխտէր տարածանէր ընդ գաւա-
ռըս գաւառս աշխարհին առ ի
հանդիստ ձմերոցի: Պատուէր հը-
րամանի տայր պատրաստական
լինել կազմութեամբ առ ժամա-
նակ գարնայնուոյն: Եւ զսակաւս
ի դնդէն յաւազ նախարարացն
գործակից իւր թողեալ, բռնա-
նայր ի վերայ՝ ունելով զթագա-
ւորանիստ տեղիսն:

Եւ զունդս զունդս արձակէր
յաշխարհն Սիւնեաց, առնոյր
եւ աւերէր զբազում գաւառս .
եւ այնպէս ի նեղ արկանէր զնա
եւ զամենայն զօրսն որ ընդ նմա
էր, զի դէշս եւ զձիս մեռելոտի
առ սովոյն վտանգի անխափր
ուտէին: Եւ բազում հարուածս
հասուցանէին ի վերայ ուրացե-
լոցն. մինչեւ ժողով սուրբ ե-
պիսկոպոսացն եւ ամենայն ուխտ
քահանայութեանն գառնապէս
արտասուս ի ջուցանէին ի վերայ
չարաչար վշտացելոցն, որ բոկ

եւ հետի վարէին զարս եւ զկա-
նայս փափկասունս, եւ բազում
տղայք զքարի հարեալ ընկեցան
յանձս ճանապարհաց:

Եբրեւ այս ամենայն աջողու-
թիւն լինէր երկիւղածացն Աս-
տուծոյ, ամենայն եպիսկոպո-
սունք եւ երիցունք պատուէր
հրամանի տուեալ աշխարհին,
զողջոյն ամիսն Քաղոց պահօք
եւ աղօթիւք առնել խնդրուածս
առ Աստուած, եւ զսօն պատե-
րազմացն յաղթութեան խառնել
ի սուրբ սօն յայնութեանն
Քրիստոսի, զի անխափան կացցէ
մեծ յիշատակարանս այս ընդ
աստուածային անանց սօսկին:

Եւ զսոյն զայս ամենայն այ-
ցելութիւնս Աստուծոյ որ ի վերայ
աշխարհին Հայոց մեծապէս ե-
րեւեցաւ՝ զրեցին սուրբ եպիս-
կոպոսունքն եւ ետուն տանել
յաշխարհն Յունաց ի մեծ քա-
ղաքն առ սուրբ ուխտ եկեղե-

ցւոյն • զի եւ նորա աղօթս առնելով խնդրեացեն յԱստուծոյ , որպէս սկսաքս' ի նմին եւ կատարեսցուք :

Եւ զոմն յառաջին կապելոցն Պարսկաց լուծեալ եւ ամեալ զառաջեալ նախարարացն , խօսէին ընդ նմա եւ ցուցանէին զամենայն վնասն որ եղև , կամ աշխարհացն աւերել , կամ զօրացն արքունի հարկանել , եւ կամ որ այլ իրք առաջոյ լինելոց էին : Եւ իբրեւ զայս ամենայն բովանդակ ցուցին նմա , միաբան լինէր ամբաստանութիւն երկոցունց կողմանցն' առաքինեացն եւ յետս կացելոց • որպէս զուր եւ տարապարտոց նեղեցան ի հայրենի օրինացն յետս կալ , եւ զխաբէութիւն ապստամբին Վասակայ , որպէս Հայոց բանիւ խաբեաց զթագաւորն , յանձն առնուլ զմոգութիւն • իբրեւ չէր ուրուք ընդ

նմա բանս եղեալ , նա յանձնէ սուտակասպաս լինէր :

Իբրեւ լիով զայս ամենայն իմացուցին , արձակեցին զնա հրեշտակալութեամբ յաղերս ապարանութեան եւ ի նարս հայթայթանաց , թերեւս կարացեն զեղբարս իւրեանց ի նեղութենէն գողանալ :

Այլ առ նա' անօրէնս Վասակայ գուժկանքն յառաջագոյն հասեալ էին , պատմել զաղէտ տարակուսանացն զոր անցուցեալ էր ընդ զօրն արքունի • եւ ամենայն ամբաստանութիւնն ի սուրբ ուխտ եկեղեցւոյն կրթեալ էր : Քանզի այն իսկ կամք էին անօրինին' եթէ զմիաբանութիւն եպիսկոպոսացն քակեսցէ ի նախարարացն • եւ զայս ոչ էր տեղեկացեալ տակաւին , եթէ հոգի եւ մարմին բաժանիցին առ ժամանակ մի' գոյ տեսանել ի բնութեանս , այլ որ սի-

րովն Առաուծոյ յուխտ մտեալ է՝
այսմ անհնար է լինել :

Արդ երթեալ այրն ի տեղի ձը-
մերոցին , պատմեաց զայս ամե-
նայն յականջս թագաւորին ,
չարժեալ դողացոյց , որ եւ յա-
մենայն դորութենէն պակասեալ
գտաւ . մանաւանդ զի յարե-
ւելից պատերազմէն կորակոր
եւ ոչ բարձրագլուխ էր դար-
ձեալ : Իբրեւ ստուգեալ հաս-
տատեաց ի վերջին հրեշտակէն
որ եհաս առ նա , զամենայն
վնասս զիւր գործոցն զխարհըր-
դակցօքն արկանէր : Եւ անդէն
շիջանէր ի բազմարոց բորբոք-
մանէն . քանզի խցաւ բերան
չար խրատուցն որ անդադար
յորդորէին զնա ի գործ դառնու-
թեան : Խոնարհեցաւ ի բարձր
հպարտութենէն , եւ զվայրենա-
ցեալ սիրան դարձոց ի մարդկա-
ցին բնութիւն . հայեցաւ եւ ե-
տես զինքն լի տկարութեամբ .

զիտաց եթէ զամենայն զոր կա-
մի առնել՝ ոչ կարէ կատարել .
վասն այնորիկ եւ զադարեաց
յանդուզն յարձակմանէն , եւ
լուեցոյց զմոլեգնտաբար գո-
չումնն :

Եւ որ մեծածայն բարբառով
որոտայր , եւ եւս ահագին հրա-
մանօքն զհեռաւորս եւ զմերձա-
ւորս գողացուցանէր , սկսաւ
քաղցր եւ աղերս բանիւք խօ-
սել ընդ ամենեւեան եւ ասել .
«Չինչ ինչ վնաս գործեալ է իմ՝
եւ կամ զո՞ր յանցս յանցուցեալ
կամ առ ազգս կամ առ թղուս
կամ առ անձն իւրաքանչիւր :
Ո՞չ ահա բազում ուսմունք են
յաշխարհիս Արեաց , եւ իւրա-
քանչիւր պաշտամունք յայտնի
են . մերբէք նեղեաց պնդեաց
դարձուցանել ի մի օրէնս մոգու-
թեան . մանաւանդ վասն օրինաց
քրիստոնէութեանն , որպէս հաւ-
տատուն եւ ճշմարիտ կացեալ

են յիւրեանց դենին, նոյնպէս
եւ առ մեզ լաւագոյն քան զա-
մենայն կեչտան նորա երեւեալ
են: Եւ բիժ իսկ ոչ կարէ որ
գնեւ ընտրեալ օրինաց նոցա.
այլ զոյգ եւ հաւատար համարիմ
դենիս մազգեղանց, որպէս եւ
յարգեալ իսկ էին նորա առ
նախնեօքն մերովք, զոր ես ին-
ձէն իսկ յիշեմ առ հարբն իմով
որ նստէր ի մեծ գահոյս յայտմ:

«Յորժամ սկսաւ անդամել եւ
քննել զամենայն ուամուսն եւ
հատատութեամբ ի վերայ ե-
հաս, առաւել վեճ գասնէր զօ-
րէնս քրիստոնէից քան զամե-
նեցուն. վասն այսորիկ մեծա-
րեալք ելանէին ի Նրան արքու-
նի, եւ առատաձեռն պարզեօք
երանք լինէին ի նմանէ, եւ հա-
մարձակութեամբ չրջէին ընդ ա-
մենայն երկիր: Նա եւ որ գըլ-
խաւորքն էին քրիստոնէից, զոր
եւ եպիսկոպոս անուանեն, ըն-

ծայից եւ պատարագաց արժա-
նիս առնէր զնոսա՝ իբր հաւա-
տարիմ ոստիկանս: Յանձն առ-
նէր նոցա զհեռաւոր մարզսն,
եւ ոչ երբէք սխալ լինէր ի մե-
ծամեծ իրացն արքունի:

«Եւ դուք զմի զայն երբէք
ոչ յիշեցէք, այլ հանապազօր
ճանճրացուցէք զլսելիս իմ, խօ-
սելով զնոցանէ զամենայն չա-
րութիւն: Տեսէք զի ետուք
զործել ինձ զոր ինչ ոչ կամէի,
եւ եղին միասք մեծամեծք ի
սահմանսն ի մէջ երկուց անհաշտ
թշնամեաց: Եւ մեք զեռ ի հե-
ռաւոր ճանապարհի, եւ ոչ մի
ինչ զործ ի պատերազմիս ի գը-
լուի երթեալ, եւ դուք աստէն
յիմու՛մ ասնս յարուցէք ի վերայ
պատերազմ՝ որոյ չարագոյն եւս
լինելոց է կատարածն իւր քան
զարտաքին թշնամեացն»:

Չայս ամենայն եւ առաւել
քան զայն խօսէր ընդ ամենայն

աւաղանին , եւ զվնասս յանցանացն արկանէր զմոգպետաւն եւ զմոգօքն : Եւ ամենայն վրդուրկքն եւ պատուական նախարարք — որ նստէին յատենին եւ ունին զնէին յեղեղուկ լեզուի նորա — ամաչեցեալ կորանային եւ ընդ երկիր պշտուին , եւ զգլուխ ի վեր ոչ կարէին համբառնալ :

Բայց սակաւք ի նոցանէ զմիտս հաճելով՝ ասէին զայս . « Այո , արքայ քաջ , արքայից արքայ , այդ այդպէս է որպէս ասացերքդ , եւ արդ կարես զամենայն ուղղութեամբ նուաճել . չիք ինչ այն որ ըստ քո կամսդ արտաքս կարէ ելանել . զի սուեալ է քեզ աստուածոցն , զի զամենայն զորս եւ կամիս՝ կարես առնել : Մի նեղեալ տագնապիր յանձն քո եւ հարկանէր զմիտս մեր ամենեցուն . թեւրեւս եւ դեւր իցեն հնարք ի-

րացն կատարածի : Երկայնամիտ լեր , եւ համբերութեամբ թողացս մարդկանդ անդրէն դքրբիտսոնէութիւն , եւ զուքօք զըստամբական անցես ի հաւանութիւն » :

Հաճոյ թուեցան բանքն առաջի թագաւորին . եւ անդէն վաղվազակի կոչէր զստաջեաւ յամենայն ազգացն որ ունէին քրիստոնէութիւն , որ ի զօրունորա էին , եւ բռնաբար արգելեալ էր զնոսա , զի մի սք իշխան լիցի յանդիման պաշտել զԱստուած : Քանզի որ ընդդէմ կացին՝ չարչարեաց եւ արգելինոցանէ զյայտնի պաշտօնն , եւ ոմանց ոմանց ակամայ երկիր ետ պաղանել արեղական , եւ նստոյց ի սուղ տրտմութեան զամենայն զօրականսն :

Իսկ այն օր հրամայէր անդրէն համարձակութեամբ ըստ առաջին կարգին հաստատուն կալ

յօրէնս քրիստոնէութեանն : Իսկ որք յանցաւորքն էին՝ ոչ կամէին վաղվաղակի առանց մեծի ապաշխարութեանն դալ եւ խառնել ի կարգ քրիստոնէութեան . հրամայէր թագաւորն՝ զի բունի կալցին եւ տարցեն յեկեղեցին իւրեանց : Եւ երիցանցն համարձակէր , որպէս զխարդ եւ զիտիցեն՝ ըստ կարգին իւրեանց արասցեն : Եւ զհատեալ ռոճիկան կարգէր անդրէն իւրաքանչիւր , եւ զարգելեալ բաղմականսն ի նոցանէ՝ ի տեղի հրամայէր մատուցանել , եւ հանապազորդ յարքունիս մտանել ոչ արգելոյր զնոսա . եւ զամենայն որ զիտարդ եւ կարգեալ էին յառաջագոյն՝ անդրէն յօրինէր : Խոնարհէր եւ խօսէր ընդ նոսա սիրով ըստ առաջին սովորութեանն :

Եւ իբրեւ զայս ամենայն արար եւ կարգեաց , յանդիման

նոցա թողութեան հրովարտակա առաքէր ընդ ամենայն երկիր իշխանութեան տէրութեան իւրոյ վասն քրիստոնէից :

« Եթէ ի կապանս ոք կայցէ , արքունի հրամանաւ արձակեալ լիցի . եւ եթէ ինչք ուրուք յափրչտակեալ իցեն , զարձցին անդրէն : Յնապէս եւ երկիրք , եթէ հայրենիք , եթէ պարգեւականք եւ եթէ քսակագինք , եւ հանեալ ուրուք իցէ , հրամայեցաք զի զարձցին » :

Եւ իբրեւ այսմ ամենայնի ըզնոսա տեղեակ առնէր , խնդրէր ի նոցանէ վկայութիւն հաւատարմութեան յերկիրն Հայոց , եւ երզմամբ յուխտ մտանէր առաջի նոցա՝ հաստատութեամբ ամենայն մեծամեծաց իւրոց , եւ թէ « Ոչ ինչ յիշեցից ամենեւին զքէն վրիժուցն խնդրելոյ : Որպէս ունէիր յառաջ ճշմարտութեամբ զօրէնս ձեր , այսուհե-

տեւ առաւել կալարուք . բայց միայն ի ծառայութենէ մերմէ մի ելանէք » :

Զայս ամենայն գրէր եւ ցուցանէր յերկրին Հայոց եւ ի բազում յայլ աշխարհս՝ որ ունէին զօրէնս քրիստոնէութեանն . եւ ինքն գաղտ խորամանկեալ փութացեալ դեսպանս առաքէր առ Մարկիանոս կայսր : Եւ իբրեւ ստուգեալ ճշմարտեաց՝ եթէ Հոռոմք ի բաց կացին ձեռնառլինել քրիստոնէութեանն ոչ զօրու օգնականութեամբ եւ ոչ այլ իբօք , զարձեալ անդրէն ի նոյն յառաջին կարծիս մտորութեանն շրջեցաւ : Զանցաջողութիւն իրացն ի ձեռն իւրոց պաշտօնէիցն համարէր . եւ այնպէս ամէր զմտաւ՝ եթէ ըստ առաջին կարծեացն կատարեցից զամենայն :

Իսկ Հայք թէպէտ եւ ընկալան զգիրն խաբերաց ողորա-

նաց թագաւորին , որ ի վերոյ ունէր զաւետիս կենաց եւ ի ներքոյ զդաւնութիւն մահու , զարմացեալ էին ընդ թերի խորհուրդսն . ասէին ցմիմեանս . « Քանի լիրբ է խորամանկ խաբէութիւն նորա , զի երկիցս եւ երկոցս զխորձ առեալ կշտամբեցաւ եւ ոչ ամաչէ : Եւ տեղեակ եղեալ մերոյ անքակ միաբանութեանս , տակաւին լրբի եւ լինի . զհեա՛ մտեալ՝ կամի՛ զմեզ լքուցանել :

« Իսկ հաւատասցնուք անհատատ հրամանի նորա . զոր բարեգործութիւն տեսաք առամենայն եկեղեցիս որ են յաշխարհին Պարսից : Զի որ ինքն իւր չար է , այլում բարի ոչ կարէ լինել եւ որ ինքն ընդ խաւար գնաց , այլում ոչ առաջնորդէ ճշմարտութեան լուսով : Արպէս զի չիք յանիրաւութենէ արդարութիւն , այս-

պէս եւ ոչ ի ստուծենէ ճշմարտութիւն, սոյնպէս եւ ի խոռվասէր մտաց՝ ակնկալութիւն խաղաղութեան :

« Սյլ մեր ասրեալքս զօրութեամբն Աստուծոյ, եւ հաստատեալ հաւատովքն ի յոյսն Քրիստոսի, որ եկն եւ էառ ի սուրբ Առևէն զմարմնն մերոյ ընտթեանս, եւ միացեալ անբաժանելի աստուածութեամբն՝ ընկալաւ զչարչարանս մերոյ մեղաց ի յիւր մարմինն, եւ նովին խաչեցաւ եւ թաղեցաւ եւ յարուցեալ երեւեցաւ բազմաց, եւ վերացաւ յանդիման աշակերտացն առ Հայր իւր, եւ նրստաւ ընդ աջմէ զօրութեանն, զսոյն հաւատամբ Աստուած ճշմարիտ, եւ նմին ակն ունիմք, որ փառօք Հօր եւ զօրութեամբ զայ յարուցանել զամենայն ննջեցեալս, եւ նորոգել զհնութիւն արարածոց, առնել յա-

մառօտս յաւիտենից ի մէջ արդարոց եւ մեղաւորաց :

« Ոչ պատրիմք իբրեւ զաղայ եւ ոչ մոլորիմք իբրեւ զանտեղեակս, եւ ոչ խարխիմք իբրեւ զսոգէտս, այլ պատրաստ եմք ամենայն փորձութեանց : Եւ աղաչեմք զԱստուած, եւ անդադար խնդրեմք ի բազում ողորմութենէ նորա, զի յորում սկըսաք՝ ի նմին եւ կատարեսցուք քաջութեամբ, եւ ոչ վատութեամբ : Զի արդ արեւելք եւ արեւմուտք զիսացին զձեր աստուածամարտէ լինել, եւ զմեզ ի գուր սպանանել ի վերայ ամենայն վատակոյն մերոց : Վկայեն մեզ երկինք երկնաւորօք եւ երկիր երկրաւորօք, եթէ չեմք ինչ մեղուցեալ ի միտս մեր անդամ . եւ ի վերայ պարդեաց եւ բարիս առնելոյ մեզ՝ զճշմարիտ կեանս կամիք հանել ի մէնջ, որում չիք հնար, եւ այլ մի վիջի :


« Իսկ արդ հաւատասցմք
անարժան բերանոյ նորա , որ
ստիպէր չարաչար յուրացու-
թիւն եւ այսօր առանց մի ինչ
բարիս գործելոյ լինիցի՞նա քա-
րոզիչ աւետեաց : Եւ որ հայ-
հոյերն զՔրիստոս , եւ ուրացու-
ցանէր ի նմանէ զհաւատացեալս ,
այսօր ապամայ խոստովանու-
թեանն ոչ կարեմք վազվազու-
կի յանձն առնուլ : Եւ որ երդ-
նոյր ի սնտոխ պաշտամունս իւ-
րոյ մոլորութեանն , անցուցա-
նել զամենայն չարչարանս ընդ
պաշտօնեայս եկեղեցւոյ , արդ
եկեալ գողանալով զգնութիւն
մատուցանէ . եւ այնու կամի
զամենայն չարութիւն իւր ի մեզ
հեղուլ : Ոչ այդմ հաւատամք ,
եւ ոչ զսուտ հրամանդ յանձն
առնումք : »

Իսկ նա իբրեւ գիտաց' եթէ
ոչ կարեմ քակել զհատատու-
թիւն միաբանելոցն , յայնժամ

քակեաց յինքենէ զծերն լի
դառնութեամբ , յորում հան-
գուցեալ էր սատանայ գորու-
թեամբ իւրով , եւ բազում գոր-
ծեալ էր նորա նախճիրս սրոյ
կերակուր կամաց իւրոց էր ի
մանկութենէ անարատ մարմին
սրբոց , եւ ըմպելի անյագու-
թեան նորին՝ արիւն անմեղացն :
Յաւելոյր եւս ի վերայ չարու-
թեան նորա եւ զիւր մահարեր
հրամանն . գունդս գունդս յա-
մենայն աշխարհացն գումարէր
ընդ նմա , եւ բազում երամա-
կըս վիզաց յէր ընդ նմա :

Հասեալ մերձ ի սահմանս Հա-
յոց՝ մտանէր ի քաղաքն Փայ-
տակարան , եւ զգօրսն ամենայն
տիռէր տարածանէր շուրջ գրա-
ղաքաւն առ ի զգուշութիւն
պատրաստութեան իւրոց չա-
բահնար խորհրդոցն : Եւ յամուր
որջն մտեալ հին վիշապն չա-
բաթոյն , եւ բազում կեղծաւո-

բութեամբ զինքն թաքուցանելու յաներկիւզութիւն, հեռաւորացն ահազին ձայնիւ սաստէր, եւ ի մերձաւորսն իբրեւ զօձ սողալով փչէր: Սա էր իշխան եւ հրամանատար ամենայն տէրութեանն Պարսից, որում անունն էր Միհրնեբսեհ. եւ չէր ոք ամենեւին՝ որ իշխէր ըստ ձեռն նորա ելանել: Եւ ոչ միայն մեծամեծք եւ փոքունք, այլ եւ ինքն թագաւորն հրամանի բերանոյ նորա անսայր. որոյ եւ ձախող իրացն իսկ բուռն հարեալ էր նորա:



Երկարառակոշիռն բաժաւ
 նեշոցն ի սուրբ ոշխտէն:

ՄիւնՁեի ցայս վայր ոչ ինչ կարի զանդիտէի պատմել զհարուածս ազգիս մերոյ՝ որ յարտաքին թշնամեացն ճշմարտութեան չարաչար յարեան ի վերայ մեր. որք սակաւազոյնք հարին զմեզ, եւ յոլովազոյնք հարեալ գտան ի մէջ, քանզի զեռ եւս միաբանք եւ հաւասարք էար: Թէպէտ եւ ոմանք ի ծածուկ ունէին զերկմտութիւն նենդութեանն, սակայն յաչս արտաքնոցն ահաւոր երեւէր միաբանութիւնն. որպէս յերկուս եւ յերիս տեղիս ոչ կարացին կալ առաջի:

Արդ յայսմ հեռէ եւ անդր,

ուր սարդեալ անկանի երկպա-
ռակութիւն ի ներքս, ընդ քա-
կիւ միաբանութեանն՝ եւ երկ-
նաւոր առաքինութիւնն հեռա-
նայ . եւ անձնորտիրք լինելով՝
յոյժ բազմանայ լայուն ողբոյս :
Քանզի հատեալ անկան անգամ-
քըն՝ որ յառաջագոյն սորուն
սուրբ մարմնոյս էին, վասն որոյ
դառնայ մարդ յարտասուս ա-
ռաջի մերձակայ գիականն : Եւս
առաւել լնու դառնութեամբ ի
վերայ այնորիկ որ հողի եւ մար-
մին առ հասարակ գիակնանայ :
Եւ եթէ ի վերայ միոյ անձին
այսպէս, որչափ եւս առաւել
ի վերայ ողջոյն ազգի միոջ :

Այլ յայտ տեղւոջ ոչ միայն
ի վերայ միոյ ազգի է ողբումնս
մեր, այլ ի վերայ ազգաց եւ
աշխարհայ . զոր եւ յառաջ
մատուցեալ սասցից ըստ կար-
գի, թէպէտ եւ ոչ խնդրութեան
մտօք : Ահա ակամայ նշանագ-

րեմ՝ զբազումս որ կորեան ի
ճշմարիտ կենացն իւրեանց, եւ
պատճառք եղևն եւ այցոց բազ-
մայ կորստեանն, սմանց՝ երե-
ւելեացս միայն եւ այլոց երե-
ւելեաց եւ աներեւութից : Եւ
այն՝ եւս չար է քան զամենայն .
դունն՝ զոր բային կորստեան՝
Ստուծոյ միայն կարողութիւն է
փակել զնա . այլ ըստ մարդկան
սահման՝ ահա անցեալ է հնար :

Այս անօրէն Միհրներսէն,
քանզի յառաջագոյն ստուգեալ
գիտէր զամբարշտութիւնն Վա-
սակայ, եւ յայնմ ժամանակի
եւս յէր եւ կոչէր զնա առ ին-
քըն : Որպէս նորա իսկ յառա-
ջագոյն զատեալ եւ որոշեալ էր
ի միաբանութենէն Հայոց, եկն
եւ յանդիման եղև . եւ սուու-
ղէր զիւր հաւատարմութիւնն
եւ զՀայոց անիրաւ ապստամ-
բութիւնն : Յաւել եւ պատմեաց

եւս առաւելարանութեամբ զոր
ինչ ոչ էր գործեալ Հայոց, եւ
կամէր ընտանեբար ընդ միտ
մտանել անօրինին :

Քայց նա թէպէտ եւ ի ներ-
քոյ յոյժ գորովէր զնա, այլ ար-
տաքին գիւժք մեծարեաց, եւ
եղ առաջի նորա զմեծամեծ
պարզեւս երկրաւորս: Եւ խոս-
տացաւ նմա իշխանութիւն ա-
ւելի քան զոր ունէրն, եւ հա-
յեցոյց զնա ի կարծիս մտտախ'
որ ի վեր է քան զիւր տէրու-
թիւնն. իբր թէ անկ իցէ նմա
հասանել մինչ ի թաղաւորա-
կան վիճակն. բայց միայն հաա-
րբս իրացն խնդրեցէ, թէ սր-
պէս քակտեցի միաբանութիւն
ուխտին Հայոց, եւ թաղաւորին
կամքն կատարեցին յաշխար-
հին :

Եւ իբրեւ յանձն էառ զամե-
նայն ինչ՝ երթալ զինի կամաց
նորա, զխտաց եւ ձեղն դառ-

նացեալ եթէ թմբեալ եւ ցնո-
րեալ եւ քակեալ է ի հաստա-
տութենէ միաբանելոցն. յոյժ
մխիթարեցաւ ի միտս իւր տըրտ-
մեալս, եւ ած զմտաւ՝ թէ եւ
զամենեսեան այսպէս կարիցեմք
որաւ յանդիւտ կորուստն: Եւ
իւրոյ հնարագիտութեանն տայր
զանխմաստութիւն առնն, եւ
այնմ ոչ էր տեղեակ՝ թէ նա իւ-
րովի զիւր անձն զատեալ եւ
որոշեալ է ի սուրբ եկեղեցւոյն,
հեռացեալ եւ օտարացեալ ի սի-
րոյն Քրիստոսի :

Քանզի մոռացօնք եղեն նմա
զալուստ Որդւոյն Աստուծոյ,
եւ ոչ յիշեաց զքարոզութիւն
սուրբ աւետարանին. եւ ոչ ի
սպառնալեացն զանգիտեաց, եւ
ոչ յաւետիան մխիթարեցաւ:
Ուրացաւ զաւազանն որ յղացաւ
զնա, եւ ոչ յիշեաց զընկալուչ
սուրբ Հոգին որ ծնաւ զնա:
Անարգեաց զմարմինն պատուա-

կան՝ որով սրբեցան , եւ առ
ոտն եհար զարիւնն կենդանի՝
որով եւ քաւեցան ի մեղաց :
Ջնջեաց զգիր որդեգրութեանն ,
եւ իւրովք ձեռօք խորտակեաց
զհաստատուն կիսք մատանոյն :
Ելի թուոյ երանելեացն , եւ
ապստամբեցոյց ընդ իւր զբա-
զումս :

Ձեռն արկ կամակորութեամբ
եւ եմուտ յորդեգրութիւն զիւ-
ւապաշտութեանն , եւ եղեւ ա-
ման չարին , եւ ելից զնա սա-
տանայ ամենայն խորամանկու-
թեամբ : Ի ձեռն էառ իբրեւ ըզ-
վանան , եւ ազաւ զնա իբրեւ
զգրան , եւ եղեւ իբրեւ զինուոր
կատարեալ կամաց նորա : Մար-
տեաւ հնարիւք ընդ իմաստունս ,
եւ յոյժ խորագիտութեամբ ընդ
զիտունս . յայտնի ընդ անուզս ,
եւ ի ծածուկ ընդ խորհրդակա-
նըս . ձեռն էարկ եւ եհան զբա-
զումս ի գնդէն Քրիստոսի , եւ

խառնեաց ի գունդս զիւաց : Եւ
ի բազում յայլ տեղիս գողաբար
սողեցաւ եւ եմուտ իբրեւ զօձ
ի մէջ ամբայելոյն . եւ խրամ
հասեալ յախշտակեաց եւ էառ
եւ եհան յայտնութեամբ զբա-
զումս յաղատաց եւ զբաղմագոյ-
նըս ի շինականաց , եւ զայլ ու-
մանս յանուանեալ քահանայից :
Որոց անուանքն են այս գոր-
ծակցաց նորա .

Իշխանն Որչտունեաց՝ Այտակ
անուն .

Իշխանն Խորխոռունեաց՝ Գու-
ղիշոյ անուն .

Իշխանն Վահեւունեաց՝ Գիւտ
անուն .

Իշխանն Բաղբատունեաց՝ Տի-
բոց անուն .

Իշխանն Աղաճունեաց՝ Մա-
նէճ անուն .

Իշխանն Գարեղենից՝ Արտէն
անուն .

Իշխանն Անկէոյ՝ Ընջուղ անուն .

Իշխանն Ուրծայ՝ Ներսէս ա-
նուն .

Իշխանն մեւս եւս Պալուէնեաց՝
Վարազշապուհ անուն .

Սեպուհ մի Ամատունեաց Մա-
նէն անուն .

Բաղում եւ այլ ազատ մար-
դիկ , որ Ռոտանիկոս անուանեն
յարքունի տանէ .

Եւ բովանդակ զիւր բոլոր աշ-
խարհն ապստամբեցոյց յուրա-
ցութիւն , ոչ միայն ըստ աշխար-
հիկ բաղմութեանն , այլ եւ
զբաղում յուխտէ եկեղեցւոյն .
մանաւանդ սուտ երիցամբքն ու-
րով գործէր զշարխան . երէց մի
Չանդակ անուն , երէց մի Պետ-
րոս անուն , սարկաւազ մի Սա-
հակ անուն . զորս յղէր առ ան-
մեղ մարդիկ , խարէր եւ պատ-
րէր . սուրբ աւետարանաւն երզ-
նութիւն եւ ասէին , եթէ « Ի թա-
գաւորէն չնորհեացի ամենեցունց
քրիստոնէութիւնդ » : Եւ այս-

պէս խորամանկութեամբ հանէ-
ին զբաղումս ի սուրբ միաբա-
նութենէն , ամէին եւ խառնէին
ի զունդս ուրացողացն :

Եւ ժողովեաց զամենայն գայ-
թակղութիւն , եւ արար զունդ
զօրաց բազմաց . զրեաց եւ եցոյց
զբաղումս ի նոցանէ յականէ յա-
նուանէ մեծ հազարապետին ,
եւ զիւր քաջութիւն արութեանն
մեծապէս պարծելով՝ սրպէս ա-
շակերտաց ի մուրրութիւն խա-
րէութեան , եւ բաժանեալս եւ
երկցեպէր եւ եցոյց զզօրսն Հա-
յոց :

Եւ իբրեւ այս ամենայն չա-
րիք յաջողեցան նմա , քակեաց
եւ զմիաբանութիւն աշխարհին
Վրաց ի Հայոց , եւ Սղուանիցն
ոչ ետ յառաջ խաղալ . եւ զաշ-
խարհն Սղճնեաց ըստ նմին իսկ
օրինակի յետս կալաւ : Գրեաց
հրովարտակ եւ աշխարհին Յու-
նաց , ցուցանելով նոցա այլ ընդ

այլոյ ստույթեամբն՝ առ այր մի , որոյ Վասակ անուն էր , յայնց Մամբիկուննից , որ կան ի ծառայութեան Յունաց : Եւ ի թշուառութեան ժամանակին այն այն սպարապետ էր ստորին Հայոց , եւ հաւատարիմ զօրացն Հռովմոց ի սահմանին Պարսից , եւ արտաքոյ էր օրինացն Աստուծոյ գործովք իւրովք : Եզխտ այս Վասակ զայն Վասակ իւր գործակից ի մեծամեծ չարիան՝ զոր միաբանեցին երկօքեանն :

Գրէր նա եւ ցուցանէր հանապազորդ , իբր թէ ամենայն Հայք զկնի իւր միաբանեցին . եւ զնոյն գիր մեծաւ զգուշութեամբ ներքին Վասակն տայր տանել ի թագաւորանիստ քաղաքն կայսեր . մինչեւ զսուրբ եպիսկոպոսացն զմիտս եւս ուժացոյց ի նոցանէ , եւ զամենայն զօրան Յունաց յերկրայս արար յուխակն :

Մանաւանդ զի ի ձեռն սուտ քահանայիցն պատրէր եւ խաբէր իբրեւ ճշմարիտ մարդովք . աւետարան հանդերձ խաչիւ տայր տանել , եւ զիւր զամենայն սատանայական ստույթունն նոքօք ծածկէր : Գնէր զինքն յաստուածպաշտութեան կարգի , եւ զամենայն կողմ ուրացելոցն . առաւել զինքն հաւատտէր հատատուն քան զամենայն զօրան Հայոց . երդնոյր եւ հաստապէր , եւս եւ զամենայն հրամանս թողութեան յարքունուտս ցուցանէր :

Սյն էին եւ կամք Յունաց աշխարհին , լսել զայն ակտորժութեամբ . այլ ի ձեռն նորա առաւել եւս ի նոյն յերկայ տապալեցան :

Սոյնպէս առնէր եւ ընդ ամենայն կողմանս ամրականաց աշխարհին , ի Տնօրիան եւ ի Կորդիան , յԱրցախ եւ յԱղուանան ,

ի Վիրս եւ յաշխարհն խաղտեաց-
յղէր պնդէր՝ զի ասպնջականու-
թեան ոք արժանի մի արասցէ :

Եւ ըստ մեծի Հարութեան նո-
րա առաւել եւս ժամանակն ե-
բեր նմա զյաջողութիւն իրացն-
դի ամենեւին արտաքուստ օգ-
նական ոք ոչ գտաւ գնդին Հա-
յոց, բայց յայնց Հոնաց՝ որոց
բանս եղեալ էր : Սակայն եւ
վասն նոցա կուտեաց զբազում
այրուծին այրեաց, արդել եւ
փակեաց զգրուես ելի նոցա .
քանզի ոչ տայր դադար ամենե-
ւին թագաւորին Պարսից, այլ
յղէր եւ կոչէր զգրուես բազու-
մըս ի պահակն ձորայ, եւ զՎը-
րաց աշխարհին բովանդակ դու-
մարէր, զգօրսն Լիւնաց եւ զձրդ-
բաց, եւ զՎատն, զԳաւն եւ
զԳղուարն եւ զԹրսանն եւ զՀեճ-
մատակն, զՓասխն եւ զՓոսխն
եւ զՓիւքուան եւ զամենայն
գօրսն Թաւասպարանն, զԿու-

նայինն եւ զդաշտայինն, եւ զա-
մենայն ամրակողմն լերանցն :
էր զոր կարասեաւ, մեծաւ պար-
գեւօք եւ առատածեռն բաշխե-
լով զգանձան արքունի, եւ էր
զոր հրամանաւ թագաւորին
աստիւ տազնապէր :

Զայս ամենայն իրբեւ արար
եւ կատարեաց ըստ հրամանի
թագաւորին, օր ըստ օրէ գրէր
եւ ցուցանէր մեծ հազարապե-
տին Պարսից, որ զօգեալ եւ
թաքուցեալ էր ի քաղաքն Փայ-
տակարան : Համարձակեցաւ աչ-
նունեաւ եւ նա ցուցանել զին-
քն բազում ազգաց . էր որոց
ան հարկանէր, եւ էր որոց սի-
րով պարգեւս բաշխէր : Կոչէր
առ ինքն զՎասակ, եւ որք ընդ
նմա իշխանքն ամենեքեան .
բազում պարգեւս շնորհէր նո-
ցա յարքունուստ, եւ զօրացն
որ ի նորա բանի էին : Տարեալ
էր զառաջեաւ եւ զուրաց-

եալ երկիցունան . ցուցանէր , հաստատէր եւ յայտ առնէր , եւ թէ սոքօք որսացայց զնոսա՝ քակտել ի միաբան ուխտէն : Իսկ հազարապետն իբրեւ զայն լսէր՝ յոյժ շնորհակալ լինէր երկիցանցն , եւ յոյս առաջի գնէր նոցա . Յեթէ լիցի մեր յաղթութիւն՝ զայլոց քանանայից կեանս գոցա շնորհեցից , եւ զմեծ վաստակ դոցա ցուցից թագաւորինս :

Եւ այսպէս շարժեաց եւ չրփոթեաց զաշխարհն Հայոց , մինչեւ դբազում եղբարս հարաւ զատօ քակեաց ի միմեանց . ոչ եթող միաբան զհայր եւ զորդի , եւ ի մէջ խաղաղութեան արար խռովութիւն :

Եւ անդէն իսկ յիւրում աշխարհին եղբորորդիք երկու էին նորա ի սուրբ ուխտին ստաթիւնութեան . գրեաց եւ եցոյց վասըն նոցա յարքունիս , եւ էստ իշխանութիւն ի վերայ կենաց

նոցա , մերժեաց եւ եհան զսոսա յաշխարհէն , զի մի դարձցին անդրէն : Հալածեաց եւ փախոյց զամենայն միայնակեացըս աշխարհին , ոչք հայնոյէին զանդարձ ամբարշտութիւն նորա : Արար եւ կատարեաց զամենայն չարիսն ընդդէմ ճշմարտութեանն . եւ զոր ինչ ոչ գիտէին անօրէն հեթանոսքն՝ իմացուցանէր նոցա , եւ վասն ուխտին քրիստոնէութեան՝ եթէ ո՛րպէս հնարիւք կարասցէ բառնալ յաշխարհէն Հայոց :

Զայս ամենայն չարիս իբրեւ ետես ի նմա Միրնեբսեհ , քան յանձն իւր՝ առաւել ի նա էր յուսացեալ : Հարցանէր եւ ստուգէր՝ թէ քանի՛ սյր կայ ի Հայոց աշխարհին ի գնդին Վարդանայ ընդ ամենայն բազմութիւնն : Իբրեւ լուստ ի նմանէ թէ աւելի քան զվաթսուն հազար են , խնդրէր եւս տեղե-

կութիւն վասն իւրաքանչիւր անձին քաջութեան, եւ կամ քանի՛ այն ոք իցեն որ սպառազէնքն իցեն, եւ կամ քանի՛ այն ոք իցեն որ մերկ առանց զինու ազնեղնաւորք իցեն. սոյնպէս եւ վասն վահանաւոր հետեւակացն

Եւ իբրեւ լուաւ զթիւ համարոյ բազմութեանն, առաւել եւս փութացաւ ուսանել թէ քանի՛ ք իցեն պարագլուխք քաջ նահատակացն, զի երիս ընդ միոյ պատրաստուացէ առ մի մի ի նոցանէ. թող զայլ ամենայն : Այլ եւ գրօշից անդամ իւրաքանչիւրոց տեղեկանայր ի նրմանէ. կւ թէ քանի՛ գունդ զգորսն բաժանիցեն, եւ ո՛ր ոք ի նոցանէ սաղարք լինիցին, եւ ո՛ր զօրագլուխ յորմէ՛ կողմանէ իռազմ մտանիցէ, եւ զի՛նչ անուանք իւրաքանչիւր համարագացն իցեն, եւ քանի՛ փողահարք ի մէջ գնդին ձայնիցեն :


Ղակի՞չ գործիցեն արդեւք, եւ թէ արձակ բանակեսցեն. ճակատ առ ճակատ գործիցեն, եւ թէ համադունդ ընդ մի տեղի զբղիցեն : Ո՛ր ոք ի նոցանէ յերկբայս կայցէ, եւ կամ ո՛ր ոք ի նոցանէ զանձն ի մահ դնելով գուն գործիցէ :

Եւ իբրեւ զայս ամենայն տեղեկացաւ ի նմանէ, կոչէր զամենայն զօրագլխեանն, պատուէր հրամանի տայր ամենեցուն յանդիման նորա, զի իրատու նորա լուիցեն ամենեքեան : Եւ զամենայն զօրսն զօրագլխօքն հանդերձ յանձն առնէր առն միուում յաւազացն՝ որում անուն էր Մուշկանն Նխալաւուրտ :

Եւ ինքն խաղայր անդէն գրնայր յերկիրն արեւելից, եւ յանդիման եղեալ մեծի թագաւորին, պատմէր զամենայն անցս իրացն, զիւր հնարաւոր իմաստութիւնն եւ զՎասակայ խա-

բերայ պատրանս հայթայթանա-
ցին . որպէս զառաջինն զիւր
զամբարչտութիւնն կամեցաւ
ծածկել այնու՝ զի քակեալ երկ-
պառակեաց զգունդն Հայոց :

Իբրև լուաւ զայս ամենայն
թագաւորն ի բերանոյ մեծ հա-
զարապետին , զառնացաւ յան-
ձրն իւր , եւ ասէ անսուտ երգ-
մամբ . « Եթէ ապրեացի անօրէնն
այն ի մեծ պատերազմէն , մե-
ծաւ անարզանօք տամ ըմպել
նմա զբաժակն զառնութեան
մահու :



Յարմարումն Արեւելեացյ

Մեծ է սէրն Աստուծոյ քան
զամենայն՝ մեծութիւն երկրա-
ւոր . եւ այնպէս աներկեղս աս-
նէ զմարդիկ , իբրև զանմար-
մին զօրս հրեշտակաց : Որպէս
անշտախն ի սկզբանէ է տեսա-
նել զբազումս բազում անգամ
ի բազում տեղիս : Մարդիկ , որ
սիրումն Աստուծոյ իբրև զինու-
վառեալք էին , ոչ ինչ խնայե-
ցին զանդիտելով իբրև զանա-
բի , գողով վատասիրտք , կամ
ի մահ անձանց , կամ յափշտա-
կութիւն ընչից , կամ ի խողխո-
ղումն սիրելեաց , կամ ի գե-
րութիւն ընտանեաց , ելանել
ի հայրենի երկրէն եւ անկանել

ի ստրկութիւնն յօտարութեան . առ ոչինչ համարեցան զայս ամենայն անձս չարչարանացն . այլ միայն միաբան կալ ընդ Աստուծոյ , զի ի նմանէ միայն մի՛ դերի ելցեն . եւ ամենայն երեւելի մեծութեանս զնա բաւական համարեցան ընտրեալ ի միաբն իւրեանց : Եւ զուրացութիւնն մեռելութիւն վարկանէլին , եւ զմահ վաքն Աստուծոյ անանց կենդանութիւն , եւ ծառայել յերկրի՝ ազատութիւն կենաց իւրեանց , եւ ընկենուզ զանձինս յօտարութիւն՝ ընդ Աստուծոյ զիւտից :

Որպէս յայսմ ժամանակի տեսաք աչօք մերովք , զի զնոյն նահատակութիւն նահատակեցաւ եւ աշխարհս Հայոց :

Քանզի իբրեւ ետես մեծն վարդան զերկպառակութիւն աշխարհին իւրոյ , ոչ ինչ թե-

բահաւատութեամբ զանդիտեաց : Թէպէտ եւ ստուգեալ գիտաց զբազմաց այլոց եւս զերկմբտութիւնն՝ որ դեռ եւս ընդ նմա միաբանեալք էին , քաջալերեցաւ յանձն իւր եւ քաջալերեաց զզօրսն իւր . քանզի ինքն իսկ բռնացեալ ունէր զթագաւորանիստ տեղիսն միաբանութեամբ նախարարացն , որ ոչ քակեցան ի սուրբ ուխտէն : Հրաման տուեալ ամենայն զօրացն ժողովել յԱրտաշատ քաղաք , փոխանակ յետս կացելոցն որ ելին զհետ իշխանին Սիւնեաց , զեղբարս կամ զորդիս կամ զեղբարցն որդիս ի տեղի նոցա մատուցանէր , եւ զիւրաքանչիւր զօրս աայր նոցա , զի դեռ եւս ինքն ունէր զամենայն աշխարհն :

Եւ փութով ամենեքեան ի տեղի պատերազմին եկեալ հասանէին իւրաքանչիւր զօրօք եւ

ամենայն պատրաստութեամբ,
 նոքա եւ որ բունքն հաստա-
 տուն կացեալ էին ի տեղւոջն .

- Ներշապուն՝ Արծրունի ,
- Եւ Խորէն Խորխոռունի ,
- Եւ ինքն Սպարապեան ,
- Եւ Արտակ Պալունի ,
- Եւ Վահան Ամատունի ,
- Եւ գունդն Վահեւունեաց ,
- Եւ Թաթուլ Դիմաքսեան ,
- Եւ Արշաւիր Արշարունի ,
- Եւ Շմաւոն Անձաւացի ,
- Եւ Տաճատ Գնթունի ,
- Եւ Ատոմ Գնունի ,
- Եւ Խոսրով Գաբեղեան ,
- Եւ Կարէն Սահառունի ,
- Եւ Հմայեակ Դիմաքսեան ,
- Եւ միւս եւս այլ Դիմաքսեան՝

Գաղբիկ ,

- Եւ Ներսէ՛ Քաջբերունի ,
- Եւ Փարսման Մանգակունի ,
- Եւ Արսէն Ընձայացի ,
- Եւ Այրուկ Ալկունի ,
- Եւ Վրէն Տաշրացի ,

Եւ Ապրսամ Արծրունեացն ,
 Եւ Շահ խոռապեան արքունի,
 Եւ Խուրս Սրուանձտեաց ,
 Եւ Քողեանքն եւ Ակէացիքն
 եւ Տրպատունիքն , եւ զօրքն
 Ռըշտունեաց , եւ ամենայն գոր-
 ծակալքն արքունի իւրաքան-
 չիւր զօրօքն հանդերձ :

Սոքա ամենեքեան համա-
 գունդք հասանէին ի գործ պա-
 տերազմին ի դաշտն Արտաշու ,
 եւ լինէր հանդէս համարուն
 վաթսուն եւ վեց հազար այր
 ընդ հեծեալ եւ ընդ հետեւակ :

Եկին ընդ նոսա սուրբքն Յով-
 սէփ եւ Ղեւոնդ երէց , եւ բա-
 զում եւ այլ քահանայք , եւ եւս
 բաղմագոյն պաշտօնեայք : Քան-
 զի ոչ ինչ զանգիտեցին եւ նոքա
 դալ ընդ նոսին ի գործ պատերազ-
 մին . զի ոչ եթէ մարմնական հա-
 մարէին զկուրն , այլ հոգեւոր
 առաքինութեան . ցանկային մա-
 հակից լինել քաջ նահատակացն

Սկսուաւ սպարապետն խօսել միաբանութեամբ նախարարացն ընդ զօրսն եւ ասէ .

« Ի բազում պատերազմունս մտեալ է իմ, եւ ձեր ընդ իս . է ուրեք զի քաջապէս յաղթեցաք թշնամեացն, եւ է ուրեք զի նոքա մեզ յաղթեցին . եւ բազում այն է որ յաղթող զբտեալ եմք եւ ոչ յաղթեալք : Եւ միանգամայն այն ամենայն էին մարմնոյ պարծանք . քանզի հրաամանաւ անցաւոր թագաւորին մարտնչէաք : Որ վախչէր՝ վատանուն յաշխարհի երեւէր, եւ անողորմ մահ ի նմանէ գտանէր . իսկ որ քաջութեամբ յառաջ մատչէր՝ քաջ անուն ազգի ժառանգէր, եւ պարգեւս մեծամեծս յանցաւոր եւ ի մահկանացու թագաւորէն ընդունէր : Եւ մեք իսկ աւասիկ յիւրաքանչիւր մարմինս ունիմք վէրս եւ սպիս բազումս . եւ

բազում այն քաջութիւն իցէ, վասն որոյ առեալ իցէ եւ պարգեւս մեծամեծս : Անարգ եւ անօգուտ զքաջութիւնսն համարիմ, եւ առ ոչինչ զպարգեւսն զբազումս . վասն զի ամենեքեան խափանելոց են :

« Իսկ արդ եթէ վասն մահկանացու հրամանատուին զայն արութիւնս կատարէաք, որչափ եւս առաւել վասն անմահ թագաւորին մերոյ, որ տէրն է կենդանեաց եւ մեռելոց, եւ դատելոց է զամենայն մարդ ըստ զործոց իւրոց : Ապաքէն եթէ կարի շատ յառաջ մատուցեալ ծերացայց, սակայն ելանելոց եմք ի մարմնոյ աստի, զի մտցուք առ Աստուած կենդանի, որ ոչ եւս ելանիցեմք ի նմանէ :

« Արդ ազաչեմ զձեզ, ովքաջ նիզակակիցք իմ . մտնաւանդ զի բազումք ի ձէնջ լաւադոյն էր / 4

քան զիս արութեամբ, եւ դանու
 ի վեր ըստ հայրենի պատուոյն .
 բայց յորժամ ձերով կամօք եւ
 յօժարութեամբ առաջնորդ եւ
 զօրագլուխ ձեզ կացուցէք, հեշտ
 եւ բաղձալի թուեսցին բանք
 իմ ի լսելիս մեծամեծաց եւ ի
 փոքունց : Մի երկուցեալ զան-
 գիտեսցուք ի բազմութենէ հե-
 թանոսացն, եւ մի յահագին
 սրոյ ան մահկանացուի զթի-
 կունս դարձուցուք . զի եթէ
 տացէ Տէր յաղթութիւն ի ձեռս
 մեր, սատակեսցուք զզօրու-
 թիւն նոցա, զի բարձրացի
 կողմն ճշմարտութեան, եւ եթէ
 հասեալ իցէ ժամանակ կենաց
 մերոց սուրբ մահուամբ պատե-
 բազմիս, ընկալցուք խնդու-
 թեամբ սրտիւ . բայց միայն յա-
 րութիւնս քաջութեան՝ վատու-
 թիւն մի խառնեսցուք :

«Մանաւանդ զի անմոռաց է
 ինձ յիշելով զիմ եւ զոմանց ի

ձէնց ի ժամանակին զի զանօրէնն
 իշխան խարեցաք, պատրեցաք
 իբրեւ զմանուկ մի աղայ ան-
 պիտան, իբր այն եթէ ի վերինն
 երեսս զկամս նորա ամբարշտու-
 թեանն կատարեցաք . բայց ի
 ծածուկ զխորհուրդս Տէր ինքնին
 վկայէ մեզ, որպէս անբակ կաց-
 եալք եմք ի նմանէ : Զոր եւ
 դուք ինքնին իսկ զիտէք, վասն
 սիրելեաց մերոց որ ի մեծի նե-
 զութեան էին՝ հնարս խնդրէաք
 վասն յանդորր հանելոյ . զի նո-
 քօք հանդերձ մարտ եղեալ կը-
 սուեսցուք ընդ անօրէն իշխա-
 նին վասն հայրենի աստուածա-
 սուր օրինացն : Եւ իբրեւ նոցա
 ոչինչ կարացաք օգնել, անհնար
 լիցի այս՝ եթէ վասն մարմնաւոր
 սիրոյ զԱստուած ընդ մարդկան
 փոխանակիցեմք :

«Իսկ արդ յերկուս եւ յերիս
 կուրս Տէր ինքնին մեծաւ զօրու-
 թեամբ օգնեաց մեզ, որպէս զի

զանուն քաջութեան ժառանգեցաք, եւ զղօրսն արքունի չարաչար հարաք, եւ զմոզան անողորմ սատակեցաք, եւ զպղծութիւն կռապաշտութեանն ի տեղեաց տեղեաց սրբեցաք, զանօրէն հրաման թագաւորին եղծաք ապականեցաք, զխռովութիւն ծովուն ցածուցաք, լեառնացեալ ալիքն դաշտացան, բարձրադէզ փրփուրն սպառեցաւ, գազանացեալ սրտմտութիւնն գազարեաց : Որ ի վերայ ամպոյր որոտայր, 'նկուն եղեալ' քան ըզսովորական բնութիւնն ի վայր գտաւ' ընդ մեզ խօսելով :

«Որ բանիւ հրամանաւ կամէր կատարել զչարութիւնն իւր ի վերայ սուրբ եկեղեցւոյ, արդ ազեղամբ եւ նիզակաւ եւ սրով կռուի : Որ իբրեւ զհանդերձ կարծէր ունել մեզ դքրիստոնէութիւնն, արդ իբրեւ զգոյն ի մարմնոյ՝ չկարէ չըջել, թերեւս

եւ ոչ այլ կարացէ մինչեւ ի կատարած : Քանզի հիմունք սորա հաստատութեամբ եղեալ են ի վերայ վիմին անչարժութեան, ոչ ի վերայ երկրի, այլ ի վեր յերկինս, ուր ոչ անձրեւք իջանեն եւ ոչ հողմք շնչեն եւ ոչ հեղեղս յարուցանեն : Եւ մեք թէպէտ եւ մարմնով յերկրի եմք, այլ հաւատով յերկինս եմք շինեալ, ուր ոչ ոք կարէ հասանել յանձեռագործ շինուածն Քրիստոսի :

«Հաստատուն կացէք յանշուշտ զօրագլուխն մեր, որ ոչ երբէք մոռացի զգործս նահատակութեան ձերոյ : Ո՛վ քաջք, մեզ այս մեծապէս է՝ զոր կատարեաց Աստուած ի ձեռն մերոյ բնութեանս, յորում եւ զօրութիւնն Աստուծոյ մեծապէս երեւի : Զի եթէ զայլս կոտորելով ի վերայ աստուածային օրինացն՝ պարծանս անձանց ժա-

ուանդեցաք, եւ դքաջ անուն
ազգատոհմին մերոյ թողաք եկե-
ղեցւոյ, եւ վարձուց ակնկալու-
թիւն ի Տեառնէ է, որ պահի
իւրաքանչիւր ումեք ի մէնջ ըստ
սրաին յօժարութեան եւ ըստ
գործոց առաջարկութեան, որ-
չաի եւս առաւել եթէ մեք մե-
ռանիցիմք ի վերայ մեծի վկա-
յութեան Տեառն մերոյ Յիսուսի
Քրիստոսի, որում եւ երկնա-
ւորքն են ցանկացեալ, եթէ գոյր
հնար: Եւ զի այս պարգևք ոչ
ամենեցուն է անկ, այլ որում
պատրաստի ի բարերար Տեառ-
նէն, եւ մեզ այս ոչ եթէ յար-
դար գործոց ինչ պատահեաց,
այլ յաննախանձ պարգևատը-
ւէն. որպէս եւ ասէ իսկ ի սուրբ
կաակարանին. «Ուր առաւել
եղեն մեզքն, անդէն առաւելան
չնորճքն Աստուծոյ —:

« Եւ մեզ կարի քաջ ի դէպ
ելանէ հրաման պատասխանոյս

այսորիկ. որպէս եւ առաւելա-
պէս երեւեցաք մարդկան ամ-
բարչտեալք, կրկին առաւելա-
պէս երեւեցուք արդարացեալք
մարդկան եւ հրեշտակաց եւ-
չօրն ամենեցուն: Զի որ օր լը-
ւան ապաքէն զմէնջ մարդիկ ի
գործ ամբարչտութեանն, ար-
տասուս բազում հեղան ի սուրբ
եկեղեցւոջն, եւ եւս բազմա-
գոյն ի մէջ սիրելեացն մերոց:
Նա եւ ընկերք մեր սրով սրտ-
մըտեալ սպառնային մեզ, եւ
մահ դառնութեան ի վերայ հա-
սուցանել կամէին. եւ ծառայքն
մեր սարտուցեալ փախչէին ի
մէնջ: Եւ հեռաւորաց, որոց
լուեալ էր զանուն քրիստոնէու-
թեան մերոյ, քանզի ոչ էին
տեղեակ խորհրդոցն մերոց,
ողբս ի բերան առեալ անդա-
դար աշխարէին զմեզ, եւ ան-
գիտութեամբ հայհոյութիւնս
բազումս խօսէին զմէնջ: Եւ որ

մեծն քան զամենայն ասացից .
 ոչ միայն մարդիկ յերկրի՝ այլ
 եւ հրեշտակք յերկինս զերեսս
 իւրեանց դարձուցին ի մէնջ ,
 զի մի տխուր դիմօք հայեացին
 ի մեզ :

« Եւ ահա եկին եհաս ժամա-
 նակ , զի զամենայն զկեղտ ա-
 նուն ի մէնջ ի բաց բարձցուք :
 Յայնժամ իբրեւ զթախծեալ սը-
 դաւոր՝ հողի եւ մարմին էաք
 սրտմեալք , այսօր զուարթաց-
 եալ եւ զգաստացեալք յերկոս-
 եան առ հասարակ եմք լրջաց-
 եալք . քանզի եւ զՏէրն բարե-
 բար ընդ մեզ տեսանեմք յա-
 ռաջնորդութիւն . չէ մեր մարդ
 զօրաւար , այլ զօրագլուխն ա-
 մենայն մարտիրոսաց : Երկեւզ՝
 թերահաւատութեան է նշանակ-
 զթերահաւատութիւն մեք ի
 մէնջ վազ մերժեցաք , ընդ
 նմին եւ երկեւզն վախիցէ ի մը-
 տաց եւ ի խորհրդոց մերոց » :

Զայս ամենայն առաքինի զօ-
 րաւարն խօսեցաւ ընդ ամենայն
 բազմութեանն . դարձեալ եւ
 զմի մի ի նոցանէ քաջաւերէր ի
 ծածուկ եւ սրտապնդէր , եւ
 զամենայն պակասութիւն աղ-
 քատութեան ընոյր : Որոյ ոչ ինչ
 գոյր զօրակամին՝ յանձնէ եւ
 յընկերաց մատուցանէր . որոյ
 զէն չէր՝ զէն պատրաստէր . եւ
 որում հանդերձ պիտոյ էր՝ հան-
 դերձ զպեցուցանէր . եւ որում
 երիվար՝ երիվար տայր : Եւ ա-
 ռատ ոռճիօք ուրախ առնէր զա-
 մենեսեան , եւ զուարթագին
 զինքն ցուցանէր ամենեցուն :
 Եւ ըստ պատերազմական կար-
 գին՝ զքաջ արանց գլխատա-
 կարանս հանապազ երկրորդէր
 առաջի նոցա . զի եւ ինքն իսկ
 տեղեակ էր ի մանկութենէ իւր-
 մէ սուրբ կտակարանաց : Զոր
 եւ ի ձեռն առեալ զքաջ նկա-
 րագիրն Մակարայեցւոց ընթեո-

նոյր ի լսելիս ամենեցուն, եւ յորդառատ բանիւք զեւս իրացն ի մացուցանէր նոցա, որպէս մարտուցեալ կռուեցան ի վերայ աստուածատուր օրինացն ընդդէմ թագաւորին Անտիոքացւոց: Զի թէպէտ եւ ի նմին կատարեցան մահուամբ, սակայն անուն քաջութեան եկաց մինչև դայսօր ժամանակի, ոչ միայն յերկրի՝ այլ եւ անմոռաց յերկինս: Նա եւ զայն յուշ առնէր զօրականին, որպէս ազգատոհմն Մատթեայ քակտեալ բաժանեցան ի միութեանէ նորա, դարձան ի հրաման թագաւորին, շինեցին մեհեանս, մատուցին զոնս պղծութեան, խոտորեցան յԱստուծոյ, եւ ընկալան զպատիժս պատուհասի մահուան ի սուրբ միաբանելոցն: Իսկ Մատթիի եւ որք ընդ նմայն էին՝ ոչ ինչ լքեալ թուլացան, այլ եւս առաւելապէս պնդեցան,

եւ ձեռնամուխ եղեն ի գործ պատերազմին բազում ժամանակս: Զայս ասէր, եւ անդէն ի դաշտին զտեղի առեալ՝ զզօրնս զետեղէր, եւ յամենայն կողմանց տակաւ զայրուծին կազմէր:

Իսկ յետ ոչ բազում աւուրց զօրագլուխն Պարսից խաղայր գայր ամենայն հեթանոսական բազմութեամբն. եւ եկեալ հասանէր յաշխարհն Հայոց ի Հեր եւ ի Զարեւանդ դաւառ: Եւ անդէն զտեղի առեալ նորա ի դաւառին՝ բանակ բոլորէր, փոս հատանէր, պատնէշ կանգնէր, շերտաւոր փակէր, ամբացուցանէր իբրեւ զքաղաք ամենայն պատրաստութեամբ: Գունգ բազում հատանէր ի զօրաց նորա, ասպատակաւ արշաւէր, յաւարի անուր կամէր զգաւառս բազումս:

Զայն իբրեւ լուան զօրքն Հայոց, սեպուհ մի յազգէն Ամա-

տունեաց՝ Առանձար անուն, ընտ-
րեցին յամենայն զօրականէն լի
իմաստութեամբ եւ քաջու-
թեամբ : Եւ ընդ առաջ նորա հա-
զարօք երկու , հար սատակեաց
զբազմութիւն գնդին , եւ զմը-
նացեալսն ի նոցանէ անդրէն
փախստական ի բանակն արկա-
նէր : Եւ ինքն ողջանդամ այս-
րէն դառնայր , եւ լինէր տօն
ուրախութեան մեծ յաւուրն
յայնմիկ զօրացն Հայոց :

Գարձեալ միւսանդամ ուրաց-
եալն Աստակ անդրէն ի հնարս
հայթայթանաց մտանէր ըստ ա-
ռաջին կեղծաւորութեանն իւ-
րոյ . շրջեցաւ ի ձեռն սուտ ե-
րիցանցն՝ զոր յառաջագոյն ա-
սացաք , նոքօք հրամանաւ ար-
քունի ի պատգամաւորութիւն
խօսէր , եւ երգմամբ հաստա-
տէր զբրիատունէութիւնն անդրէն
ունել :

Եւ զայս արարեալ զբազում

աւուրս՝ ոչ կարաց զմիւրանու-
թիւնն քակտել , մանաւանդ ըզ
սուրբ ուխտ կկեղեցւոյն , որ
ոչ էր հեռացեալ ի զօրականէն :

Արդէս երանելի երէցն Դե-
ւոնդ հրաման առեալ ի սուրբ
ընկերացն՝ ի մեծէն Յովսէփայ եւ
յամենայն մեծամեծացն , ի քա-
հանայլցն եւ ի զօրագլխացն ,
եբաց զբերան իւր եւ ասէ
բարձր բարբառով առաջի հրեշ-
տակացն .

«Յիշեցէք ամենեքեան գհարնս
զառաջինս , որ յառաջ քան ըզ
ժազումն Արդւոյն Աստուծոյ յիւ-
րաքանչիւր ժամանակս :

Քանզի իբրեւ մերժեաց եւ
ընկէց զմեզ չարն յատուածա-
յին տեղւոյն , գտաք մեք ան-
կեալք ընդ անողորմ գատաստա-
նօք ըստ մեղացն յանցաւորու-
թեան , որ ի կամս ազատու-
թեան մերոյ զործեցաք զանար-

ժանս, եւ զարարչական դորու-
թիւնն շարժեցաք ի վերայ մեր
ի ցատումն բարկութեան, եւ
զողորմած դատաւորն յուզեցաք
վրէժ առնուլ անաչառութեամբ
յարարածոցս, մինչեւ հրաման
տուեալ երկնային ծովուն հե-
ղուլ ի վերայ ցամաքիս, եւ հաս-
տատուն յատակք երկրիս ծակո-
տեալ՝ ընդդէմ զհակառակսն գոր-
ծեցին: Վերինք եւ ներքինք ե-
ղեն մեզ գործիք տանջանաց՝
առանց բարեխօսի վրէժ առ-
նուլ յանցանաց մերոց:

«Ապաքէն արդարն Նոյ միայն
գտաւ կատարեալ յազգի մարդ-
կութեանս, որ ցածոց զսրտմը-
տութիւն բարկութեան տերուն-
եան ցատմանն, եւ եղեւ սկիզբն
առաջարկութեան առ աճումն
բազմութեան մարդկային ազ-
գիս: Դարձեալ եւ Աբրահամ ի
փորձութեանն իւրում գտաւ ա-
ռաքինի, եւ զընկալեալ պար-

զեւնն յԱստուծոյ՝ ինքեան ձե-
ռօք փոխ անդրէն նմին մատու-
ցանէր. վասն այսորիկ եւ յա-
ռակս ընկալաւ զնա Աստուած,
զի ի նմա տպաւորեալ տեսանէր
զաներեւոյթ պալուստ Որդւոյն
Աստուծոյ, եւ զըմբռնումն անբռ-
բրոնելոցն եւ զգեհումն անմա-
հին, որ իւրով մահուամբն խա-
փանեաց զիշխանութիւն մահու:
Եւ եթէ մահուամբ մահ մեռա-
նի, մի երկիցուք մահակիցք լի-
նել Քրիստոսի. զի ընդ որում
մեք մեռանիմք, ընդ նմին եւ
կենդանանամք:

«Յիշեցէք, առաքինիք, զմեծն
Մովսէս, որ մինչեւ հասեալ էր
յարութեան հասակն՝ խորհուրդ
սուրբ նահատակութեանն ի տիս
տղայութեանն երեւէր նմա. եւ
տուն թագաւորին Նոյիպատացոց
ի ծառայութիւն մտանէր նմա,
եւ ակամայ գայեկութեամբ սը-
նուցանէր զնա. եւ ի ժամ փր-

կելոյ զժողովուրդն ի նեղութե-
 նէն՝ միջնորդ եղև երկնի եւ
 երկրի, միանգամայն եւ աստ-
 ուած անուանեցաւ ի վերայ Ե-
 զիպտացւոցն : Քանզի ուր գը-
 տաւ սուրբ խորհուրդն զօրա-
 ցեալ՝ անձամբ իւրով վրէժ առ-
 նոյր յԵզիպտացւոցն . իսկ ուր
 աստուածային յայնու թիւնն
 ի վերայ նորա լինէր, ի ձե-
 որն գաւազանին գործէր ըզ-
 մեծամեծ սքանչելիսն : Եւ վա-
 սըն սուրբ նախանձուն գոր ու-
 նէր՝ եհար զԵզիպտացիին եւ
 ընդաւազեաց . վասն որոյ զմեծ
 անուն զնէր նմա, եւ առաջ-
 նորդ ժողովրդեանն զնա կա-
 ցուցանէր : Եւ բաղում այն է՝
 որ հեղմամբ արեամբն արգա-
 բացաւ, եւ անուանեցաւ մեծ
 քան զառնայն մարգարէս .
 ոչ միայն զարտաքին թշնափան
 կոտորելով, այլ եւ զազգա-
 տոհման՝ որ փոխանակեցին զԱս-

տուած ընդ որթուն յանապա-
 աին :

« Եւ եթէ նա ի հեռուսս
 այնպիսի վրէժ ինդրէր գալըս-
 տեան Որդւոյն Աստուծոյ, մեք
 որ ականատեք եղաք, եւ մե-
 ծապէս վայելեցաք յերկնաւոր
 պարգեւն շնորհաց նորա, եւս
 առաւել պարտեք վրէժ իւրն-
 զիր լինել մօտակայ ճշմարտու-
 թեանս : Ար եզ մահուամբ զան-
 ձըն իւր ի վերայ մեզաց մե-
 բոց, արգարացոյց զմեզ յանհը-
 նարին գատապարտութենէն,
 զիցուք եւ մեք զանձինս մեր
 մահուամբ ի վերայ անմահ զօ-
 րութեանն . զի մի նուազք
 քան զվրէժինդիրն առաջինս
 գտանիցիմք :

« Յիշեցէք զմեծ քահանայն
 Փենեհէզ, որ սպանմամբ ե-
 բարձ զպղծութիւնն ի ժամ
 պատերազմին, եւ ազգէ յազգ
 երգմամբ հաստատեաց զքահա-

նայութիւնն : Մի մտանայք
 եւ զսուրբ մարգարէն զՅովիամ ,
 որ ոչ կարել հանդարտել հայել
 ի կռապաշտութիւնն Սքարու .
 եւ արդար նախանձուն իւրոյ
 զութ հարեւրան ինքեան ձե-
 ոօք սատակեաց , եւ զերկուս
 յիսունան անշէջ հրոյն մատու-
 ցանէր լուցիլիս . եւ զաստուա-
 ծային վրէժն ինդրելով՝ անըմ-
 բրոնելի եւ անաղին կարօքն
 յերկրէ ի յերկինս վերացաւ :
 Գուք՝ եւս մեծի մասին վիճա-
 կի հասեալ էք . զի ոչ եւս
 կառք առաքին ձեզ ի վերա-
 ցումն , այլ ինքնին Տէրն կա-
 ռաց եւ երկվարաց հզօր զօրու-
 թեամբ եւ սրբովք հրեշտակօք
 ընդ առաջ եկեալ՝ ձեզ իւրա-
 քանչիւր թեւս բուսուցանէ
 զի նորա ուղեկիցք լինիցիք
 եւ նմին քաղաքակիցք :

« Եւ այլ զի՞նչ եւս երկ-
 րորդեցից առաջի ձերոյ քաջ

նահատակութեանդ , զի քան
 զիս տեղեկագոյնք եւ հմուտք
 էք սուրբ կտակարանացն : Դա-
 ւիթ ի մանկութեան ժամանա-
 կին քարիւ կործանեաց զմեծ
 բլուրն մտեղէն , եւ ոչ ինչ
 զանդիտեաց յահագին սրոյ հրս-
 կային . ցրուեաց զգունդս այ-
 լազդեացն , եւ ապրեցոյց ըզ-
 զօրսն ի մահուանէ , եւ զժողո-
 վուրդսն ի գերութեանէ . եւ ե-
 ղեւ անդրանիկ թագաւորացն
 Խարայելի , եւ անուանեցաւ
 հայր Որդւոյն Աստուծոյ : Նա
 անուանեցաւ առ ի պէտս ժա-
 մանակին , եւ զուք ճշմարիտ
 ծնեալք ՚ի սուրբ Հոգւոյն՝ որ-
 զիք էք Աստուծոյ եւ ժառան-
 գակիցք Քրիստոսի : Մի ոք ըզ-
 ձեր բաժինն ի ձէնջ հատանի-
 ցէ , եւ զձեզ օտարախորթս ա-
 րարեալ՝ տարաբաժին հանիցէ :
 « Յիշեցէք զամենայն զօրա-
 վարսն զառաջինս Խարայելի ,

դՅեաւու , դՅեղէտիւն , դՅփթայ-
եա եւ զոյլս ամենեւեան , որք
ճշմարիտ հաւատովք էին , հա-
րին կոտորեցին զզօրսն հեթա-
նոսաց , եւ սրբեցին զերկիրն
ի պիպճ կռապաշտութենէն : Եւ
վասն հաստատուն արդարագոր-
ծութեանն՝ որ ոչ ինչ երկմտե-
ցին ի խորհուրդս իւրեանց , ա-
րեգակն եւ լուսին առանց ա-
հանջաց լուան եւ կոտորեցին
զքան հրամանի նոցա . ծով եւ
զետք ճանապարհ գործեցին ա-
ռաջի նոցա ըստ ոչ սովորու-
թեան : Եւ բարձրացեալ պա-
րիսպ քաղաքին Նրիքովի ճայ-
նիւ լրկով անկեալ կործանեցան
վրէժխնդրութիւն օրինացն ար-
դարութեան : Եւ այլքն ամե-
նացն՝ որ ըստ հաւատոց քաջու-
թիւնս կատարեցին ի դարս իւ-
րաքանչիւր , գովեցան ի մարդ-
կանէ եւ արդարացան յԱստու-
ծոյ :

« Ապաքէնոյն Տէր է ի սկզբ-
բանէ եւ մինչեւ զայսօր եւ առ
յապա , եւ յաւիտենից յաւիտ-
եանս , եւ անդր քան զամենայն
յաւիտեանս : Ոչ նորոզի , զի ոչ
հնանայ . ոչ մանկանայ , զի ոչ
ձերանայ . ոչ փոփոխի անցեղե-
զուկ բնութիւնն Աստուծոյ . սր-
պէս եւ ինքն ասէր բերանով
սուրբ մարդարեւիցն . — Ես եմ .
ես եմ , ես նոյն եմ ի սկզբա-
նէ մինչեւ յաւիտեան . ոչ տամ
զփառս իմ այլում , եւ ոչ զքա-
ջութիւնս իմ զբօշեկոց — :

« Զայս գիտելով , եզրաբք ,
մի թուրութեամբ լքանիցիւք ,
այլ սղիւթութեամբ սրաիւ եւ
հաստատուն հաւատովք կամա-
կար յարձակեցուք ի վերայ
թշնամեացն՝ որ յարուցեալ գան
ի վերայ մեր : Մեր յոյսն մեզ
կրկին երեւի . եթէ մեռանիւք՝
կեանք , եւ եթէ մեռուցանեմք՝
մեզ նոյն կեանք առաջի կան :

Յիշեցուք զբանն Առաքելոյ, որ ասէ, թէ — Փոխանակ ուրախութեանն որ նմա առաջի կայր՝ յանձն էառ զհամբերութիւն մահու եւ մահու խաչի. վասն այսորիկ եւ Աստուած զնա առաւել բարձրացոյց, եւ ետ նրմա անուն՝ որ ի վեր է քան զամենայն անուն. զի յանուն Յիսուսի Քրիստոսի ամենայն ծունր կրկնեսցի երկնաւորաց եւ երկրաւորաց եւ սանդարամետականաց—:

« Եւ քանզի որ ճշմարտութեամբ միացեալ է ընդ Որդւոյն Աստուծոյ, հոգւոյն աչօք տեսանէ զաներեւոյթ յտակ լոյսն ճառագայթից իմանալի արեգական, որ յամենայն ժամ եւ յամենայն օր գեր ի վերոյ ծագեալ երեւի ամենեցուն. եւ սրբատեսիլ եւ սրբահայեացս անպզտոր յտակութեամբ ճրգտեցուցանէ զհայեցուածս, եւ

Թափանցանց եղեալ ընդ երկիրնս՝ յամատոյց տեսիլն մերձեցուցանէ, եւ կորովութեամբ կշռէ զերկրապագութիւն զերից հատուածոցն միաւոր զօրութեան: Եւ արդ որ ընդ Աստուծոյ աստիճանն ոտնտոխ եղեալ իցէ, եւ բարձրութեամբ յարքունիսն հասեալ, եւ զամենայն մեծութիւն բովանդակ տեսեալ, նա միայն է որ ժառանգէ զանանց ուրախութիւնն եւ զանորտմական մրտիթարութիւնն:

« Մի, տեսար իմ պատուականք, մի յետ այսչափ ի բարձունս վերանալոյ՝ այսրէն յերկիր անկեալ թաւալիցիմք, այլ տեղի առեալ անդրէն ի բարձրութեանն հաստատեցուք: Թէպէտ եւ հայեցուք ի ստորին կողմ երկրիս, տեսանեմք զսալի ամենայն ապականութեամբ եւ անսուրբ պղծութեամբք:

Քանզի զինչ աղէտք տարակուսի են որ ոչ գործին յերկրայինս աստարերս . թշուառութիւնք աղքատաց եւ անթիւ չարչարանք նոցուն , աղցաւոր ծանրութիւնք հարկահանաց , զզուանք եւ կովանք ի բռնաւոր ընկերակցաց , քաղց եւ ծարաւ ըստ կարօտութեան բրնութեանս : Սառնամանիք ձմեռայնոց եւ խորչակք ամառայնոց հիւանդութիւնք տարածամբ եւ աստք մահաբերք հանապաղ տանջեն զմարդիկ . երկեւզ արտաքնոց , արհաւիրք ի ներքնոց անդադար ի վերայ հասանեն . ցանկան մահու յառաջքան զժամանակն , եւ ոչ զբտանեն . եւ բազումք են որ փութեն եւ խնդրեն . եւ խնդալից լինին յորժամ գտանեն : Իսկ որ թուին մեզ եթէ յաջողեալ իցեն ի մեծութեան եւ փափկանան ուրախութեամբ ի պակա-

սելի կեանս , մեծամոտեալ հրպարանանս յանցաւոր մասունս աշխարհիս , նոքա են որ կուրացեալ են ի ճշմարիտ կենացն : Իսկ արդ զինչ այն չարիք իցեն որ ի նոսա ոչ գործիցին . ընդ մեծութիւն խառնեալ է յափրչտակութիւն ընչից աղքատաց , ընդ սուրբ ամուսնութիւն գէճ պղծութիւն : Յորս վայելեն անբնտրութեամբ , նոցուն երկըրպազութիւնս իբրեւ Աստուծոց մատուցանեն , մուրեալք ի ճշմարիտ կենացն :

« Ո՛չ անա ամենայն աշխարհք՝ արարչին բոլորեցուն է դոյացութիւն . եւ զոր նոքայն պաշտեն եւ պատուեն՝ ապաքէն ի սմին նիւթոց է մասն . իսկ արդ մասունքն մասանց կան ի ծառայութիւն : Զի եթէ մի մասն աշխարհիս ապականացու է , հարկ է թէ եւ ամենայն մասունքն ընդ նմին ապականին :

Նա եւ ի մասանց անտի՛ պարտ է թէ եւ ընտրութիւնք երեւեսցին . իսկ արդ որ լաւ է՝ յայտնի է ամենեցուն , եւ որ գիտեն իմանալ՝ նա է ընտիր ի մասանցըն : Ապա թէ այդ այդպէս է , քան զամենայն պաշտամունս հեթանոսաց որում երկիր պագանեն՝ երկրպագութիւն են առաւելելք քան զանբան տարերան՝ որոց չարաչար կան ի ծառայութեան . եւ զէն Աստուած որ ի մարդ կերպարանեցաւ՝ չպաշտեն , այլ արարածոց տանին երկրպագութիւն . որոց մեղաց չիք քաւութիւն յարդար աստեանն :

« Մն անդր ի բաց թողցուք զխաւարային խորհուրդս մութրեւոյն . եղկելիս եւ ողորմելիս քան զամենայն մարդիկ զնոսա համարեսցուք . մանաւանդ զի կամօք են կուրացեալք եւ ոչ ի հարկէ , եւ ոչ երբէք գացեն

զճանապարհն ճշմարտութեան : Այլ մեր բացահայեաց աչօք տեսեալ զլոյսն երկնաւոր , մի պատահեսցէ մեզ խաւարն արտաքին : Զի ոչք էին ի խաւարի , եկն առ նոսա լոյսն ճշմարիտ . կուրացեալք վերպեցան ի կենացն : Իսկ որք ընկալայքդ հաւատովք՝ որդիք էք եւ ոչ օտարախորդք , սիրելիք եւ ոչ թշնամիք , բաժանորդք եւ ժառանգորդք վերին իմանալի քաղաքին :

« Անդ է առաջնորդ փրկութեան մերոյ , աստ քաջութեամբ նահապակեցաւ , եւ զնոյն ուսոյց ամենայն նիզակակից գործակցաց իւրոց Առաքելոց . ընդ որս եւ դուք էք այսօր կրկին երեւեալ , օրհնեալք հաւատովք ընդդէմ աներեւոյթ թշնամւոյն , պատենաղէն գրահիւք դէմ ընդդէմ ընկերակից սատանայական գործոյնս Եւ եթէ այսպէս եւ եւ

Թէ այնպէս, զերկոսեան կալմանն ի պարտութիւն մասնէք, որպէս եւ Տէրն ինքնին արար աշխարհի. թուեցաւ թէ մեռաւ, այլ նա յայնժամ տարաւ զկատարեալ նահատակ առաքինութեանն. զախոյեանն ընկեց, զպատերազմն եհար, զթշնափսիսն ցրուեաց, զաւարն ժողովեաց, զգերինն դարցոցց. զգարգեանն քաջիեաց ամենայն սիրելեաց իւրոց ի ձեռն իւրաքանչիւր առաքինութեանց:

« Գիտէք դո՞ք ամենեքեան. յստաջ ժամանակաւ հասեալ ձեր ի գործ պատերազմի, թէպէտ եւ էր ձեր սալորութիւն՝ քահանայից հանազազորդել ի մէնջ բանակիս, ի ժամ ճակատուցն յանձնեալ ձեզ ի նոցանէ աղօթիւք՝ յամուր տեղ ոջուրեք թողութիւք զնոսս. իսկ այսօր եպիսկոպոսք եւ երիցունք եւ սարկաւազունք, սաղ-

մոսերդողք եւ դրակարդացք իւրաքանչիւր կարգեալ կանոնաւ՝ իբր վառեալք զինու եւ պատրաստեալք ի պատերազմ, կամիմ ընդ ձեզ յարձակել հարկանել զթշնամիսն ճշմարտութեան: Եւ եթէ մեռանել եւս հասանէ ի նոցանէ, սակայն եւ յայնմանէ ոչ են զանգիտելոց. քանզի լաւագոյն զմեռանելն կամին քան զմեռուցանելն:

« Որպէս զի կրկին աչս ստացեալ ունիցին, հաւատոյ աչօք զքարկոծանս մարգարէիցն տեսանեն, եւ մարմնոյ աչօք զքաջութիւն ձերոյ նահատակութեանդ: Մանաւանդ թէ ի ձեզ զերկոսեան իսկ տեսանեմք. քանզի եւ դուք իսկ տեսանէք զչարչարանս սուրբ առաքելոցն եւ զսպանմունս զամենայն քաջ մարտիրոսայն, որոց մահուամբն հաստատեցաւ սուրբ եկեղեցի, եւ հեղունն արեան իւրեանց


եղև ի պարծանս վերնոցն եւ ներքնոց : Արդ մինչև ի գալուստն երկրորդ՝ նոցն նահատակութիւն կատարի չարչարանօք առաքինեացն եւ ընտրելոց նահատակաց՝ յորոց միջի եւ զուք էք հանդիսացեալ այսօր, եւ հրաւիրեալ ի լուսաւորչացն ձեր սրբոց հասանել ի գունդս նոցա եւ ժառանգորդս խոտացելոցն լինել անանց բարութեանց ի Քրիստոսէ Յիսուսէ, որ է օրհնեալ յաւիտեանս» :

Յայս վայր լուսեցաւ ի գիշերին յայնմիկ սուրբ երէցն՝ Ղեւոնդ, եւ փառատրելով կատարեաց զԱմենն ասելով : Եւ սեղան ուղղեալ՝ զամենասուրբ խորհուրդն կատարեցին . ուղղեցին եւ աւագան, եւ եթէ գոյր ոք երախաց ի բազմութեան զօրուն՝ զգիշերն ամենայն մկրտեցին, եւ ընդ առաւօտս սուրբ օրինացն հաղորդե-

ցան, եւ այնպէս լուսազգեստ եղին՝ որպէս ի տէրունեան մեծի սուրբ Զատիկին :

Եւ մեծաւ զուարճութեամբ եւ յոյժ խնդութեամբ ազադակեաց ամենայն բազմութիւն զօրացն եւ ասնն . « Հաւատարեցէ մահ մեր ընդ մահու արգարոցն, եւ հեղունն արեան մերոյ ընդ արեան սուրբ մարտիրոսացն . եւ հաճեցի Աստուած կամաւոր պատարագաւ, եւ մի տայէ զեկեղեցի իւր ի ձեռս հեթանոսաց » :





Պատերազմն Հայոց

ՅԵՏ այսորիկ իբրև ետև
 դորավար գնդին Պարսից՝ եթէ
 հատան պատգամաւորքն ի մի-
 ջոյ խարել զնոսա, եւ բարձաւ
 յոյս ակնկալութեան իւրոյ ջըր-
 ուել զնոսա յանքակ միաբա-
 նութենէն, յայնմ՝ ժամանակի
 յառաջ գոչէր զանօրէնն Վասակ
 եւ զամենայն ուրացեալ իշ-
 խանն, որ էին ընդ նմա յաշ-
 խարէն Հայոց, հարցանէր զնո-
 սա, եւ ուսանէր ի նոցանէ
 զհնարագիտութիւն յաղթու-
 թեան: Եւ իբրև հասեալ ան-
 ղեկացաւ զառն անն իւրաքան-
 չիւր քաջութիւնս, կոչէր եւ
 զբազումն ի զօրագլխացն՝ որ
 էին ընդ իւրով ձեռամբ, եւ

հրամայէր ածել զառաջեաւ զե-
 րամակս փղայն, եւ ի գունդս
 գունդս զգազանն բաժանէր,
 եւ առ մի մի փիղ երեք հազար
 սպառաղէնք, թող զայլ զօրս
 ամենայն:

Խօսէր եւ ընդ մեծամեծն
 արքունի հրամանաւ եւ ասէր.
 «Յիշեցէք այր իւրաքանչիւր
 զպատուէր մեծի թագաւորին,
 եւ զիք առաջի զանուն քա-
 ջութեան. ընտրեցէք զմահ
 քան զկեանս վատութեամբ:
 Մի մտանայք զեւզն եւ զպսա-
 կրն եւ զուսն եւ զառատա-
 ձեռն պարգեւսն՝ որ չնորի
 ձեզ յարքունուսա: Տեարք էք
 իւրաքանչիւր գաւառաց, եւ
 ունիք իշխանութիւն բազում.
 Դուք ձեզէն զխէք զքաջու-
 թիւն աշխարհին Հայոց, եւ
 զառն անն իւրաքանչիւր նա-
 հատակութիւն արութեան ըզ-
 փորձ առեալ ճանաչէք. գուցէ

ձեր ի պարտութիւն մասնեալ՝ կենդանեաւ վրիպիցիք ի մեծ կենացն զոր ունիցիք : Յիշեցէք զկին եւ զորդիս ձեր , յիշեցէք զսիրելի բարեկամս ձեր . գուցէ ոտնհար լինիցիք յարտաքին թշնամեացն եւ ողբակիցք ի ներքին սիրելեացն » :

Նա եւ յուշ եւս առնէր նոցա զբազում ընկերակիցս փախուցեալս , որք թէպէտ եւ ի պատերազմէն ապրեցան , սրով ընկալան զվճիռ մահուն իւրեանց . ուստերք եւ դստերք եւ ամենայն ընտանիք իւրեանց յանաշխարհիկս գրեցան , եւ ամենայն հայրենի գաւառք հատան ի նոցանէ :

Զայս ասէր , եւ առաւել քան զսոյն սաստկացուցանէր զհրամանն արքունի : Կարգէր կազմէր զգորսն ամենայն , եւ տարածանէր երկայնէր զճակատն յերկայնութիւն գաշտին մեծի : Եւ իւրաքանչիւր գաղանացն

յաջմէ եւ յահեկէ ղերեքհազարեան սպառաղէնսն պատրաստէր , եւ զընտիր ընտիր նահատակացըն շուրջ զիւրեաւ գումարէր . եւ այսպէս ամրացուցանէր զգունդն Մատեան իրբեւ գաշտարակ մի հզոր եւ կամ իրբեւ զբերդ մի անմատոյց : Նշանս բաշխէր , գրօշս արձակէր , եւ ի ձայն մեծի փողոյն պատրաստ հրամայէր լինել : Խակ զգունդն զԱպարհացի , եւ զԿատչացն եւ զՀոնաց եւ զԳեղաց , եւ զայլս եւս ամենայն զընտիր ընտիր զօրուն մարդիկ ի մի վայր ժողովէր , եւ հրաման պատուիրանի տայր ընդ աջմէ կողմանէ գնդին իւրոյ պատրաստ լինել ընդդէմ Հայոց զօրավարին :

Խակ արին Աարդան յառաջ մատուցեալ եւ զաւաղանին հարցանէր , եւ միաբան ամենեցուն իրատու զզօրագլուխսն կարգէր այսպէս .

Չգգունդն առաջին տայր ի ձեռն ի շխանին Արծրունեաց, եւ նիզակակից նմա դմեծ իշխանն Մոկաց . եւ զայն ամենայն նախարարեան համարդս երկոցունցն, եւ զամենայն բազմութիւն զնդին թեւս աստի եւ անտի կազմէր նոցա :

Եւ զգգունդն երկրորդ տայր ի ձեռն Խորենայ Խորխոռունեաց, եւ նիզակակից նմա զԸնծայինն եւ զՆերսէ՛ Քաջբերունի :

Եւ զգգունդն երրորդ մասուցանէր ի ձեռն Թաթլոյ Վանանդեցւոց, եւ նիզակակից նմա հրամայէր զՏաճատ Գնթունի, եւ զբազումս ի քաջ արանց աստի եւ անտի ի թեւս նոցա :

Յանձն իւր առնոյր զգգունդն չորրորդ, եւ նիզակակից իւր զքաջն Արշաւիր եւ զհարազատ եղբայր իւր զՀամազասպեան : Կարգէր եւ կազմէր զճակատն

յորդորելով ընդ ամենայն երեսս դաշտին դէմ յանդիման Արեաց գնդին, առ աին Տրդմուտ գետոյն :

Եւ իբրեւ այս այսպէս պատրաստեցան, երկոքեան կողմանքն լի սրամտութեամբ եւ մեծաւ բարկութեամբ զայրանային, եւ զազանացեալ զօրութեամբ յիրեարս յարձակէին երկոքեան . եւ ամբոխ ազազակին երկոցունց կողմանց՝ իբրեւ ի մէջ ամպոց շփոթելոց՝ ճայթմունս գործէր, եւ հընչումն ձայնից զքարանձաւս լերանց շարժէր : Ի բազմութեանէ սազաւարտիցն եւ ի փայլիւն պատենադէն վառելոցն իբրեւ նշոյլք ճառագայթից արեդական հատանէին : Նա եւ ի բազում սուսերայն շողալ, եւ ի ճօճել բազմախոռոն նիզակացն իբրեւ յերկնուստ ահագին հրաձգութիւնք եռային : Քանզի

նի իսկ է բաւական առել զմեծամեծ տաղնապ ահաւոր ձայնիցն, որպէս կոփիւնք վահաւաւորացն եւ ճայթմունք լարից աղեղացն զլսելիս ամենեցուն առ հասարակ խլացուցանելին :

Անդ էր տեսնել շտապ մեծի տաղնապին եւ զաղէտս անբաւտարակուսանայն երկոցունց կողմանցն, առ ի յանդուզն յարձակմանէն զմիմեանս բախելով . քանզի թանձրամիտքն յիմարէին եւ վատասիրտքն լըքանէին, քաջքն խիզախէին եւ նահատակքն գոչէին : Եւ խումբ արարեալ ամենայն բազմութեանն՝ զգեան ի մէջ փակէին, եւ զանդխտելեաց գունդն Պարսից ի զժուարութենէ գետոյն՝ զտեղեաւն գեռալ սկսան : Իսկ գունդն Հայոց հասեալ անցանէին, ձի ի վերայ առեալ յարձակէին մեծաւ զօրութեամբ :

Սաստկապէս բախեալք ընդ միմեանս, յերկոցունց կողմանց բազում վիրաւորք յերկիր անկեալ դիաթաւալ խաղային :

Յայնմ մեծ տաղնապի ի վեր հայեցաւ քաջն Վարդան, եւ տեսանէր զընտիր ընտիր քաջ նահատակաց Պարսից զօրուն՝ զի զձախակողմն շարժեցին զՀայոց զնդին, մեծաւ ուժով յարձակէր ի տեղին, եւ զաջ թեւն Պարսից զնդին բեկեալ՝ արկանէր զգազանօքն, եւ շըրջան առեալ կոտորէր մինչեւ ի նոյն տեղի : Եւ այնպէս շտապ տաղնապի ի վերայ հասուցանէր, մինչեւ գունդն Մատեան քակեալ բաժանեցան ի մեծամուր պատրաստութենէն, դեռ եւս քաջ քաջ ի փախուստ դասային :

Ապա դէտ ակն ի վեր համբառնայր Մուշկան Նիսալաւորտ, քակեալ գոմանս տեսա-

նէր ի գնդէն Հայոց , եւ զկնի մնացեալ ի հովիտս լերանցն : Վասնորոյ աղաղակ բարձեալ՝ քաջալերէր շուրջ զլուրեաւ զգօրս Արեաց , որք զտեղի առեալ կային ընդդէմ գընդին Վարդանայ , եւ անդէն ի տեղւոջն երկոքին կողմանքն զպարտութիւն խոստովանէին , եւ առ յոյժ թանձր անկեալ զիսկանց իբրեւ զքարակոյտս զերբկաց երեւէին :

Զայս իբրեւ հտես Մուշկան Նիսալաւուրտ , մնայր գազանացն Արտաշրի , որ ի վերայ նոցա նստէր ի բարձր զիսանոցին իբրեւ յամուր քաղաքի . եւ ի ձայն մեծ դալարափողոցն զլուր գունդան ստիպէր , եւ յառաջամարտիկ զօրօքն զնա ի մէջ փակէր :

Իսկ կորովին Վարդան իւրովք քաջ նիզակակցօքն ոչ սակաւ նախճիրս ի տեղւոջն

գործեաց , յորում տեղւոջ եւ ինքն իսկ արժանի եղեւ առնուլ զկատարեալ նահատակութեանն պսակ :

Եւ յերկարեալ գործոյ պատերազմին՝ օրն տարածամէր , եւ մօտ առ երեկս կարճատէր . քաղմաց օրահասք մահու հասնէին . մանաւանդ ի թանձրութենէ՝ զիսկայն մօտ առ մօտ խտացեալ իբրեւ զփայտահարս մայրաւորաց :

Անդ էր տեսանել զբեկումն նիզակայն եւ զխորտակումն ազեզանց . վասն այնորիկ եւ ոչ կարէին կալ ճշմարտիւ ի վերայ սուրբ մարմնոյ երանելեացն . եւ սաստիկ խուճապ տագնապի էր կողմանցն երկոցունց անկելոց : Եւ որք մնացեալքն էին՝ վաանեալք եւ ցրուեալք լինէին ի լեռնադաշտս ամուր ձորոցն . եւ յորժամ պատահէին միմեանց՝ դարձեալ միւսանա-

գամ զմիմեանս սատակէին : Եւ մինչեւ ի մուտս արեգականն անդադար լինէր գործ դառնութեանն :

Եւ քանզի դարնանային էր ժամանակն, ծաղկալից դաշտքն դառնային յորդահոսանս արեանց բազմաց : Մանաւանդ յորժամ տեաանէր ոք զբազմակոյտ՝ դիականցն անկելոց, սիրտըն բեկանէր եւ աղիքն դաւարէին՝ լսել զմնչիւն խոցելոցն եւ զմոնչիւնս բեկելոցն, զթաւազլոր խաղալ սողալ վիրաւորացն, զխախուստ վատացն, զթաքուստ լքելոցն, զսրտաթափումն զանարի աւրանցն, զճչիւն կանացեացն, զողբս սիրելեաց, զաշխարհումն մերձաւորաց, զվայ եւ զաւաղ բարեկամացն : Քանզի ոչ կթէ կողմ էր որ յաղթեաց, եւ կողմ էր որ պարտեցաւ, այլ քաջք ընդ քաջս ելեալ՝ երկոքին կող-

մանքն ի պարտութիւն մատնեցան :

Բայց քանզի անկեալ էր մեծ սպարապետն Հայոց ի պատերազմին, ոչ ոք գոյր այնուհետեւ ի մէջ գլխաւոր՝ յոր յեցեալ ժողովէին դունդն մնացելոցն : Թէպէտ եւ բազում այն էր որ ապրեցան՝ քան թէ որ մեռանն, սակայն ցանեալ ցրուեցան, եւ հասեալ անկանէին ի տեղիս տեղիս յամուրս աշխարհին, եւ բռնանային ի վերայ բազում դաւառաց եւ բերդից, զոր եւ ոչ առնուլ իսկ ոք կարէր :

Եւ այս անուանք են քաջ նահատակացն՝ որ անդէն ի տեղւոջն կատարեցան .

Յազգէն Մամիկոնէից . ՔԱՁՆ ՎԱՐԴԱՆ հարեւր երեսուն եւ երեք արամբք .

Յազգէն Խորխոռունեաց ԽՈՒՐԷՆՆ ԿՈՐՈՎԻ իննեւտասն ա-

րամբք .

Յազգէն Պալունեաց ԱՐԻՆ
ԱՐՏԱԿ յիսուն եւ եւթն արամբք .

Յազգէն Գնթունեաց ԶԱՐՄԱ-
ՆԱԼԻՆ ՏԱՃԱՏ իննեւտասն ար-
ամբք .

Յազգէն Գիմաքսենից ԻՄԱՍ-
ՏՈՒՆՆ ՀՄԱՅԵԱԿ քսան եւ եր-
կու արամբք .

Յազգէն Քաջբերունեաց ՀՐԱ-
ՇԱԿԵՐՏՆ ՆԵՐՍԵՀ եւթն ար-
ամբք .

Յազգէն Գնունեաց ՄԱՆՈՒԿՆ
ՎԱՀԱՆ Երկք արամբք .

Յազգէն Ընծայնոց ԱՐԴԱՐՆ
ԱՐՍԷՆ եւթն արամբք .

Յազգէն Սրուանձտայ ՅԱՌԱ-
ԶԱԴԷՄՆ ԳԱՐԵԳԻՆ Երկու հա-
րազատօքն եւ ութուտասան ար-
ամբք :

Այս երկերիւր ութսուն եւ
եւթն նահատակք , ընդ ինն
մեծամեծ նախարարսն անդէն
ի տեղւոջն կապարեցան : Եւ

յարքունի տանէն եւ ի տանէն
Արծրունեաց եւ յիւրաքանչիւր
նախարարաց տանէն . թող
զայս երկերիւր ութսուն եւ
եւթն , եւ այլ եւս եւթն հա-
րեր եւ քառասուն այր , որք
զանուանս իւրաքանչիւր ի գրպ-
րութիւն կենաց գրեցին ի նը-
մին աւուր ի մեծ պատերազ-
մին : Եւ միահամուռ լինի ա-
մենայն հազար եւ երեսուն եւ
վեց :

Իսկ ի կողմանէ ուրացելոցն
եւ հեթանոսաց անկանէր յայնմ
աւուր երեք հազար ճինգ հա-
րեր քառասուն եւ չորք այր :
Ինն այր ի նոցանէ ի մեծ պատ-
ուաւորացն էր , վասն որոյ եւ
կարի յոյժ ի խոր խոցեցաւ
Մուշկան Նիսալաւուրտ : Մա-
նաւանդ իբրեւ Խաւս զանհաւ-
րին հարուածնս եռապատիկ
զիւրոյ գնդին քան զՀայոցն ,
բեկաւ անկաւ զօրութիւն ու-

ժոյն իւրոյ, եւ ոչ հանդարտէր
կալ ի վերայ խորհրդոց մտացն .
քանզի ոչ որպէս կարծէր զսա-
տերազնն՝ կատարեցաւ Մանա-
ւանդ իբրեւ հայեր տեսանէր
զբազմութիւն անկեւոյց իւրոյ
կողմանն, եւ թիւ համարոյ եւս
առնէր, եւ իբրեւ այնչափ յո-
լով գտանէր զիւր անկեալան
քան զՀայոց գնդին, եւս առա-
ւել վասն երեւելի արանցն՝ զո-
րըս յականէ յանուանէ զիտէր
թագաւորն, ի մեծ տաղնապի
լինէր այրն յանձն իւր : Արդա-
րութեամբ զիրան գրել եւ ցու-
ցանել ի թագաւորէն երկնչէր .
գարծեալ եւ թաքուցանել եւս
ոչ կարէր, քանզի ոչ ծածկէր
այնպիսի մեծ կոխ :


Եւ մինչդեռ յայսմ մտաց խոր-
հրդի էր յանձն իւր եւ նեղէր
ի միտս իւր, ուրացեալն Վա-
սակ՝ որ զանձն իւր ի մէջ գա-
ղանացն թագուցեալ ապրեցու-

ցանէր՝ միսիթար մատուցանէր
մտացն լքելոյ, եւ ուսուցանէր
նմա հնարս նենդութեամբ, թէ
որպէս կարասցէ մարտնչել ընդ
ամուրան խաբէութեամբ : Երդ-
մուռնա կնքէր արքունի հրամա-
նաւ եւ վկայութեամբ անձին
իւրոյ եւ խաբեբայ երկցամբքն
որ ընդ նմայն էին . պատգա-
մաւորս առնէր զնոսա, եւ ե-
րեւեցուցանէր զթողութիւն ա-
պրտամբութեանն առ ի շինու-
թիւն եկեղեցոյ Հնորհել անդ-
րէն, եւ զամենայն կարգս անդ-
րէն յարմարել ըստ առաջին սո-
վորութեանն : Թէպէտ հրաման
թագաւորին հաստատութեամբ
էր տուեալ — վասն՝ զի յոյժ բե-
կաւ զօրութիւն նորա, որպէս
զի երկոքին կողմանք նորա
հարան — սակայն զօրքն Հայոց
վասն նենդութեանն Վասակայ,
որ բազում անգամ հասեալ էին
ի վերայ ստութեան նորա, վա-

սըն այնորիկ եւ հրամանի թա-
զաւորին վազվազակի ոչ կարե-
ին հաւատալ :



ԵԻԹՆԵՐՈՐԴ ՅԵՂԱՆԱԿ



Յերկարոշմն իրացն խռո-
շիռքերուն :

ԱՐԴ դարձեալ յայնժամ
դրդեաց զՄուշկան Նիսալա-
ւուրտ եւ զամենայն աւաղա-
նին Սրեաց . առեալ զգօրսն
հասանէր ի վերայ ամրոցին՝ յոր
անկեալ էին գունդ մի ի դօ-
րացն Հայոց հանդերձ սուրբ
քահանայիւքն , եւ մարտ եղ-
եալ կռուէին շուրջ զբերդաւն :
Եւ իբրեւ ոչ ինչ կարացին ազ-
դել նոցա , դարձեալ յերդմունս
ապաստան եղեալ , զի ուխտիւ
իջուսցեն զնոսա առանց դաւ-
ինչ գործելոյ , եւ երկիցս եւ
երիցս անդամ ետուն տանել
զաւետարանն : Թէպէտ եւ քա-

հանայքն յանձն առնուին զիջանելն կալ առաջի, բազումք ի զօրականացն ոչ կարելին հաւատալ սուտ ուխտին վասակայ. քանզի սկսաւ երթալ Մուշկան Նիսալաւուրա զհետ չար խրատուն վասակայ:

Մի ոմն 'ի քաջ զօրականէն Հայոց, որ անկեալ էր 'ի բերդըն փախստեամբ՝ Բակ անուն, ելեալ 'ի պարիսպն թշնամանս գնէր անօրինին, եւ յուցանէր առաջի Պարսից զօրագլխին զամենայն չարիսն զոր անցուցեալ էր նորա ընդ աշխարհն Հայոց: Զոր եւ բազումք լըւեալ՝ արդարացուցանէին զամբատանութիւնն, ոչ միայն ի Հայոց կողմանէն, այլ եւս առաւել զօրքն Պարսից: Սոյն այլքս այս ի նմին զիչերի եւթն հարեւր արամբք ել գնաց 'ի բերդէ անտի, եւ ոչ կարացին ձեռն արկանել ի նս:

Իսկ որ ի ներքս յամբին մընացին, թէպէտ եւ զիտէին ճշմարտիւ զխաբերայ երդմունս նոցա, ոչ ունէին համբար ի ներքս: Իբրեւ ոչ կամաւ իջեալ կացին առաջի, հրամայեաց ըսպանանել ի նոցանէ երկերիւր եւ երեքսասան այր: Ազաղակեցին ամենեքեան եւ ասեն. « Գոհանամք զքէն Տէր Աստուած մեր. մինչդեռ շէն են եւ կեղեցիք եւ անքակ տաճարք վկայից եւ միաբան սուրբ ուխտ եկեղեցւոց եւ առաքինացեալ, արժանի արարեր զմեզ կոչմանրդ երկնաւորի: Հաւասարեացէ մահս մեր ընդ մահ քաջ նահատակայն, եւ խառնեսցի արիւնս մեր ընդ արիւն անկեալ վիրաւորացն, եւ հաճեսցի Տէր ընդ եկեղեցիս իւր՝ բազմութեամբ կամաւոր դուրակացն որ ելանեն ի վերայ սուրբ սեղանոյս »: Զայս ասե-

լով ի տեղւոջն կատարեցան երկերիւրքն եւ երեքասանք :

Իսկ սուրբ քահանայքն՝ որ անդ զխպեցան յամուրսն, եւ բանեւիքս այս Յովսէփի եւ Ղեւոնդ՝ բազում ընկերակցօքն իւրեանց, մատուցին եւ նորա զպարանոցս իւրեանց առաջի սրոյ դահճապեաին, ասելով ըզնոյն բանս՝ զոր խօսեցան երկերիւրքն : Քանզի ոչ եթէ ալլնկալութիւն ինչ էր երանելեացն ըստ մարմնաւոր կենացն, այլ իմաստութեամբ հրնարս խնդրէին լինել փոխանակ ամենայն աշխարհին շինութեան : Ասան որոյ եւ բողոք ի Գուռն կարդային, եւ զամենայն ամբաստանութիւն արկանէին զանօրէնն զՎատակաւ : Զայս իբրեւ լուաւ Մուշկան Նիսալաւուրտ, ոչ իշխեաց ի նոսա ձեռն արկանել մահուամբ, այլ զՅովսէփի եւ ըզ Ղեւ

ւոնդ դան հարեալ, հրամայեաց պահել զգուշութեամբ, քանզի բողոք ի Գուռն կարդացին . իսկ զայլ քահանայսն արձակեցին յիւրաքանչիւր տեղիս, հրաման տուեալ վասն շինութեան եւ խաղաղութեան աշխարհին :

Սյլ մարդիկն Հայոց, որ հասեալ էին ի վերայ յեղյեղուկ հրամանաց թաղաւորին եւ ուրացեալ Հարիմացին Վասակայ, ոչ ինչ հաւատային սուտ թողութեանն . այլ քաջալերէին զմիմեանս եւ ասէին . « Զի պիտոյ է մեզ ընաւ կեանք անցաւոր աշխարհիս, եւ կամ ընդէր տեսանեմք զարեւ յեա մերոց սիրելեացն : Զի եթէ քաջ նահատակքն մեր անկան ի մեծ պատերազմին, եւ բազում վիրաւորք տապալեցան յարիւն յապաժոյժ ի մէջ դաշտին, եւ ամենեցուն մարմինքն եղեն

գէշ թռչնոց եւ կերակուր գա-
զանաց, եւ պատուական նա-
խարարքն մեր հասին յանար-
գութիւն թշուառութեան, լը-
քին զիւրաքանչիւր իշխանու-
թիւն եւ են ի հալածանս նե-
ղութեան, որ եւ ամենայն
փափկութիւնն Հայոց եհաս ի
վիշտս վտանդի եւ յանհարին
ապականութիւն, ոչ անսամք
խաբեքայ հրամանացդ եւ ան-
կանխօք ի ձեռս անօրէն իշխա-
նացդ » :

Թողին այնուհետեւ իւրա-
քանչիւր զգեւղս եւ զաւանս
եւ զազարակս : Ելին հարսունք
յառագաստից եւ փեսայք ի սե-
նեկաց, անկան ծերք յաթոռոց
եւ տղայք ի գրկաց . երթային
երիտասարդք եւ կուսանք եւ
ամենայն բազմութիւն արանց
եւ կանանց, հասեալ ունէին
զամուրս անապատին եւ զան-
խաբ տեղիս բազում լերանց :

Լաւ համարէին զգազանաբար
բնակութիւնն աստուածպաշ-
տութեամբ ի գարանձաւս կե-
լոյ, քան ուրացութեամբ փափ-
կանալ յիւրաքանչիւր շինուա-
ծրս : Առանց տրանջեկոյ համ-
բերէին խոտաբուտ կերակրոցն,
եւ ոչ յիշէին զտոբրական խոր-
տիկսն : Համարեալ էին նոցա
դարափորքն իբրեւ դյարկս
բարձրաբերձ շինուածոց, եւ
գեանանկողինքն իբրեւ զնկար-
եալ պատշգամս :

Մաղմսաք էին նոցա մրմնջունք
երգոց, եւ ընթերցուածք սուրբ
գրոց կատարեալ ուրախու-
թիւնք : Ամենայն մարդ յանձն
իւր եկեղեցի էր, նոյն ինքն
քահանայ . մարմինք իւրաքան-
չիւր՝ սուրբ սեղան, եւ ոգիք
նոցունց՝ պատարագ ընդունե-
լի : Քանդի ոչ ոք ի նոցանէ
ողբայր յուսահատութեամբ զան-
կեալսն ի սրոյ, եւ ոչ ոք հեծե-

ձեւով հառաչէր ի վերայ մեր-
ձաւոր սիրելեաց իւրոց : Խըն-
դութեամբ ընկալան զյափշտա-
կութիւն ընչից բազմաց , եւ
ոչ յիշէին ամենեւին՝ եթէ եզ-
եալ իցեն նոցա ստացուածք :
Համբերութեամբ ձգնէին եւ
մեծաւ առաքինութեամբ տա-
նէին զքաջ նահատակութիւնն :
Զի եթէ ոչ բացաւ աշօք տե-
սանէին զյոյսն խնդալից , եւ
ոչ կարէին գործել զայնպիսի
մեծ առաքինութիւն :

Քանզի բազումք յագգէ ի մեծ
նախարարացն էին , եւ եղբարք
եւ որդիք եւ դստերք , հան-
դերձ ամենայն սիրելեօք իւր-
եանց ի մէջ ամրական վայրացն ,
ոմանք յանլոյս երկիրն խաղա-
եաց , եւ այլ բազումք ի կող-
մանս հարաւոյ՝ յանմատոց ա-
մուրսն Տմորեաց , եւ կէսքն ի
թանձրախիտ մայրիսն Արձա-
խոյ , եւ այլ ոմանք անդէն ի

միջոց աշխարհին բռնացան ի
վերայ բազում ամրոցացն : Եւ
ամենեքին մեծաւ համբերու-
թեամբ տանէին զբազում նե-
ղութիւն վառն սիրոյն Քրիստո-
սի , եւ զայս միայն ազաչելով
խնդրէին յԱստուծոյ , մի՛ տե-
սանել նոցա զաւեր սուրբ եկե-
ղեցեաց :

Այլ որպէս ցուցաք բազում
անգամ զամբարշտին չարու-
թիւն , յորդորէր եւ ստիպէր
զզօրան Պարսից ի մօտաւոր կող-
մանց աշխարհին , զի հրամա-
նաւ արքունի զօր եկեցցէ յօգ-
նականութիւն նոցա : Եւ հաս-
եալ բազում այրուծի յաւելոյր
ի թիւ անկելոցն , եւ լինէր
զուռն բազմութեան իրբեւ զա-
ռաջինն : Եւ յառաջ խաղային
ի միջոց աշխարհին , մարտ եզ-
եալ կռուէին ընդ մեծ ամուրս
Կապոյտ լերինն Կակ որ ի ներք-
սըն էին՝ քաջութեամբ մար-

տուցեալ հարկանէին զբազումս
ի գնդէն Պարսից , եւ զմնաց-
եալսն փախտաւական ի բանալին
արկանէին : Իսկ նորա դարձ-
եալ յողորմանս մատուցեալ ,
նուաճել խաբէութեամբ կա-
մէին :

Իբրեւ ոչ որ հաւատաց ի ջա-
նել առ նոսա , զի մի մատնեւ-
ցին չարաչար ի ձեռս թշնամ-
եացն , սակայն վասն երդմանցն
հարկ եղեւ քահանայի մի ի ջա-
նել առ նոսա , որում անունն
էր Արշէն : Խօսէր ընդ նոսա
յաղերս ընտանութեամբ , եւ
ցուցանէր զանփնաս փախուստ
անմեղացն , արկանէր զուրթ ա-
ռաջի ուրացելոյն Վասակայ ,
եւ պազատելով յիշեցուցանէր
նմա զառաջին կարգ ուխտին
քրիստոնէութեան , զի թերեւս
սակաւիկ մի քաղցրասցի յան-
հնարին դառնութենէն : Այլ նա
ոչ ինչ լուաւ եւ անսաց բա-

զում բանիցն նորա , կապեաց
եւ խաղացոյց զերանելին եւ
որք ընդ նմա իջեալ էին :

Մանաւանդ իբրեւ ետես ե-
թէ երթայ զօրավարն զհեռ
խրատու կամաց նորա , սկսաւ
այնուհետեւ ի բազում տեղիս
արձակել զասպատակաւորն ,
եւ զոր արտաքոյ քան զամուր-
սին գտանէր զբազմութիւն
մարդկանս՝ վարեցին ի գերու-
թիւն . եւ զամբար ի ձեռն ա-
ռեալ հրձիգ առնէին զբազում
տեղիս :

Իսկ որք էին յաւուրս Տմոր-
եաց , իբրեւ լուան զայս ամե-
նայն չարիս զոր գործեցին զօր-
քնն արքունի , ոչ ինչ շահ օղ-
աի համարէին զկալն ի մէջ ամ-
բականայն : Քաջութեամբ ել-
եալ յարձակեցան օգնականու-
թեամբ ամբականայն , եւ հաս-
եալ ի մօտաւոր աշխարհն Պարս-
կաց , յանխնայ կոտորելով նախ-

ձիրս արեան գործէին, եւ զմեացեալսն գերի առեալ տանէին, եւ անդէն յամուրսն արկանէին, եւ զշինուածսն աշխարհին՝ դամբար ի ձեռն առեալ հրոյ ճարակ տային :

Դարձեալ եւ որք էին ի լերինս Խաղտեաց, իբրեւ տեսին եթէ յանդգնաբար զօրքն Պարսկաց յաներկիւզս իջանէին յամուրս աշխարհին Հայոց, յարձակեցան եւ նորա մեծաւ զօրութեամբ ի ձորագաւառն Տայոց : Եւ գտին անդ գունդ բազում ի զօրացն արքունի, որ գերի առնուլ կամէին զամբականս աշխարհին, դարձեալ եւ կարծէին եւս թէ զանձք նախարարացն անդ իցեն, վասն այնորիկ եւ յանխնայ յուզէին զվայրսն :

Նա եւ տեսին եւս անդ ի գեւղս երկուս, որ գեկեղեցիսն այրեցեալ էր. առաւել եւս վասն

այնր ՚ի նախանձ բրդեցան բարկութեամբ : Յարձակեցան, հարան ՚ի դիմի միմեանց, եւ կամակարութեամբ յաղթեալ, բեկեալ արկին զզօրութիւն զընդին Պարսից, եւ կոտորեցին ըզբազումս ի նոցանէ, եւ զմեացեալսն փախստական հանէին յաշխարհէն :

Եւ յայնչափ յանդուգն յարձակմանէն՝ միայն երանելին Հրամայեալ, եղբայր սպարապետին Հայոց Վարդանայ, յանխնայ քաջութեամբ մարտուցեալ՝ կատարեցաւ նահատակութեամբ ի վերայ սուրբ ուխտին միաբանութեան : Եւ այլքն ամենայն ողջանդամ ապրեալք երթային զհետ փախստականին :

Եւ իբրեւ այս այսպէս կատարեցաւ, դադարեցին զօրք թաղաւորին խառնամուխ վինել յամենայն տեղիս անխաբօրութեամբ, եւ եւս առաւել ձե-

որնպահ վինել յեկեղեցեացն :
Դարձեալ միւսանգամ անդրէն
հարցանել սկսան յարքունիսն :

Նա եւ որ յԱրձախայ մայրին
անկեալքն էին փախտաւկանք ,
ոչ ինչ լուեալ դադարեցին խա-
ղաղութեամբ . այլ յանապազ
յղէին յաշխարհն Հոնաց , շար-
ժէին եւ յորդորէին զգունդն
Հոնաց , եւ յիշեցունէին նոցա
զուխան զոր եղեալ էր ընդ Հայս
եւ անսուտ երգմամբ հաստա-
տեալ : Հաճոյ թուէր բազմաց
ի նոցանէ լսել զբանսն քաղց-
րութեամբ : Նա եւ մեզա-
ղիր եւս յոյժ վինէին նոցա , ե-
թէ « Ի կոխն ընդէ՞ր ոչ եկիք
պատրաստութեամբ » : Եւ իբ-
րեւ յառաջնունն ինչ ոչ հնա-
րէին զմիմեանս հաւանեցուցա-
նել , ապա գունդ բազում գու-
մարէին՝ եւ անդէն յարձակեալ
հասանէին ի սահմանս տէրու-
թեանն Պարսից . եւ զբազում

գաւառս հարեալ , բազմագոյն
եւս գերի առեալ տանէին յաշ-
խարհն իւրեանց , եւ յայտ-
նի ցուցանէին թագաւորին ըզ-
միաբանութիւն զոր ունէին ընդ
գնդին Հայոց :

Իսկ իբրեւ այս ամենայն ազ-
գունն հասանէր առ զօրավարն
Պարսից , սրտմտեալ զայրանայր ,
եւ մեծաւ բարկութեամբ կու-
տէր զվնասն ի վերայ անօրինին
Վասակայ . իբր թէ նա իցէ ըս-
կիզբն եւ առաջնորդ ամենայն
չարեացն որ գործեցան : Եւ ան-
դէն չուարարեալ գնայր , խա-
ղայր հասանէր յաշխարհն Պար-
սից . գրէր եւ ցուցանէր յար-
քունիս զամենայն ստուգու-
թեամբ , եւ զվնաս գործոյն
արկանէր զուրացելովն :

Իբրեւ լուաւ թագաւորն զա-
մենայն աւեր աշխարհին , եւ
ստուգեաց զիրս մեծի պատե-
րազմին , բեկանէր անկանէր ի

մեծ խրոխտալոյն, եւ լռեալ
դադարէր ի հանապազորդ եւ
ի խաբեբայ խորհրդոյն, յուզէր
եւ քննէր զվրիպուսն անհան-
ձար գործոյն, եւ կամէր տե-
սանել՝ ասելով. «Ո՞րք իցէ որ
զիս ճշմարտութեամբ ի վերայ
իրացդ հասուցէ» : Իսկ որ էր
դիտակ անօրէն գործոյն, ան-
դէն ի Գրան արքունի, նոյն հա-
զարապետն Մինրներսեհ, յառաջ
մատուցեալ ասէ ցլթագաւորն .
«Ձայդ ես ասեմ քեզ, արքայ
քաջ. եթէ կամիս ստուգութեամբ
լսել զարդարն, որք գլխաւորք
քրիստոնէիցն են ի Հայս՝ տուր
կոչել, եւ գան յօժարութեամբ
եւ ասեն քեզ զամենայն ար-
զարութեամբ» :

Յայնժամ զմի ոմն յաւազ նա-
խարարացն՝ Ատրորմիզդ անուն,
որոյ իշխանութիւնն իսկ խառն
էր ընդ Հայոց աշխարհին եւ
գործակից էր զօրավարին ի նը-

մին պատերազմի, գրէր եւ յան-
ճըն առնէր նմա զաշխարհն Հա-
յոց մարզպանութեամբ : Եւ ըզ-
Մուշկան Նիսալաւուրտ հան-
դերձ ամենայն մնացեալ զօրուն
գումարէր յաշխարհն Ազուանից
եւ Լվինաց եւ ձըբաց եւ ի Հեճ-
մատակաց եւ ի Թաւասպարաց
եւ ի Խիրխովան, եւ յամենայն
ամրականն՝ զորս աւերեալ էր
զնդին Հոնաց վասն ուխտին Հա-
յոց : Որպէս եւ յոյժ իսկ տրտա-
մեալ էր թագաւորն, ոչ միայն
ընդ աւեր աշխարհացն եւ ընդ
անկանեւն զօրացն, այլ եւս ա-
ռաւել ընդ աւերել պահակին՝
զոր ի բազում ժամանակաց հա-
զիւ ուրեմն կարացիւ շինել .
որ եւ յայնմ ժամանակի դիւ-
րեաւ առեալ քանդեցաւ, ու-
րում եւ չէր իսկ ակնկալութիւն
չինութեան : Իսկ զՎասակ հան-
դերձ գլխաւոր քրիստոնէիւքն
ի Գուռն հրամայեաց կոչել :

Արդ եկն եմուտ մարդպանն Ստորմիլդդ յաշխարհն Հայոց սիրով խաղաղութեամբ : Հրամանաւ արքունի կռեաց առ ինքն զՍահակ սուրբ եպիսկոպոսն Ռըչտունեաց , ուսանել ի նմանէ զիրացն ամբաստանութիւն : Բայց թէպէտ եւ նորա աւերեալ էր ատուղան մի , եւ բազում չարչարանօք հարեալ էր զպաշտօնեայս կրակին , ոչ ինչ զանդիտեաց դալ յատեան հրապարակին :

Գարձեալ եւ ի տանէն Արծրունեաց բարեպաշտօն երէց մի Մուշէ անուն , որ առաջնորդէր աշխարհին Արծրունեաց , աւերեալ էր եւ նորա զկրակատուն մի , եւ կապանօք եւ տանջանօք բազում չարչարանս անցուցեալ էր ընդ մոզսն . եւ սա ինչ ոչ զանդիտեաց , այլ կամաւ եկն եւ յանդիման եղեւ մարդպանին :

Եւ երկու եւս այլ քահանայք երանելիք , որոց անուանքն են Սամուէլ եւ Աբրահամ . քանդեալ էր եւ սոցա զատուղանքն յԱրտաշատ , եւ յառաջագոյն ըմբռնեալ էին ի կապանս յուրացեալն Վասակայ . ածին եւ զնոսա յառաքինի ընկերսն :

Եւ ժողովեցին եւս ի նոյն տեղի զմեծն Յովսէփ եւ զՂեւոնդ եւ զՔաջաջ եւ զԱրշէն : Եւ իբրեւ ուսաւ եւ տեղեկացաւ յամենեցունց մարդպանն , գրեաց եւ եցոյց յարքունիս զամենայն ճշմարտութեամբ որպէս գիարդ լուաւ ի բերանոյ նոցա :

Բայց Վասակ թէպէտ եւ յառաջագոյն հասեալ էր ի Գունն , ըստ կամաց իւրոց այլ ընդ այլոյ երթեալ պատմէր զամենայն սրտութեամբ , սակայն ի միտս թագաւորին ոչ կարէր զանձն արդարացուցանել . այլ պատասխանի արար նմա եւ ասէ . « Յոր-

ժամ քրիստոնեայքն եւս եկեսցեն՝ հասարակ լուսայց յատենի» :

Իսկ զսուրբ քահանայն՝ վասըն զի կապանօք տանէին , յետ երկուց ամսոց եւ քսան աւուր հասանէին ի ձմերոցն արքունի : Իբրեւ լուաւ մեծ հաղարապետն՝ եթէ ածին զնոսա ի քաղաքն , ինքնին իսկ ականատես լինէր նոցա : Բայց թէպէտ եւ տեղեկութեամբ լսէր ի նոցանէ զամենայն , ոչ կարէր ձեռն արկանել եւ չարչարել զնոսա . քանզի բազումք ի նախարարացն Հայոց դեռ եւս բռնացեալ ունէին զամուրս աշխարհին , եւ դեռ եւս մարդպանն յերկիւղի էր : Վասն որոյ զգուշութեամբ հրամայեաց պահել զսուրբան , եւ զաշխարհն հրամայէր սիրով նուաճել . վասն որոյ եւ ինքն իսկ շրջէր եւ ժողովէր եւ շինէր ուխտիւ հաստատութեան :

Եւ եպիսկոպոսացն հրաման

տայր ունել զիւրաքանչիւր իշխանութիւնս , եւ ըստ առաջին սովորութեանն պաշտել յայտնութեամբ , եւ համարձակ եւս դալ ի հրապարակ : Նա եւ ընծայից եւ պատարագաց արժանի առնէր զառաջեաւ կոչելով : Եւ քանզի բազում դաւառս առեալ եւ աւերեալ էր զօրականին , թողուլ հրամայէր զհարկըս աշխարհին . եւ զայրուձին եւս զարքունի թեթեւացոյց առ ժամանակ մի : Եւ միայնակեացք որք ելեալ եւ կորուսեալ էին՝ հրամայէր դալ եւ ունել զիւրաքանչիւր տեղիսն :

« Զամենայն կարգս աստուածպաշտութեանն , որպէս զխարդ եւ ունէին յառաջ ժամանակաւ առ նախնեօքն , նոյնպէս եւ այժմ , ասէ , կալցին : Եւ եթէ ոք ի հեռի աշխարհ ուրեք դընացեալ իցեն , ունիմ իշխանութիւն յարքունուստ , եթէ յա-

զատաց իցեն , եթէ ի շինակա-
նաց իցեն , եթէ յեկեղեցւոյ ,
զինչ կեանս եւ թողեալ իցէ ,
եկեացեն եւ կալցեն զիւրաքան-
չիւր զարարս » :

Զայս ասէր եւ երդմունս կրն-
քէր եւ առաքէր ի կողմանս կող-
մանս : Որ եւ բազումք խակ ե-
կին եւ ժողովեցան , եւ կալան
զիւրաքանչիւր կալուածս :

Նա եւ որ մեծն է քան զա-
մենայն , որ ի բռնութենէ ոք
սկամայ կալեալ էր զմոզու-
թիւնն , հրովարտակս առաքէր
յարքունուստ՝ անդրէն ունել
զքրխտոնէութիւնն : Եւ յան-
դիման խօսէր թագաւորն , որք
էին ի տանն արքունի , եթէ
« Որք ոչ սիրով ունին զօրէնս
զենի մազդեզն , այնպիսեաց եւ
աստուածքն են ցասուցեալ , եւ
ես ոչ ինչ եմ՝ շնորհակալ . եւ
այսօր զնոյն հրամանս տամ ա-
մենեցուն , ի կամս մարդոյն թո-

ղեալ ըստ իւրաքանչիւր մտաց .
որպէս զինչ եւ կամի պաշտել՝
պաշտեսցէ . ամենեքեան իմ ծա-
ռայք են » : Զայս ասէր , եւ
գրով հրաման տայր ամենայն
աշխարհին :

Իբրեւ զայն լուան եւ տեսին
բազումք՝ որ էին ցանեալ եւ
ցրուեալք ի հեռաւոր տեղիս ,
զայլին եւ ունէին զիւրաքան-
չիւր արարս : Իսկ նախարարն
որ էին յամուրս աշխարհին եւ
կամ ի հեռաւոր օտարութեան ,
իբրեւ տեսին զշինութիւնն երկ-
րին , մանաւանդ զեկեղեցւոյն
հաստատութիւնն , քաջալերեցան
համարձակեցան եւ նոքա յան-
դիման լինել արքային : Վասն
որոյ եւ պատգամ յղեցին առ
մարդպան աշխարհին , զի ի
Դուռն ցուցցէ զբանս նախա-
րարացն : Իսկ նա վազվազակի
յարքունուստ զիր ողորջանաց
եւ ուխտ հաստատութեան տայր

տանել առ նոսա հրամանաւ արքունի : Բայց թէպէտ եւ գիտէին նոքա զդառնութիւն տէրութեանն՝ թէ սուա եւ յամենայնի, կամեցան չարչարակից լինել սրբոցն . զի եթէ մահ եւս առաջի կայցէ՝ ոչ ինչ զանգիտեսցեն երկիւղիւ :

Եւ զայս լուեալ թագաւորին, ոչ կապանօք՝ այլ արձակ ոտիւք եւ արձակ ձեռօք հրամայեաց առ ինքն կոչել : Ածին վաղվազակի զկինն եւ զորդիս, եւ զինչս իւրաքանչիւր ետուն ի ձեռս մարգպանին, եւ ինքեանք փութանակի զնացին ի ձմերոցն արքունի :

Եւ մինչդեռ անդէն ի ձմերոցին էր թագաւորն, ատեան հարցափորձի ի մէջ նոցա հրամայէր լինել : Եւ նստաւ հարապեանն՝ զի լուիցէ կողմանցն երկոցունց : Եւ իբրեւ յերկարեցաւ ամբաստանութիւ

նրն զաւուրբս բազումս, պարտաւորեցաւ կողմ ուրացելոյն :

Քանզի ցուցանէին զթուղթսն՝ զոր տուեալ էր Վասակայ ամենեցուն որ ընդ նմա յուխտ ապստամբութեանն, թուղթ մի ի Վրաց աշխարհէն, եւ թուղթ մի յԱղուանից աշխարհէն . սոյնպէս եւ թուղթ մի յԱղձնիս, եւ հրովարտակ մի առ թագաւորն Յունաց, եւ թուղթ մի առ մեծ սպարապետն Անտիօքայ : Եւ ի բոլորեալն յայտօսիկ թուղթսն վաւերականն մատանի Վասակայ եղեալ էր : Սոյնպէս խառն էր նա եւ ի մահ մոգուցն ի զարեհաւանի : Եւ զբազում բերդս՝ զոր հանին ի Պարակաց, յայտ առնէին զնորա առ այն թուղթսն եւ զհրամանսն . քանզի նա էր մարգպանն ի ժամանակին :

Որպէս եւ հրեշտակութեամբ իսկ զոր յղէր առ Յոյնս նախա

րար մի, որում մտունն էր Ատոմ՝ յազգէն Պնունեաց, սա մատուցեալ յանդիմանէր զնա առաջի մեծի ատենին հրովարտակաւն իսկ զոր տուեալ էր նորա իւրով մատանեաւ :

Նա եւ ի մէջ իսկ բերէր զամբաստանութիւն նորա Մուշկան Նիտալաւուրտ, եւ յայտ առնէր պատերազմակից ընկերօքն իւրովք, որ եւ յետ վճարելոյ պատերազմին բազում արիւն ետ հեղուլ Վասակ . թէ ո՛րպէս սուտ երզմամբք խաբէր եւ իջուցանէր յամրոցաց անտի . էր զոր կոտորէր, եւ էր զոր գերի տանէր զծառայս եւ զազախնայս արքունի : Եւ ի վերայ այսր ամենայնի վնասու, եւ գող եւս գտանէր յարկի աշխարհին՝ որ յարքունիսն երթայր :

Նա եւ յուրացեալ ընկերացն նորա բազումք էին որ յայտ

արարին զչարիս նորա՝ զոր գործեալ էր ընդ աշխարհն Հայոց : Եւ ի մնացեալ մոզացն եւ ի վշտիպանացն՝ որք ի կապանան ապրեալ էին եւ ապա ամին յարքունիս, հարցին եւ ցնոսա վասն նորա եւ ասեն . « Գուք էք ինչ տեղեակ վասն չարութեան նորա » : Ետուն պատասխանի եւ ասեն . « Ամենայն անցք չարչարանաց որ անցին ընդ մեզ, եւ բազում հարուածք որ եղեն ի զօրսն արքունի, եւ աւեր եւ գերութիւն աշխարհին Հայոց, եւ կորուստ հարկացն արքունի, սկիզբն եւ առաջնորդ չարեաց այրդ այդ եղեւ » :

Եւ մինչդեռ այս ամենայն ամբաստանութիւն զնմանէ կուտէր զայնչափ բազում աւուրս, յառաջ մատնան եւ իւր ազգականքն, որ եւս յառաջագոյն դատասխազ լեալ էին զնմանէ

առաջի արքային, սկսան կարգաւ ցուցանել եւ յայտ առնել, որպէս զի բարեկամացեալ էր նա ընդ Հեռանայ Հոնի միաբանութեամբ Բաղասական արքային, 'ի ժամանակին' զի կոտորեաց Հեռանն այն զՂօրսն Պարսից յԱղուանս, եւ ասպատակաւ եհաս յերկիրն Յունաց, եւ բազում գերի եւ աւար խաղացոց ի Հոռոմոց եւ ի Հայոց եւ ի Վրաց եւ յԱղուանից. որպէս զի ի վերայ իսկ եհաս խորհրդոցն ինքն իսկ թագաւորն, եւ սպան զԲաղասականըն արքայ: Եւ Վասակ մարդպան էր Հայոց ի ժամանակին, եւ թշնամեացն արքունի խորհրդակից գտաւ: Յուցին եւ յայտ արարին ազգականքն նորա, որպէս զի հմուտ եւ տեղեակ իսկ էին չար խորհրդոցն նորա. զամենայն ցուցանէին եւ յայտ առնէին առաջի թա-

գաւորին. եւ զայլ եւս բազմազոյն խարդախութիւնան, որ ստութեամբ վարէր զկեանս իւր՝ ոչ միայն առ ընկերս, այլ եւ առ թագաւորն ինքնին. զլխովին. զի ոչ երբէք արդարութեամբ վաստակեալ էր ի մանկութենէ:

Յայնմ ժամանակի հրաման ետ հաղարապետն եւ ասէ. « Ածէք այսր եւ ի կապելոցն, որք են ի բանտի անդ »: Կուծին եւ ածին յերանելեացն զՍահակ եպիսկոպոս Ռշտունեաց, եւ զսուրբն Յովսէփ եւ Ղեւոնդ երէց:

Եւ իրրեւ մերկացան ամենայն բանք ատենին առաջի նոցա, ետ սատասխանի Սահակ եպիսկոպոսն եւ ասէ. « Որ յայտնի ուրացեալն են ի ճրջմարիտն Աստուծոյ, ոչ զխտեն զինչ զործեն եւ կամ զինչ խօսին. քանզի խաւարեալ է խոր-

հուրդք նոցա . զտեարս պաշտեն սուտ պատճառանօք , եւ ընդ ընկերս մտանեն յուխտ սրտութեան : Եւ են նոքա դարանք սատանայի , զի նոքօք իսկկատարէ զդառնութիւն կամացն իւրոց , որպէս երեւի իսկ ի դոյն յայդ Վասակ : Քանզի մինչ ունէր զանուն քրիստոնէութեան վերին երեսօք կարծէր ծածկել եւ թագուցանել զամենայն չարութիւն իւր առաջի ձերոյ անդէտ տէրութեանդ , եւ զամենայն նենգութիւնն իւր քրիստոնէութեամբն ծածկէր : Աստի եւ ձեր իսկ կարծեցեալ՝ մեծապէս պատուեցէք զգա առաւել քան զարժանն իւր : Հաւատացէք դմա զաշխարհն Վարաց . հարցէք՝ եթէ գոն իցեն զդմանէ : Ետուք դմա զտէրութիւնն Սիւնեաց . լուարնւք յագգականաց այտի դորա , զինչ պատմեն զդմանէ : Արարէք ըզ-

դա մարգպան Հայոց . զոր նախնեացն ձերոց մեծաւ աշխատութեամբ զտեալ էր , դա ի միում ամի կորոյս զերկիրն ամենայն : Տեսեր , իբրեւ բարձաւ ի դմանէ պատուական անունն Աստուծոյ՝ զոր ունէր սրտութեամբ , մերկ երեւեցաւ ամենայն չարագործութիւն դորա : Զի եթէ առ Աստուածն իւր սուտ գտաւ , առ ո՞ ոք ի մահկանացուաց աստի դա արդար գտանիցի :

« Արդ ամենայն ամբաստանութիւն՝ որ այժմ յայտնի եղև զդմանէ , ոչ ահա ձեր իսկ յառաջագոյն լուեալ էր . բայց յոր դէմն ծածկեցէքն՝ դուք ձեզէն իսկ քաջ գիտէք : Ինձ այսպէս թուի , եթէ սուտ յուսով դա զձեզ խնդացոյց : Այլ ոչ դուք եւ ոչ դա , եւ ոչ որ զինի ձեր գալոցն է՝ զայն ի մեզ ոչ կարէ տեսանել : Արդ

արարէք ընդ դա որպէս եւ կամիք . ցմեզ զի հարցանէք » :

Չարմացաւ մեծ հազարապետըն ընդ միտս իւր , եւ ի խորհուրդս իւր քննէր զամենայն բանս ատենին : Քանզի հասեալ էր ի վերայ՝ եթէ յիրաւի դատապարտեցաւ այրն ըստ արժանի գործոցն իւրոց , եմուտ եւ եցոյց զամենայն բանս ատենին յարքունիս : Եւ իբրեւ լուսաւ թագաւորն եւ ստուգեաց ի հազարապետէն զառնն պարտաւորութիւն , բարկացաւ յոյժ եւ ի խոր խոցեցաւ . բայց միայն երկայնմտութեամբ կամեցաւ հասուցանել զնա ի մեծ անարգութիւն : Լուս եկաց աւուրս երկոտասան , մինչ ի գլուխ չոգաւ փուրսիչ ամբաստանութեանն :

Եւ եղև յաւուր միոջ մեծի զամենայն երեւելի եւ զպատուականսն հրամայէր յընթրիս

կոչել : Կոչեցին եւ զուրացեալըն , եւ նա ըստ առաջին կարգի օրինացն արքունի արկանէր զպատուական հանդերձն զօրունէր ի թագաւորէն . կապէր եւ զպատիւ վարսին եւ զխորըն ոսկեղէն դնէր ի վերայ , եւ զկանակուս ձոյլ ոսկի կամարն ընդելուզեալ մարդատով եւ ակամբ պատուականօք ընդ մէջ իւր ածէր , եւ զգինդսըն յականջան , եւ զգումարտակըն ի պարանոցին , զամոյրսն զթիկամբն , եւ զամենայն օրէնրս պատուոյն զանձամբ արկեալ՝ երթայր յարքունիս . շքեզ եւ երեւելի քան զամենեսեանս երեւէր բազմութեանն :

Իսկ նախարարն որք կամօք ի Հայոց չոգան՝ անձամբ տուեալ զանձինս ի փորձութիւնն , եւ սուրբն որ յառաջագոյն հասեալ էին , կապանօք ունէին զամենեսեանս առ

Դրանն արքունի : Իբրեւ տե-
սին զնա զարդարեալ եւ չը-
քեղացեալ , եւ բազմամբոխ
գնդաւ գայր յարքունիս , ի մի-
տըս իւրեանց սկսան այսպանել
եւ ասել . « Ո՛վ անմիտ վաճա-
ռական , զանմահ եւ զանանց
պատիւ ետուր , եւ զանցաւո-
րըդ գնեցեր , զոր եւ զայդ ե-
ւրս ընդ մտոյ աւուրս կորու-
սանելոց ես » :

Ենաս եւ նստաւ ի ներքին
դահլիճան , որ էր հրապարակ
մեծամեծացն : Արդ եկն ել սե-
նեկապանն յարքունուստ , հար-
ցանէր ցնա եւ ասէր . « Ար-
քայ յղեաց առ քեզ , յորմէ՞
գտեալ է քո զայդ ամենայն
պատուական պատիւդ , ասա
վաղվազակի , վասն որոյ արդար
վաստակոց » : Եւ յուշ յառնէր
նմա զամենայն բանս ատենին
յորում դատապարտեցաւն . նա
եւ զոր ոչ եւս անդ խօսե-

ցաւն՝ զայն եւս յայտնէր նը-
մա : Զի ոչ ըստ կարգի ունէր
նա զտէրութիւնն Սիւնեաց աշ-
խարհին , այլ նենդութեամբ
եւ քսութեամբ ետ սպանանել
զհօրեղբայր իւր զՎաղինակ ,
եւ յինքն տարաւ զտէրութիւ-
նըն՝ իբրեւ քրտիկեար յարքու-
նիս : Նա եւ այլ եւս բազում
բանիւք դատապարտեցին զնա,
որում ամենայն աւագանին վը-
կայ դային : Պապանձեցաւ ա-
մենեւին , եւ չգտաւ բան ճըշ-
մարիտ ի բերան նորա : Իբրեւ
կրկնեցին եւ երեքկնեցին ցու-
ցանելով ի ներքս յարքունիան ,
հատաւ վճիռ մահու ի վերայ
նորա :

Արդ եկն ել դահճապետն ,
եւ մատեաւ առաջի ամենայն
մեծամեծացն , մերկեաց ի նը-
մանէ զպատիւն զոր ունէր յար-
քունուստ , եւ զգեցոյց նմա
հանդերձ մահապարտի : Կապե-

ցին զոտս եւ զձեռս, եւ կանանցարքար նստուցին ի ձի մատակ. տարսն եւ ետուն յայն զնդան՝ ուր կային մահապաղարք ամենայն :

Իսկ նախարարքն Հայոց եւ սուրբ եպիսկոպոսքն հանդերձ երիցամբքն, թէպէտ եւ էին ի մեծի պատուհասի, ոչինչ յիշէին զնեղութիւնսն որ անցեալ էր ընդ նոսա, եւ կամ որ այլ եւս ակնկալութիւն էր զալ ի վերայ. այլ զարմացեալ էին ընդ մեծ յայնու թիւնն որ եղեւ յԱստուծոյ : Մխիթարէին զմիմեանս եւ ասէին. « Քաջութեամբ պատերազմեցաք, առաւել եւս համբերութեամբ ձոնեցուք : Լուեալ է մեր ի սուրբ հարցն մերոց՝ եթէ զըլուխ ամենայն առաքինութեան համբերութիւն է, եւ իմաստութիւն երկնաւոր՝ կատարեալ աստուածպաշտութիւն :

եւ զայս ոչ ոք կարէ գտանել առանց չարչարանաց : Իսկ չարչարանքն յորժամ ընդերկարանայ ի վերայ՝ յայնժամ բազմանայ վարձ հատուցմանց պարգեւին : Ապա թէ այդ այդպէս է, զայս միայն աղաչեսցուք զԱստուած՝ զի համբերել կարացուք ամենայն փորձութեանց. եւ Տէր ինքնին արասցէ հնարս մերում փրկութեան :

« Լուեալ է մեր զգատատան քառասուն զինուորացն Քրիստոսի, որք բազում հարուածս տանջանաց ընկալան : Մինն ի նոցանէ փութացաւ ի բազանիսն, եւ վրիպեաց ի պրսակէն. իսկ երեսուն եւ ինն համբերութեամբ կատարեցան, եւ հասին այնմ աւետեացն, որում ցանկացեալն էին : Իսկ մեր ընկերակիցն աւանիկ՝ որ յառաջագոյն որոշեցաւ ի մէնջ, ահա եղև գործակից սատա-

նայի : Մինչդեռ ոգիքն ի մարմնին են՝ ընկալաւ զառհաւատաւ չեայ գեհեհնին տանջանաց , որ ոչ միայն սրբոց է ողբալի , այլ եւ ամենայն զաղանաբարոյ մարդկան » :

Զայս ասէին , եւ բազում արտասուս ի վերայ կորուսելոյն հեղուին . եւ անգէն զերգս հոգեւորս ի բերան առեալ ասէին . « Բարի է յուսալ ի Տէր քան յուսալ ի մարդիկ . բարի է յուսալ ի Տէր քան յուսալ յիշխահրս . ամենայն ազինք չբջեցան զինեւ , եւ անուամբ Տեառն յաղթեցի նոցա » : Քաջալերէին զմիմեանս եւ ասէին . « Զայս գիտելով , եղբարք , մի՛ երկիցուք յանաստուած ազգէս հեթանոսաց , որ քան զմեզուս վատթարագոյն եւս են ի զայբանալն իւրեանց , զի եւ նոցա ցատումն ի սատակումն անձանց իւրեանց լիցի . այլ մեք զա-

նուն Տեառն կարգացուք , եւ վանեացուք զամենեւեան » :

Իսկ ուրացեալն Վասակ հաշէր ի միաբանութիւն սուրբ կապելոցն , որք մեծաւ խնդութեամբ ընդունէին զչարչարանսն , եւ զուարթագոյն եւ պայծառք երեւէին որպէս յառաջագոյն յարքունիան , հայէր եւ կարօտէր , եւ ոչ ոք խառնեաց զնա ի նոսա , այր ուրոյն նովին կապանօք պահէին : Եւ օր ըստ օրէ բերէին իբրեւ զգէշ ընկենուին ի մեծ հրատարակին , ձաղէին եւ այսպանէին , եւ տեսիլ ամենայն կարաւանին զնա առնէին : Կողոպտեցին հանին եւ ոչ ինչ թողին զոր ընդ իւրն ունէր . այնպէս ձագեցին ազքատութեամբ , մինչ հաց մուրանային եւ բերէին նմա իւր ծառայքն : Եւ այնպէս սաստիկ արկին զսարսերս հարկաց աշխարհին ի վերայ ասն նորա , որ

մինչեւ զհարց եւ զհաւուց եւ զիւր արարս եւ զզարգս կանանց եւս եղ իվերայ, եւ ետ եւ տուժեցաւ, եւ ոչ կարաց հատուցանել զզարտան արքունի: Եւ յայն տեղի հասուցին՝ մինչեւ հարցանել նմա՝ « Եթէ կայցէ՞ ինչ գանձ ի դերեզմանս նախնեացն մերոց »: Եւ եթէ գտեալ էր նորա, հանէր եւ տայր ընդ իւր եւ ընդ ընտանեացն տուգանս, որպէս զի բազում մարդիկ իսկ չոքան ի տուժի:

Եւ իբրեւ այսպէս յամենայն կողմանց հարեալ վատթարացաւ, անկաւ յախտս դժնդակս անդէն ի կապանսն: Զնուաւ փոր նորա, եւ հարան եւ արորեցան զողք նորա, եւ քամեալցաւ թանձրամտութիւն նորա: Եռացին որդուք ընդ աչս նորա, եւ ի վայր սորեցին ընդ ռնգունս նորա խցան լսելիք

նորա, եւ ծակոտեցան չարաչար շրթունք նորա. լուծան ջիւք բազկաց նորա, եւ յետ կոյս կորացան կրկունք սոխց նորա: Բղխեաց ի նմանէ հոտ մահու, եւ փախրստական եղեն ի նմանէ ձեռնասուն ծառայք նորա: Լեզուն միայն կայր կենդանի ի բերան նորա, եւ ոչ գտաւ խոստովանութիւն ի շրթունս նորա: Ճաշակեաց զմահ հեղձամղձուկ, եւ էջ ի դժոխս անհնարին դառնութեամբ: Ոտնար եղեն նմա ամենայն սիրելիք նորա, եւ ոչ յազեցան սաստիկ հարուածովք ամենայն թշնամիք նորա:

Եւ այն որ կամէրն թագաւոր լինել մաանութեամբ՝ Հայոց աշխարհին, եւ ոչ դերեզմանի նորա տեղի երեւեցաւ ի նմին. քանզի իբրեւ զչուն մնուաւ եւ իբրեւ զէշ քարշեցաւ:

Ոչ յիշեցաւ անուն նորա ի մէջ սրբոց, եւ ոչ մատեաւ յի-

Ե
 Հատակ նորա առաջի սուրբ սե-
 ղանոյն յեկեղեցւոջն: Ոչ ինչ
 եթող չարիս՝ զոր ոչ գործեաց
 ի կեանս իւր, եւ ոչ ինչ մնաց
 ի մեծամեծ չարեաց՝ որ ոչ ան-
 ցին ընդ նա ի մահուան նորա:



Գրեցաւ յիշատակարանս այս
 վասն նորա, առ ի կշտամբումն
 յանդիմանութեան մեղաց նո-
 րա. զի ամենայն՝ որ զայս լուեալ
 գիտացէ, նպովս ի հետ արկցէ,
 եւ մի լիցի ցանկացող գործոց
 նորա:

ԱՒԱՐՏԵՑԱՆ

ԵՒԹՆ ՅԵՂԱՆԱԿԻՆ



ԱՐՏԱԳՈՑ

ԵՒԹՆ ՅԵՂԱՆԱԿԻՆ

ՈՒԹԵՐՈՐԴ



Վասն շարչարանացն
 Սուրբ քահանայիցն և ևս
 հարանոցքեան

ԱՐԴ ի վեշտասաներորդի ա-
 մի տէրութեան նորին թաղա-
 ւորի՝ զարձեալ անդրէն խո-
 զայր գնայր յաշխարհն Քուչա-
 նաց մեծաւ սրտմտութեամբ ի
 գործ պատերազմի: Եւ գնա-
 ցեալ ի Վրկանէ, եւ ելեալ յՍ-
 պար աշխարհ, նովին կապա-
 նօք գնախարարսն եւ զքահա-
 նայսն հրամայեաց պահելի Գղեկ
 քաղաքի ի Նիւչապուհ. եւ զեր-
 կուս յերանելի կապելոցն ընդ
 իւր խաղացոյց: Ահ արկանէր

ամենայն քրիստոնէութեան ընդ որ անցանէր :

Իբրեւ զայն տեսանէր Հոն մի, որ էր յազգէ թագաւորացն ի Խայլանդրաց աշխարհէն, Բէլանուն, եւ ի ծածուկ խոնարհէր առ քրիստոնեայսն, եւ սիրով յօժարութեամբ ուսանէր ի նոցանէ զճշմարտութիւնն, եւ կամօք իւրովք նուաճեալ էր ընդ իշխանութեամբ թագաւորին, եւ կարի յոյժ դառնանայր ի միտս իւր յորժամ տեսանէր չարչարեալ զսուրբսն : Եւ իբրեւ այլ ոչ ինչ էր ձեռնհաս, փախտակիան անկանէր առ արքայն Քուչանաց : Երթայր եւ պատմէր նմա զամենայն անցս չարչարանացն, զոր անցոյց թագաւորն ընդ աշխարհն Հայոց . տեղեակ՝ եւս առնէր զնա վասն խրամատութեանն պահակին Հոնաց . ցուցանէր եւ զերկպառակութիւն զօրացն, որ բա-

զում ազգք բաժանեցան ի սիրոյ թագաւորին . ազգէր նմա եւ զարտունջ զԱրեաց աշխարհին :

Ձայս իբրեւ լուաւ թագաւորն Քուչանաց, ոչ ինչ երկմտտութեամբ թերանայր յառնէն, եւ ոչ կարծիք լրտեսի անկանէին ի սիրտս նորա : Քանզի սակաւ մի յառաջագոյն նորա լուեալ էր, դարձեալ իբրեւ ստուգեաց ի Բելայ զայն եւս եթէ խաղացեալ դայ ի վերայ աշխարհին Քուչանաց, փութացաւ վաղվազակի զօր ժողովէր, գունդ կազմէր՝ ելանել նմա ընդ առաջ հզօր ձեռամբ : Ձի թէպէտ եւ ոչ կարէր յանդիման տալ պատերազմ ընդ դէմ նորա, այլ ի վերջ այս թելոցն անկեալ՝ բազում հարուածս հասուցանէր ի վերայ զօրացն արքունի : Եւ այնպէս նեղեալ շտապէր՝ զի անձուկ լաշկարաւ վատախտա-

րակ արարեալ՝ այսրէն դարձուցանէր, եւ ինքն ասպատակաւ դնեա մտեալ աւերէր զբազում գաւառս արքունի, եւ ողջանդամ անդրէն յերկիրն իւր դառնայր:

Եւ թագաւորն իբրեւ ետես եթէ անարդանօք եւ վատթարութեամբ գարձեալ եմ ի պատերազմէս, զիջաւ փոքր մի ի հպարտութենէն, եւ գիտաց եթէ յերկպառակութենէ զօրացըն եղին չարիքն ամենայն: Եւ առ մղձկել սրտին՝ չգիտէր թէ յս թափէր զթոյնս գառնութեանն: Եւ մեծ հազարապետն յոյժ էր յերկիւղի, քանզի ինքն էր պատճառք ամենայն չարեացն որ գործեցան:

Ակաւ բանս ի բերան դնել մոպեալին եւ մոպացն, որք մատուցեալ յանդիման ասէին զթագաւորն, « Արքայ քաջ, մեք ի դնէն իսկ գիտեմք, զի

« Եւ որ ի մարդկանէ կարէ՞ կալ առաջի քոյոյ մեծի զօրութեանը. այլ վասն քրիստոնէից — որ են ընդդէմ օրինաց մերոց — բարկացեալ են մեզ աստուածքն, զի մինչեւ ցայսօր կենդանի պահեցեր զնոսա »: Եւ յիշեցուցանէին եւս նաև, սրպէս նոքա ի բանափ անդ ա նիծանէին զքեզ: Եւ բազում եւ այլ հայհոյութիւնս խօսէին զսրբոցն, եւ զոր հանապաղ զնոսա յաչաց հանէին, եւ զմիտքս թագաւորին անէին ի ցասումն բարկութեան. մինչեւ փութացաւ վաղվազակի հեղուղ զարիւն անմեղացն:

Սա հրաման վասն երկուցն որ անդէն ի կարաւանին առ իւրն էին — Սամուէլ եւ Աբրահամ — զի գաղտ կորուսցեն զնոսա: Եւ որք էին ի Գղեկ քաղաքին, հեռի էին ի կարաւանէն իբրեւ օթիւք հնդետասան: Հրամայ-

եաց համբարակապետին, որում անուռն էր Բենչապուհ, զի յառաջ քան զնա երթիցէ ի քաղաքն, ուր էին սուրբ քահանայքն Տեառն, եւ չարաչար տանջանօք իշխեսցէ զատել եւ հարցանել, եւ սրով վախճանել:

Այլ զնոսա մոզպետին յառաջագոյն — որում յանձն արարեալ էր — բազում անգամ աւելի քան զհրամանն արքունի չարչարեալ էր. քանզի իշխան Բենչապետ էր Ապար աշխարհին, եւ առաւել ջերմագոյն էր ի մոզութեանն. քան զբազում գիտունսն եւս տեղեակ էր զբազեչտական օրինացն: Նա եւ զոր մեծ պարծանս համարէին ըստ իւրեանց մոլորութեանն կարգին, Համակղեն անուռն էր. գիտէր եւ զՍմայարաքաչն, ուսեալ էր եւ զԲողպայիտն ունէր եւ զՊալհաւիկն եւ զՊարսկաղենն: Քանզի այս հինգ կեշտք

են որ գրաւեալ ունին զամենայն օրէնս մոզութեանն. բայց արտաքոյ սոցա է մեւս եւս այլ վեցերորդ, զոր Պեամոզն կոչեն: Թուէր իմն անձին՝ եթէ կատարեալ իցէ ամենայն գիտութեա՛ր. հայէր ընդ երանելիսն, եթէ առ ագիտութեան մոլորեալ են ի մեծ գիտութենէս մերմէ: Եղ սնտաի կարծիս ի մտի՛ անդադար չարչարել զնոսա, զի թերեւս առ չժուժալ մարմնոյն՝ նեղութեանց՝ լուայց ի նոցանէ՛ բանս ինչ ողոքանաց: Վասն որոյ զատ եւ որոշեաց ի նախարարացն զքահանայսն, եւ հեռացոյց ի նոցանէ բացագոյն, եւ արկ զնոսա ի ներքնատուն մի գէճ խաւարչտին, եւ հրամայէր վեց առն երկու քաշկէնս ժամէ ի ժամ, եւ զորակ եւ կէս ջուր. եւ ամենեւին ոչ զօք թողոյր մօտ երթալ ի դուրս բանտին:

Եւ իբրեւ աւուրս քառասուն
այսու նեղէր զնոսա, եւ ոչ
լուաւ ի նոցանէ բան թուլու-
թեան, այլ ինն ած զմտաւ,
որպէս թէ ոք յիւրոց ծառայիցն
զազտ եզիտ ինչ ի նոցանէ, եւ
ի ծածուկ տայցէ նոցա կերա-
կուր: Կնքն երթեալ կնքէր
զերդ եւ զգուան բանգին, եւ
զկարգեալ ոտճիկն տայր յիւր
հաւատարիման տանել նոցա.
Եւ արար զայս աւուրս հնգե-
տասան:

Սակայն եւ այնպէս երանե-
լիքն ոչ ինչ շտապեալ տագնա-
պեցան. այլ մեծաւ համբերու-
թեամբ տանէին զճգնութիւնն.
Եւ անդազար սաղմոսիւք կա-
յին ի հանապազորդ պաշտա-
մանն. եւ ի կատարել ազօթիցն
զուարթագին գոհանալով, սա-
կաւիկ մի հանգչէին ի վեամնա-
խըշտի յանկողինան:

Իսկ պահապանքն որ ի վերայ

կապելոցն կային՝ յոյժ էին զար-
մացեալ ընդ առօղջութիւն ան-
հիւանդութեան նոցա, իբրեւ
լսէին զանդազար հնչումն ձայ-
նիցն: Վասն այնորիկ պատմե-
ցին յականջս մոգպետին եւ
ասին. «Ոչ են արքն այն լոկ
առանց մեծի զօրութեան. զի
եթէ պղնձի մարմինք ունէին
նոքս, արդ լուծեալ էր ի գէճ
խոնաւոյ անտի: Բազում ժա-
մանակք են մեր՝ զի յանձն է
մեզ պահպանութիւն բանտիս.
ոչ յիշեմք՝ եթէ ի կապելոց ոք
ամսօրեայ ժամանակ կեցեալ ի-
ցէ ի տանդ յայդմիկ՝ Սրղ՝ մեք
ասեմք քեզ. եթէ առեր հրա-
ման մահո՞ւ նոցա եւ սպանա-
նես՝ դու գիտես. ապա թէ ոչ,
պահել յանձն արարաւ քեզ եւ
ոչ դատել զնոսա՝ չարաչար վը-
տանդ է կապելոցն: Նա եւ
մեք զահի հարեալ եմք եւ յոյժ
երկնչիմք, յորժամ տեսանեմք

զայնպիսի անհնարին նեղութիւնս » :

Եւ իբրեւ զայս լուաւ մոգպետն , յարուցեալ ինքնին երթայր ի մէջ գիշերին յերգ բանտին : Եւ հայեցեալ ի ներքս ընդ մութ գիշերոյն , այն ինչ լինէր նոցա ի պաշտամանէն հա գչելու եւ տեսանէր զանհն իւրաքանչիւր կապելոցն՝ զի իբրեւ զկանթեղ անշիջանելի վառեալ բորբոքէր : Զահի մեծի հարաւ , եւ ասէր ընդ միտս իւր . « Զինչ է այս մեծ սքանչելիքս . աստուածք մեր ուրեմն եկեալ իջեալ են ի բանաս , եւ նոցա փառաւորութիւնն լուցեալ բորբոքի : Եւ եթէ նոքա առ սոսա ոչ մերձենան , մարդոյ լոկոյ անհնարին է զայսպիսի պայծառութիւն լուսոյ զգենուլ : Իմ այսպէս լուեալ էր վասն կեցտիս այսորիկ՝ եթէ առ յոյժ յիմարութեանն մոլորեալ են , եւ

ստութեամբ կերպարանին ի յաչս տգէտ մարդկան . թերեւս եւ այս տեսիլ այնպէս ինչ երեւեցաւ ինձ » :

Եւ ոչ կարէր համօրէն կալի վերայ իրացն երեւման : Եւ մինչդեռ յայսմ մտաց խորհրդի էր , դարձեալ սուրբքն յիւրաքանչիւր խշտեկացն կանգնեցան կացին ի սովորական պաշտամանն : Յայնժամ ճշմարտեալ գիտաց մոգպետն , եթէ ոչ այլ ընդ այլոյ տեսանէր՝ որ երեւեցաւն նմա , այլ ի նոցունոց յանձանց փայլէր լուսաւորութիւնն : Յայնժամ կրկին անգամ զահի հարաւ եւ ասէ . « Ո՞ւմ ի կապելոցն եղև այսպիսի յայտնութիւն . ես եւ ոչ զմի ոք ոչ գիտեմ , եւ ոչ լուեալ է իմ ի հարցն յառաջնոց » : Եւ քանզի անհնարին շարժեցաւ ի մեծ սքանչելեացն , եւ զուղացին ամենայն մարմինքն , եւ

Թմբրեալ կիսամեռ լինէր ի վերայ տանեալն մինչեւ յառաւօտն . եւ ի ծագել լուսոյն իբրեւ զբաղմօրեայ հիւանդ յարուցեալ երթայր ի վանս իւր , այլ եւ ոչ ումեք իշխեաց ամենեւին պատմել զոր ինչ ետեսն :

Կոչեաց առ իւր զպահապանսն եւ ասէ ցնոսա . « Երթայք հանէք զկապեալսն ի վերնատուն մի ցամաքագոյն , եւ անդ պահեցէք զնոսա զգուշութեամբ , որպէս եւ ասացէքն » : Մի ոմն ի դահճաց անախ իբրեւ լուաւ զհրամանս մօղպետին , վութով ընթացեալ երթայր , իբրեւ վեժ իմն աւետիս տանէր նոցա : « Հրամայեաց ձեզ , ասէ , ելանել ի ցամաք վերնատուն մի . արիք վաղվաղակի , եւ մի հեղգայք , քանզի եւ մեք իսկ պաղատեցաք վասն ձերոյ տառապանացդ » :

Իսկ սուրբն Յովսէփ հեզարար սկսաւ խօսել ընդ զանձնակետին եւ ասէ . « Երթ եւ ասէ ցլիմար առաջնորդն ձեր . չէ լուեալ քո վասն հանդերձեալ զարստեան . Տեսուն մերոյ եւ կամ վասն մերոյ հրաշակերտ շինուածոցն՝ որք մեզ կան պահին ի սկզբանէ պատրաստութեամբ , վասն որոյ դիւրաւ համբերեմք մեծի նեղութեանըս առ սէր այնր յուսոյ զոր տեսանեմք : Գու բարեռք արարեր , զի արգահանեցեր մեծի նեղութեանս մարմնոյ . այլ ոչ ինչ եմք ձանձրացեալք իբրեւ զանաստուած ոք՝ որ չիք այլ ինչ յոյս ի միտս նորա քան որ երեւինս : Այլ մեք առ սէր Քրիստոսին մերոյ՝ ընդ այս յոյժեմք խնդացեալ . եւ կատարեալ պարգեւս զսա իսկ համարիլք , զի ժամանակեայ վշտօքս զանժամանակ երանութիւնսն ժա-

աանդեցուք :

« Եթէ շինուածոց իցեմք ցանկացեալք , ունիմք շինուածս յերկինս առանց մարմնաւոր ձեռագործի , որ ոչ երեւին ձեր արքունիքդ առ նոքօք : Նոյնպէս եւ հանդերձից եւ փառաց եւ անախտ կերակրոց . զոր եթէ ոք կամեսցի ասել ձեզ , չհանդարտէ լսել ձեր տկարութիւնդ . վասն զի կորութեան հնութեամբն չտեսանէք եւ ոչ լսէք եւ ոչ իմանայք , յայն սակս զմեզ զուր եւ անիրաւ եւ առանց յանցանաց անողորմն գատիք : Այլ մեր թագաւորն առատ է եւ բարեբար , եւ բաց է դուռն արքայութեան նորա . եթէ կամեսցի ոք զիմել՝ զիմեսցէ համարձակ , ի դարձելոց յապաշխարութիւն չնախանձի եւ ոչ ընդ ումեք երբէք :

« Բայց վասն զիւրութեանս

որ դու հրամայեցեր առնել մեզ , էր մեր իշխանութիւնն անդրէն յաշխարհին մերում չանկանել մեզ ի ձեռս թագաւորիդ , որպէս եւ այլքն՝ զի ապրեցան յայսպիսի փորձանաց . այլ որպէս կամօք եւ յօժարութեամբ եկաք , իբրեւ թէ գիտէաք զվիշտս վտանգիս , ոչ ինչ զանգիտէաք յայսպիսի ճգանց , սոյնպէս եւ կամիմք՝ զի եւ այլ եւս ծանրացուցես ի վերայ մեր , մինչեւ քո չարութիւն կամացդ յագեցի ի մեզ : Զի թէ Աստուածն մեր , որ է արարիչ երկնի եւ երկրի եւ ամենայն երեւելեաց եւ աներեւութից , եւ առ սէր իւրոց բարերարութեանն խոնարհեցաւ առ ազգս մարդկան , եւ զգեցաւ մարմին չարչարելի , եւ անց ընդ ամենայն հանդէս առաքինութեան , եւ կատարեաց զամենայն գործ անտեսութեան ,

ի կամս իւր մասնեցաւ ի ձեռս
խաչահանուեացն , մահու մե-
ռաւ . եւ եղաւ ի վերեզմանի ,
եւ զօրութեամբ աստուածու-
թեանն իւրոյ յարուցեալ երե-
ւեցաւ աշակերտացն եւ այլոց
բազմաց . եւ վերացաւ առ Հայր
իւր յերկինս , եւ նստաւ ընդ
աջմէ հայրենի աթոռոյն , եւ
չնորհեաց մեզ զօրութիւն երկ-
նաւոր , զի ըստ նորա անմա-
հութեանն՝ եւ մեք մերով մահ-
կանացու մարմնովս կարիցեմք
չարչարակից լինել անմահ մե-
ծութեանն , եւ նա ոչ եւս իբ-
րեւ զմահկանացու համարի ըզ-
մեր մահն , այլ իբրեւ անմա-
հակից հատուցանէ մեզ զվարձս
վաստակոց մերոց : Արդ՝ փոքր
համարիմք մեք զչարչարանս
դայս առ սէր փոխարինին զոր
էարկ առ ազգս մարդկան :

Իբրեւ լուաւ դայս ամենայն
բանս մոզպետն ի դահճապետէ

անտի , խոտվեցաւ , պղտորե-
ցաւ ի միտս իւր , եւ հատաւ
քուն յաչաց նորա զբազում գի-
չերս : Իսկ յաւուր միոջ յերե-
կուն պահուն յարուցեալ եր-
թայր առ նոսա միայնիկ լոխկ ,
եւ ոչ զօք աննոյր ընդ իւր ի
սպասաւորայն : Եւ իբրեւ ե-
հաս ի դուրս տանն , հայէր ընդ
ծակ մի ի ներքս եւ տեսանէր
ըստ ասածին տեսեանն . բայց
նոքա ի քուն կային խաղաղիկ
Հեղարար կարդաց յանուանէ
ղեպիսկոպոսն , քանզի քաջ իսկ
գիտէր պարսկերէն , Եկն ի
դուրս եւ հարցանէր . « Ո՞վ ես
զու : — Ես ինքն իսկ եմ . ա-
սէ . կամիմ ի ներքս մտանել
եւ տեսանել զձեզ » :

Եւ իբրեւ եմուտ ի մէջ սրը-
ւոցն , ոչ եւս երեւէր նմա այլ
նշանն . եւ պատմեաց նոցա
զերկիցս երևումն սքանչել-
եացն : Եւ պատասխանի Ղե-

ւանդ երէցն եւ ասէ : « Աստուած , որ ասաց ի խաւարի լոյս ծագել , որ եւ ծագեաց եւ լուսաւորեաց իմաստութեամբ զաներեւոյթ արարածս , նոյն զօրութիւն եւ այսօր ծագեաց ի խաւարեալ միտս քո , եւ բացան աչք կուրացեալ ոգւոյդ , եւ տեսեր զանշիջանելի լոյս շնորհացն Աստուծոյ . փութա , մի հեղգար . գուցէ զարձեալ կուրացեալ ընդ խաւար զնայցես » :

Եւ զայս իբրեւ ասաց , յոտն կացին ամենեքեան ասելով ի բառասներորդ երկրորդ սպամոսէն . « Առաքեալ Տէր , զլոյս քո եւ զճշմարտութիւն քո , զի նոքա առաջնորդեացեն եւ ածցեն զմեզ ի լեռան սուրբ եւ ի յարկս քո : Արդարեւ ճշմարտիւ , Տէր , առաջնորդեցեր եւ ածեր զմոլորեալս զայս յանանց ուրախութիւնդ եւ յանմերժելի հանգիս-

տրդ : Ահա նմանեալ է օրս այս սուրբ չարչարանացն քոց . որպէս ապրեցուցեր զմահապարտ աւագակն յերկրորդ մահուանէն , եւ նովաւ բացեր զազխեալ դուռն Ադենայ , այսպէս գտեր եւ զայս կորուսեալս . որ էր պատճառք մահու բաղմաց , արդարարեր զսա պատճառք կենաց մեզ եւ անձին իւրում : Գոհանաւք զքէն , Տէր , գոհանաւք եւ ձայնակէցք լինիւք սուրբ մարգարէին . Մի մեզ Տէր , մի մեզ , այլ անուան քո սուր փառս փառն ողորմութեան եւ ճշմարտութեան քո . զի մի երբէք ասացեն ի հեթանոսս , թէ ուր է Աստուած նոցա . որպէս եւ այսօր իսկ յայտնի եղև զօրութիւն քո մեծ ի մէջ ապարասան խաւարազդեստ ազգիս » :

Իսկ որ ձրին եզիտ զաստուածատուր շնորհան՝ սկսաւ եւ նա սուանձինն ասել : « Տէր լոյս իմ

եւ կեանք իմ, ես յուժմէ՞ երկեայց : Տէր ապաւէն կենաց իմոց, ես յուժմէ՞ դողացայց : Քանզի զիտեմ՝ ճշմարտիւ՝ եթէ բազում են այսուհետեւ թշնամիք իմ, եւ կամին մերձեանայ եւ ուտել զմարմինս իմ. այլ դու, Տէր ամենայնի, եկիր վասըն ամենեցուն կենաց, զի դարձցին եւ կեցցեն առաջի քոյ մարդասիրութեանդ : Մի որոշեր զիս ի սուրբ գառանցս յորս խառնեցայ, զի մի ըստ քո փարախդ արտաքս ելեալ՝ չար գազան դարձեալ բեկանիցէ զիս : Մի հայիր, Տէր, ի բազմամեայ ամբարշտութիւնս իմ, զի մի մոլորեալ ի ճշմարտի կենացդ՝ դբազումս անդրէն ի կորուստ աշակերտիցեմ, այլ որոց եղէ պատճառք մահու՝ նոցին եղէց եւ պատճառք կենաց : Սատանայ՝ որ ինեւ խորխտացեալ պարծէր ի մէջ մեծի կորստա-

կանացս, ինեւ կորացեալ ամաչեսցէ ի մէջ իւրոց աշակերտայն » :

Եւ զայս իրբեւ ասացին, նրմին իսկ ետուն կատարել զազօթան, եւ գաղարեցին նովաւ հանդերձ մինչեւ ի պահն երրորդ, եւ այնպէս խաղաղացեալ կացին ի քուն ամենեքեան մինչեւ ի ժամ առաւօտուն :

Իսկ նորա յոտն կացեալ, եւ ի քուն ոչ մտանէր, այլ գձեոսըն իւր ի վեր համարձեալ՝ կայր յազօթս : Եւ մինչդեռ ընդ երդ պշուցեալ հայէր յերկինս, յանկարծակի տունն լի եղեւ լուսով. եւ երեւեցան նմա սանդուղք լուսեղէնք՝ որ կանգնեալ էր յերկրէ ի յերկինս. եւ գունդք գունդք զօրաց ելանէին ի վեր. եւ էր ամենեցուն տեսիլն նոր եւ չքնաղ եւ անաւոր եւ սքանչելի իբրեւ զտեսիլ հրեշտակի : Ունէր եւ զթիւ համարոյ ի միտս

իւր զիւրաքանչիւր գնդիցն զոր տեսանէր . էր որ գնազարի , էր որ գերեսուն եւ վեցից , էր որ զերկերիւրոց եւ գերեքտասանից : Եւ այնպէս մտաազոյնս մերձենայր , մինչեւ ճանաչել նմա զերիս ի նոցանէ , զՎարդան եւ զԱրտակ եւ զԽորէն : Եւ ունէին ինն պսակ ի ձեռին . խօսէին ընդ միմեանս եւ ասէին . « Ահա եկն եհաս ժամ , զի եւ սոքա խառնեցին ի գունդս մեր . քանզի եւ մեք սոցա իսկ մնայաք , եւ առ հաւատչեայ պատիւ սոցա բերաք : Եւ որում ոչ եւս մնայաք , եկն երեւեցաւ եւ խառնեցաւ , եւ եղեւ իբրեւ զմի ի զինուորացն Քրիստոսի » :

Այս երիցս անգամ երեւեցաւ չքնաղ տեսիլս առն երանելոյ : Զարթոյց զսուրբսն ի քնոյ անտի , եւ պատմեաց նոցա դասմնայն տեսիլն կարգաւ :

Իսկ նոքա յարուցեալ կացին յաղօթս եւ ասէին . « Տէր Տէր մեր , զի սքանչելի է անուն քո յամենայն երկրի . համբարձաւ մեծվայելչութիւն քո ի վերոյ քան զերկինս . ի բերանոց մանկանց աղայոց ստընդիացաց հաստատեցեր զօրհնութիւն , զի եղծցի թշնամին եւ հակառակորդն : Զի ոչ եւս է այսուհետեւ ասել , եթէ « Տեսից զերկինս զգործս մատանց քոց » , այլ թէ տեսից զքեզ Տէր երկնի եւ երկրի . որպէս երեւեցար իսկ այսօր ի ձեռն սուրբ զօրականացն քոց հեռաւոր օտարիս , որ անցեալ էր ըստ ակընկալութիւն կենաց իւրոց :

« Ահա դու , Տէր , ողորմութեամբ քով պսակեցեր զսիրելիս քո , եւ զթութեամբ քով ելեր ի ինդիր կորուսելոյս , դարձուցեր եւ խառնեցեր ի դասս ընտրելոց քոց : Ոչ միայն

ետես սա զերկինս՝ զգործս
 մատանց քոց, այլ ետես զեր-
 կինս եւ զբնակիչս նորա, եւ
 մինչդեռ է յերկրիս՝ խառնե-
 ցաւ ի գունդս բիւրաւոր հրեշ-
 տակաց քոց: Ետես եւ զողիս
 արդարոց կատարելոց, ետես
 եւ զնմանութիւն փառաց անե-
 րեւոյթ պատրաստութեանցն,
 ետես եւ ի ձեռին նոցա զան-
 շուշտ ոտքունայն՝ որ հան-
 դերձեալ պահի ի ձեռն ճար-
 տարապետին: Երանի սմա վասն
 սուրբ տեսչեանս, եւ երանի է
 մեզ վասն սորա մերձաւորու-
 թեանս առ մեզ. քանզի հաս-
 տատեալ գիտացաք սովաւ, եւ
 թէ որում այսպիսի սքանչելիք
 յայտնին՝ մեծ մասն ընկալաւ
 սա յանսպառ քոց բարութեան-
 ցըդ: Անսպառ են պարգեւքն
 քո, Տէր, եւ առանց խնդրե-
 լոյ տաս ում եւ կամիս քոյով
 յորդ եւ աննախանձ առատու-

թեամբդ: Եւ եթէ որ ոչն
 խնդրեն՝ չարգելուս ի նոցանէ,
 բնց մեզ, Տէր, զդուռն ողոր-
 մութեան քո, որ ի մանկութե-
 նէ մերմէ ցանկացեալ եմք բա-
 րեմասնութեան սրբոց քոց:
 Զնորագիւտ զաստակերոս քո
 բարեխօս առնեմք վասն ան-
 ձանց մերոց. մի ընկղմեացի
 նաւ հաւատոց մերոց ի մէջ ա-
 լէկոծեալ ծովու մեղաց »:

Եւ այսպէս յերկար կատարե-
 լով զազօթան, յորդ եւ առատ
 արտասուս հեղուին ի վերայ
 անձանց իւրեանց: Գութ ողոր-
 քանաց արկանէին առաջի բա-
 րերարին՝ զի լսելի լիցի ձայն
 պաղատանաց նոցա, եւ հաս-
 տատուն կացցեն ի վիշտս ճը-
 զանցն, զի մի զրկեսցին ի
 ցանկալի պսակացն զոր ունէ-
 ին Սուրբքն ի ձեռս իւրեանց,
 որպէս եւ ազգեցաւ իսկ նոցա
 ի Հոգւոյն սրբոյ՝ զի մերձեալ

էր ժամանակ կոչման նոցա . որպէս զի երթիցեն եւ աներկիւղ դադարեացին ի կասկածելի ակնկալութեանէն . որում համբերէին բազում տառապանօք , զի առհաւատչէիւ փոքու հասցեն երկնաւոր մեծութեանն , որում ի վազնջուց իսկ էին ցանկացեալք :

Եւ քանզի ինքն իսկ մոզպետն իշխան էր աշխարհին , եւ նմա յանձն արարեալ էր զկապեալսն քաղաքին , վասն այնորիկ եւ համարձակութեամբ ընդ առաօսն հանեալ տանէր յապարանսն իւր : Լուանայր եւ սրբէր զնոսա ի չարչարանաց բանտին , առնոյր զջուր լուացման սրբոցն եւ արկանէր զիւր մարմնովն : Ուղղէր ի տան իւրում աւազան , եւ ընդունէր ի նոցանէ զսուրբ մկրտտութիւնն , հաղորդէր ի կենդանարար մարմինն եւ ի քաւիչ արիւնն Տեառն մերոյ Յի-

սուսի Քրիստոսի : Բարձր բարբառով ազազակէր եւ ասէր . « Մկրտութիւնս այս լիցի ինձ ի լուացումն մեղաց իմոց , եւ ի ծնունդսնորդութեան վերստին Հոգւոյն սրբոյ , եւ ճաշակումն անմահ խորհրդոյս ի ժառանգութիւն երկնաւոր որդեգրութեանն » : Գնէր եւ քստ մարմնոյ առաջի նոցա սեղան կերակրոյ , եւ մխիթարութեան բաժակ մատուցանէր նոցա , եւ միաբանէր ընդ նոսա հացին օրհնութեան :

Այլ թէպէտ եւ ինքն եհաս յերկնաւոր բարիսն , եւ աներկիւղ էր ի մարդկանս հարուածոց , սակայն վասն ընտանեացն յոյժ ունէր կասկած , զի մի իրբեւ չլստակարք մատնեացին յիրքս արքունի : Վասն այնորիկ ի ծածուկ կոչէր ի զիշերի եւ զնախարարսն որ ի նմին քաղաքի էին ի կապանս , եւ առնէր

ծախս մեծամեծս : Եւ էին ամենքեան ի մեծի խնդութեան վասն սքանչելեացն որ երեւեցաւ նոցա : Այ յիշէին ամենեւին եթէ վիշաք ինչ անցեալ էին ընդ նոսա :

Բայց ի ժամ բաղմականացն կարծիք իմն եղեն ի միտս սրբոցն վասն երկոյս միոյ՝ որ էր ընդ նոսա ի սուրբ կապանան . զի ի մէջ շինական մարդկան կեցեալ էր, եւ տգիտագոյն եւս էր ի գրոց մխիթարութենէ : Հրամայեցին ունել զգլուխ բաղմականին . եւս պատասխանի երանելին եւ ասէ . « Զի՞նչ է այդ զոր դուքդ գործէք . եւ կամ յինէն զի թագուցանէք զծածուկըս խորհրդոցդ : Ես քան զկրթասերս ձեր խոնարհագոյն եմ, եւ քան զեւս փոքունս յաշակերտաց ձերոց տգիտագոյն եմ . զիմորդ կարացից այդմ տանել : Այս իսկ մեծ էր ինձ, զի սուրբ

կապանաց ձերոց հաղորդեալ եմ այսօր : Եթէ արժանի համարիք ձերում սեղանոյդ, կալարուք դուք զիւրաքանչիւր տեղի բաղմականիդ, եւ հրամայեցէք ինձ զիմ տեղին » : Եւ բըռնադատեաց մեծ կպիսկոպոսն Յովսէփ միաբանութեամբ ամենայն սրբոցն, եւ ի վերոյ քան զամենեսեան բաղմեցուցին զնա :

Եւ իբրեւ բոլորեցաւ ակումբ բաղմականին, եւ հաղորդեցան ամենեքեան ի կերակուրն զլարթութեամբ, յոտն եկաց սուրբն Յովսէփ, եւ սկսաւ զօրախոսութեան նուազն մատուցանել եւ ասել այսպէս .

« Աւրախ լերուք ամենեքեան ի Քրիստոս . քանզի վաղիւ այս ժամ իցէ՛ ահա մոռացեալ իցէ մեր զամենայն նեղութիւնս եւ չարչարանս զոր կրեցաք : Եւ փոխանակ սակաւ աշխատութեանս մերոյ՝ բաղմապատիկ

հանգիստ ընդունելոց եմք, եւ փոխանակ խաւարային արդելանի բանտիս՝ մտանելոց եմք յերկնից քաղաքն լուսաւոր, որոյ քաղաքի քաղաքապետ ինքն Քրիստոս է, եւ հանգիստապետ ասպարիսին՝ յորում նախ ինքն առաքինացաւ առնելով զնշան յաղթութեան: Եւ այսօր նոյն Տէր է որ յաջողէ մեզ զնոյն նշան ընդունելով ի փրկութիւն անձանց մերոց եւ ի պարծանս մեծափառ սուրբ եկեղեցւոյ: Եւ զոր օրինակ տեսէք դուք զեղբայրս զայս ի գլուխ բազմականիս մերոյ՝ սոյնպէս սա նախ ընդունելոց է վաղիւ զպսակն ի ձեռն կատարմանն իւրոյ: Զի ահաւասիկ եկն եհաս եւ մերձեցաւ առ մեզ թշնամին կենաց մերոց եւ պսակիչ սուրբ չարանաց ծառայիցս Քրիստոսի»: Զայս իբրեւ ասաց, լուաւ ի նմանէ բանս պնդութեան, ու

րով յոյժ մխիթարեցան ամենեքեան:

Ասէ. «Ի սուրբ աղօթից ձերոց այդպէս արասցէ ինձ Քրիստոս, եւ կատարեսցէ զեյս վախճանին իմոյ յաշխարհէս ըստ բանի քում: Եւ ահա ընդ ասելդ քո ազդումն եղև. հոգւոյս իմոյ, եւ յիշեցի ես զմարդասիրութիւնն Քրիստոսի, որոյ եւ գալուստ իսկ նորա յաշխարհս վասն մեր մեղացն եղև: Գթացի յիս որպէս եւ յաւազակն ի ծամ խաչին. զոր օրինակ նովաւ զդրունս փակեալ դրախտին եքաց, եւ յառաջեցաւ լինել կարապետ այնոցիկ՝ որ անդրէն ի նոյն տեղի դառնալոց էին յուրախութիւն, արասցէ եւ զիս այսօր Տէր Յիսուս Քրիստոս սպասաւոր ձերում մեծաշուք զնդիդ »:

«Աւանիկ վասն միոյ մեղաւորի որ դառնայ յապաշխարու-

Թիւն՝ անխախճան լինի ուրախութիւն հրեշտակաց յերկինս . որպէս զի գիտեն իսկ զկամս Տեառն իւրեանց : Քանզի վասն միոյ կորուսելոյ ոչխարին եկն ի խնդիր , վասն այնորիկ եւ նոքա խնդակիցք լինին վասն միոյ դարձելոյ յապաշխարութիւն : Թերեւս վասն իմ եկեալ էր մեծ զօրավարն Հայոց բազում սուրբ ընկերակցօքն իւրովք . զպսակն վասն ձեր բերեալ էր , այլ զուրախութեան աւետիսն հասարակաց տայր : Եւ առաւել եւս ընդ իս էին զարմացեալ . զի ոչ ճանաչէին զիս ի կեանս իւրեանց , ահա ի սուրբ մահն իւրեանց՝ կամէին զի եւ ես մասն ընկալայց ընդ երանելիսն :

« Աղաչեմ զձեզ , տեսք իմ եւ հարք , աղօթս արարէք ի վերայ անարժանութեանս իմոյ , զի արժանի եղէց մեծի աւետեացն հասանել՝ որ յանսուտ

ձերոց բերանոցդ բարբառեցաւ ի լսելիս իմ Արդ՝ փութամ տեսանել զօրն , եւ յաւուր անդ զժամն եկեալ հասեալ ի վերայ մեր :

« Ե՞րբ իցէ զի ելից ի թանձրադանդաղ ձանձրալի մարմնոյս այսորիկ . երբ իցէ զի տեսից զքեզ Տէր Յիսուս . երբ իցէ զի տգիտութիւնս իմ հասցէ ի կատարեալ գիտութիւն : Օգնեա ինձ , Տէր , օգնեա ինձ , եւ կարկառեա զամենազօր աջդ յօդնականութիւն . զի ըստ խոստման բանիցս իմոց եւ գործք արդեամբք կատարեսցին ի վերայ իմ . եւ փառաւոր լիցի յիս ի մեղաւորս անուն Տեառն մերոյ Յիսուսի Քրիստոսի » :

Չայս իբրեւ ասաց երանելին՝ յոտն կացին ի բազմականացն անդ , գոհանային ասելով . « Փնոք քեզ , Տէր , փնոք քեզ

թագաւոր, զի ետուր մեզ կերակուր ուրախութեան. լցո զմեզ Հոգւովդ սրբով, զի դրացուք առաջի քո հաճոյք եւ մի ամաչեցեալք, զի դու հատուցանես իւրաքանչիւր ըստ գործս իւր » :

Ի նմին ժամու եղև խորհուրդ մեծ ի մէջ նոցա, թէ զինչ օրինակաւ կարացեն ասրեցուցանել զմոզպետն, զի մի լուեալ յարքունիան՝ իբրև զհուր բորբոքեցի ի վերայ մընացելոցն : Իբրև ոչ ինչ կարացին ի ժամուն վճարել, միաբանութեամբ աղօթս արարեալ՝ յԱստուած ասպատան առնէին զկեանս առնն հաւատացելոյ :

Իսկ նախարարքն հրաժարեցին ի սրբոցն յորդառատ արտասուօք, եւ ողբալից ուրախութեամբ անկեալ յոտս նոցա ազաչէին մեծաւ պաղատանօք՝ յանձն առնել զնոսա Հոգւոյն

սրբոյ . « Զի մի ոք ի մէնջ, ասեն, թուլացեալ եւ ելեալ արաքս ի հաւասար միարանութենէս, կերակուր լիցի չարաբարոյ գազանին » :

Իսկ երանելիքն միաբան քաջալերէին զնոսա եւ ասէին . « Զօրացարուք, եղբարք, ի Տէր . մխիթարեցարուք ի մարդասիրութիւնն Աստուծոյ, որ ոչ թողու զձեզ որքս, եւ ոչ ի բացէ ասնէ զողորմութիւնն իւր ի մէնջ հաւատով ի Քրիստոս . բազում բարեխօսիւքն զոր ունիմք առ նա, ոչ շիջանի վառունն կանթեղաց ձերոց, եւ ոչ ուրախ լինի խաւարասէր թշնամին կենաց ձերոց : Այլ նոյն Տէր է որ զօրացոյց զառաջին նահատական՝ խառնելով զնոսա ի գունդս հրեշտակաց իւրոց . նոցուն սուրբ ոգիք եւ ամենայն դասք արդարոց հասցեն ձեզ յօգնա-

կանութիւն համբերութեան ,
զի ընդ նոսին նոցունց պսա-
կացն արժանի լինիջիք » :

Զայս խօսէին ընդ նոսա , եւ
զգիշերն ամենայն սաղմոսիւք
ի գլուխ տանէին . իսկ ի ժամ
առաւօտուն ասէին ամենեքե-
անս . « Ծագեա , Տէր , զողոր-
մութիւնս քո՛ , ոյք ճանաչեն
դքեզ , զարդարութիւնս քո՛ , ոյք
ուղիղ են սրտիւք : Մի եկես-
ցէ ի վերայ մեր ոտն ամբար-
տաւանից , եւ ձեռք մեղաւո-
րաց մի դողացուցեն զմեզ :
Անդ անկցին ամենեքեան որ
գործեն զանօրէնութիւն , մեր-
ժեցան , եւ այլ մի կարասցեն
հաստատել » :

Եւ անդէն վաղվազակի հա-
սին դահիճքն ի դունն բան-
տին , մտին ի ներքս եւ տեսին՝
զի որ յառաջ մոզպետն էր ,
եւ նմա իսկ յանձն արարեալ
էր պահել զնոսա , նստէր ի

մէջ նոցա եւ լսէր ի նոցանէ ,
նա եւ քաջալիրէր եւս զնոսա
չերկնչել ի մահուանէ : Իբրեւ
տեսին զմեծ սքանչելիան զա-
հիճքն՝ յոյժ զարմացան ընդ
իրան , այլ ոչ ինչ իշխէին հար-
ցանել ցնա . բայց չօքան եւ
պատմեցին Գենշապոյ , որում
յանձն արարեալ էր զչարհա-
րանս սրբոցն :

Իսկ նա իբրեւ լուաւ ի դան-
ճացն արքունի , պահի մեծի հա-
րաւ ի միտս իւր , թէ գուցէ
եւ ինքն անձամբ ի ներքս լի-
ցի , քանզի եւ ծանօթագոյն
եւս էր առնն : Հրամայեաց հա-
նել ի բանտէ անտի զամենեա-
կան կապանօքն , եւ հեռա-
ցուցանէր ի քաղաքէ անտի եր-
կոտասան պարսիկ հրասախաւ :
Եւ ի ծածուկ խօսէր ընդ մոզ-
պետին՝ եթէ զի՛նչ պատճառք
իցեն զառանցանաց նորա : Ես
պատասխանի այրն եւ ասէ ցնա .

« Մի խօսիր ընդ իս ի ծածուկ,
եւ մի լսեր զխորհուրդս լուսոյ
ի մէջ խաւարի, զի բացան աչք
իմ արդ, քանզի տեսի զլոյսն
երկնաւոր: Եթէ կամիս լինել
խորհրդակից կենաց, հարց
ցիս յանդիման, եւ պատմեմ
քեզ. զի տեսի զմեծամեծսն Աս-
տուծոյ »:

Եւ իբրեւ լուաւ ի նմանէ զա-
մենայն, եւ ստուգեաց եւս
վասն իւրոյ միաբանութեանն,
եթէ ոչ քակտի ի սրբոցն հա-
ւանութենէ, ոչ իշխեաց ձեռն
արկանել ի նա, թէպէտ եւ ու-
նէր հրաման յարքունուս:
Այլ փութացաւ, եւ ինքն երթ-
եալ պատմէր թագաւորին ի
ծածուկ զամենայն որպէս զի-
արդ լուաւ ի նմանէ:

Ետ պատասխանի թագաւորն
եւ ասէ ցրենշապուհ. « Մի ոք
ամենեւին լուիցէ զայդ ի քէն,
մանաւանդ վասն տեսիանն

մեծի որ երեւեալ է նմա. զի
մի տգէտ մարդիկ երկմտեալ'
բաժանեցին ի մեր հաստատուն
օրինացս: Մինչ մեք զայլս կա-
մէք հնազանդեցուցանել' թե-
րեւս զոգիս գտցեն, իբրեւ նո-
ցա ոչ ինչ կարացաք առնել,
մեր որ վարդապետ օրինացդ
էին' զկնի նոցա մոլորութեանն
խտորեցան »:

« Նա եւ այն եւս չար է մեզ
քան զամենայն, զի ոչ գուզ-
նաքեայ ոք խտորեցաւ ի նոցա
օրէնսն, այլ այլ մի Համակ-
դեն, երեւելի ընդ ամենայն
վերին աշխարհս: Եթէ փայքա-
րիմք ընդ նմա, նա տեղեկա-
գոյն է քան զամենայն վար-
դապետս աշխարհիս. գուցէ ի
հիմանէ խարխարեալ աւերէ
զօրէնս մեր: Եւ եթէ դատիմք
զնա ընդ այլ չարագործսն. նա
եւ այնպէս հռչակեալ էլանէ
համբաւ քրիստոնէութեան նո-

րա, եւ մեծ անարգանք զկնի
դենիս ճդին: Եւ եթէ սրով
եւս վախճանեսցի, բազում են
քրիստոնեայք ի կարաւանիս,
ընդ ամենայն երկիր ցանեալ
ցրուեսցեն զոսկերս նոցա: Սա-
կաւիկ ինչ էին մեզ անարգանք
առ ամենայն մարդիկս, ուր
մեծարեալ պատուէին ոսկերք
նաժրացուող. իսկ եթէ մողա-
ցըդ եւ մոզպետաց զնոյն պա-
տիւ կրեսցեն, մեք մեզէն լինի-
ցիմք քակտիչք օրինայն մերոց:
« Այլ այժմ իմ է քեզ եր-
դումն տուեալ յանմահ զիսն.
նախ զդառնացեալ ծերն կոչեա
առաջի քո. եթէ հաւանեսցի
սիրով, եւ զղջացեալ ապա-
շաւեսցէ զկախարդութիւն նո-
ցա, մեծարեսջիր զնա սիրով՝
պատուով ըստ առաջին կար-
գին. եւ մի ոք զիտասցէ ըզ-
թշնամանս նորա ամենեւին:
Ապա թէ ոչ հաւանեսցի, եւ

ոչ կամեսցի անսալ բանից ի-
մոց, յարուսջիր ի վերայ նորա
բազում անբաստանս յաշխարհէ
անտի, զի մլատակար դոցի
չիրս արքունի. եւ աշխարհաւ
փուրսիչն ի վերայ յարուսջիր,
եւ չկօթակ արասջիր յայնկոյս
քան զՎուրան եւ զՄակուրան.
եւ անդ ընկեցեալ զնա ի վի-
րապ մի, եւ ընկալցի զմահ
թշուառութեան: Եւ զայլա-
դենան փութանակի կարճեա ի
կենաց աշխարհիս, զի մի դը-
ղըրդեսցեն զօրէնս մերոյ աշ-
խարհիս: Զի եթէ զճարտար
մոզպետն այնպէս արագ աշա-
կերտեցին, տգէտ մարդիկ զի-
մրդ կարասցեն կալ առաջի նո-
ցա պատիր խաբէութեանն »:

Արդ ել նստաւ Դենչապուհ
արտաքոյ ըննակին յատենի,
որպէս ասացաք, հեռի երկու-
տասան հրասախաւ: Հարցանէր
ցմոզպետն եւ ասէր. « Եշխա-

նութիւն առի վասն քո , ոչ միայն բանիւ հարցանել , այլ եւ ամենայն հարուածովք տանջանաց : Մինչչեւ ձեռն արկեալ է իմ ի քեզ , ընկալ զմեծարանս եւ արհամարհեա զանարգանս , եւ խնայեա ի պատուական աւլիսդ : Թող անդր ի բաց զքրքրիստոնէութիւնդ՝ զոր ոչ ունէիր ի բնէ , եւ գարձիր անդրէն ի մոգութիւնն , որպէս զի վարդապետ էիր բազմաց » :

Ետ պատասխանի երանելին եւ ասէ . « Աղաչեմ գքեզ , տէր , որ յառաջ իբրեւ զհարազատ եղբայր համարեալ էիր յաշտ իմ , եւ այսօր թշնամի կատարեալ մի ըստ առաջին սիրոյն զթար դու յիս , այլ կատարեա ի վերայ իմ զկամս չարութեան թագաւորին ձերոյ , եւ որպէս առեր իշխանութիւն ի վերայ իմ՝ գատեա զիս » :

Յայնժամ իբրեւ ետեա Գենւ

չապուհ՝ եթէ առ ոչինչ զրուպառնայիսն արքունի համարեցաւ , եւ ոչ ողորմացն երես ինչ արար , եւ քան ի ծածուկ՝ յայտնի եւս կամէր զի խօսեսցի , կատարեաց ի վերայ նորա ըստ խրատուն արքունի : Եւ գաղտագողի ընկեցաւ ի հեռաւոր օտարութիւն . որպէս զիարդ եւ ուսաւ ի վարդապետէն՝ եւ արար :

Եւ հրամայեաց եւս Գենւչապհոյ երկուս եւս ընկերակիցս օգնականս յաւագ գործակալայն . զՋնիկանն , որ էր մարզպետ արքունի , եւ զՄովան հանդերձապետ՝ ի ձեռանէ Մովպետան մովպետի :

Սբդ երկօրեան սոքա իւրաքանչիւր սպասաւորօք առին զսուրբնս յայնմ անապատէ , եւ փոխեցան նոյնչափ եւս հեռագոյն ի մեւս եւս զժնդակ տեղի ի նմին գիշերի : Եւ զօք ի

կարաւանէ անտի ոչ թողին տե-
սանել, ոչ ի Հայոց եւ ոչ յա-
մենապն քրիստոնէից, եւ ոչ
ընաւ յարտաքին հեթանոսաց :
Եւ սպասաւորքն որ էին ի վե-
րայ կապելոցն անդէն ի քաղա-
քին, հրամայեցին պահել ըզ-
գուշութեամբ, զի զհետս նո-
ցա մի ոք գիտասցէ՝ ընդ որ
տանիցեն ի մահու տեղի, մի
նոքա եւ մի ամենեւին ոք ի
մարդկանէ :

Բայց այր մի Խուժիկ անուն
ի զօրացն արքունի—որ ի ծա-
ծուկ ունէր զքրիստոնէութիւ-
նըն, եւ վիճակեալ էր ի դա-
սքս դահճացն, եւ կայր ի ըս-
պասու օրապահացն հանդերձ
գործիական տանջանարանօքն,
եկն եմուտ ի մէջ գիշերին եւ
խառնեցաւ ի դասս նախարա-
րացն : Առաջին դասն ի միջնոցն
կարծէր զնա, եւ միջինն եր-
րորդին, եւ երեքեանն միմեանց

համարէին զնա . եւ ոչ ոք ի նո-
ցանէ եհարց՝ եթէ « Կու մի ես
ընդ մեզ », ոչ ի տերանցն եւ
ոչ ի սպասաւորացն :

Իբրեւ հասին ի տեղի անա-
պատին՝ որ ամենեւին անբոյս
էր ի դալարոյ, եւ այնպէս էր
ապառաժ դժնեայ՝ զի եւ ոչ
նստելոյ անդամ տեղի գտաւ
անդ նոցա, իջին հեռագոյն
նախարարքն երեքեան, եւ հը-
րամայեցին դահճացն իւրեանց
կապել գոտս եւ զձեռս նոցա :
Եւ արկին պարսնս երկայնս
յոտս նոցա, եւ երկու երկու
լծեցան եւ առին ի քարշ : Եւ
այնպէս ձգեցին եւ ճողքեցին
ընդ ապառաժ տեղիսն քարշե-
լով, զի ամենեւին խայծ ոչ
մնաց ի մարմնս երանելեացն :
Եւ ապա լուծին եւ ածին ի մի
տեղի :

Եւ թուէր իմն նոցա այնպէս՝
եթէ կակղեցաք զխստութիւնս

նոցա, եւ հնազանդեցուցաք զբիրա ապստամբութիւնն նոցա. եւ արդ զինչ եւ խօսիցիւք՝ անսայցեն բանից մերոց, եւ առնիցեն զկամս թագաւորին, եւ ապրեալ լիցին յանհնարին տանջանացն: Եւ զայն ոչ կարացին քաջ լամանալ՝ եթէ իբրեւ զքաջ զինուորս վառեցին զնոսա, եւ ի հրահանգս կըրթութեան վարժեցին զնոսա, եւ իբրեւ զզազանս վայրենիս արիւնխաանձս ուսուցին զնոսա: Եւ եթէ ունէին սակաւ ինչ կասկած յառաջագոյն, հայեցեալ նոցա ի չարաչար վէրս մարմնոյն իւրեանց՝ զառաջին երկեւղն ի բաց մերժեցին: Սկսան իբրեւ արեալք անզգայք զմիմեամբք ելանել ի բանից պատասխանիս, եւ փութային իբր ծարաւիք յաղբելը՝ եթէ ո՛նախ վազ դիւր արիւնն հեղցէ յերկիր:

Եւ մինչդեռ յայսմ պատրաստութեան էին սուրբքն, խօսել սկսաւ ընդ նոսա Դենչապուհ եւ ասէ. «Սրբայ յղեաց զիս առ ձեզ. ամենայն աւեր աշխարհին Հայոց, ասէ, եւ կոտորածք զօրացն՝ որ հասին ի վերայ, ի ձէնջ եղեն մնասքն ամենայն. եւ բազում նախարարք՝ որ այժմ կան կապանօք չարչարեալ, վասն ձերոյ յամառութեանդ եղեւ այդ ամենայն: Այլ եւ արդ եթէ կամիք ինձ լսել՝ ասեմ ձեզ. որպէս եղերուք պատճառք ամենայն չարչարանաց մահուն՝ այսօր լերուք պատճառք կենաց ձերոց: Եւ նախարարքն՝ որ կան ի կապանս, ի ձեռն ձեր է իշխանութիւն արձակել զնոսա. եւ աւեր աշխարհին ձերոյ ձեւք շինի, եւ բազումք որ վարեալ են ի դերութիւն՝ անզրէն դառնան: «Ահա դուք ձերոյն աչօքդ տեսէք այսօր, եթէ զորպիսի

այբ տոհմիկ , զոր թագաւորն
ինքնին յականէ յանուանէ ճա-
նաչէր վասն մեծի գիտութեան
օրինացս մերոց , եւ կատարեալ
էր յամենայն ի դեմիս եւ ամե-
նայն մեծամեծաց սիրելի , եւ
զրեթէ բոլոր աշխարհս կախ-
եալ էր զնմանէ . եւ վասն զի
անարգեաց զդեմիմազդեզն , եւ
պատրեցաւ ի ձեր տխմար գի-
տութիւնդ , ոչ ինչ ինայեաց
թագաւորն ի մեծ պատիւ նո-
րա , այլ իբրեւ զգերի մի զա-
նաշխարհիկ շլօթակ արարի ըզ-
նա յայնչափ օտարութիւն հե-
ռաւոր , զի ընդ երթան իսկ ոչ
ժամանէ ի տեղի պատուհասին
իւրոյ :

«Արդ եթէ ի բուն դայեկու-
թիւնն վասն պատուական օրի-
նացն ոչ ինայեաց ի նա , որ-
չափ եւս առաւել ի ձեզ յօտար
աշխարհիկսդ , որ մահապարտ
իսկ էք յիրս արքունի : Եւ չիք

ինչ ձեզ այլ հնար կենաց , բայց
եթէ երկիր պազանիցէք արե-
գական , եւ կատարիցէք զկամս
թագաւորին , որպէս եւ ուսոյց
զմեզ մեծն Զրադաշտ : Եւ եթէ
զայդ առնէք՝ ոչ միայն արձա-
կիք ի կապանացդ եւ ապրիք
ի մահուանէ , այլ եւ մեծամեծ
պարգեւօք յուղարկիք յաշ-
խարհն ձեր » :

Յառաջ մատուցեալ Ղեւոնդ
երէց եւ թարգման կացոյց ըզ-
Սահակ եպիսկոպոս . « Զիւնրդ
լուիցուք , ասէ , երկդիմի հրա-
մանացդ քոց : անա զերկրպա-
զութիւնդ նախ ետուր արեգա-
կան , եւ զկատարուին երկրք-
պազութեան ի կամս թագա-
ւորին ձգեցեր . մեծարեցեր
զարեգակն՝ յառաջ ձայնելով
զանուն նորա , եւ մեծացուցեր
զթագաւորն աւելի քան զա-
րեգակն . եւ յայտ արարեր՝ ե-
թէ առանց կամաց իւրոց սպա-

սաւորէ արեգակնն արարածոց ,
իսկ թագաւորն ի կամս ազա-
տութեանն իւրոյ՝ զոր կամի
աստուածացուցանէ, եւ զոր կա-
մի ծանայեցուցանէ . եւ ինքն
ի ճշմարտութեանն վերայ չեւ է
հասեալ : Մի խօսիր ընդ մեզ
իբրեւ ընդ տղայս , զի հասա-
կաւ կատարեալս եմք , եւ գի-
տութեան ոչ եմք անտեղեակ :
Ուստի սկսար դու , այտի տաց
քեզ պատասխանի :

« Ապաքէն զմեզ եղիր պատ-
ճառս աւերածոց աշխարհին մե-
րոյ եւ հարուածոց զօրացն ար-
քունի . մեր օրէնքն զմեզ այդ-
պէս ոչ ուսուցանեն , այլ յոյժ
պատուել հրամայեն զերկրաւոր
թագաւորս , եւ սիրել զնոսս
յամենայն զօրութենէ մերմէ ,
ոչ իբրեւ զմարդ ոք դուզնաք-
եայ ի մարդկանէ , այլ իբրեւ
Աստուծոյ ճշմարիտ կալ ի ծա-
ռայութեան . եւ եթէ զրկիմք

ի նոցանէ , փոխանակ ընդ երկ-
րաւորիս զերկնիցն խոստացաւ
մեզ զարքայութիւն : Եւ ոչ մի-
այն զարքանեկութիւն հպա-
տակութեան պարտիմք հարկա-
նել նոցա , այլ եւ մահու չափ
զանձինս ի վերայ դնել սիրոյ
թագաւորին : Եւ որպէս յերկ-
րի ոչ ունիմք իշխանութիւն
փոխանակել զնա ընդ այլում
տեառն , նոյնպէս եւ յերկինս
չունիմք իշխանութիւն փոխա-
նակել զճշմարիտ Աստուածն
մեր ընդ այլում , որ չիք Աստ-
ուած բաց ի նմանէ :

« Բայց ասեմ քեզ՝ որում սա-
կաւիկ մի տեղեկագոյնս ես :
Ո՞վ ի քաջ զօրականէն զկնի
մտանիցէ ի պատերազմ . եւ ե-
թէ վայս արասցէ , ոչ քաջ ան-
ուանի նա , այլ յոյժ վատ : Եւ
կամ ո՞ յիմաստուն վաճառակա-
նաց զպատուական մարգարիտն
փոխանակիցէ ընդ անարդ թը-

բուշայի, բայց եթէ յիմարեալ
իցէ ազխաութեամբ, որպէս եւ
ձեր մոլորութեան առաջնորդքդ :

« Միայն գտեր զմեզ ի բա-
զում յառաքինեացն մերոց, եւ
կամիա գողութեամբ աւերել
զամուրս խորհրդոց մերոց .
չեմք մեք միայն՝ որպէս եւ
դուդ կարծես . չիք տեղի ու-
նայն, ուր չիցէ Քրիստոս թա-
գաւորն մեր . բայց միայն այ-
նոքիկ են թափուր ի նմանէ՝
որ իբրեւ զքեզ եւ զչարազեւ
իշխանն քո, որք ուրացեալ էք
ի նմանէ : Զի եւ զինուորք աշ-
խարհին մերոյ — որ աշակերտ-
եալքն էին մեւք ի Քրիստոս —
առ ոտն հարին զահագին հրա-
մանս թագաւորին ձերոյ, եւ
զմեծամեծ պարզեւս առ ոչինչ
համարեցան, եւ զհայրենի տէ-
րութիւնն ի բաց կողուտեցան,
չինայեցին ի կին եւ յորդիս
եւ ի դանձս մարմնաւորս կե-

նաց աշխարհիս : Եւ եւ ոչ
զարիւնն իւրեանց ածէին զմը-
տաւ ինչ վասն սիրոյն Քրիստո-
սի, այլ զերկրպագուս արեւ-
զականն — որ ձեր վարդա-
պետք էին — չարաչար հարուա-
ծովք սատակեցին զնոսս, եւ
մեծամեծ չարիս հասուցին ի
վերայ զօրացն ձերոց, եւ բա-
զումք ի նոցանէ անկանէին ի
նոին պատերազմի, եւ այլք
մատնեցան ի պէս պէս փոր-
ձութիւնս, եւ կէսքն ընկեցան
ի հեռաւոր օտարութիւն, եւ
եւս բազմազոյնք վարեցան ի
գերութիւն : Եւ ամենեքին նո-
քա յառաջեցին քան զմեզ յար-
քայութիւնն Աստուծոյ, եւ
խառնեալ են ի դուռնդս վերին
հրեշտակացն, եւ ցնձան ի
պատրաստեալ յուրախութիւնս,
յոր հասեալ խառնեցաւ երա-
նելի այրն զոր դու ասես շկո-
թակ արարի : Երանի տամ նմա,

եւ երանի երկրին՝ ընդ որ նայն անցանիցէ, եւ տեղւոյն՝ ուր նայն վախճանեսցի. ոչ միայն զարքունեօք ձերովք անցանէ պատուականութեամբ, այլ եւ զերկնից լուսաւորօքդ՝ որունմ դուքդ երկիրպագանէք» :

Ետ պատասխանի Մովսն հանդերձապետ եւ ասէ ցնոսա. «Աստուածքն բարերար են, եւ երկայնմտութեամբ ջանան ընդ աղբի մարդկան, զի զիտասցեն եւ ծանիցեն զիւրեանց փոքրկութիւնն եւ զնոցա մեծութիւն, եւ վայելեսցեն ի պարգևս աշխարհիս, զոր տուեալ է յիշխանութիւն ի ձեռս թաղաւորի, եւ ի բերանոյ նոցա ելանեն հրաման մահու եւ կենաց : Եւ ձեզ ոչ է իշխանութիւն այդպէս ընդդիմանալ կամաց նոցա եւ ոչ առնուլ յանձն զերկրպագութիւն արեղական, որ ճառագայթիւք իւրովք լու-

սաւորէ զամենայն տիեզերս, եւ ջերմութեամբ իւրով հասուցանէ զկերակուր մարդկան եւ անասնոց . եւ վասն հասարակաբաշխ առատութեանն եւ անաչառ մատակարարութեանն անուանեցաւ Միհր աստուած, զի չիք ի նմա նենդութիւն եւ անխմտութիւն : Վասն որոց եւ մեք երկայնամիտ լինիմք ի վերայ ազիտութեան ձերոյ . քանզի չեմք մարդատեսցք իբրեւ զգաղանս շաղղակերս եւ արիւնարբուս : Խնայեցէք յանձինս ձեր, եւ մի խառնէք զմեզ ականայ յարիւնդ ձեր : Թողէք անդր զառաջին յանցանս ձեր, եւ զառաջիկայ իրս ուղղեցէք, զի եւ այլոցն վասն ձեր լիցի ողորմութիւն ի մեծ թագաւորէն» :

Առ այս ետ պատասխանի Սահակ եպիսկոպոս եւ ասէ. «Իբրեւ ուսեալ եւ յոյժ խրատեալ՝

զգեղեցիկ հոգ յանձին ունիս շինութեան աշխարհի եւ փառաց թագաւորին . բայց զայս կարի տգիտաբար ուսուցանես, զի աստուածս բազումս խոստովանիս եւ զմի կամս ոչ ասես ամենեցուն : Եթէ վե՛քն առ միմեանս մարտեցեալ են՝ մեք խոնարհագոյնք քան զնոսսա զիմրդ կարացուք հաւանել բանից քոց : Միաբանեա զձուր եւ զկրակ, զի ուսցուք ի նոցանէ զխաղաղութիւն . կոչեա զարեգակն ի տուն որպէս կրակ, եւ եթէ նմա ոչ մարթի դալ՝ զի մի աշխարհ ի խաւարի մնասցէ, յլեա զլա առ նա, զի ուսցի ի նմանէ զանկարօտութիւնն :

« Եւ եթէ մի է բնութիւն աստուածոցն քոց, հաւասարեացեն առ միմեանս զուզութեամբ . լիցի անկեղակուր կրակ իբրեւ զարեգակն, եւ մի

խափանեցին ծառայքն արքունի ի ծախս ոռճկաց սորա : Արդ մինդ անյազ ուտէ, եւ հանապազ մեռանի . եւ մինն որ չուտէ, առանց օգոյն նուազի լոյս ճառագայթից իւրոց . ցըրտանայ ձմերայնի, եւ սառուցանէ զամենայն բոյսս դալար խոտոյ . տօթանայ յամարայնի, եւ հրակէզ առնէ զամենայն կենդանիս : Եւ որ ինքն յար ի փոփոխման կայ, ոչ կարէ հաստատուն կեանս ումք չնորհել : Եւ քեզ ոչ կարեմ մեղադիր լինել, որոյ ոչ տեսեալ է զմեծ թագաւորն, պատուաւորացն մատուցանէ զերկըրպագութիւն . իսկ եթէ ոք զայս ի հմուտ գիտնոցն արասցէ, վաղվաղակի մահ ի վերայ հրամայեն :

« Այլ վասն արեգական, եթէ կամիցիս ուսանել, զճշմարիտն ասացից քեզ : Մասն է նա

աշխարհիս արարածոց , ի բազում մասանց մի մասն որոշեալ է . կէսքն ի վերոյ են քան զնա , եւ կէսքն ի ներքոյ նորա : Ոչ է նա առանձին սուրբ յստակ լուսով , այլ ի ձեռն օգոյն հրամանաւն Աստուծոյ տարածանէ զճառագայթս իւր , եւ հրային մասամբ ջեռուցանէ զամենայն գոյացեալս ի ներքոյ իւրոյ կայանին : Իսկ վերինքն ոչ ինչ մասն ունին ի նորա ճառագայթիցն , քանզի իբրեւ յաման ինչ արկեալ է ըզլոյսն ի գունդ նորա , եւ ի վայր կոյս հեղու բերանացեալ՝ առ ի պէտս ներքնոցս վայելչութեան : Եւ զոր օրինակ՝ նաւ մի թռուցեալ ի վերայ ծովային ջուրցն բազմութեան , անգիտութեամբ զնայ զուղեւորութիւնն ի ձեռն հմուտ եւ ճարտար նաւապետին , այսպէս եւ արեգակն ի ձեռն կառավարին

իւրոյ ունի գիտօրիմուննս չըրջանին իւրոյ տարեւոր ժամանակին :

« Եւ որպէս այլ մասունք աշխարհիս հաստատեալ են վասն մեր կենացն , եւ զնա իբրեւ զմի յայլոց մասանց տուեալ է մեզ յառաջնորդութիւն լուսոյ , որպէս զլուսին եւ զաստեղս եւ զօդս յարածուփս եւ զամպըս անձրեւաբերս . նոյնպէս եւ յերկրիս մասանց զծով եւ զգետս եւ զաղբերս եւ զամենայն պիտանացու ջուրս , նոյնպէս եւ զցամաքայինս ամենայն . պիտոյիւք իւրովք : Աստուած՝ եւ զմի ոք ի սոցանէ չէ արժան անուանել , եւ եւեթէ ժպրհիցի ոք ասել՝ զանձն տգիտաբար կորուսանէ , եւ աստուածանունն մեծարելով զնոսս՝ նոքս ոչ ինչ օգտեցան : Միոյ իշխանութեան երկու թաղաւորք ոչ լինին . եւ եթէ մարդ

զայդ քեզ յանձն ոչ առնու ,
քանի եւս հեռի է յԱստուծոյ
բնութենէն՝ այդպիսի կարգ չը-
փոթեալ :

«Արդ եթէ կամիս ուսանել
զճշմարիտն , քաղցրացո զդառ-
նութիւն սրաիդ , եւ բաց զաչս
մտացդ , եւ մի յարթնութեան
կուրութեամբ ընդ խաւար գը-
նայցես . որ անկեալ ես ի խոր-
խորատ . եւ զամենեսեան կա-
միս առ քեզ ձդել : Եւ եթէ
քոյքն զան զկնի մոլար վար-
դապետութեանդ՝ որ ոչ տեսա-
նեն եւ ոչ իմանան , մի եւ ըզ-
մեզ կարծերդոյն օրինակ . քան-
զի բաց են աչք մտաց մերոց
եւ սրատեսիլ եմք : Մարմ-
նոյս աչօք զարարածս տեսա-
նեմք , եւ իմանամք զսա յայլ-
մէ արարեալ . եւ ամենեքեան
են ընդ ապականութեամբ :
Իսկ արարիչն ամենեցուն անե-
րեւոյթ է ի մարմնաւոր աչաց :

այլ մտաց իմանի զօրութիւն
նորա :

«Եւ վասն զի ետես զմեզ ի
մեծի ազխտութեան , եւ ողոր-
մեցաւ մերում անուսումնու-
թեանն , յորում եւ մեք իբրեւ
զձեզդ երբեմն զերեւելիսս կար-
ծէաք արարիչ եւ գործէաք զա-
մենայն անառակութիւնս , վա-
սըն այնորիկ առ սէր իւր եկն
մարմեացաւ ի մարդկանէ , եւ
ուսոյց մեզ զաներեւոյթ աստ-
ուածութիւնն իւր : Այն զի
բարձրացոյց զինքն ի խաչն կա-
խազանի , եւ զի մարդիկ զհեա-
լուսաւորացդ մոլորեցան , մեր-
կեաց յարեգակնէ զլոյս ճառա-
գայթիցն իւրոց , զի եղիցի խա-
ւար սպասաւոր մարդկութեան
նորա , զի որ իբրեւ զձեզ անար-
ժանք իցեն , մի տեսցեն զկեա-
նըս իւրեանց ի մեծի անարգու-
թեան : Որպէս եւ այսօր , որ
ոչ խոստովանի զխաչելեալն

Աստուած՝ նոյն խաւար մածեալ է զոգւումը եւ մարմնով նորա . որպէս եւ դու իսկ այսօր ի նըմին խաւարի կաս , եւ զմեզ դեռ եւս չարչարես : Պատրաստ եմք ըստ օրինակի Տեառն մեարոյ մեռանել . որպէս զիարզ եւ կամիս կատարեա զկամս դառնութեան քո » :

Յայնժամ իբրեւ հայեցաւ ի նոսա անօրէնն Գենչապուհ , եւ ետես ի մեծի ուրախութեան զուարթագին զամենեւեան , զիտաց եթէ ոչ գնան առ նոսա բանք սպառնալեաց եւ ողորանաց : Հրամայեաց զմի ոմն ի կրսերազունիցն յառաջ մատուցանել , երէց մի Արշէն անուն , վասն որոյ յառաջ կասկածն իսկ եզեւ սրբոցն : Կապեցին զոտմն եւ զձեռան , եւ մեծաւ ուժով պրկեցին , մինչեւ ճարճատիւն հատաւ ամենայն ջրացն . եւ այնպէս կայր մեծ ժամս յանհը-

նարին պրկոցն :

Եբաց սուրբն զբերան իւր եւ ասէ . « Ահա շրջեցան զինեւ շունք բազումք , եւ ժողովք չարաց պաշարեցին զիս . ծակեցին զոտս իմ եւ զձեռս իմ , եւ փոխանակ բերանոյ իմոյ աղաղակեցին ամենայն ոսկերք իմ : Լուր ինձ , Տէր , եւ լուր ճայնի իմում , եւ ընկալ զողի իմ ի ժողովս սուրբ զօրականին քո , որ երեւեցաւ նորակերտ դատակերտին քո : Ես որ կրսերս եմ յամենեւեան , ողորմութիւն քո զթացեալ յառաջեցոյց զիս » :

Եւ զայս իբրեւ ասաց , ոչ եւս կարէր բանալ զբերանն յանհարին պրկոցաց գելարանին : Եւ անդէն վազվազակի դահիճքն հրաման առեալ յերկից նախարարացն՝ սրով հատանել ըզպարանոց երանելւոյն , եւ ընկեցին զմարմինն ի խորխորատ մի ցամաք :

Եւ անդէն ի տեղւոջն սկսաւ խօսել Գենչապուհ ընդ եպիսկոպոսին եւ ասէ . « Յորժամ եկի ես յաշխարհն Հայոց՝ զտարի մի եւ վեց ամիս եհաս շրջել ինձ անդ . ոչ յիշեմ ես ամենեւին՝ եթէ քան մի տրտունջ յուժեքէ լուայ վասն քո, նոյնպէս եւ առաւել վասն Յովսեփայ . զի դա իսկ էր իշխան ամենայն քրիստոնէից, եւ հաւատարիմ յամենայն իրս արքունի : Նա եւ որ մարզպան աշխարհին լեալ էր յառաջ քան զիմ երթալն՝ մեծապէս դո՛հ էր զառնէս զայսմանէ . եւ ես ինձէն աչօք իմովք տեսի, զի որպէս հայր հաստատուն համարեալ էր ամենայն աշխարհին, եւ անաչառութեամբ սիրէր զմեծամեծս եւ զփոքունս :
 « Արդ փոխանակ ընդ ձեր՝ ես աղաչեմ զձեզ . խնայեցէք ի պատուական անձինս ձեր :

Եւ մի մատնիք ի մահ չարչարանաց ըստ առաջնոյն կարգի, զոր տեսէք աչօք ձերովք : Քանզի թէ ի դոյն միտս յամուութեան կայք, եւ իմ եղեալ է ի մտի իմում բազում չարչարանօք կարծել զձեզ ի կենաց ձերոց : Ես գիտեմ, զի ի հրապոյր առնդ այդորիկ ելեալ էք դուք . քանզի ինքն աստացեալ է մարմնով . եւ ձեռնարկութեամբ բժշկաց չիք գտեալ առողջութիւն . եւ հիււանդոտ կենօք ձանձրացեալ է, եւ փափաքէ ի մահ քան ի կեանս » :

Առ այս ետ պատասխանի սուրբն Յովսէփ եւ ասէ . « Գովութիւնդ՝ զոր ետուր դու նախ եպիսկոպոսիդ եւ ապա ինձ, յիրաւի արարեր եւ ըստ կարգի պատուեցեր վասն ալեացդ, այդպէս իսկ արժան է : Այլ ճշմարիտ ծառայից Աստուծոյ ոչ

է օրէն դիմադարձ լինել երկրաւոր իշխանաց, եւ ոչ զոք ի ժողովրդոց տրտունջ առնել վասն մարմնաւոր զօջաքաղութեան. այլ ցածոթեամբ եւ հեզութեամբ ուսուցանել զպատուիրանս Աստուծոյ, եւ առանց խարդախ իմաստութեան խաղաղասէր լինել առ ամենեւեան, եւ անաչառ վարդապետութեամբ առ մի Տէրն արարածոց առաջնորդել բոլորեցունց :

« Այլ վասն առնս այսորիկ հրապուրանաց՝ զոր ասացեր, եւ զայդ ոչ ստեցեր, այլ կարի զճշմարիտն ասացեր : Զի ոչ իբրեւ զօտար ոք հրապուրէ զմեզ, եւ ոչ իբրեւ զպատրոզ ոք խաբերայ մոլորեցուցանէ զմեզ, այլ յոյժ սիրէ : Քանզի մի է մայր մեր եկեղեցի՝ որ երկնեացն զմեզ, եւ մի է հայր մեր սուրբ Հոգին՝ որ ծնաւ զմեզ. զիմրդ

համահարք եւ միոյ մօր որդիք երկպառակք լինիցին, եւ ոչ միարանք : Որ քեզ թուին՝ թէ հրապոյրք իցեն, մեր ի տուէ եւ ի գիշերի դոյն խորհուրդ էր՝ զի անքակ ունիցիմք զկենաց միաբանութիւնս : Իսկ եթէ սա ձանձրացեալ իցէ ելանել յախտալից մարմնոյս, առաւել եւս մեք ամենեքեան. զի չիք ոք ամենեւին ի ծնունդս կանանց՝ որ ունիցի զմարմինս առանց ցաւոց չարչարանաց » :

Ետ պատասխանի Գենչապուհ եւ ասէ. « Զայդ ոչ գիտէք, նրչափ երկայնամիտ լինիմ ես ի վերայ ձեր. այս ոչ հրամանաւ արքունի է այսչափ երկայնաբան լինել ընդ ձեզ պայքարաւ, այլ յիմէ քաղցրութենէ թողացուցի ձեզ. զի չեմ իբրեւ զձեզ անազորոյն, զի անձանց ասելի էք եւ այլոց թշնամիք : Իմ զի աղ եւ հաց

կերեալ է յաշխարհին ձերում ,
գութ եւ սէր ունիմ ընդ աշ-
խարհն ձեր » :

Ետ պատասխանի Ղեւոնդ ե-
րեց եւ ասէ . « Որ առ արտա-
քինսն գութ եւ սէր ունի ,
զպատուիրանսն Աստուծոյ կա-
տարէ , այլ պարտի եւ յիւր ո-
գիսն խնայել . զի չեմք ան-
ձանց տեարք , այլ է որ համարս
խնդրէ ի մէնջ եւ վասն ար-
տաքնոց եւ վասն ներքնոց :
Այլ որ ասացեր՝ յինէն անսով
ձեզ եւ ոչ հրամանաւ թագա-
ւորին , եթէ դուք սովոր էք
անցանել ըստ հրամանաւ թա-
գաւորին ձերոյ , զայդ բարիոք
առնէք , զի աւերիչ աշխարհի
է եւ սատակիչ անմեղ մարդ-
կան , բարեկամ սատանայի եւ
թշնամի Աստուծոյ : Այլ մեք ոչ
կարեմք անցանել զհրամանաւ
մերոյ թագաւորին , եւ ոչ զա-
նանց կեանսն մեր կարեմք փո-

խանակել ընդ ապականացու-
պատրանս աշխարհիս :

« Այլ վասն իմ՝ զի ասացեր՝
չգտեալ զառողջութիւն ի բը-
ժըշկաց , սիրէ զմահ քան զկեա-
նըս , այդ բանք ոչ այնոցիկ են
որ տեսանեն զամենայն չարչա-
րանս աշխարհիս : Աղէ ցածո
զքեզ սակաւիկ մի ի զայրագին
սրտմտութենէդ , եւ եկ զհեա
ճշմարիտ բանից իմոց , եւ հայ-
եաց կարգաւ ընդ իրս աշխար-
հիս : Ո՞ տք ի մահկանացուացս
ունի կեանս անսրտունջս . ոչ
անա ամենայն լի են խիտիւք ,
է որ ի ներքոյ եւ է որ արտա-
քոյ . ցուրտ եւ տօթ , քաղց եւ
ծարաւ եւ ամենայն ազքատու-
թիւն կարօտութեան : Արտա-
քոյ՝ անիրաւութիւն , յափշտա-
կութիւն , դէճ պղծութիւն ա-
նառակ յարձակմամբ . ի ներ-
քոյ՝ ամբարշտութիւն , ուրա-
ցութիւն , տգիտութիւն , ան-

դարձ մուղրութիւն ի կամաւոր
ազատութենէն :

« Բայց դու որ դժբիշկս խո-
տեալ անարգեցիր, թէ չիք իմ
ինոցանէ գտեալ զառողջու-
թիւնն, չեն ինչ զարմանք. վա-
սըն զի մարդիկ են նոքա. է
ցաւ որում գտանեն հնարս ա-
ռողջութեան, եւ է որ ապրս-
տամբէ ի հնարից նոցա. վասն
զի ամենեքեան եմք մահկանա-
ցուք, այն որ բժշկէն եւ որ
բժշկին : Այլ երանի թէ եւ
դուք բտա բժշկական արուես-
տին բերէիք զնմանութիւն. զի
ոչ փոքր է ճշմարտութիւն նո-
ցա բժշկութեանն : Քանզի յոր-
ժամ տեսանեն նոքա զոք հի-
ւանդացեալ, ոչ յապաղեն եր-
թալ առ նոսա, այլ փութաց-
եալ հնարին մատուցանել զա-
ռողջութիւն : Մանաւանդ եթէ
յարքունիս մի ոք ի սիրելեաց
թագաւորին ախտանայցէ, եւ

հասեալ ի մեծ հրապարակն՝
տեսանիցէ զբազմութիւն պատ-
ուաւորացն եւ զառողջութիւն
գեղեցիկ երիտասարդացն, եւ
եւս ի ներքս մատուցեալ ի սը-
րահան արքունի, եւ անդ տե-
սանիցէ զամենայն սպասաւո-
րացն զչքնաղ եւ զսքանչելի տե-
սիլն, ոչ ինչ զարմանայ ընդ
հրաշակերտ տեսիլն : Նա եւ ե-
թէ գահոյք ականակապք իցեն
եւ համակ ոսկեղէնք՝ յորոց վե-
րայ հիւանդն անկեալ զնիցի,
չէ ինչ նմա փոյթ զայնմ ամե-
նայնէ. այլ ի բաց հրամայէ
առնուլ զոսկեհուռ վերարկունս,
եւ ձեռն ի ներքս տարեալ՝ զննէ
զամենայն մարմինն, եթէ ջերմ
իցէ բնութիւնն, եւ եթէ սիր-
տըն ի տեղւոջն հանդամրտ կայ-
ցէ, եւ կամ թէ լեարդն կա-
կնուղ իցէ, եւ կամ թէ շարժք
երակացն յարմար իցեն. եւ ըստ
նմին զպարման բժշկութեանն

առնիցէ՛ շնորհելով նմա զա-
ռողջութիւնս :

« Իսկ արդ եթէ մարդկային
բժշկութիւնն այսպիսի գիտէ
քամանել զամենայնիւ , եւ մի-
այն զիւր արուեստն յառաջ
մատուցեալ՝ զգործն կատարէ ,
որչափ եւս առաւել ձեզ ար-
ժան էր , որ զբոլոր աշխարհս
ունիք յիշխանութեան մեծի ,
հոգ յանձին տանել՝ նախ զհո-
գիսդ բժշկել յամենայն ախտա-
լից մոլորութեանց աշխարհիս ,
եւ մարմնովք իսկ կային ամե-
նեքեան ձեզ ի ծառայութեանս :
Արդ՝ այժմ զի դուք ասիտա-
ցարուք , եւ զանմահ հոգիսդ
մահկանացու արարէք յանշէջ
հուր գեհննին , մարմնովդ՝ եթէ
կամիք եւ եթէ ոչ կամիք՝ ախ-
տացեալ էք յախտաւորութիւն
անառողջութեան . եւ զմեզ նա-
խատէք մարմնոյ ցաւովք , որ
ոչ ի կամս մերոյ ազատութեան

է , այլ որպէս դիպեցաւ ի բը-
նութեանս մարմնոյ իւրաքան-
չիւր մարդոյ :

« Եւ Քրիստոս ճշմարիտ Աս-
տուած կենդանարար՝ ի կամս
իւրոյ բարերարութեան եղեւ
բժիշկ հոգեոց եւ մարմնոց . եւ
նախ ինքն ի ցաւս Հարչարանաց
իւրոց բժշկեաց զամենայն ազգս
մարդկան : Եւ եւս խանդաղա-
տազոյն գլխացեալ , վերստին
ծննդեամբն ծնեալ զմեզ յառող-
ջութիւնս՝ անցաւս եւ անվէրս ,
եւ ի ծածուկ հարուածոց զհին
ծակոտուածսն վիշապին ողջա-
ցոյց , եւ արար զմեզ անսպիս
եւ անարատ հոգեով եւ մարմ-
նով , զի իցեմք բանակակից
հրեշտակաց եւ զօրք երկնաւոր
թագաւորին մերոյ : Եւ քո զայս
ոչ գիտացեալ , եւ ոչ վայել-
եալ յերկնաւոր պարգեւնս Աս-
տուծոյ , եւ ոչ եւս այլ կամիս
ուսանել ի մէնջ . այլ եւ զմեզ

եւս վրիպեցուցանել կամիս , որում չիք հնար , եւ մի այլ լիցի , եւ ոչ կարես իսկ առնել :

« Այլ վասն իմոյ աստալից մարմնոյս ասացից քեզ կարճառօտս : Ինդամ եւ ուրախ եմ յորժամ տեսանեմ զմաքմինս իմ չարչարեալ . գիտեմ զի զօրանայ իս առողջութիւն հողւոյս իմոյ : Մանաւանդ զի ունիմ ինձ գրաւական զմեծ վարդապետն հեթանոսաց , որ ի ցաւս մարմնոյ անձին մխիթարէր , եւ ի կոփումն սատանայական մարմնոյ պարծէր , եւ ասէր . « Զի եթէ անկակիցք եզաք նմանութեան մահու նորա , որչափ եւս առաւել լիցուք հազորդք յարութեան նորա » : Այլ դու որ ունիս իշխանութիւն ի վերայ մեր , դատեա զմեզ ըստ չարութեան կամաց քոց : Չեմք ինչ զանգիտելոց յահագիս յահաւոր սպառնալեացդ քոց , եւ ոչ երկիւղած

ի դառն մահուանէն՝ զոր ածելոց ես ի վերայ մեր » :

Յայնժամ մեկուսացոյց սակաւիկ մի գերանելիսն ի միմեանց , եւ միայն ասէ ցտորք եպիսկոպոսն , « Գովութիւն , զոր ետուքեզ յառաջ , ոչ իմացար պատիւ անձին քոյ : Յիշեցուցանեմ քեզ զչարիսն զոր գործեցեր դու , զի անձամբ զանձն քո արասցես մահապարտ : Արդարեւ դու աւերեցեր զատրուչանն յՅշտունիս , եւ կամ զկրակն դու ըսպաներ . նա եւ որպէս լուայ եւ ստուգեցի , թէ եւ զմոզսն դու չարչարեցեր , եւ զսպաս պաշտամանն դու տարար . արդ եթէ արդարեւ դու առեր , պատմեա ինձ » :

Եւ պատասխանի սուրբն եւ ասէ . « Ա՞րդ կամիս ուսանել զայդ յինէն՝ եթէ յառաջագոյն գիտէիր » :

Գենշապուհ ասէ . « Այլ է համ

բաւ, եւ այլ է ճշմարտութիւն»:

Եպիսկոպոսն ասէ. « Որպէս կարծեսդ՝ ասա ինձ »:

Գենչապուհ ասէ. « Իմ լուեալ էր, եթէ զամենայն զնասն յՈրշտունիս դու արարեր »:

Եպիսկոպոսն ասէ. « Եւ զի այդպէս հաւատեալ ի վերայ հասեր, կրկին զի հարցանես »:

Գենչապուհ ասէ. « Զճշմարիտքն ի քէն կամիմ ուսանել »:

Եպիսկոպոսն ասէ. « Ոչ զօգուտ կենաց քոց կամիս ուսանել յինէն, այլ արեան իմոյ ցանկան միտք քո »:

Գենչապուհ ասէ. « Ձեմ գազան արիւնսխանձ, այլ վրէժ խնդիր եմ աստուածոցն անարգութեան »:

Եպիսկոպոսն ասէ. « Զտարերս համերս աստուածս անուանես, եւ զպատկերակիցս քո մարդիկ խողխողել կամիս. տալոց հատուցանելոց. եւ վրէժ թագա-

ւորաւն քով յանկաշառ ատենին Աստուծոյ: Եւ զոր քո չար կամօքդ կամիս լսել յինէն, զայդ ես ասեմ՝ քեզ: Զտունն արգարեւ ես աւերեցի, եւ զմոզան չարչարեցի գանիւ, եւ զկահ պղծութեան որ ի տանն էր՝ ի ծոյն եւ ընկեցի: Այլ զկրակ ով կարէ սպանանել. քանզի ամենիմաստ արարիչն արարածոց հոգ խնամոյ տարեալ յառաջագոյն՝ անմահս հաստատեաց ըզբնութիւն չորից նիւթոցս: Ազէ սպան դու զօդ՝ եթէ կարես, եւ կամ ապականես զհող՝ զի մի բուսուցէ զդալարի, փոշոտեա զգետ՝ զի մեռցի: Եթէ զայդ երեսին կարես առնել, ապա եւ զկրակ կարես սպանանել:

Ապա եթէ ճարտարապետն մեր միաբանեաց զչորից տարերացդ զանքակութիւն, ահա եւ դտանի բնութիւն հրոյ ի քարի-

նրա եւ յերկաթու եւ յամենայն տարերո զննելիս, ընդէր ստու-
թեալ՝ զրպարտես զիս՝ թէ դու
զկրակ սպաներ : Աղէ դու ըս-
պան զՋերմութիւն արեգական,
զի ունի նա մասն հրոյ, եւ կամ
սուր հրաման՝ զի մի թափնացի
հուր յերկաթոյ : Մեռանի այն
որ շնչէն եւ շարժի եւ գնայ եւ
ուտէ եւ ըմպէ . երբ տեսեր
դու զկրակ գնայուն կամ խո-
սուն կամ գիտուն : Արդ զոր
կենդանի քո չէ տեսալ՝ մեռ-
եան խոստովանիս : Քանի ան-
թողի է ամբարշտութիւնդ ձեր
բան զամենայն հեթանոսաց, որ
զխանազոյնք են քան զձեզ . որ
թէ պէտ եւ ի ճշմարիտն Աստու-
ծոյ մոլորեալ են, զանխօս տա-
րերս աստուած ոչ խոստովա-
նին : Արդ եթէ դու անգիտու-
թեամբ կորնչելի ասես զընու-
թիւն հրոյ, ոչ առնուն քեզ
յանձն արարածքս . քանզի խա-

որն է դա յամենեցունց » :
Գենշապուհ ասէ . « Ոչ ինչ
մտանեմ ես ընդ քեզ ի պայքար
քննութեան վասն բնութեան
արարածոցս . այլ խոստովանեա
ինձ, եթէ դու անցուցեր զկը-
րակն՝ եթէ ոչ » :

Պատասխանի ետ երանելին
եւ ասէ . « Որովհետեւ ոչ կա-
մեցար լինել աշակերտ ճշմար-
տութեան, ասացից զկամս հօրն
քո ստամայի : Ես ինձէն մտի
ի կրակատունն ձեր, եւ տեսի
զի կային պաշտօնեայք ամբա-
րշտութեանն սնտոի կարձեացն
ձերոց, եւ կրակարանն ի հրով
առաջի նոցա բորբոքեալ այրէր :
Հարցի ցնտա բանիւ եւ ոչ դա-
նիւ, թէ զինչ համարիք ի միտս
ձեր զկրակ պաշտամանս այսո-
րիկ : Ետուն պատասխանի եւ
ասեն . Մեք ինչ ոչ գիտեմք .
բայց այսչափ ինչ իմանամք,
զի սովորութիւն է նախնեացն

եւ հրամանն բուռն թագաւորին :

« Ասեմ դարձեալ ցնոսա . եւ զքնութիւն կրակիդ զինչ իմանայք . արարիչ կարծէք , թէ արարած : Ասեն միաբան ամենեքեան . Արարիչ մեք զդա ոչ զիտեմք . նա եւ ոչ հանպուցիչ աշխատելոց : Չեռք մեր փապարեալ են ի կայնի , եւ ոգունք մեր տեռեալ են ի փայտակրի . աչք մեր գիջացեալ են արտասուօք ի կծութեւ : Ժխոյ դորա , եւ երեսք մեր մրտեալ են ի խոնաւութեանց թանձրութենէ նորին ծխոյ : Եթէ շատ մատուցանեմք նմա զկերակուրն , յոյժ քաղցնու . եւ եթէ բնաւ չտամք , ամենեւին անցանէ . եւ եթէ մօտ երթամք եւ երկիր պագանեմք , կիզու զմեզ . եւ եթէ ոչ երթամք մօտ ամենեւին , մոխիր լինի : Մեր այդպէս հասեալ է ի վերայ բնութեան դորա :

« Ասեմ դարձեալ ցնոսա . Իսկ լուեալ է ձեր , եթէ ոյր ուսուցեալ է ձեզ զայդպիսի մտլորութիւն : Ետուն պատասխանի եւ ասեն , Ձի ի լսելոյ հարցանես զմեզ , այլ հայեաց ընդ առաջիկայ իրտդ . զի օրէնսդիրքն մեր հողուովք մտաց միայն կուրացեալ են , այլ թագաւորն մեր մարմնով միով ակամբն կոյր է , այլ ոգւոյն բնաւ չիք իսկ աչք :

« Ասան այսորիկ եւ ես իբրեւ լուայ զայս ի մոգուցն , յոյժ ոգորմեցայ . զի տգիտութեամբ զարդարն խօսեցան : Սակաւիկ մի չարչարեցի զնոսա գանիւ , եւ նոցուն իսկ ետու զկրակն ի ջուրն ընկեանուլ , եւ ասացի այսպէս . Աստուածք որ զերկինըս եւ զերկիր ոչ արարին՝ կուրիցեն ի ներքոյ երկնից . եւ ասպա զմօգան ի բաց արձակեցի :
Ձայս ամենայն իբրեւ լուաւ

Գեներալգուէն ի բերանոյ սուրբ
եպիսկոպոսին , անհնարին
զահի հարաւ ի թշնամանաց
թագաւորին եւ յանարգանաց
դենին : Վասն որոյ եւ երկեաւ
խակ մատուցանել զնա ի տան-
ջանս հարուածոց , թէ գուցէ
այլ եւս մեծ անարգանս զթա-
գաւորէն տացէ ասել յատենին ,
եւ ի նա ձգիցին կարծիք թըշ-
նամանացն , զի երկայնմտու-
թեամբ պայքարեցաւ ընդ նոսա :

Եւ քանզի սուսեր ընդ մէջ
ածեալ նստէր յատենի ահ ար-
կանելով սրբոցն , գոչեաց իբ-
րեւ առեւծ զայրագին , եւ հան-
եալ զսուսերն՝ գազանաբար
յարձակեցաւ ի վերայ երանել-
եացն , եւ եհար եպիսկոպոսն
զաջ ուսն , թիկամբն հեա եւ
զձեռն ի վայր ընկէց : Եւ նորա
յահեակ կողմն յերկիր անկեալ ,
եւ դարձեալ անդրէն պատըս-
պարէր , առնոյր զաջ ձեռն ի

վեր . աղաղակեաց մեծաձայն
եւ սոէ . « Ընկալ , Տէր , զկա-
մաւոր պատարագս՝ որ ինձէն
զիս քեզ մատուցի բոլորովին
եւ խառնեա զիս ի գունդս սուրբ
զինուորացն քոց » :

Գարձեալ քաջալերէր զընկե-
րակիցսն իւր եւ ասէր . « Հապա
առաքինիք , եհաս ժամ կա-
տարման մերոյ , խցէք զաչս
մարմնոյ վայր մի , եւ այժմ
տեսանէք զյոյսն մեր Քրիստոս » :
Եւ թաւալելով ընդ արիւն ան-
ձինն իւրոյ ասէր . « Օրհնեցից
զՏէր յամենայն ժամ , հանա-
պազ օրհնութիւն նորա ի բե-
րան իմ : Ի տէր պարձեցի ան-
ձըն իմ , լուիցեն հեղք եւ ու-
րախ եղիցին » : Եւ ասելով
զսազմոս զայս կատարէի մին-
չեւ ցայս տեղի . « Բազում նե-
ղութիւնք են արդարոց . յամե-
նայնէ վրկէ զնոսա Տէր եւ պա-
հէ զամենայն ոսկերս նոցա » :

Եւ մինչդեռ կայր յուժի մարմնոյն սակաւիկ մի, իւրովք աչօք իսկ հայեցեալ՝ տեսանէր յերկնից եկեալ դունդս բազում հրեշտակաց եւ վեց պսակ ի ձեռին հրեշտակապետին: Գարձեալ եւ լսէր եւս բարբառ ի վերուստ, որ ասէր. « Քաջալերեցարուք, սիրելիք իմ. զի ահա մոռացայք զվշտալի կեանսըդ, եւ հասէք երանելի պլասակացդ՝ որ ձերով ճարտարութեամբդ կազմեցէք. ասէք զիք յիւրաքանչիւր գլուխ: Զի նիւթ պատրաստական ի ձէնջ հիւթեցաւ, իսկ ճշմարտութիւն գործոյդ յամենասորբ ձեռացն Քրիստոսի կազմեցաւ. զոր ի սպասաւորաց այտի իսկ ընկալեալ, ընդ Ստեփաննոսի վինիք պսակակից »: Նա եւ զայն եւս քաջապէս տեսանէր, զի դեռ եւս շողայր սուրն ի վերայ պահանջի երանելեացն:

Զոր իբրեւ ետես սուրբն Ղեւոնդ, եթէ ոչ եւս զմի մի կամին հարդանել եւ դատել, այլ միանգամայն հրաման եղեւ մահու, ասէ ցերանելին Յովօէփ. « Մատրր, յառաջեա ընդդէմ սրոյն, զի դու աստիճանաւ ի վեր ես քան զամենեւեան »: Եւ զայս իբրեւ ասաց, կարգեցան կադին մի ըստ միովէ. եւ առ ձեպ տազնապի ստիպելոյ դահճացն՝ միանգամայն հատին ընկեցին զպարանոցս երանելեացն առաջի սորբ եւ պիսկոպոսին. եւ նորա ընդ հանել ոգւոցն աղաղակեաց եւ ասէ. « Տէր Յիսուս, ընկալ զոգիս մեր ամենեցուն, եւ խառնեա զմեզ ի դունդս սիրելեացն քոց »: Եւ միանգամայն կատարեցան ամենեքեան ի նմին տեղով:

Եւ եթէ զմոգպետն եւս՝ որ հաւատաց ի Քրիստոս՝ կամիցիս

ընդ նոսա ի համար արկանել ,
 թուով են եւթն . թող գերկու-
 արն եւս որ ի վարդէան կատա-
 րեցան , եւ միւս եպիսկոպոսն
 ԹԱԹԻԿ անուն յԱտրեստանի :
 Բայց անդէն ի տեղւոջն վեցեքին ,
 որոց անուանքն են այսոքիկ :
 ՍԱՀԱԿ եպիսկոպոս յԽշտու-
 նեաց .

Սուրբն ՅՈՎՍԷՓ ի վայոց
 ձորոյ՝ ի գեղջէ Հողոցմանց .

ՂԵՒՈՆԻ Երէց ի վանանդայ՝
 ի գեղջէ Իջուանից .

ՄՈՒՇԷ Երէց յԱղբակոյ .

ԱՐՇԷՆ Երէց ի Բագրեւանդայ՝
 ի գեղջէ յԵղեգեկայ .

ԲԱԶԱԶ սարկաւազ՝ ուստի
 եպիսկոպոսն էր յԽշտունեաց .
 Խակ երանելի ՄՈՂՊԵՏՏՆ ի Նիւ-
 շապուհ քաղաքէ .

ՍԱՄՈՒԷԼ Երէց յԱյրարատոյ՝
 ի գեղջէ յԱրածոյ .

ԱԲՐԱՀԱՄ սարկաւազ ի Նը-
 մին գեղջէ :

Արդ զվեց զայս սուրբս յա-
 նապատին՝ ուր կատարեցին ,
 Գենշապուհ , մուգպեան եւ Ջնի-
 կանն եւ մայպեան անդէն ի
 տեղւոջն պահապանս ընտրե-
 ցին յիւրաքանչիւր սպասաւո-
 րացն , եւ պահել հրամայեցին
 զմարմինս երանելեացն զաւուրս
 տան կամ եւս աւելի , մինչեւ
 կարաանն արքունի անցեալ
 գնացէ . զի մի այլադեմքն եկ-
 եալ բառնայցեն զոսկերս դո-
 ցա , եւ բաշխեալ սիրոցենն
 ընդ աշխարհս ամենայն , յոր
 եւ մարդիկ եւս առաւել յոր-
 գորեալ մոլորեցին զկնի նաժա-
 րացւոյ ազանդին :

Իսկ Խուժիկն , զոր յառաջա-
 գոյն սասցաք , զինու հան-
 դերձ մնայր անդէն ընդ պա-
 հապանսն սրպէս զմի ի նոցա-
 նէ . այր լի իմաստութեամբ եւ
 կատարեալ աստուածային գի-
 տութեամբ , սպասէր եւ դէտ

ակն ունէր՝ եթէ որով օրինակաւ հնարս գացէ զոսկերս սրբոցն գողանալ ի նոցանէ :

Եւ իբրեւ աւուրք երեք անցին ի վերայ, արհաւիրք մեծ անկանէին ի վերայ ամենեցուն, եւ իբրեւ թմբրեալ եւ կլամամեռք անյարիրք անկեալ գնէին զերիս աւուրսն : Իսկ ի չորրորդում աւուրն՝ երկուք ի պահապանացն չարաչար լլկեցան ի դիւէ : Կարծեալ հասարակ գիշերաւ չափ՝ ձայնք անեղբ հընչէին, եւ թնդիւնք եւ որոտաձայնք ի ներքուստ՝ որպէս զըզըրդունն գետնաչարժի. երկիւրն գողայր ի ներքոյ նոցա, եւ շողիւնք սուսերաց փայլատակունս արձակէին շուրջ գնոքօք : Եւ զամենեսեան զգիսկունսն կանգնեալ տեսանէին, եւ զնոյն բանս ատենին ահագինս բարբառէին ի լսելիս նոցա. մինչեւ խուճապել նոցա

ընդ միմեանս, զեռ եւս դիրեարս սատակէին : Եւ այսպէս տագնապեալք եւ ցնորեալք, մինչեւ այր զընկեր ի փախուստ չգիտէր ընդ որ երթայր : Եւ եկեալ պատմէին մեծաւ զարմացմամբ զամենայն անցս չարանացն զոր կրեցին :

Ի խորհուրդ մտին նախարարքն երեքեան, եւ սկսան զարմանալով ասել ցմիմեանս . « Զինչ գործեսցուք, զինչ արացուք վասն անքնին ազանդոյն քրիստոնէից . քանզի մինչ զեռ կենդանի էին, զարմանալի էր կեանք նոցա . ընչատեացք էին իբրեւ զանկարօտս, սրբասէրք էին իբրեւ զանմարմինս, անաչառք էին իբրեւ զարդարադատս, աներկեղք էին իբրեւ զանմահս : Եթէ զայս ամենայն ասեմք իբրեւ զտգիտաց եւ իբրեւ զյանդգնելոց, իսկ զայն զի առնիցեմք՝ զի

ցաւոտք ամենայն ի կարաւանի աստ նոքօք անողջանան :

Եւ կամ որ մեծս է քան զայդ ամենայն , մեր ուրուք զի կանգնեալ երեւեցաւ ի կենդանեաց , կամ բարբառ բանից ոք լուաւ ի նմանէ :

« Զի սուտ չեն մեր սպասաւորքն . մեր մեղէն իսկ հասեալ է ի վերայ ստուգութեան սոցա : Եւ եթէ կամեցեալ էր սոցա մարմնաւոր ինչ ագահութիւն ի ներքս խառնել , սակաւ մի ազնարկէին քրիստոնէից ի կարաւանիս , զկշիռ իւրաքանչիւր մարմնոց նոցա սակի առնուին : Գարձեալ եւ արքրդ , որ ի գիւէ չարչարեցան , զի յայնժամ ցաւոտք չէին՝ եւ մեք գիտեմք . յայտ է եթէ այսօր նչան մեծ երեւեցաւ : Եթէ լուս լինիմք այսպէս , մեղ եւ անձանց մերոց կասկած իսկ է . եւ եթէ տանիմք զգոսս ա-

ռաջի թագաւորին , լսելով նորա ի դոցանէ զայդ ամենայն մեծամեծ սքանչելիս , գուցէ եւ օրինացս մերոց քակտումն ինչ հասանիցէ » :

Ետ պատասխանի մողպեան եւ ասէ ցնոսա . « Ո՞չ զիս ուտիկան արարին ի վերայ ձեր երկոցունցդ , զի այդպի նեղեալ տաղնապիք յանձինս ձեր . դուք զգործ ձեր կատարեցէք , եւ զհրամանն արքունի ի գլուխ տարայք : Արդ եթէ համբաւդ այդ յայանեցին , եւ հարցաւործ ինչ լինիցին առաջի արքային , այդ խնդիր մեր մոգաց է . դուք անհող լերուք , եւ մի ինչ անէք դմտաւ : Եւ եթէ զարհուրեցայք ինչ յողիս ձեր , վաղաղոյն առաւօտուցն ի դարիթիր եկայք . զի վաղիւանդ Մովսէսեան մովսէս առ յաղէ , եւ նոյն հաճեալ հաւանեցուցէ զմիտս ձեր » :

Իսկ Խուժիկն իբրև լուսազայս ամենայն, եւ գիտաց՝ եւ թէ փոյթ ինչ ոչ է նոցա յայնմ հետէ սուրբ սպասելոցն, փութացաւ վաղվազակի էառ տանն այր, որոց զչափ գիտէր զքրիստոնէութեանն, եւ հասեալ ի տեղին՝ շէն եգիտ զամենեսեանն Եւ քանզի կասկած ունէր տա կաւին ի նոցուն ի դահճացն, զարձեալ փոխեցին անտի ըզսուրբսն յայլ տեղի բացագոցն իբրև երկու հրատախօք: Եւ իբրև յանճօս եղևն, սրբեցին կազմեցին զոսկերս երանելեացն. բերին ի բանակն եւ ունէին ի ծածուկ. եւ առ սակաւ սակաւ յայանեցին նախ զօրականին Հայոց, եւ ապա բազում քրիստոնէիցն որ էին ի կարաւանին: Եւ զառաջի պտուղ ընծային մատուցանէին կապեալ նախարարացն. եւ անդէն վաղվազակի արձակեցան նոքա ի կապանաց

իւրեանց, եւ սպանայիք մահուանն անցին զնոքօք, եւ հրովարտակը թողութեան առաքեցին յաշխարհն Հայոց:

Արդ երանելի այս Խուժիկա, որ արժանի եղև ի ծածուկ ըսպասաւոր լինել սրբոցն, որ ինչ ի մահուանէն եւ այսր ասացաւ զատակնիք վճիռս այսորիկ՝ սա երկրորդեաց մեզ զամենայն կարդաւ. զչարաչար քարչումն եւ զհարց եւ զփորձ դատաւորացն, եւ զիւրաքանչիւր անձանց սրբոցն զպատասխանինն, եւ զկատարումն մահուանոցս, եւ զանազին արհաւիրան որ ի վերայ պահապանացն անկաւ, եւ զհեծեծումն քննութեան՝ նախարարացն երեցունց, եւ զամփոփումն սուրբ ոսկերաց նոցա. ոչ խառն ի խուռն ի մի վայր ժողովելով, այլ զմի մի ի նոցանէ ուրոյն ուրոյն ի վեց տապանս ժողովէր, եւ զանուանս

Իւրաքանչիւր ուսեալ եւ ի վերայ տապանացն նշանակեալ էր : Եւ զկապանն երկաթիս ընդ իւրաքանչիւր ոսկերսն եղեալ էր , քանզի դանձացն ի բաց ընկեցեալ էր . որպէս եւ զհանդերձս զիւրաքանչիւր տապանակի նշանակեալ էր :

Եւ կատարեցան սոքա վեցեքեան սուրբ եւ ցանկալի մանուամբն իւրեանց որ օր քսան եւ հինգ էր հրտից ամսոյ՝ ի մեծ անապատին յԱպար աշխարհի ի սանմանս Նիւշապուհ քաղաքի :



ԽՈՍՏՈՎԱՆՈՂԱՑՆ ՀԱՅՈՅ

ԽՈՐԵՆԱՅ ԵՒ ԱԲՐԱՀԱՄՈՒ

ԻՍԿ աշակերտք երանելեացն ի կապանս կային ի ներքս ի քաղաքին . եկն դանձապեա մի արքունի եւ եհան զնոսա ի քաղաքէ անտի արտաքս :

Եհան ի նմին քաղաքէ ասորեստանեայս քրիստոնեայս արս հինգ , քանզի եւ նոքա ի կապանս էին վասն պնուանն Քրիստոսի , եհարց ցնոսա բանիւք , եւ ոչ հաւանեցան երկիր պաղանել արեգակահո : Չարչարեաց զնոսա զանիւ , եւ նոքա եւս առաւել ի նոյն միտս պնդեցան . կտրեաց զնոցա ունչրս եւ զականջս , եւ ետ փանել յԱտրեստան , զի կայցեն

ի մշակութեան արքունի : Երթալին մեծաւ յօժարութեամբ , իբրեւ այն՝ թէ մեծ պարզեւ գտեալ ի թագաւորէն :

Արդ եկն դարձեալ նոյն դահճապետն առ աշակերտս սուրբ սպանելոցն , ընտրեաց երկուս ի նոցանէ որ համեստագոյնք էին , առեալ մեկուսի յայլոցն եւ ասէ ցնոսա , « Զինչ անուանք են ձեր » :

Յա պատասխանի մինն եւ ասէ . « Առ ի ծնողաց ինձ Խորէն , եւ դմա Արրահամ . իսկ ըստ շնորհատուր կարգիս՝ ծառայք Քրիստոսի եմք , եւ աշակերտք երանելեացն զոր սպանէք » :

Յտ պատասխանի դահճապետն եւ ասէ ցնոսա . « Իսկ արդ զինչ գործ է ձեր , եւ կամ բնաւ ոչր իսկ ամեալ է դձեղ այսր » :

Առ այս ետ պատասխանի Ար-

րահամ եւ ասէ ցնոսա . « Զայդ ձեզ ի վարդապետաց մերոց արժան էր ուսանել . դի ոչ դուզնաքեայք որ էին նոքա , այլ ունէին ստացուածս հայրենիս ըստ արժան բաւականին , ըստ նմին եւ սպասաւորս , էր որ իբրեւ զմեզ , եւ էր որ լաւագոյն քան զմեզ . որոց սնուցեալ եւ ուսուցեալն էր , ընդ նոսա եմք եկեալ : Քանզի եւ պատուէր իսկ ունիմք յատուածատուր օրինացն մերոց՝ սիրել զնոսա իբրեւ զսուրբ ծնողքս , եւ սպաս աանել նոցա իբրեւ հոգեւոր տերանց » :

Յասեաւ դահճապետն եւ ասէ : « Երբեւ զանխրատ եւ դաներկիւղ ստամբակս խօսիս : Մինչդեռ ի խաղաղութեան եւ յաշխարհի էիք , բարեւոք էր . յորժամ դրուան եղեն նոքա յիրս արքունի եւ մահապարտ գտան ըստ գործոց իւրեանց ,

ձեզ չէր արժան ամենեւին մօտ
երթալ առ նոսա : Ո՛չ տեսա-
նէք ի մեծ կարաւանիս , յոր-
ժամ ոք ի պատուաւորացն ի
գիպահօջն արքունի լինիցի ,
սգոյ հանդերձ ագանի, եւ զատ-
եալ եւ որոշեալ ի բացէ նստի
միայնիկ , եւ ամենեւին հուպ
ոչ ոք իշխէ երթալ առ նոսա :
Եւ դու այդպէս իբրեւ զան-
ջանցի աշակերտ պարծելով խօ-
սիս » :

Առ այս ետ պատասխանի
Խորէն եւ ասէ . « Ոչ ձեր կար-
գըդ անիրաւ է եւ ոչ մերս
ստուծեամբ . նախարարն յան-
ցաւոր՝ ուստի զպարգեւն գրու-
եալ էր , այնպէս պարտ էր նմա
հպատակ լինել , զի ի պատուոյն
վերայ եւ այլ եւս պարգեւս
մեծամեծս գտանէր ի նմանէ :
Սրդ փոխանակ զի զայն չարար ,
ձայտողակի յետս ընդդէմքն
պատահեաց նմա : Եւ մեր վար-

դապեաքն եթէ առ Աստուած
յանցուցեալ էին , եւ կամ առ
Թագաւորն մեղուցեալ ինչ էին,
նոյն օրինակ եւ մեք առ նոսա
առնէաք . ոչ յաշխարհի մօտ
երթայաք , եւ ոչ ի տար աշ-
խարհ այսր զհետ նոցա գնա-
յաք : Բայց քանզի առ երկոսին
կողմանսն արդարուծեամբ կեց-
եալ են , եւ դուք զուր տարա-
պարտուց սպանէք զնոսա , մեք
արդ եւս առաւել սպասաւո-
րեմք սուրբ ոսկերաց նոցա » :

Ասէ ցնա դահճապետն . « Ես
յառաջագոյն իսկ ասացի՛ եթէ
կարի ստամբակ ոմն ես դու .
անա յայտ եղև աւաղիկ , ե-
թէ յամենայն զլաօ նոցա խա-
որն էք դուք » :

Աբրահամ ասէ . « Յ՛ր զլաօ » :

Դահճապետն ասէ . « Առա-
ջին ի մահ մոգուցն , ապա եւ
յայլսն ամենայն » :

Աբրահամ ասէ . « Այդ ոչ

միայն ի մէնջ է, այլ ըստ կարգի եւ ձերոց օրինացդ. թաղաւորք ձեզ տան հրաման, եւ դուք ի ձեռն ձերոց սպասաւորացդ գործէք»:

Դահճապետն ասէ. « Ի Միհրաստուած երդուեալ է իմ, խըստագոյն եւս խօսիս քան զվարդապետսն քո. յայտ է եթէ մնասակարագոյնք եւս էք դուք: Սրդ ոչ է հնար ձեզ ապրել ի մահուանէ, բայց եթէ երկիր պագանէք արեգական, եւ կատարիցէք զկամս օրինաց մերոց»:

Խորէն ասէ. « Յայժմ իբրեւ զմարդ չարախօսէիր, եւ արդ իբրեւ զչուն անպիտան ընդ վայր հաչես: Եթէ գոյր արեգական ականջք, դու տայիր նմա թչնամանս գնել. արդ նա բնութեամբ անզգայ է, եւ դու չարութեամբ անզգայագոյն քան զնա: Յիմ տեսեր զմեզ պակասագոյն քան զհարսն մեր. մի

բանիւք զփորձ առնուլ կամիս զմեր, այլ հանդէս արա քու՛մ չարութեանդ եւ մերում բարութեանս, եւ ամաչեցեալ գտանի հայրն քո սատանայ, ոչ միայն ի մէնջ՝ որ կատարելագոյնքս եմք, այլ եւ որ կարի փոքրիկն թուի քեզ՝ նա զիցէ վէրս սաստիկս յողիս եւ մարմինս քո»:

Չայս իբրեւ լուաւ դահճապետն, սրամտեալ բարկացաւ ի վերայ նոցա: Ետ քարչել չարագոյն քան զառաջինսն. եւ այնչափ սաստիկ քարչեցին, մինչեւ բազմաց կարծիք եղեն՝ թէ մեռան:

Իսկ իբրեւ ժամք երեք ի վերայ անցին, դարձեալ խօսել սկսան երկոքեանն եւ ասեն. « Փոքր համարիմք զանարգանս զայս եւ առ ոչինչ զցաւս մարմնոյս առ մեծ սէրն Աստուծոյ, որով կատարեցան հարքն մեր

հողեւորք : Հասպա մի գլար եւ
մի դադարեր , այլ զոր ինչ առ
նոսայն արարեր' զնոյն եւ առ
մեզ կատարեա : Եթէ չարագոյն
թուին քեզ գործքն նոցա , կըր-
կին եւ զմերս համարեսջիր .
զի նոքա բանիւք հրամայէին ,
եւ մեք գործովք զարդիւնսն
կատարէաք » : Յայնժամ եւս
առաւել զայրագնեցաւ ի վե-
րայ նոցա , եւ հրամայեաց ըզ-
մահու զան հարկանել : Եւ առ
մի մի ի նոցանէ փոխեցաւ վեց
վեց այր ի դահճացն : Եւ մինչ
դեռ կիսամեռք յերկիր անկեալ
դնէին , հրամայեաց զերկոցունց
ականջս մօտ կտրել : Եւ այն-
պէս բրեցին' որպէս թէ չիցէ
լեալ ի տեղւոջն :

Զարթեան որպէս ի քնոյ ի
սաստիկ հարուածոցն , սկսան
աղաչելով պաղատանս մատու-
ցանել , եւ ասեն . « Աղաչեմք
զքեզ , քաջ զինուոր թաղաւո-

րին , կամ կատարեա զմեզ իր-
բեւ զհարսն մեր մահուամբ , եւ
կամ արա զպատուհասդ ըստ օ-
րինակի վերջնոցս : Զի ահա լը-
սելիք մեր առողջացան զանախ-
տաւ որու թիւն երկնաւոր , իսկ
հոտոտելիքս դեռ եւս աստէն
ի տեղւոջ կան յանցս չարչա-
րանաց . մի կիսապարզ եւ առ-
նեք զմեզ յերկնից բարութենէն :
Սրբեցեր զմարմինս մեր քարչե-
լով , եւ զլսելիս մեր կտրելով .
սրբեա եւ զննդունս մեր հա-
տանելով . քանզի որչափ տը-
զեղս առնես զմեզ երկրաւորս ,
զեղեցկադոյնս առնես զմեզ
երկնաւորաւն » :

Ետ պատասխանի հեղու-
թեամբ դահճապետն եւ ասէ .
« Եթէ եւ այլ յամեմ ես առ
ձեզ մօտ կալով , կարծեմ' ե-
թէ եւ աշակերտէք զիս ի ձեր
յամառութիւնդ : Զի ահա արդ
եւ զխորհուրդս արքունի ի վեր

հանեմ ձեզ : Տայդ վայր եղեւ հրաման պատուհասիդ ձերոյ , եւ ի վերայ դորին պատուհասի՝ երթալ ձեզ յԱտորեստան , եւ լինել ձեզ մշակ յարքունիս . զի որ ընդ ձեզ հայեսցի , մի ի դմին յամառութեան սնդեցի ընդդէմ հրամանաց թագաւորին » :

Ասէն ցնա երանելիքն . « Դու գմեր երկիրս կիսագործ թողեր . մեք յարքունի երկիրն կէս մարմնովք մերովք ոչ վաստակեմք » :

Իբրեւ զայս լուաւ դահճապեան , աղաչեաց զգլխուորսն որ տանէին գնոսս , եւ ասէ . « Միայն աստի դուք ասէք զընացէք , եւ հասեալ յԱտորեստան՝ ուր կամ իւրեանց է եւ շրջեսցին » :

Այս են Հայոց խոստովանողք , որ զխեղութիւնն եւ զչարչարանան խնդութեամբ ընկալան յանձինս իւրեանց : Եւ վասն զի

վրիպեցին ի սուրբ մահուանէն , սգով եւ տրտմութեամբ երթային զերկայնութիւն ճանապարհին : Ոչ ծանր թուէին նոցա կապանք ոտիցն եւ ձեռացն , իբրեւ զայն՝ թէ ընդէր ոչ եղաք արժանի հաւասարել ընդ քաջ նահատակսն :

Եւ իբրեւ տարան հասուցին զնոսս յերկիրն Քաբիլացոց , ի գաւառ մի զոր Շահուղն անուանեն , թէպէտ եւ էին յարքունի պատուհասին , սակայն եւ յայտ եւ զաղտ մեծապէս ընկալեալ եղեն ի բնակչաց աշխարհին : Սակայն երանելիքն եւ յայնմ յոյժ տրտմազին էին , իբր այն՝ եթէ սակաւ վաստակեցաք եւ մեծապէս հանգչիմք , եւ հանապազ ի նմին զեղջի կային :

Եւ անդէն թեւակոխէին տեսանել զսուրբ կապանսն նախարարացն , լինել սպասաւոր

մարմնաւոր պիտոյից նոցա : Իմացուցին զայս մեծամեծաց աշխարհին, որք էին ի նմին սուրբ ուխտի քրիստոնէութեանն : Եւ հաւանեալ ամենեցուն մեծամեծաց եւ փոքունց՝ ազգ առնել ամենայն երկրին, զի հաճոյ թուեսցի ամենեցուն՝ ի ձեռն մարմնաւոր պիտոյիցն կցորդ լինել սուրբ կապելոցն ի հեռաւոր օտարութեանն :

Եւ այսպէս ամ յամէ ժողովէին՝ ըստ իւրաքանչիւր կարի մարդկանն, ոմն սակաւ եւ ոմն շատ, ոյր զինչ եւ ի ձեռս պատրաստութիւն լինէր, եթէ դրամոց եւ եթէ դահեկանաց, ժողովէին կաղմէին տային յերանելիսն՝ տանել նոցա : Եւ այսպէս յարբանեկութեան կային, մինչեւ տասն ամն լցաւ սպասաւորութեանն :

Եւ վասն զի յոյժ խտադոյնս պահէին ի ջերմոջ աշխարհին, եւ

անդադար էին ի ճանապարհորդութեանն ընդ նոյն Շահուզ, ընդ Մեշոյն եւ ընդ Քաշկար եւ ընդ ամենայն Ասորեստան եւ Խուժաստան, սաստիկ տապով հարեալ ի խորշակէ մեռանէր սուրբն Խորէն, եւ աւանդեալ լինէր ի ընակչաց աշխարհին ընդ սուրբ վկայսն :

Իսկ երանելին Արքահամ կայր ի նմին առաքինութեան անդադար. եւ զամենայն տուրս հաւատացելոյն չրջէր ժողովէր եւ տանէր ի մեծ հեռաստանն, եւ ինքն մատակարարէր ըստ իւրաքանչիւր կարօտութեան : Եւ այնպէս յերկարեցաւ մինչեւ յերկոտասաներորդ ամն պատժաւորացն, մինչեւ աղաչել զնա միաբան ամենեցուն, զի հաւանեսցի երթալ յաշխարհն Հայոց. զի ընդ մտանել նորա առ նոսա՝ ի նմա արեցեն եւ դքաջ նահատակսն որք կատարեցան

սրով, ի նմա տեսցեն եւ զսուրբ
կապանս չարչարանացն :

Եւ յորժամ մարտիրոսք եւ
խոստովանողք եւ կապեալք նո-
վաւ տեսանին, նովաւ օրհնի
աշխարհն ամենայն, նովաւ օրհ-
նին եւ տղայք նոցա յաճումն,
նովաւ զպատանան երիտա-
սարդք նոցա ի սրբութիւն, նո-
վաւ համեստանան ձեռք նոցա
յիմաստութիւն : Նովաւ ուսա-
նին իշխանք նոցա զմարդասի-
րութիւն, նովաւ անկանի դուժ
յԱստուծոյ ի սիրտս թագաւո-
րին՝ շինել եւ խաղաղութիւն
առնել բոլոր աշխարհին : Նո-
վաւ եկեղեցիքն պարծին իբրեւ
քաջ եւ կատարեալ զինուոր,
նովաւ վկայարանքն զարդա-
րին, նովաւ եւ վկայքն ցնձաց-
եալ բերկրին : Նովաւ եւ դաշ-
տըն Աւարայրի պայծառացեալ
ժազկալից լինի, ոչ յանձրեա-
բեր ամպոց, այլ ի սուրբ եւ

յարինարուիս վկայից ցանեալ
եւ ցրուեալք սպիտակութիւնք
սուրբ ոսկերացն : Յորժամ կո-
խեսցեն ամենալաստակ ոտք
խոստովանողին զլայնատարած
տեղիս պատերազմին, յորժամ
կենդանի մարտիրոս ընդ նա
չըջեցի, կենդանի առ կենդա-
նիս երթեալ՝ ամենայն աշխար-
հին կրկին լինի կենդանութիւ-
նըն :

« Գիտեմք, ասեն, յորժամ
տեսցեն զսա ամենայն միայ-
նակեացք աշխարհին Հայոց,
սովաւ յիշեսցեն զհոգեւորդուն-
դըս պատերազմողացն, որ վո-
խանակ մեր, ասեն, ետուն
զանձինս ի մահ, եւ հեղին զա-
րիւնս իւրեանց ի հաշտութիւն
պատարադ Աստուծոյ : Սովաւ
յիշին սուրբ քանանայքն, որք
խողխողեցան յօտարութեանս
եւ ցածուցին զսրտմտութիւն
բարկութեան թագաւորին : Սո-

վաւ թերեւս զի զմեր կապանս յիշեացեն, եւ ազօթս առնելով խնդրեացեն յԱստուծոյ, զի զերէշարձ լիցի մեզ անդրէն ի հայրենի երկիրն մեր :

« Քանզի յոյժ անձկացեալ եմք՝ ոչ միայն ըստ մարմնոյ կարօտութեան, այլ առաւել տեսանել զսուրբ եկեղեցիսն մեր եւ զսրբասէր պաշտօնեայսն մեր, զոր ի նմա կարգեալ հաստատեցաք : Եւ եթէ միւսովս յաջողեսցէ մեզ Աստուած երթալ եւ ընդ զկարօտութիւն միւնացելոցն, գիտեմք զի եւ մեզ բանայ Աստուած զդուռն ու զորմութեան իւրոյ՝ ընդ նոյն ճանապարհ երթալ, ընդ որ ոտք սրբոյս կարապետն » :

Զայս խորհուրդ խորհելով աստուածաշնորհ նախարարացն, մեծաւ թախանձանօք ածէին զխոստովանողն ի հաւանութիւն : Եւ վասն զի ոչ էր սո-

վորութիւն երբէք բարեոյն ընդդէմ գառնալ, ըստ առաջին սովորութեան եւ յայսմ վայրի փութացաւ վազվազակի կատարել զհրամանն զմիաբան հաւանեցելոցն յաստուածային առաքինութիւնն : Եկն եմուտ յաշխարհն Հայոց :

Փութացան եւ ելին ընդ առաջ նորա վազվազակի արք եւ կանայք, մեծամեծք եւ փոքունք, եւ ամենայն բազմութիւն ազատաց եւ շինականաց : Անկանէին եւ փարէին զոտիւք եւ զձեռօք առաջի սրբոյն եւ ասէին, « Օրհնեալ Տէր Աստուած ի բարձունս, որ առաքեաց մեզ հրեշտակ յերկնից՝ բերել մեզ աւետիս յարութեան, զի լինիցիմք ժառանգք արքայութեան : Զի ահա ի քեզ կերպարանեալ տեսանեմք զամենեւեան զհրաժարեալսն յուսով յարութեամբ, եւ զկապեալսն

ակնկալութեամբ արձակելոյ :
 Ի քեզ տեսանեմք եւ զաշխարհիս շինութիւն խաղաղութեամբ . քեւ եկեղեցիքն մեր ցնծացեալ բերկրին , եւ քեւ սուրբ վկայքն մեր անդադար լիցին մեզ ի բարեխօսութիւն առ Աստուած : Օրհնեան զմեզ , սուրբ հայր մեր . դու ես բերան հանդուցելոցն , խօսեաց ընդ մեզ յայսնի օրհնութեամբ , զի հոգիս մեր լուիցուք ի ծածուկ զօրհնութիւնս սրբոցն :

« Հորդեցեր ճանապարհ այնոցիկ՝ որ անձկացեալ էին գալ յերկիր իւրեանց . խնդրեալ Աստուծոյ՝ զի ստէպ եկեացեն ըզհետ սուրբ կարապետիդ : Եւ որպէս հորդեցեր զարդելեալ ճանապարհ երկրի , բաց եւ յերկինս զդուռն աղօթից մերոց , զի եւ մեր մեղաւորաց մտցեն պաղատանք առաջի Աստուծոյ ի բարեխօսութիւն նոցին կա-

պելոց . եւ մինչ դեռ եմք յեւլանելի մարմնս , որպէս տեսաք զքո՞ երանելի սրբութիւնըդ , տեսցուք եւ զսիրելի անձկալիսն մեր , որ ի բազում ժամանակաց հարեալ եւ պաշարեալ եմք յողիս եւ մարմնըս մեր : Արդ հաւատամք յանսուտ յոյսն , զի որպէս լցեալ կատարեցաւ ի քեզ տեսիլս ի սուրբ սէր քո , այսպէս եւ ընդ մօտոյ ունիմք տեսանել զճշմարիտ վկայսն Քրիստոսի , որ հասապաղ խանդակաթ եմք ի տեսիլս երկնաւոր զեղոյ նոցա » :

Բայց երանելի խոստովանողն , թէպէտ եւ այսպէս սիրով ընկալեալ եղեւ յամենայն աշխարհէն , ոչ ինչ կամեցաւ ամենեւին մերձեանալ առ ոք ըստ մարմնոյ կարօտութեան . այլ ընտրեաց իւր տեղի մը գառ յամենայն բազմամարտի ժողովրդոց , եւ առաքինի եղբարք երիւք

կառարեաց զկեանս իւր մեծա-
ճգնութեամբ :

Զոր եթէ կամօրցի ոք ի կարգ
արկանել , գժուարաւ կարաս-
ցէ ասել զվարս առաքինութեան
նորա : Զի եթէ զաքնութիւնն
ասիցես , իբրեւ զկանթեղ ան-
շէջ կայր զամենայն գիշերս .
եւ եթէ զսակաւապիտութիւնս
կերակրոցն , համարեաց' եթէ
զանկերակուր հրեշտակացն բե-
րէր զնմանութիւն : Եթէ զհե-
ղութիւն ցածութեանն կամօրցիս
ասել , ոչ գոք ի կենդանեաց
կարիցես գտանել նման նմա .
եւ եթէ զանբնչասիրութիւնն
կամօրցիս ասել , զարձեալ զոր
օրինակ չպատրի մեռեալ ի կա-
րասի , զնոյն օրինակ ճշմար-
տութեամբ եւ առ երանելին
իմասջիր :

Անյագական ձայնիւ հանապա-
զորդեալ էր ի պաշտաման , եւ
անհատ աղօթիւք միշտ ընդ Աս-

տուծոյ ի բարձունս խօսէր : Աղ
եղեւ նա անհամելոց , եւ խը-
թան ընդոստոցիչ ամենայն
հեղգացելոց : Գարովեցաւ նո-
վաւ ազանութիւն , եւ կարի
յոյժ ամաչեաց նովաւ շուայ-
տութիւն որկորամոլութեան :
Առողջութիւն եղեւ նա աշ-
խարհիս Հայոց , եւ բազում վի-
րաւորք ի ծածուկ նովաւ գը-
տին զառողջութիւն : Եղեւ
նա վարդապետ կատարեալ վար-
դապետաց իւրոց , եւ սուրբ
հայր խրատտու հարանց իւրոց :
Ի լուր համբաւոյ նորա իմաստ-
նացան տգէտք , եւ ի տեսիլ
մերձաւորութեան նորա զգաս-
տացան լկախք : Բնակեալ էր
ըստ մարմնոյ ի նեղ խցկանն ,
եւ ան սրբութեան նորա արկեալ
էր զհեռաւորօք եւ զմերձաւո-
րօք : Զարհուրեցան դեւք եւ
փախեան ի նմանէ , իջին հրեշտա-
կք եւ բանակեալ էին զնովաւ :

Յոյնք երանի ետուն վասն նորա աշխարհին Հայոց, եւ բազում բարբարոսք փութացան տեսանել զնա մարմնով: Սիրելի եղեւ նա սիրելեացն Աստուծոյ, եւ զբազումս ի թըշնամեաց ճշմարտութեանն ամ ի հաւանութիւն սուրբ սիրոյ: Սկիզբն արար առաքինութեանն անդափն ի ազայ տիոց իւրոց, եւ նովին առաքինութեամբ կատարեցաւ ի վախճան կենաց իւրոց: Որպէս ոչ խառնեցաւ ի կարգս սուրբ ամուսնութեան աշխարհիս, այսպէս չեմուտ ընդ մարմնաւոր պիտոյ յիւր ամենայն ապականացու իւրաց աշխարհիս: Եւ եթէ պարտ է պարզաբար ասել, որպէս փոխանակեաց զպէտս մարմնոյ ընդ պիտանացու հոգեւոր իւրաց, այսպէս փոխադրեալ եղեւ յերկրէ ի յերկինս:

ԱՆՈՒԱՆՔ ՆԱԽԱՐԱՐԱՅՆ

Որք կաւօք յօժարոշքեամբ վասն սիրոյն Քրիստոսի ետուն զսեւեակն ի կապանս արքունի.

Յազգէն Սիւնեաց երկու եղբարք ԲԱՅԳԻՆ ԵՒ ԲԱԿՈՒՐ.

Յազգէն Արծրունեաց ՆԵՐՇԱՊՈՒՀ ԵՒ ՇԱԽԱՍՊ ԵՒ ՇՆԳԻՆ ԵՒ ՄԵՀՐՈՒԺԱՆ ԵՒ ՊԱՐԳԵՒ ԵՒ ՏԱՃԱՏ.

Յազգէն Մամիկոնէից ՀԱՄԱԶԱՍՊԵԱՆ ԵՒ ՀԱՄԱԶԱՍՊ ԵՒ ԱՐՏԱԽԱԶԴ ԵՒ ՄՈՒՇԵՂ.

Յազգէն Կամսարականաց ԱՐՇԱԻՐ ԵՒ ԹԱԹ, ՎԱՐՁ, ՆԵՐՍԵՀ ԵՒ ԱՇՈՏ.

Յազգէն Ամատունեաց ՎԱՀԱՆ ԵՒ ԱՌԱՆԶՈՐ ԵՒ ԱՌՆԱԿ. Յազգէն Գնունեաց ԱՏՈՄ.

Յազգէն Դիմաքսենից ԹԱ-
ԹՈՒԼ եւ ՍԱՏՈՅ, երկու եւս
այլովք ընկերօք .

Յազգէն Անձեւացեաց ՇՄԱ-
ԻՈՆ եւ ԶՈՒԱՐԷՆ եւ ԱՌԱԻԱՆ .

Յազգէն Առաւելզենից ՓԱՊԱԿ
եւ ՎԱՐԱԶԴԷՆ եւ ԴԱՏ .

ԵԱՐԺՐՈՆԵԱԿ տոհմէն ԱՊԸՐ-
ՍԱՄ .

Ի տոհմէն Մանգակունեաց
ՍԱՀԱԿ եւ ՓԱՐՍՄԱՆ .

Յազգէն Տաշուացեաց ՎՐԷՆ .

ԵՌԱՓՈՏՆԵԱՆ տանէն ԲԱՐԻԿ
եւ ՅՈՀԱՆ .

Այս երեսուն եւ հինգ արք ,
են որ յաւադ նախարարացն ,
եւ են որ ի կրսերազունիցն ,
տակայն ամենեքեան ըստ մարմ-
նոյ են նախարարազունք , իսկ
ըստ հոգեւոր առաքինութեանն
ամենեքեան երկնային քաղա-
քացիք : Եւ բազում եւս այլ
ազատ մարդիկ . են որ յարքու-
նի տանէ , եւ են որ ի տանէ

նախարարացն իսկ նոցուն , նի-
զակակիցք եւ մարտակիցք քաջ
նահատակացն : Եւ ամենեքին
սոքա կամօք մատնեցան ի սուրբ
կապանս չարչարանացն :

Այլ մեք առ այժմ ոչ ընդ
այս եմք զարմացեալ միայն՝ զի
կամօք չոգան մտին ի փորձու-
թիւնն , այլ առաւել ընդ այն
եմք սքանչացեալ , զի մարդիկ
փափուկ իբրեւ զնոսա՝ ընդար-
ձակասուն բնակիչք ձիւնեղէն
լերանց՝ եղեն բնակիչք խորշա-
կաբեր դաշտաց : Որ դօրէն ա-
զատ էրեոյ շրջէին ի մէջ ծաղ-
կաբեր լերանց , ընկեցան ի բո-
ցակէզ աշխարհն արեւելից
կապեալ ոտիւք եւ կապեալ
ձեռօք : Հաց նեղութեան եւ
ջուր կարօտանաց , խաւարար-
գել ի տուէ եւ անլոյս ի գիշե-
րի , անվերարկուք եւ անանկո-
ղինք , զազանարար գետնա-
խրշտիք լինէին զինն ամ եւ

զվեց ամիս : Եւ այնպէս մեծաւ խնդութեամբ տանէին զնեղութիւնն , զի ամենեւին ոչ ոք արտունջ հայհոյութեան ի բերանոյ նոցա չուաւ , այլ յորդառատ գոհացողութիւն ըստ նմանութեան բարեկեցիկ մարդկան , որ են յաստուածպատուութեան :

Եւ մինչ դեռ էին յայնպիսի նեղութեան , կարծիք եղեն ի միտս թագաւորին՝ թէ առ յոյժ վշտին ճանձրացեալ են զանունութեան կենօքն իւրեանց : Յղեաց առ նոսա զմեծ հազարապետն եւ ասէ . « Գոնեայ յայսմ հետէ զգաստացայք յանձինս ձեր , եւ մի կայք ի նոցն յամառութեան . երկիր պագէք արեզական , եւ արձակիք ի չարաչար կապանացդ , եւ ունիք անդրէն զիւրաքանչիւր հայրենի կեանս ձեր » :

Ետուն պատասխանի երանե-

լիքն եւ ասեն . « Առ փոքր ինչ եկեալ հարցանես ցմեզ , եթէ արդարեւ թագաւորն իսկ յղեաց զքեզ » : Երդուաւ հազարապետն եւ ասէ . « Չիք այդր բան աւելի կամ պակաս՝ որ ոչ ի բերանոյ նորա ելեալ է » : Ասեն ցնա անդրէն . « Արք միանգամ աշակերտեալ են ճըմարտութեանն , ոչ երբէք փոխին ի նմանէ . այլ որ ենն՝ նոցն կան : Միթէ յայնժամ առ չիմանալ ինչ պնդեցաք , եւ այսօր նեղութիւնս իմաստնացոյց ինչ զմեզ . ոչ այնպէս . Այլ զղջումն մտաց մերոց այս է , եթէ ընդէր ընդ առաջինսն չըկատարեցաք զկեանս մեր : Բայց արդ ազաչեմք զքեզ եւ քեւ զթագաւորն ձեր , մի այլ վասն այդպիսի իրաց հարցանէք ցմեզ . այլ զինչ եղեալ է ի մտի ձերում վասն մեր՝ կատարեցէք » :

Իբրեւ լուաւ զայս մեծ հա-
զարապեան , յոյժ գովեաց ի
միտս իւր զպնդութիւն հաստա-
տութեան նոցա . եւ յայնմ հե-
տէ սկսաւ արկանել սէր ընդ
նոսա՝ իբրեւ ընդ սիրելիս Աս-
տուծոյ : Եւ բազում բանիւք
ողորջանօք ամէր զթագաւորն
ի հաւանութիւն , զի թողու-
թիւն արասցէ նոցա ի կապա-
նացն իւրեանց : Զի թէպէտ եւ
փոխեցաւ նա ի գործոյ հազա-
րապետութեանն արքունի , եւ
ի բազում իրս դտաւ շնասա-
կար , ինքն իսկ յանձն իւր կր-
թէր զաւեր աշխարհին Հայոց .
վասն որոյ եւ մեծաւ անար-
զանօք յուղարկեցաւ ի տունն
իւր , սակայն զկապելոյցն ոչ
երբէք չարախօս կամէր լինել
մինչեւ ցօր վախճանի կենաց
իւրոց :

Իսկ յերանելեացն բազումք
ի նոցանէ որ մանկագոյնքն է-

ին՝ ուսան զգպրութիւն հայ-
րենի աշխարհին իւրեանց , եւ
եղեւ նոցա այն կերակուր հո-
գեւոր , որով զանձինս քայա-
լերէին եւ զընկերսն մխիթա-
րէին : Եւ այնպէս զմայլեցան ի
միտս եւ յոգիս իւրեանց , զի
եւ որ ծերագոյնքն էին ի նո-
ցանէ՝ փափկացան մատաղա-
ցան մանկացան , Զի թէպէտ
եւ զպրութեան ժամանակքն
անցեալ էին , սակայն բազում
սաղմոսս ի բերան առեալ՝ հողե-
ւոր երգակից լինէին մատաղե-
րամ բազմութեան մանկաւոյն » :

Եւ այնպէս բարձրացուցա-
նէին զպաշտօնն սրբութեան ,
մինչեւ ոմանք ի դառն գահ-
ճացն՝ մեծապէս քաղցրութիւն
անկանէր ընդ լսելիս նոցա ,
եւ որչափ ի ձեռս իւրեանց էր՝
արտաքոյ արգունի հրամանին
զիւրութիւն առնէին նոցա , եւ
սէր ինամոյ ունէին առ ամե-

նեսեան , եւ քաղուժ անդամ
զմարմնաւոր պէտս նոցա խնուին
նոքա : Մանաւանդ զի նշանք
եւս բժշկութեան յԱստուծոյ
յաջողեալ լինէր ի ձեռս նոցա .
որպէս զի քաղուժք ի դիւանա-
րաց սրբեցան ի նմին քաղաքի՝
ուր կապեալքն կային : Իբրեւ
սչ ոք գոյր առ նոսա քահա-
նայ , դիմէին առ նոսա հիւանդք
եւ ախտաժեռք քաղաքին , եւ
ընդունէին ի նոցանէ զիւրա-
քանչիւր զաւոց զառողջութիւն :

Նա եւ որ մեծ իշխանն էր
աշխարհին , զոր եւ Հարեւշդոժ
Շապուհ անուանէին , եւ նմա
իսկ յանձն էին ամենայն պատ-
ժաւորքն , մեծապէս գութ սի-
բոյ էարկ առ ամենեսեան :
Զծերս ի նոցանէ առ հարս ու-
նէր , եւ զմանկագոյնս ի նոցա-
նէ իբրեւ զսիրելի որդիս զը-
գուէր : Քաղուժ անդամ գրեաց
եւ եցոյց յարքունիս զվիշտս

նեղութեան կապելոցն , եւ
զառն առն իւրաքանչիւր զբարս
ազնուականութեանն ցուցա-
նէր նոցա . առաջի մեծամե-
ծացն տառապէր Զմնայր ազգի
ազգի հնարիւք , մինչեւ բա-
զում բարեխօսիւք ամին ի հա-
ւան զթագաւորն : Հրամայեաց
լուծանել զկապանս նոցա , եւ
բառնալ ի նոցանէ զսուգ պա-
տուհասին , եւ ագանել նոցա
հանդերձ զօրէն նախարարու-
թեանն . կարգեաց նոցա ոռ-
ճիկ , եւ զպատրաստութիւն ըս-
պառազիխութեանն հրամայեաց
յարքունուստ : Գրեաց եւ յանձն
արար մեծ սպարապետին , զի
ընդ զօրս արքունի երթիցեն ի
գործ պատերազմի :

Եւ իբրեւ այս այսպէս կար-
գեցաւ , եւ կազմեցաւ նոր հը-
րաման թագաւորին , ի քաղուժ
տեղիս՝ ուր եւ հասին՝ առաւել-
եալ գտան ի գործ արութեան ,

մինչեւ գոլութեան հրովարտակ վասն նոցա ի Գուռն տային : Որպէս զի քաղցրացաւ իսկ մըտաց թագաւորին , հրամայեաց զամենեսեանն ածել զառաջեալ : Եկին եւ յանդիման եղեն Յազկերտի արքայից արքային : Ետես զնոսա զուարթութեամբ , խօսեցաւ ընդ նոսա բանիւք խաղաղութեամբ , եւ խոստացաւ տալ նոցա զիւրաքանչիւր իշխանութիւն ըստ կարգի հայրենի պատուոյն , եւ արձակել զնոսա յաշխարհն օրինօք քրիստոնէութեանն , յորոյ վերայ եւ մեծապէս էին չարչարեալ :

Եւ մինչդեռ անդէն մեծաւ խնդութեամբ շրջէին ի կարաւանին առաջի թագաւորին , ի նմին ժամանակի հասանէր վախճան կենաց թագաւորին՝ յինն եւ տաներորդ ամի թագաւորութեանն իւրոյ : Եւ ընդ հակառակս ելեալ երկու որդիք

նորա ի վերայ տէրութեանն կռուէին . սաստկանայր գործ դառնութեան պատերազմին զերկուս ամս :

Եւ մինչ դեռ նոքա յայնմ խռովութեան էին , ապստամբեաց եւ Աղուանից արքայն . վասն զի քեռորդի էր նոցա , եւ ըստ կարգի հայրենի հաւատոցն՝ քրիստոնեայ էր յառաջ , եւ Յազկերտ արքայից արքայ բռնի մոգ արար : Եւ նորա գտեալ ժամանակ անձինն պարագոյ , հարկեցաւ զանձն ի մահ զնել . լաւ համարեցաւ մեռանել ի պատերազմի , քան ուրացութեամբ ունել զթագաւորութիւնն : Վասն այսր ամենայնի յապաղումն եղեւ արձակելոյն նոցա յաշխարհն :

Իսկ կրտսեր որդւոյն Յազկերտի դայեակն , Ռահամ անուն ի Միհրան տոհմէն , թէպէտ եւ ետես զգուռնոյն Ար-

եաց ընդ երկուս բաժանեալ , սակայն կիստո՞ն դազանաբար յարձակեցաւ ի վերայ երէց որդւոյ թագաւորին . հար , սատակեաց զգունդն , եւ ձերբակալ արարեալ զորդի թագաւորին՝ անդէն ի անդւոջն հրամայէր սպանանել : Եւ զմնացեալ զօրսն ածէր հաւանեցուցանէր , եւ առնէր միաբանու թիւն ամենայն Արեաց զնդին . եւ թագաւորեցուցանէր զիւր սանն , որում անուն էր Պերոզ :

Զի թէպէտ եւ Արեաց աշխարհին առնէր մեծապէս խաղաղութիւն , սակայն Ս. զուանից արքայն ոչ կամէր նուաճել անդրէն ի ծառայութիւն . այլ խրամատեաց զպահակն ձորայ , եւ անցոյց յայս կոյս զգօրսն Մասքթաց . միաբանեաց զմետասան թագաւորս զիւստնորդեայսն , եւ ընդդէմ եկաց սպանեցաւ Սրեաց զնդին ,

եւ բազում մնասս արար զօրացն արքունի : Թէպէտ եւ երկիցս եւ երիցս ետուն հրովարտակ աղաչանաց , ոչ ինչ կարացին ածել զայրն ի հաւանութիւն . այլ զրով եւ սպանուցանաւ յանդիմանէր զնոսա՝ վասն զուր աւերածի աշխարհին Հայոց : Յիշեցուցանէր նոցա զմահ նախարարացն եւ զչարչարանս կնպելոցն : « Ի վերայ այնչափ սիրոյ եւ վատեակոց , փոխանակ կեանս առնելոյ՝ զարեւ հատէք , ասէր : Լաւ լիցի ինձ , ասէ , զնոցս չարչարանսն յանձն իմ առնուլ , քան թողուլ զքրիստոնէութիւնն » :

Եւ իբրեւ տեսին , թէ ոչ բռնութեամբ եւ ոչ սիրով կարացաք ածել ի հաւանութիւն , գանձս սաստիկս ետուն տանել յաշխարհն Խայլանդրաց , բացին զգրունս Սլանաց եւ հա-

նին գուհի բազում ի նոնաց ,
 եւ կոռեցան տարի մի ընդ
 Աղուանից արքայի : Թէպէտ
 եւ թօթափեցան եւ ցրուեցան
 զօրքն իւր ի նմանէ , սակայն
 զնա ոչ կարացին հնազանդել .
 այլ եւ հարուածք եւս մեծա-
 մեծք հասին ի վերայ նոցա ,
 էր որ կոռով եւ էր որ ախ-
 տիւ չարչարանօք : Եւ յայն-
 չափ ժամանակաց ընդերկարել
 պաշարմանն , մեծ կէս աշխար-
 հին աւերեցաւ , այլ ոչ ոք ի
 նմանէ երկմտեալ բաժանեցաւ :

Յղեաց առ նա դարձեալ թա-
 դաւորն Պարսից . « Զքոյրդ իմ ,
 ասէ , եւ զքեռորդիդ ի բաց
 տուր ածել , զի ի բնէ մոզք է-
 ին եւ դու քրիստոնեայ արա-
 բեր , եւ աշխարհդ քեզ լիցի » :
 Իսկ սքանչելի այրն ոչ ի տէ-
 բութեանն վերայ կոռէր , այլ
 յաստուածպաշտութեանն : Ըջ-
 մայրն եւ զկինն ետ տանել ,

եւ զաշխարհն բովանդակ ի բաց
 եթող . եւ ինքն դաւետարանն
 առ եւ յաշխարհէն ի բաց կա-
 մէր գնալ :

Զայս իբրեւ լուաւ թագաւո-
 րըն , կարի զեղջ եւ ապաշաւ
 անկանէր ի միտս նորա , եւ զա-
 մենայն վնաս իրացն զհարբն
 իւրով արկանէր : Անուա եր-
 գումն կնքէր եւ տայր տանել
 առ նա , եթէ յաշխարհէդ մի-
 այն մի գնար , եւ զինչ ասես
 առնեմ : Խնդրեաց զմանկու-
 թեան սեպհականն , զոր հօր
 իւրոյ շնորհեալ էր նմա ի տը-
 դայութեան հազար երդ . առ
 զայն ի թագաւորէն , եւ նըս-
 տաւ ի նմա միայնակեցօք հան-
 դերձ : Եւ այնպէս հանապա-
 զօրդեաց զինքն յաստուածային
 պաշտամանն , զի եւ չյիշէր ա-
 մենեւին թէ եւ թագաւոր լեալ
 իցէ յառաջ :

Եւ այս ամենայն յերկար խը-

ոտվութիւնք, որ եղին մինչեւ ի հինգերորդ ամն Պերոզի արքայից արքայի, պատճառք եղին չարձակելոյ նախարարացն Հայոց: այլ ոռձկաւ ի տաճար մտանել յարքունիս մեծապէս առատացոյց քան զամաց սովորութիւնն:

Եւ ի նմին հինգերորդ ամին զբազմաց նոցա անդրէն զկեանս չնորհեաց, եւ այլոցն առ յոյսն խոստացաւ՝ յամն վեցերորդ միանգամայն արձակել զամենեսեան կենօք եւ պատուով:

Քայց ի տեղի այսր ինձ դարձեալ դալ պիտի:

Իսկ կանայք երանելի առաքինեացն եւ կապելոյն եւ անկելոցն ի պատերազմին՝ ընդ ամենայն աշխարհն Հայոց համօրէն համարել ես ոչ կարեմ. զի բազում այն են զոր ոչ գիտեմ, քան թէ գիտիցեմ: Զի

հինգ հարիւրով չսփ յականէ յանուանէ ճանաչեմ. ոչ միայն որ աւագագոյնքն էին, այլ զբազումն ի կրսերագունաց անտի:

Ամենեքեան միահամուռ զերկնաւոր նախանձ բերելով, ոչ ինչ ընդհատ երեւեցան յայնչանէ՝ որ ոչ ճաշակեցին զաշխարհ: Քանզի եթէ աւագագոյնք էին, եւ եթէ մանկագոյնք, զմի առաքինութիւն հաւատոյ զբեցան: Ոչ ինչ յիշեցին ամենեւին զանուն փափկութեան մայրենի ազատութեանն, այլ իբրեւ մարդք՝ որ վշտամբերք լեալ իցին անգստին ի շինական սովորութեանցն տանջելով վարեալ ըզկեանս աշխարհիս, անդրագոյնք եւս քան զնոսս յանձն առին զհամբերութիւն վշտաց:

Ոչ միայն հոգիան մխիթարեալ կացին առ աներեւոյթ զօ-

բութիւն յուսոյն յաւիտենից ,
այլ եւ մարմնոյ նեղութեամբ
առաւել եւս բարձին զբեռն
ծանրութեան : Զի թէպէտ եւ
ունէին զիւրաքանչիւր ձեռնա-
սուն սպասաւորս , ոչ ոք եւ
բեւէր ի նոցանէ՛ թէ որ փի-
կինն իցէ եւ կամ որ նափշ-
տըն . մի հանգերձ էր հասա-
րակաց , եւ միապէս գեռնա-
խշտիք երկոքեան : Ոչ ոք ու-
մեք անկողնարկ լինէր . քանզի
եւ չճանաչէին իսկ զխոտեղէն-
սըն բնորել ի միմեանց . մի
գոյն թխութեան փախայիցն ,
են մի գոյն սեւութեան սնարից
բարձիցն :

Ոչ գոյր նոցա համեմ խախա-
մոքք անուշարար առանձինն ,
եւ ոչ հացարարք որոշեալ ի
պէտս սպասու ըստ ազատաց
կարգի , այլ հասարակաց էր :
Շարաթամուսն ըստ կարգի մի-
այնակեցաց , որ յանապատի բը-

նակեալ են : Ոչ ոք ումեք ջուր
ի ձեռս արկանէր , եւ ոչ կըրա-
սերք աւագաց զաստառակս
մատուցանէին . չանկաւ օշնան
ի ձեռս փախկապուն կանանց ,
եւ ոչ մատուցաւ եւզ ի զուար-
թութիւն խրախութեան : Զե-
ղան առաջի սուրբ սկանզք ,
եւ ոչ անկան բաժակակալք
յուրախութիւն . չեկաց ուրուք
նոցա նուիրակ առ դուրս , եւ
կոչեցան պատուականք յարանց
ի տաճարս նոցա . չյիշեցան նո-
ցա՛ թէ դուցէ ոք ամենեւին ի
բնակասնունդդ դայեկաց եւ կամ
բնաւ ի սիրելի հարազատաց :

Փոշոտեցան եւ ծխոտեցան
սրահակք եւ սրակապանք նո-
րեկ հարսանց , եւ սարգի ու-
տայնք ձգեցան ի սննեակս ա-
ռազաստաց նոցա . կործանե-
ցան բարձրագանք տաճարաց
նոցա , եւ խանդարեցան սպառք
երախանաց նոցա . անկան կոր-

ծանեցան սպարանք նոցա ,
 եւ տապալեալ աւերեցան ա-
 մուրք ապաստանի նոցա : Զո-
 րացան ազազեցան բուրաստանք
 ծաղկոցաց նոցա , եւ դաշտա-
 խիլ եղեն որթք գինեբեր այգ-
 եաց նոցա :

Աչօք իւրեանց տեսին դշ-
 փշտակութիւն արարոց իւրեանց,
 եւ ականջօք իւրեանց լուան
 դշարչարանս վշտից սիրելեաց
 իւրեանց : առան գանձք իւր-
 եանց յարքունիս , եւ ոչ մնացին
 ամենեւին զարդք երեսաց իւր-
 եանց :

Տիկնայք փափկասունք Հա-
 յոց աշխարհին , որ զրդեալք
 եւ զգուեալք էին յիւրաքան-
 չիւր բաստեռունս եւ ի դա-
 հաւորակս , հանապազ բոկ եւ
 հետի երթայլին ի տունս ազօ-
 թից , անձանձրոյթ խնդրեալ
 ուխտիւք՝ զի համբերել կարաս-
 ցեն մեծի նեղութեանն : Որ ի

մանկութենէ իւրեանց սնեալ
 էին ուղղութիւն զուարակաց եւ
 ամճովք էրէոց , խօտաբուռ
 կենօք իբրեւ զվայրենիս ըն-
 դունէին զկերակուրն մեծաւ
 խնդութեամբ , եւ ոչ յիշէին
 ամենեւին զսովորական փափ-
 կութիւնն : Սեւացեալ ներկան
 մորթք մարմնոյ նոցա . վասն
 զի ցերեկ արեւակէզք էին եւ
 զամենայն զիշերան գետնաբեկք :

Սաղմոսք էին մշտնջենաւորք՝
 մրմունջք ի բերանս նոցա , եւ
 մխիթարութիւնք կատարեալք
 ընթերցուածք մարգարէիցն :
 Միաբանեցին երկու երկու իբ-
 րեւ ամուլք հաւանք եւ հաւա-
 սարք՝ ուղիղ տանելով զակօսն
 արքայութեան , զի առանց
 վրիպելոյ հասցեն ի նաւահան-
 զխան խազաղութեան :

Մոռացան զկանացի տկարու-
 թիւն , եւ եղեն արուք առա-
 քինիք ի հողեւոր պատերազ-

մին . մարտ եղեալ կուռեցան
 ընդ մեզսն կարևորս , հատին
 կտրեցին եւ ընկեցին զմահա-
 բեր արմատս նորս : Միամը-
 տութեամբ յազթեցին խորա-
 մանկութեան , եւ սուրբ սի-
 րով լուացին զկապուտակ ներկ-
 ուածս նախանձուն , հատին
 զարմատս ազանութեան , եւ
 չորացան մահաբեր պտուղք
 ռատոց նոցա : Խոնարութեամբ
 կոփեցին զամբարտաւանու-
 թիւն , եւ նովին խոնարնու-
 թեամբ հատին երկնաւոր բարձ-
 րութեանն : Ազօթիւք բացին
 զփակեալ դրունս երկնից , եւ
 սուրբ խնդրուածովք իջուցին
 զհրեշտակս ի վրկութիւն . լուան
 աւետիս ի հեռատանէ , եւ
 փառաւորեցին զՍտուած ի
 բարձունս :

Այլիք որ ի նոսա էին՝ եղեն
 վերստին հարսունք առաքինու-
 թեան , եւ բարձին յանձանց

զնախատինս այրութեանն : Իսկ
 կանայք կապելոցն կամօք կա-
 պեցին զմարմնաւոր ցանկու-
 թիւնս , եւ եղեն կցորդ չար-
 չարանաց սուրբ կապելոցն . ի
 կեանս իւրեանց նմանեցին քաջ
 նահատակացն մահուամբ , եւ
 ի հեռատանէ եղեն վարդա-
 պետք մխիթարիչք բանտար-
 գելեացն : Մատամբք իւրեանց
 վաստակեցին եւ կերակրեցան ,
 եւ զկարգեալ ռոճիկ նոցա յար-
 քունուստ՝ ամ յամէ թոշակ
 առնէին եւ տային տանել նո-
 ցա ի մխիթարութիւն : Անա-
 րիւն ճպտանց նմանեցին , որ
 երգոյն քաղցրութեամբ առանց
 կերակրանաց կեան , եւ կեն-
 զանի են միայն զօղն ծծելով ,
 զանմարմնոցն բերեն զնմանու-
 թիւն :

Բազում ձմերաց հալեցան
 առնամանիք . եհաս գարուն
 եւ եկին նորեկ ծիծեռունք .

տեսին եւ խնդացին կենցաղա-
սէր մարդիկ, եւ նոքա ոչ եր-
բէք կարացին տեսանել զանձ-
կայիսն իւրեանց: Մաղիկք
գարնանայինք յիշատակեցին
զպսակասէր ամուսինս նոցա,
եւ աչք իւրեանց կարօտացան
տեսանել զցանկալի գեղ երե-
սաց նոցա: Սպառեցան բարա-
կըք որսականք, եւ խցեալ
կուրացան արշաւանք որսոր-
դաց: Բնագրօք յիշատակեցան
նոքա, եւ ոչ մի տօնք տարե-
կանաց ոչ ամին զնոսա ի հե-
ռաստանէ. ի ճաշկատեղս նո-
ցա հայեցան եւ արտասուեցին,
եւ յամենայն յատեանս յիշեցին
զանուանս նոցա: Բազում ար-
ձանք կանգնեալ էին յանուն
նոցա, եւ անուանք իւրաքան-
չիւր նշանակեալ ի նոսա:

Եւ իբրեւ այնպէս յամենայն
կողմանց այլեկոժ լինէին միտք
նոցա, ոչ ինչ կասեալ թուլա-

ցան յերկնաւոր առաքինութե-
նէն: Արտաքնոցն երեւէին իբ-
րեւ այրիք սղաւորք եւ չար-
չարեալք, եւ յողիս իւրեանց
զարդարեալք եւ միթարեալք
երկնաւոր սիրով:

Ոչ եւս սովորեցին հարցանել
զեկեալ ոք ի հեռաստանէ, ե-
թէ երբ լինիցի մեզ տեսանել
զսիրելիսն մեր. այլ այն էին
իղձք ազօթից նոցա առ Աստ-
ուած եթէ որպէս սկսանն՝ քա-
ջութեամբ ի նմին կատարես-
ցին լի երկնաւոր սիրով:

Եւ մեք եւ նոքա հասարակ
ժառանգեսցուք զբաղաքամայ-
րըն բարեաց, եւ հասցուք
խոստանցելոց սիրելեացն Աս-
տուծոյ ի Քրիստոս Յիսուս ի Տէր
մեր:

ՎԵՐՉ

ԲԱՆ ԽՐԱՏՈՒ

ԵՂԻՇԷԻ ՎԱՐԴԱՊԵՏԻ

ՅԱՂԱԳՍ

Մ Ի Ա Ն Չ Ա Ն Յ

Մարդիկ, որ են ի մարմնի և կա-
մօք ետուն զանձինս իւրեանց յաստ-
ուած պաշտութիւն, անդստին ի
տղայութենէ խոկան՝ կրթին ի վշտամ-
բերութիւն. հետանան ի հայրենի
բնակութիւնէն, և վարին յանապատ
յանչէն երկիր. ոչ իբրև չարակնե-
լով նախանձոտք ինխուցեալք ի բազ-
մամորդոց ազքատոց, այլ զի տեսա-
նեն զաշխարս լի ամենայն չարեօք
խոյս տան ի խորշս և ի ստորոտս ա-
նապատ վայրաց :

Չոր տեսանելք իսկ յաճախ ի կող-
մանս հարաւոյ բաղնիսթիւն արանց
առանց կանանց միաբանութեան,
յազգաց և ի լեզուաց զմիով վայրօք
հասեալք, ժողովեալք իբրև ի հայ-
րենի գաւառս՝ առնեն զբնակութիւ-
նըս երկու ընդ երկուս, և կամ երեք
ընդ երես, և կամ եւս բազումս քան

զայնս : Եւ շինեն իւրաքանչիւր խրք-
կունս զատուցեալս ի միմեանց. որմն
գուզնաբեայս առ ջրայն պահպա-
նութիւն, և զայդ նմին ձեղուն՝ առ-
արեգական պահպանել. յասակք
այնոցիկ են անպաճոյճ՝ շատացեալք
խտեղէն անկողնօք : Եւ քանզի բը-
նութիւնս մեր զուղակ է՝ սիրէ ծած-
կել զմերկութիւն, առնեն և նորա
հանդերձս անպաճոյճս և յոյժ գձու-
ձըս, կորոյս ամբարնի և թեզանա-
ւորս ձմերանի, արկանեն և աղաբո-
ղոնս մեկնաւորս :

Մանուանդ ի պարս շրջակայ ան-
գաղար պաշտամանն՝ երգս հոգեւորս
հօրն բարբեցուն մատուցանեն զը-
ուարթ հոգեով : Ան ընդդէմ միմ-
եանց զաչս ի վայր արկեալ՝ զծայրս
ոտից մատանցն նկատելով, իբր թէ
մի կէտ տեսակի ամենեքեան հայեա-
ցին. զաճ ձեռն ի վերայ ծնօտին եղ-
եալ և զահեակն ի վերայ կրծիցն,
որպէս կարծեմ ուսեալ ի բնական
հարցն : Երկու են պատուականա-
բոյնք ի մարմնի. կենդանական և խո-
հական. երկրորմք երկոցունց սպա-
սաւորեալ. կենդանականին սրամը-
տականն է հականակ. իսկ խոհակա-
նին արտաբերական բունս : Արդ ձա-
խուն զերասանակ ի ձեռն առեալ՝

զարտմտականն սանձակոծիցէ, և զաջ
 ձեռն ի վերայ աջոյ ծնօտին եդեալ՝
 խոհականին սպաս ունի առ դրան
 բերման բանին, զի մի՛ սյլակուծիւն
 յուղիղ փառաարուծիւնն խառնեա-
 ցի: Եւ ընդ այսու երկու մասամբքս
 նահանջին ամենայն զգայուծիւնք .
 աչք յուղիղ տեսուծիւն և ականջք
 ի զգաստ լսողուծիւն . միտք ի սուրբ
 իմաստուծիւն և այլն ըստ իւրաքան-
 չիւր մասին:

Եւ իբրև սյսպէս կարգեալք և
 յօրինեալք, ամենեքեան ի նմանու-
 թիւն վեցթեւեան սերովբէից շուրջ
 պարփակեալք, ձայնս անհաստ ի վեր
 հնչեցուցանեն, և օրհնուծիւն եռա-
 չափս ի խորհուրդ միաբանութեան
 արարչին իւրեանց բոլորեն: Զտիւն
 ամենայն պարտպին երգոցն բազ-
 րուծեան, յօգեալք և զմայեալք
 ի կերակուրսն երկնայինս՝ առ լցեալք
 հասանեն ի ժամ երեկոյին: Եւ քան-
 զի մարմին ունին ըստ ընուծեանս
 մերում զգայուծեանս, ուտեն՝ զի
 մի՛ քաղցիցեն, և ըմպեն՝ զի մի՛ ծա-
 րաւեսցին:

Արդ դու իբրև լիցես զուտեղն,
 մի՛ առ մերս ընթանայցես. զի հաց
 է նոցա անպաճոյճ և բանջար փայլե-
 նի՛ զոր համով աղին համեմեն, և

ջուր յառակ՝ զոր յամպոց բերմանէ
 ի գուրս ժողովէն: Սակայն և զայս
 ոչ երբէք ի տուրնջեան մասուցանեն
 ի դարմանս պիտոյից մարմնոց . այլ
 միաբան պահելով զերկայնուծիւն
 աւուրն, տեղի տան արեգական մը-
 տանեւոյ . ձգեն երկայնեն զերեկուան,
 մինչեւ աստեղք յիւրաբանչիւր կա-
 յանս պայծասանան. զոհանան ընդ
 մի բերան տակով . ի խաւարային
 ժամու զխաւարային կերակուրս
 խաւարային մարմնոյս տացուք:

Եւ զայս ասելով, ի ձայն բարձր
 փառատրեն զուրբ Երբորդուծիւնն,
 խնդալից ուրախութեամբ ակըմբին
 յիւրաբանչիւր տեղիս: Եւ սրպէս
 ասացաքն՝ ուտեն հաց և զոպա, և
 ըմպեն ջուր ցուրս: Քանզի գոն ի
 նոսա ծերք փափկալարք, մտաու-
 ցանեն ջուր ջերմ, զոր և բարեխա-
 ուրն նմուանեն. այլ զինի և կամ
 այլ ինչ զանազանեալ, ոչ գտանի ի
 ի սուրբ միայնանոցս նոցա:

Եւ յարուցեալ յանպաճոյճ ընթր-
 եացն, միաբանութեամբ ասեն
 փառք քեզ Տէր, փառք քեզ թա-
 գաւոր մեր, զի ետուր մեզ կերա-
 կուր ուրախութեան. լցո զմեզ Հոգ-
 ւով սրբով. զի գտցուք ասաջի քո
 հաճոյս, և մի՛ ամաչեսցուք. զի դու

հատուցանես իւրարանչւորոց ըստ
գործոց իւրեանց: Եւ սյսպէս տեսա-
նագրելով զինքեանս՝ տան զանձինս
սակաւ մի անտոյր քնոյ . զի մի ահալ
կերակրովք գեղեցիկ շինուած մար-
մնոյն շփոթեալ խանգարելի: Ես և
եթէ յամեն եւս ի բունն, երգչ հո-
գեկան տեսանեն, և անդէն զանուրձ-
սըն մեկնեն իբր զբանս սուրբ մար-
գարէիցն:

Եւ զարթուցեալք առ հասարակ
անդէն ի շրջանս պարուց բոլորին:
ոչ հակառակք և ոչ ընդդիմացեալք,
քաղցր հասանութեամբ և հեղ հան-
դարտութեամբ: Առաջնորդք դա-
սուցն հնչումն ձայնի արձակեն, եր-
գըս հոգեւորականս քաղցրանուաղս
փոփոխելով. իսկ այլ կրեւրագոյքն
ձայնիցն միտ գնելով, խառնեն զեւ-
րաքանչիւր բարբառոս յարմարելով
և կազմելով զմիտարանութիւն հընչ-
մանն, զի իբրեւ ի միջէ բճրանոյ
ամենայն բազմութիւն ձայնիցն հըն-
չիղէ: Եւ սյսպէս յերկարելով զձայ-
նաւոր պաշտօնն. ծուր գնեն ամե-
նեքեան, յաղօթս կան լուութեամբ .
և ի ձեռն առաջնորդի աղօթիցն
կանդնեալք ամենեքեան զփաստա-
բութիւնն կատարեն:

Եւ կատարեալ զաւրընջեանն պաշ-

տօն, լաւ համարեցան զգիշերան
վաղայարոյց լինելով մինչեւ յառա-
ւօտ աղօթիցն պարապեալք, և ըն-
թեռնուն զգիրս սուրբս. իսկ որք
ունին շնորհս վարդապետութեան,
տանեն մեկնութիւնս ի միխթարու-
թիւն լողացն: Պատմեն վասն լինե-
լութեան աշխարհին յունչէ եղեալ,
և կարգեալ մի ըստ միջէ զխրատս
բարեաց կարգեն ի լեիլի ժողովըր-
դոցն վկայութեամբ սուրբ գրոց: Եւ
սյսպէս ուսուցանեն մինչեւ ժողա-
նալ լողացն դամենայն իրս աշխար-
հական, և յիշել ամենեւեմբ զհար-
կաւոր կերակուրս և ըմպելիս:

Եւ այնպէս ուրախացեալք ի սերն
Աստուծոյ, մինչեւ չհամարեալ զինք-
եանս ի մարմնի, այլ յերկինս. և
հեշտութեամբ անցուցանեն զեր-
կայնութիւն գիշերոյն մինչեւ յառա-
ւօտ: Քանզի ստկացեալք են յերկ-
բէս և զգացեալք զերկինս: Ամաչէ
մահ առ գրունն նոցա, և դառնա-
ցան դժուր յիմանիլ նոցա: Կենդա-
նութիւն նոցա գրունք են յաղօթից
աշխարհի, և ոսկերք նոցա գանձք
են ամենայն ապաւինելոց: Լուր նո-
ցա յորդորիչ է ամենայն հեղգացե-
լոց, և գործք նոցա վարդապետու-
թիւն ամենայն կամեցողաց . դասա-

կիցք են հրեշտակաց . և օթեւանք սուրբ երբորդութեանն :

Արդ զայս ամենայն գիտելով . եղբարք , պարտիմք թեւակոխել . և զնայն նախանձ սրբութեան յանձինս բերելով , նմանողք լիցաք այնպիսոյ բաղմագունդ միայնացելոյ յաշխարհէ և դիմելոյ ի քաղաքամայրն գերին , որ ազատ է յախտից երկրաւորաց . քանզի ընկերակիցք են մերոյ բնութեանս , որ զօրացուցանէ զակարութիւն մեր : Միայն կամեաց , բուռն հար հաւատովք , յուսս , սիրեա , և կարես տեսանել զայնպիսի նահատակութիւն : Չի ոչ ինչ համեմատ են շարչարանք ժամանակեանք առ կենդան որ պատրաստեալ է այնպիսի ճգնողաց :

Քանզի յոյժ իսկ երկուցեալ եմ ես ընդ հեղդութիւնս մեր . զբեթէ զամենեւեան տեսանմա՞թաւախեալ յերկրաւոր ստացուածս : Իսկ արդ բնութիւնս իմ՝ ոչ կշտամբեալ յանդիմանէ զիս , եթէ օտեղծոյ մերկ , և եթէ եղայ ի դբախտին մերկ , և եթէ ելի անտի մերկ , և եթէ ծնայ մերկ , և եթէ անդրէն յերկիր մերկանդամ եբթամ : Արդ եթէ ասնել աստի ոչ կարեմք , զի՞ եւս աստէն ի մին թարթախիմք յաշխարհիս : Մերկացիր ստկացիր , սկ միայնակեացգ .

մի՞ թաւ ամուր բնդունակ լինիր նեն . դաւոր թշնամեղն . զուցէ ի դարան մտեալ մօտալուտ՝ զքեզ անդէն ի քեզ արշաւեցէ կողսպուել , զերծանել ի քէն զգանձն երկնաւորս : Բաւական համարեաց քեզ զտերունեան կանոն , ոչ որ յերկրաւորացս կարէ երկուց տերանց ծառայել . որ յայտնագոյն իսկ ցուցանէ առանց միջնորդի և մեկնութեան . Ոչ կարէք զուք , ասէ , Աստուծոյ համոյ լինել և մամնիսայի :

Եւ արդ կտեսանեմ ի մերում աշխարհիս և ոչ զքբ ազատեալ յայպիսի անլախից : Յեաս բնդդեմ ընթերցաք զբեթէցիկ դբալին , ի պատճառս ուխտաւորութեան հեռացաք ի սուրբ ծնողացն , և արարաք բազում հարս օտարօտիս . զօրս պատուելոյ արժանի էր՝ անարդեցաք , և յորս ոչն ունեաք իշխանութիւն զնել մեծարանս՝ զախա ազեախց մերոց յոյժ ծախեցաք : Ազատացաք յարբունի հարկեաց՝ որոց առանց մեղաց էր հարկիլն , և մտաք ընդ հարկաւ ստացուածոց , որ լի են սնտուակ ազատութեամբ : Չելաք յանկողինս սուրբ հարսանեաց , և արարաք մեզ բարձրաբաշտոս առաւել քան զաշխարհի : Քնախկանամբ յանկողինս յարմարեալս

և յածեալ կոծին միտք մեր ի խոր-
հուրդս արտեղիս զգեղերն ամենայն :
Կօշիկք ոտից մերոց յանդ խմանեն
զմեզ, եթէ ոչ սուրբ են ճանապարհք
մեր : Հանդերձք մեր աղադակեն
զգործոց մերոց, եթէ մերի եմք յերկ-
նաւոր զգեստուցն : Երկնայրք մեր
ցուցանեն զմեզ, եթէ ոչ եմք յա-
փրշտակելոց ընդ առաջ Տեառն ի վե-
րայ օդոց : Ըննուածք ապարանից
մերոց յայտ առնեն, եթէ ոչ ունիմք
մէք տաճար առանց ձեռագործի
յերկինս, յոր մտանելոց են ամենայն
դառք սոսկացելոցն յերկրաւոր ար-
տից : Կարուածք անդատանաց մե-
րոց կշտամբեն զմեզ, եթէ չիք մեր
բաժին ի վիճակն երկնաւորս :

Մրդուզք անյապք եղաք ի կերտ-
կուրս, և առանց չափոյ արեաք գե-
նի պղտորիչ խորհրդոյ և մտաց : Խոր
ի բուն ննջեմք ամենեքեան, և երազ
թուի մեզ ճշմարտութիւն : Կա-
փուցեալ են աչք մտաց մերոց ի տե-
սական խորհրդոց, և անյապ պակ-
շտեալ հայել ի կեանս աշխարհիս :
Սրգեկեալք զսեխիս ի սուրբ ընթերց-
ուածոց, և ունինդիր եմք բառաշման
խաշանց մերոց : Աչ եկն ի մեզ հոտ
անոյշ ի Հոգւոյն սրբոյ, վասն զի սի-
րեցաք մեր զեւզ արտալից աշխար-

հիս : Աչ ճաշակեցին քիմք ոգւոց մե-
րոց զկերակուր երկնային, վասն զի
պարարեցաք զանձինս մեր ի զանազան
խորտիկս : Մութ է գոյն դիմաց մերոց,
ոչ զուարթացան երեսք մեր ի խոր-
հուրդս արութեան : Յաւալից են
անդամք մարմնոց մերոց, վասն զի
յառաջ քան զմարմինս զողիտ ար-
տացուցաք : Գերեզմանաց բուելոց
նմանեցաք յանձինս մեր, վասն զի ու-
նայն եմք ի Հնորհաց սուրբ Հոգւոյն :
Վասն այտորիկ և ամենայն չարիք
եկին հատին յառուրս մեր . կենդան-
եաւ մերով տեսաք զդիակաւանս ան-
ձանց մերոց : Քաջ նահատակք մեր
անկան ի պատերազմի, և սուրբ քա-
հանայք մեր խողխողեցան ի ձեռաց
անօրինաց . գեղեցիկ երիտասարդքն
զեանս ի սպանումն, և բազում կու-
սանք վարեցան ի գերութիւն . գիրգ
կանայք անկան ի տառապանս սյ-
րութեան, և բազում ոտքք կականին
դառնապէս : Ազատ եկեղեցի անկաւ
ի ծառայութիւն Տեթմնտոց, և
սուրբ քահանայք նորս կուփին չար-
չարին յանօրէն հարկահանոց : Բարձ-
եալ է ողորմութիւն յաշխարհէ . և
հեռացեալ է գութ յիւրաքանչիւր
մտաց : Երկնք ի վերուստ բարկաց-
եալ են, և երկիր ի ներքուստ կոյ

յերբրի տասանման :

Շինուածք մեր եղեն գերեզմանք
 դիականց մերոց , և վաստակք ձե-
 ւաց մերոց տապալեցան ի վերայ մեր :
 Պայթեաց և պատառեցաւ թանձ-
 րութիւն երկրիս , և բազում մարդիկ
 ի վայր հոսեցին : Ոչ սպասեաց որդի՝
 հօր , և ոչ քոյր զաչս եղօօր կայաւ ,
 և ոչ ել ձայն լալոս կանանց ի վերայ
 ծննդոց իւրեանց , վասն զի լքոյց
 սոյլ զբերանս նոցա : Հօրք խորտա-
 կեցան յանկարծակի իբրև զմայրս
 բարձունս Լիբանանու : Հնձանք ե-
 ղեն բարկութեան , և ճմլեցան ամե-
 նեքեան իբրև զոզկոյզս ընդ ոտամբ ,
 փոխանակ դինոյ՝ արիւն անմեղաց
 ցոյտեցաւ ի հանդերձս մեր : Գառ-
 նացաւ քան զեղի կերակուր ի քիմն
 մեր , և ի քացախ գարձաւ սուրբ
 ըմպելիք մեր : Բնդ հարեալսն հարաք
 ամենեքեան յողի և ի մարմինս մեր ,
 և ընդ մեռեալսն զմահ ճաշակեցաք :
 Արդ ո՞չ ապաքէն վասն մերոյ հեղ-
 դութեան ոնցին այս անցք չարչա-
 րանաց ընդ աշխարհ :

Օն անդր ի բաց կաց յաշխարհէ ,
 որ վաղդ ելեր մեկնեցար յաղեալից
 սորա . թօթափեալ ընկեա ի բաց
 զկեղեւանս ակտայից աշխարհի :
 Մերկեաց իբր զմշամբարտիկ , օծ իւ-

զոյն Քրիստոսի , զի մի՛ կառեացին ի
 քեզ ձեռք ակոյսանին : Իսկ արդ ե-
 թէ հեթանոսք , որ ըմբռնեցան ի
 տեսական իմաստութիւն , ոչ միայն
 ի ստացուածոց ի բաց կացին , այլ
 և յորինաւոր կերակրոց հրաժարեցին ,
 համառօտ և անպաճոյճ ըմպելիօք
 շատացան յանձինս իւրեանց , և ա-
 ռաքին ի մահուամբ վախճանեցան ի
 կատարած կենաց իւրեանց , ո՞րչափ
 եւս առաւել մեր պարտիմք նմանողք
 լինել Քրիստոսի սիրելեացն , որք հրեշ-
 տակակոծք զանձինս կարգեցին , խառ-
 նելով զինքեանս ի դունդս վերնոցն :

Եկայք և մեք , ո՞վ միայնացեալք ,
 զօրէն թշնամեաց մտոքք ի մերն բա-
 տացուած իբր յօտար երկիր , արմա-
 տախիլ զմառատունկս թշնամեացն կա-
 տորեսցուք . իբրև զգերի առեալ
 ծախիցեմք ի նեղեալս զինչս մեր , ոչ
 զի ափիցեմք զազգականս , այլ զի սի-
 բիցեմք զաղքատն , որ են զօրականք
 Քրիստոսի և ճշմարիտ բարեխօսք :
 Ապա թէ աստէն կապիս ընչիւք , և
 քեզէն վարես զքեզ յանդարձ գե-
 րութիւն , ուր չիք անդ գինք վերկա-
 նաց : Փութա փութա ճեպեա , եղ-
 քայր , սպրիլ յայնպիսի անորոմ
 գէհեմէ . զի կարիցես հասանել յա-
 մուր քաղաքն , ուր ոչ գոյ քեզ կառ-

կած կամ երկիւղ խախտիլ և վարիլ
ի գերութիւն :

Եւ եթէ եկեացես զՏեա հարցն գե-
ղեցիկ վարդապետութեան, զորս վե-
րագոյնն դժագրեցի քեզ զվարս սուրբ
միայնակեցացն, յայնժամ կարացես
ամբառնալ զաչս մտացդ առանց
տխտից հարչարանաց, հայել և տե-
սանել զքեզ գեր ի վերոյ քան զա-
մենայն երկինս : Երանի տայցես ան-
ձինդ քաջապէս ճողողեալ ի վառ-
լից կենաց աշխարհիս, և խառնես-
ցիս յերամ' միայնակեցացն, ի դուն-
դրս սրբոց արդարոց, ի վիճակ առա-
քելոց, ի դումարս մարգարեկց, ի
կաճառս մարտիրոսաց, ի բանակս
հրեշտակաց և ի ժողովս անդրանկաց,
ի մեծ քաղաքն երկնից, ի բազմա-
կանն արբանձամեան, և ի կերակուրս
երկնայինս և յըմպելիս անկարօսս :
Դու ես այնուհետեւ մարգարէ, որ
ոչ պատուեցար ի մարմնական աշխար-
հիս, ոչ թեւածեալ թուեար յան-
մարմին աշխարհի, և հանդուցեալ
զազարեցեր յանապական ուրախու-
թիւնն : Յորս լիցի և մեզ վերջին
գրչութեամբ աշխատողացս՝ միաբա-
նութեամբ սուրբ ուխտիւս վայելել,
չնորհօք Տեառն մերոյ Յիսուսի Քրի-
ստոսի, որովմիայն իմեալսն ամեն :



Հ
ԱԿ. 1

5 n.

Handwritten text in Armenian script, likely bleed-through from the reverse side of the page. The text is partially obscured by the binding and is difficult to decipher fully.

0015924

2013

« Ազգային գրադարան »



NL0015924

